


g. h. 18


6.24.18

A

9. 4. 18.

3. 4. 18.





ANTONII LAMPRIDII

D E

SUPERSTITIONE VITANDA,

Sive Censura

VOTI SANGUINARI

IN HONOREM IMMACULATÆ CONCEPTIONIS
DEIPARÆ EMISS,

A Lamindo Pritanio antea oppugnati, atque a Candido Parthenotimo
Theologo Siculo incassum vindicati.

*Non sis nobis Religio in phantasmatibus nostris. Melius est enim
qualecumque verum, quam omne quiddid pro arbitrio fingi
potes.* Sanctus Augustinus Lib. de vera Relig. Cap. LV,

MEDIOLANI, MDCCXL
SUPERIORUM PERMISSU.

Prostant Venales

V E N E T I I S,

Apud Simonem Occhi, sub Signo Italizæ.



Ex dono...

AD LECTOREM

PRECES AUCTORIS.

S*I quisquam ad hoc Opusculum legendum accedet, certe duplex hominum genus erit. Alterum eorum, qui Sanguinariū Votum numquam susceperē, suoque nondum examini subjecerunt. Ab his nihil mihi, nihil lucubrationi huic timendum est. Immo ut ad illorum Tribunal potissimum causa ista deferretur, in votis mihi esset; quum enim in neutram partem hactenus eorum iudicia declinarint, nemo æquius quam illi & rationes perpendere, & sententiam hac de re ferre possit. In classe ista, ni fallor, potiore Catholicorum partem videre mihi videor. Alterum illorum est, qui jam se hujusmodi Voto obstrinxerunt, & quamquam plerique sine ullo examine in illud consenserint, mentibus tamen præoccupatis ipsum tueri, quacumque ratione possint, suum ducent. Non querelæ non iratæ tantum voces ab iis expectandæ, sed & quidquid humana sagacitas, & potentia præstare queat ad eliminandum, opprimendumque Librum, in re præsertim Pietatis, suis oppositum placitis. Sed si quid meæ preces possunt, quemlibet supplex rogo, ut antequam ad hæc legenda se conferat, secum reputet, quanto bonore, quoque amore digna sit veritas. Hanc enixe expiscari, hanc anteferre, idque libenter, opinionibus suis, est hominis bene compositi, seque ac sua recte amantis. Si sapias amicum dicas, non hostem, qui te*

*vera aut meliora doceat. Quod non ideo dictum velim, quasi a Lectore exigam, ut antea persuasum habeat, a me fari Veritatem, quam sententiæ meæ rationes exceperit. Id unum ego precibus meis concessum velim, ut pacato dumtaxat animo Lector ista legat, ipsoque in limine lectionis præconceptas tantisper seponat Opiniones, easdem recepturus e vestigio, nisi me propiora vero, sive solidiora tradentem agno-
verit. Porro iniquum foret mihi irasci, quod tacentibus aliis istam ego provinciam susceperim. Interest profecto Rei publicæ Catholicæ in examen adduci, quidquid novitii oc-
currit in Doctrina Fidei, magnique momenti est in Doctrina Morum. De Vita hominum in eo Voto agitur. Num id tibi leve, num contemnendum videatur? At inquis: Pietatem sententia mea præfert. Audio. Sed quid si Superstitionem? Huic adversari, totisque obistere viribus, inficere, si poter, quin veræ Pietatis, quin rectæ Rationis sit opus. Reliquum ergo est, ut uno Veritatis amore ductus pacifice hæc legas, in eam denique concessurus sententiam, quam non Affectus, sed Regina ipsa Veritas amplectendam suadebit.*

PRÆFATIO.

DEcem & septem jam effluerunt Anni, ex quo primum prodiiit Lutetiæ Parisiorum Tractatus meus *de Ingeniorum moderatione in Religionis negotio*, alibi postea recusus. Ibi Libro II. Cap. VI. pag. 254. palam prodidi, improbari mihi eorum consilium, qui voverent se daturos Sanguinem pro tuenda sententia, tribuente immunitatem ab Originali culpa Beatissimæ Virgini Mariæ. Nullus me livor, nullius odium, me ad hujusmodi Votum improbandum permovit. Una illius, ut mihi videbatur, & adhuc videtur, deformitas verba censuræ aliqui placidæ ministravit. At post complures annos, hoc est Anno 1729. emerfit tandem Siculus Scriptor, immo Theologus, & *sacrae Theologiæ Professor*, qui sub nomine *Candidi Partbenotimi Theologica*, cui titulus *Votum pro tuenda immaculata Deiparæ Conceptione ab oppugnationibus Lamindi Britanni vindicatum*. Sero ad me delatus est Libellus, isque etiam me invenit aliis negotiis, curisque distentum, e quibus Eruditorum Republica, si Deus dabit, aliquando fructum recipiet. Alienum præterea me sentiebam a suscipienda, sive continuanda ejusmodi pugna, non quod putarem, quidquam ereptum veritati ac soliditati sententiæ meæ; sed quod jam longa experientia didici, adeo composita esse, immo male disposita ingenia, animosque mortalium, ut quam semel opinionem imbuerunt, atque firmarunt, fere semper retineant, ac potissimum si concertationibus res agatur. In incendium quippe maximum facile tunc erumpunt homines; & amore sui, suæque famæ tutela urgente ita abripiuntur, ut Veritatem vel ante pedes positam sæpe non agnoscant. Jam judicarunt pro illa sententia, firmumque ei assensum præbuere, immo & alios docuere: molestissimum deinde est, atque intolerandum, judicare contra ingenium proprium, contra se ipsum. Stat ante oculos existimationis propriæ periculum; mentemque agitat ac premit dirum illud phantasma: quid de me docti, quid Populus ipse dicturus est, si vincar, eoque plus, si me victum fatear? Quare effugia omnia quærunt, ratiunculas quasque sibi oblatas arripiunt; & quum nihil aliud superest, invidiam adversario creant; odiumque hominum, si quo pacto possunt, in eum concitant. Nullam denique artem, nulla externa auxilia negli-

ferant auctoritati Lamindi Pritami, uti jam fecit idem Parthenotimus pag. 101. ubi in hæc fulmina erumpit: *Erras, quisquis es, Lamindi additus jurare in verba Magistri, si umquam credis, quod Orbi Catholico Lamindus sit ille bonus vir Horatii,*
Quo multæ, magnæque secantur Iudice lites.

Bono sit animo Parthenotimus: sive cum Pritanio antiquo, sive cum nupero *Lampridio* manus conferat, ei certamen erit cum homine vix noto de nomine, & qui rationibus tantum, non vero sui nominis majestate pugnet. Sed jam itineri nos committamus.

Dixi, offerre heic se nobis rem non levis momenti; immo maximi dicendum mihi fuit: id quod nullo negotio unusquisque, dum tantillum consideret, vel me tacente deprehendet. Non agitur heic de privata cujusquam hominis Opinione, in latebris conclusa, & paucis nota, quamquam & in istam exere-
re arma cuicumque liceret, quoties eam adversari rectæ doctrinæ persuasum haberet. Agitur de Opinione, quæ jam in editis Libris disseminata est, quæ Populis integris ingenti conatu e sacris suggestis suaderetur, inculcatur, tamquam eximum Christianæ Pietatis experimentum, & quam propagare nonnulli quantis possunt viribus adhuc pergunt. Mutinæ auditus est mihi sacer quidam Orator, e Campania ad nos profectus, Populo sublime ejusmodi (ut is putabat) sacrificium pluribus commendans. Suasit quidem, at non persuasit: doctis interea mirantibus atque improbantibus informem illius zelum atque sententiam. Nunc tibi aliquantisper singe, sanguinariam hanc Opinionem pugnare cum Dogmatis Catholicæ Ecclesiæ: teterrimum jam sentis monstrum in Italiam investum, & fieri posse, ut plura hominum millia ad mortem sine ratione incitentur, & horreant cunctorum animi ad incautam hanc & temere quæsitam mortalium carnificinam. Nam quod nullus nunc timor instat cædium, ac nondum natum credere fas est Tyrannum quemquam hac de causa in Catholicam gentem debacchaturum, propterea innoxiam atque serendam hujusmodi Opinionem immerito quisquam censeat. Si imprudens, si temeraria est, continuo abjicienda, ac ejuranda est, ne altas radices agat, quas comprimere, ac evellere, quum velis, non liceat; & ne probare nunc videaris, quod aliquando sis abominaturus. At enim, inquires, & nunc, & futuris quibusque temporibus stat ac stabit hæc opinio, utpote solidis fundamentis nixa. Ita censes, & bona fide, ut arbitror. An ita judicaturi sint alii, sitque dein-

deinceps omnibus judicandum, investigatum nunc pergo. Interea ne tu quidem inficias ire potes quin gravissimi ponderis sit hoc argumentum, maximique referre, non perfunctorie, sed attenta meditatione, in illud aciem intellectus converti, ut qui hactenus a Voto isto effundendi Sanguinem sibi caverunt, si forte illud temeritate nequaquam carere perspiciant, eo diligentius in posterum ab eo sibi caveant; & contra qui incaute illud concepere, prudenter suæ conscientiae consulere possint. Grandis flagitii reus esset Theologus, qui vel unum e Fidelibus sua doctrina impelleret ad Mortem temere subeundam. Quid postea, & integrum Populum?

CAPUT PRIMUM.

Decreta Romanorum Pontificum, & Concilii Tridentini servanda in Quæstione de Immaculata Deiparæ Conceptione. In quo sita Controversia inter Pritanium & Partbenotimum. Votum de tutanda, voce & calamo, sententia favente Immunitati Marianæ laudatum. Improbatur Votum Sanguinarium pro illius tutela.



ED antequam in argumentum ipsum invadam, præoccupanda difficultas est, quæ instituenti disputationem de *Voto Sanguinario* e vestigio occurrit. Nempe fieri non posse, ut sententia de Conceptione Immaculata Sanctissimæ Virginis sæpe non recurrat, quum super ipsa sententia innitatur Votum, de quo sermo nobis futurus est. Delicata profecto materies, pluribus Romanorum Pontificum edictis, pœnisque non unius generis circumsepta: quæ omnia heic innuere tum ad meam, tum ad legentium cautelam necessarium duxi. Primus Sixtus IV. Papa anno 1483. edita Constitutione, *Grave nimis anathema statim incurrendum indixit cuicumque præsumenti affirmare, eos, qui crederent, aut tenerent Dei Genitricem ab Originalis peccati macula, sua Conceptione præservatam fuisse, propterea alicujus Hæresis labe pollutos fore, vel mortaliter peccare.* Deinde Pontifex idem simili pœnæ ac censuræ subjecit eos, qui ausi fuerint asserere, contrariam Opinionem tenentes, videlicet gloriosam Virginem Mariam cum Originali peccato fuisse conceptam, *Hæresis crimen, vel peccatum incurrere mortale, cum NONDUM sit a Romana Ecclesia, & Apostolica Sede decisum.* Subinde sacrum Concilium Tridentinum Sessione V. Constitutionem Sixti confirmavit, inquiens: *Declarat tamen hæc ipsa Sancta Synodus, non esse suæ intentionis, comprehendere in hoc Decreto, ubi de Peccato Originali agitur, Beatam & Immaculatam Virginem Mariam Dei Genitricem; sed observandas esse Constitutiones felicitis recordationis Sixti Papæ Quarti sub pœnis in eis Constitutionibus contentis, quas innovat.* Præunte potissimum Sancto Pio V. & Cardinali Palavicino in Historia Concilii Tridentini novimus, ne tunc quidem definitum aliquid fuisse de celebri ista Quæstione, sed eam in illo statu relictam fuisse, in quo jacuit sub Sixto IV. Successit idem Sanctus

Clus Pius V. Pontifex Maximus, qui anno 1570. edicta Constitutione super speculam, ut cohiberet contentiones & scandala in Populo; quæ hujus quæstionis occasione quotidie oriebantur, edixit, *Quatenus nemo cujuscunque ordinis, gradus, conditionis, vel dignitatis existat, in popularibus Concionibus, vel ubi promiscua virorum & mulierum multitudo convenire solet, de hujus controversiæ alterutra parte disputare, rationibus, vel Doctorum auctoritate, asserendo propriam sententiam, & contrariam resellendo, aut impugnando, vel de hac ipsa quæstione, cujuscunque pietatis aut necessitatis prætextu, Vulgari sermone scribere vel dicere præsumat. Qui contra fecerit, Suspensionis poenam a divinis absque nova declaratione ipso facto incurrat &c.* Infra addit: Ceterum QUAMDIU per Apostolicam Sedem altera pars definita non fuerit, oppositaque sententia condemnata, liceat viris doctis, in publicis Academiæ disputationibus &c. ubi scandali nulla subest occasio, de illa quæstione disferere, & argumentis utramlibet partem vel asserere, vel impugnare; dum tamen neutra veluti erronea prædicetur, serventurque illa omnia, quæ a dicto Sixto prædecessore nostro statuta sunt &c. Præterea perstringit ibi Sanctus Pontifex illos, qui, cum de gloriose Virginis Mariæ Conceptione summo inciderit, tam pertinaciter pro alterutra parte contendunt, ac si de illis Dogmatibus esset, quæ corde credere ad justitiam, & ore confiteri ad salutem necessarium est. Quibus illud Prophætæ convenire videtur: Dicunt, ait Dominus, cum ego non sim locutus; cum Sancta Romana Ecclesia omnium Ecclesiarum Magistra, & doctrix disciplinæ, de ea bucusque non definierit, nemo ABSQUE TEMERITATE præjudicare, vel alterius partis sententiam damnare potest; & quasi desint præclarissima Inventricis gratiæ (hoc est Virginis Deiparæ, quam hoc titulo Sanctus Bernardus, ac alii donant, utpote quæ invenit ineffabilem gratiam apud Deum, qualem nulla filiarum Adam unquam consequuta est, aut consequetur) merita, quæ nec Angelica quidem Lingua satis digne referri possunt; & cum (an potius quasi?) ex illo uberrimo fonte, puteoque aquarum viventium non (aut non heic expungendum) possim saluberrimas haurire aquas, quibus Populus magna cum utilitate, atque dulcedine reficeretur: ad dissipatas cisternas occurrunt, stultas videlicet, & sine disciplina quæstiones, quæ generant lites, quas nec frequens multitudo intelligere, nec viri sapientes, qui capiunt, utiliter percipere valeant. Præsertim, quoniam, ut experimento didicimus, ipsorum Concionatorum, qui ad quæstiones hujusmodi proponendas facilius erumpere solent, maior numerus materie difficultatem Prorsus Ignorantes, neque intelligentes, quæ loquuntur, aut de quibus affirmant, simplicium animos Indiscretæ Devotionis obtentum, vel potius loquacitatis & ostentationis affectu, ad tumultus & similitates concitant

sant &c. Hæc Sanctus Pius V. cujus Constitutio in Bullario Romano legitur.

Verum quum rixæ nihilominus & scandala in dies graviora hæc de caussa serverent, Paulus V. Pontifex Maximus anno 1616. edita Constitutione *Regis pacifici*, tenorem Bullarum Sixti IV. & Pii V. referens, atque confirmans, poenis jam propositis addidit contra inobedientes *privationem facultatis concionandi, publice legendi, seu docendi & interpretandi, & vocis activæ & passivæ in quibuscunque electionibus*. At quia ne sic quidem serpenti morbo satis efficax medicina parata fuerat, Gregorius XV. Pontifex Maximus anno 1622. Decretum edidit, numero 29. in Bullario Romano, in quo perspectis scandalis, jurgiis, & dissensionibus, quæ manabant ex unicuique relicta libora facultate tenendi, atque etiam asserendi utramque partem; propterea volens hujusmodi scandalis ex debito sui muneris providere, decrevit ac præcepit omnibus & singulis &c. ut in posterum, *DONEC* articulus hujusmodi a Sancta Sede Apostolica fuerit decisis, vel per Sanctitatem suam, & Sedem Apostolicam fuerit aliter ordinatum, non audeant in publicis concionibus, lectionibus, conclusionibus, & aliis quibuscunque actibus publicis asserere, quod eadem Beatissima Virgo fuerit concepta cum Peccato Originali. Contrafacientes autem eadem Sanctitas sua voluit & declaravit subjacere debere, & subjecit Censuris & poenis contentis in supradictis Constitutionibus suorum prædecessorum, & sua, ipso facto incurrendis. Per hujusmodi tamen provisionem Sanctitas sua non intendit reprobare alteram Opinionem, nec ei ullum prorsus præjudicium inferre, eam relinquent in eisdem statu & terminis in quibus de præfensi reperitur &c. Ulterius sub eisdem Censuris & poenis mandans, quod negantium Opinionem, videlicet quod non fuerit concepta cum Originali Peccato, in prædictis publicis actibus asserentes aliam Opinionem, non impugnent, nec de ea aliquo modo agant, vel trahant. Sed nulla favorabilior Constitutio pro sententia affirmante Deiparam immunem a Culpa Originali adferri potest, quam quæ ab Alexandro VII. Pontifice Maximo anno 1661. promulgata fuit. Cujus exordium est: *Solicitudo omnium Ecclesiarum*. Ibi summus Pontifex hæc habet: *Sane vetus est Christi fidelium erga ejus Beatissimam Matrem Virginem Mariam Pietas, sentientium, ejus animam in primo instanti creationis, atque infusionis in corpus fuisse speciali Dei gratia & privilegio, intuitu meritorum Jesu Christi ejus Filii, humani generis Redemptoris, a macula Peccati Originalis præservatam immunem: atque in hoc sensu ejus Conceptionis Festivitatem solenni ritu colentium & celebrantium*. Crevitque horum numerus, atque hujusmodi cultus, post editas a felicis recordationis Sixto Papa IV. prædecessore

nostro in ejus commendationem Apostolicas Constitutiones, quas sacrum Concilium Tridentinum innovavit, atque observari mandavit. Aucla vursus & propagata fuit Pietas hæc & cultus erga Deiparam, post erecta hoc nomine, approbantibus Romanis Pontificibus, Monasteria Religiosorum Ordinum, & Confraternitates, ac concessas ab iisdem Indulgentias, ita ut accedentibus quoque plerisque celebrioribus Academiis ad hanc sententiam, jam seve omnes Catholici eam complectantur. At quia non obstantibus Prædecessorum edictis, pergebant in Hispania præfatam sententiam aut impugnare, aut vellicare, & favorem a Romanis Pontificibus cultui & Festo secundum illam præstitum ita interpretari, ut frustrentur; immo Ecclesiam Romanam huic sententiæ & cultui, juxta illam Beatæ Virginis exhibitio, favere negant: propterea Pontifex officionibus, jurgiis, & scandalis, quæ inde timebantur, obviare volens, subdit: Nos considerantes, quod Sancta Romana Ecclesia de intemerata semper Virginis Mariæ Conceptione Festum solemniter celebrat, ac spectale ac proprium super hoc Officium olim ordinavit juxta piam, devotam, & laudabilem institutionem, quæ a Sixto IV. Prædecessore nostro tunc emanavit; volentesque laudabili huic pietati, & devotioni, & Festo, ac cultui secundum illam exhibitio in Ecclesia Romana &c. favere, nec non tueri Pietatem & Devotionem hanc colendi & celebrandi Beatissimam Virginem, præveniente scilicet Spiritus Sancti gratia a Peccato Originali præservatam &c. Decreta a Romanis Pontificibus prædecessoribus nostris, & præcipue a Sixto IV. Paulo V. & Gregorio XV. edita in favorem sententiæ asserentis, animam Beatæ Mariæ Virginis in sui creatione, & in corpus infusione, Spiritus Sancti gratia donatam, & a Peccato Originali præservatam fuisse, nec non in favorem Festi & cultus Conceptioni ejusdem Virginis Deiparæ secundum PIAM ISTAM SENTENTIAM, ut præferatur, exhibitio innovamus, & sub Censuris & Pœnis in eisdem Constitutionibus contentis observari mandamus. Et insuper omnes & singulos, qui præfatas Constitutiones & Decreta ista pergens interpretari, ut favores per illas dictæ sententiæ, & Festo, seu cultui secundum illam exhibitio frustrentur, vel qui hanc eandem sententiam, Festum, vel cultum in disputationem revocare, aut contra ea quoquo modo, directe vel indirecte, aut quovis prætextu, etiam Definibilitatis ejus examinandæ, sive Sacram Scripturam, aut Sanctos Patres, sive Doctores glossandi, vel interpretandi, denique alio quovis prætextu, seu occasione, scripto, seu voce, loqui, concionari, tractare, disputare, contra eam quicquam determinando, aut asserendo, vel argumenta contra ea asserendo, & insoluta relinquendo, aut alio quovis excogitabili modo dis-

seren-

ferendo, ausi fuerint, præter pœnas. & Censuras in Constitutionibus Sixti IV. contentas, quibus illos subjiciendos volumus, & per præsen-
tes subjicimus, etiam concionandi, publice legendi, seu docendi, & in-
terpretandi facultate, ac voce activa & passiva in quibuscumque ele-
ctionibus privatos esse volumus &c. Denique addit: Vetamus autem,
Sixti IV. Constitutionibus inhaerentes, quempiam asserere, quod propter
hoc contrariam Opinionem tenentes, videlicet gloriosam Virginem Ma-
riam cum Originali Peccato fuisse conceptam, Hæresis crimen, aut mor-
tale peccatum incurrant, cum a Romana Ecclesia, & ab Apostolica
Sede nondum fuerit hoc decisum, pro ut Nos nunc MINIME DECI-
DERE volumus aut intendimus. Quin potius contrariam illam Opinio-
nem Hæresis, aut Peccati Mortalis, aut Impietatis damnare audentes,
præter pœnas, quibus eos subjecit Sixtus IV. alique prædecessores no-
stri Romani Pontifices, gravioribus aliis pœnis subjicimus, quas in
contrascentes huic nostræ Constitutioni superius infliximus.

Hæc fusius fortasse quam opus esset a me reperita hoc in loco
videri cuiquam possint. At ego illa cum sub meis, tum sub Lecto-
rum oculis volui; nihil enim enixius cupio, quam ea, qua par est,
veneratione omnia intacta servare in ejusmodi disputatione Romano-
rum Pontificum præcepta, eorumque menti ac imperio demisse me
in omnibus conformare. Non ergo heic disputatio erit, fuerit ne
concepta, an secus, sine labe Originali gloriosissima Dei Mater Ma-
ria. Ita inter me, ac Parthenotimum controversia est ac erit,
utrum amplectenti sententiam de Immunitate Virginis ab Originali
peccato liceat Vovere ac jurare, se pro hujus sententiæ patrocinio
Sanguinem quoque & Vitam, quoties occasio ferat, daturum. Quæ-
sitionem hanc nemo Romanorum Pontificum attigit, liberumque pro-
pterea cuicumque futurum est in ejus examen ferri; immoutile, ac
necessarium Christianæ Reipublicæ nemo non sentiat, ne forte sub spe-
cie Pietatis temere Christi fideles Vitæ discrimen subeant. Quamob-
rem, uti jam passus fueram in Libro de Ingeniorum Moderatione, ite-
rum lubentissime fateor, sententiam patrocinantem Immaculatæ Con-
ceptioni Virginis non solum *Piam*, sed *summè Piam* in Ecclesia Dei
esse. Rectissime faciunt, qui eam Populo in publicis Concionibus,
aut editis Libris deprædicant, atque commendant. Neque adversus
illam quoquomodo dimicare amplius licet, quamquam liceat aliter sen-
tire in intimis cordibus. Parendum est Pontificibus, Christiani Popu-
li Magistris, qui non aliam potiore viam hætenus invenere ad
avertendas simulas, & ad arcenda scandala, quæ olim crebro in-
ter Theologos Catholicos ob ejusmodi controversiam fluebant. Ab
eorum Decretis ne latum quidem unguem discodere mihi quoque
ani.

animus, ac firma voluntas est. Hoc unum ergo mihi propositum est, videlicet ostendere, ab iis Decretis reapse deflexisse ac defectere, qui pro Sanguinario Voto, aut olim, aut nunc propugnant; quippe abutentes silentio contrariæ parti indicto, licere fortasse sibi putant quidquid volunt, quasi Romani Pontifices, dum piæ sententiæ favent, licentiam quoque tribuerint quidlibet superaddendi, neminique futurum fas sit contra hæc superaddita hiscere, vel quum a veritate & rectitudine doctrinæ Catholicæ aberrare creduntur. Exemplum dabo, quod postea fusius infra recurret. Theologis quibusdam parum visum fuit docere, Virginem Sanctissimam *ab Originali Culpa*, singulari inter filios Adam privilegio, præservatam fuisse, quod sane laudandum est, illam etiam *a Debito ejusdem Culpe* immunem fuisse contenderunt, quod hanc sententiam gloriosiores Virgini censerent. At gravior, meliorque Theologorum chorus adversus Opinionem istam incaluit, eamque nonnulli gravetiam nota inusserunt. Ita superadditum est sententiæ de Immaculata Virginis Conceptione Votum de ipsa tuenda, vel Sanguine effuso, quod hisce verbis ego antea indicaram Libro Secundo, Capite Sexto, de Ingeniorum Moderatione: *Satis quibusdam non fuit, calamo & rationibus Immaculatam Deiparæ Conceptionem tueri: quod procul dubio cum vera Pietate consonat. Nescio quid etiam illustrius invenisse sibi sunt visi, quo suum in Virginem testarentur obsequium. Sacramento videlicet se se abstinuerunt, atque voverunt, se pro huiusmodi Opinione tuenda Sanguinem, & Vitam daturus, quævis occasio posceret.*

Hæc mihi se obvium e vestigio facit Parthenotimus pag. 10. scribens, non legi in *Academiæ formulis*, quas fere omnes refert *Latus de Conceptione* a §. 1412. particulam illam *Usque ad Sanguinem*. Egregie sane. Multas ego illi gratias habeo, quod minime rogatus, rem fassus sit peropportunam ad controversiam hæc dirimendam; idque Lectores animadvertant velim diligentissime, neque excidere e memoria sinant. Si Academiz, in quibus Theologorum, ac Literatorum hominum potior pars numerari solet, a Voto Sanguinario abstinere, legitime inde argumentari licet, non alia de causa ab eo abhorruisse doctissimos illos viros, nisi quod illius deformitatem ac temeritatem probe sentirent. Quin devotione erga Virginem excellant omnes ii Sapientum cætus, nemo neget, nemo sibi non persuadeat. Attramen voverunt ii quidem se tutaturos piæ sententiam. Dum autem Sanguine testari illam fugerunt, jam satis indicarunt, ultra germanæ Pietatis metas sibi videri, Vitam quoque velle pro illa ponere. Proinde vel ex hoc ipso intelligat Lector, me in acie non stare contra Opinionem per Catholicorum Re-

gna & Academias placide exceptant, sed contra paucorum persuasione, qui si forte adversetur Catholicæ Ecclesiæ doctrina, obfistendum est, ne morbus propagetur. Quod autem Parthenotimus de tot Academicis liberalissime confessus est, ne ipsum, rogo, pigeat idem perpendere in tot celeberrimi & Sanctissimi Instituti sui Sociis per Italiam, Galliam, Hispaniam, & Germaniam diffusis. Nonis, ut reor, credat, aut distitet, tot viros doctissimos (ut alios aliorum Ordinum Theologos summe pios præteream) Pietate erga Deiparam paucis Siculis suis concedere. Tuentur & illi concordi studio sententiam Immaculatæ Conceptioni Virginis faventem, & quantum possunt Devotionem erga ipsam Dei Matrem tum in se, tum in aliis alunt & augment. Cur vero non & ii *Magnanimam Votum* emittunt, quo glorioso nomine suum Votum Siculus Theologus exornat? Ita me Deus amet, non quod minori affectu in Mariam Sanctissimam ferantur, sed quod majori cura sanioerem doctrinam scrutentur, ejusque Voti minime sibi ignoti consecraria perversa agnoscant, & abominentur. Addit Parthenotimus, non deesse, qui Votum de Vita danda concipiant; Equites enim de Calatrava hoc pacto vovent: *In qua CERTISSIMA VERITATE tuenda ad bonorem tantæ Virginis usque ad Mortem decertabimus*. Ita Equites Sancti Jacobi Votum edunt *Defendendi hanc VERITATEM non solum intra privatos nostros parietes, sed etiam publicitus animo & ore, Vita & Morte, juxta uniuscujusque sexum & conditionem*. Hæc ille, e certis, ut puto, monumentis deprompta adfert. Auctor Histor. Controvers. Conception. nullam de Sanguine effundendo ab iis Equitibus mentionem habet, & fortasse verba illa *Vita & Morte* tantum significant *in Vita & in Morte*. Præterea die 16. Novembris anno 1624. ut constat e Lib. 1. Cap. 8. Libri, cui titulus *Palermo Divoto*, Auctore Canonico Antonio Mongitore, Viro ex aliis etiam Libris notissimo, *Illustrissimus Senatus Panormitanus Immaculatam Conceptionem vel ipsa Sanguine defensurus, ejusque pervigilium jejunio celebrandum suscepit*. Neque segnius, addit Parthenotimus, *hanc animi constantiam professæ est pietas Capituli Primariæ Metropolitanæ Ecclesiæ Panormitanæ anno 1698. in hæc verba vovendo: Ac etiam si opus fuerit, usque ad Sanguinis & Animæ effusionem, Dei gratia cooperante, defensuros spondemus*. Præterea pergit Parthenotimus: usque ad Sanguinis effusionem, post emissam professionem Fidei, vovent, jurantque, quotquot in Canonicorum ejusdem Metropolitanæ Ecclesiæ numerum referuntur. An ita se res habeat, videat nobile illud Canonicorum Collegium. Equidem apud prælaudatum Mongitorem hoc unum reperio additum Formulæ Fidei apud eos & reliquos consuetæ: *Insuper ego idem N. sponte profiteor, & affir-*

affirmo, *Beatissimam Virginem Mariam Dei Genitricem absque Originalis peccati macula in primo instanti conceptam. Et hanc VERITATEM* me non modo nunquam impugnaturum sed in privatis etiam colloquiis, & publice, dum spirabo, opportune docturum esse & propugnaturum, juxta Decreta Summorum Pontificum jam edita, aut deinceps edenda. Denique subdit Parthenotimus: *Ad Sanguinem usque, vel ipso Sanguine, se primævum Virginis candorem millies defensaturos promiserunt Episcopus Cephaletanus, Siciliæ Regni Præses; Dominus Franciscus Gifulfo, & post ipsum Frater Dominus Martinus de Rbedin Siciliæ Prorex.* Expectabam ego gravissimorum Theologorum nimbum, qui suo calculo, ac professione, Sanguinarium Votum probassent, suæque auctoritate me ac ceteros ab eo alienos absterrent. At videant recti rerum æstimatores, quibus Theologis, quibus exemplis nitatur Votum tanti ponderis, quale est profundæ Vitæ. Immo quando Equestris Ordinis Viri heic memorantur, qui se se hujusmodi Voto obligant, agiturque de militaribus viris, inquirendum foret, num ita votendo eorum animus sit tolerandæ dumtaxat mortis pro pia sententia, an etiam inferendæ aliis, & in arma ruendi, si quis contra sentiret. Postremum enim hoc quantopere à recta ratione absonum foret, nemo monitore me indiget, ut illico perspiciat. Interea mihi rogandus est Siculus Theologus, ut edicat, quare Johanettinus Doria S. R. E. Cardinalis, Archiepiscopus Panormitanus, & Prorex Siciliæ, anno 1624. & Dux de Infantado Siciliæ Prorex anno 1655. & Martinus de Leon, & Cardenas Archiepiscopus Panormitanus, & Dux de Ossuna anno 1656. & Dux de Ascalona anno 1701. & Franciscus de Judice S. R. E. Cardinalis anno 1702. & Marchio de Bedmar anno 1705. & Dux Sexti anno 1707. Siciliæ Proreges, quum Votum tuendæ Scotisticæ Sententiæ nuncuparunt, quod eorum verbis conceptum refert ante memoratus Mongitor, nullam de fundendo Sanguine pro illa mentionem fecerint. E Pietatis tepore si quisquam reponat, vix credendum. Verisimilius est, ab eo illos abstinuisse, quod paucorum prædecessorum neque exemplis, neque Opinione moverentur. Unum proinde illi præstitere Votum de tuenda sententia: quod & Academix præstant; at Sanguinem pro Fidei dumtaxat articulis, si oporteret, fundendum servarunt.

Duplex ergo Votum concipi potest pro tutela Immaculatæ Conceptionis Mariæ: alterum tenendi ac defendendi sententiam illi faventem, neque contrariam amplectendi aut docendi; alterum impendendæ etiam Vitæ in hujus ipsius sententiæ patrocinium. Audi nunc Parthenotimum numero X. *Hanc, ait, Votorum distinctionem Lamin-*
us

das omisit. Ejusmodi omisso muneri Moderatoris Ingeniorum nescio an congruere possit. At hinc mature dicere Lector poterit, an rectum e Theologo nostro sit sperandum judicium, quando in ipsius quaestionis vestibulo cæcutientem se prodit. Hæc mea prima verba Libro II. Cap. VI. de Ingenior. Moderation. quæ repetere juvat, atque opus est. Satis quibusdam non fuit, calamo & rationibus Immaculatam Deiparæ Conceptionem tueri: quod procul dubio cum vera pietate consonat. Nescio quid etiam illustrius invenisse sibi sum vixi, quo suum in Virginem testarentur obsequium: Sacramento videlicet se se obstrinxerunt, atque voverunt, se pro hujusmodi Opinione tuenda Sanguinem & Vitam duros, quoties occasio posceret. Novitium certe Martyrum genus &c. Quid est ergo quod Parthenotimus ait, me non distinguere, me non explicare mentem meam, an pium sit defendendæ Virginæ Immunitatis Votum extra mortis periculum? Si calamo & rationibus tuentes Immaculatam Virginis Conceptionem laudo; si unice verba mea feruntur in illos, qui Sanguinem se duros pro eadem Sententia pollicentur, quis continuo non perspiciat, mihi primum Votum minime improbari, alterum vero neque mihi, neque aliis probandum credi? At morem geramus homini quærenti nodum in scirpo. Itaque dico, Prudenter agere, qui voce & scriptis propugnatos se voverit sententiam eximentem a Peccato Originali Deiparam; Prudentius agere, qui eandem sententiam tueretur, sed Voto omisso; Prudentissime denique agere Academiæ, si pacis causâ tutelæ ejusdem sententiæ Votum adiungunt. Primi commendandi, quod Piz, atque admodum Probabili Opinioni studium suum addicunt, in cujus Probabilitate afferenda non falluntur. Secundi, ut reor, Prudentiores, quod eandem protegentes sententiam, libertatem ingenii sibi servant, quam multis aut imperium Principum, aut aliæ humanæ causæ ademerunt. Videlicet nescii, quo inclinaturum aliquando sit judicium definitivum Apostolicæ Sedis, & Veritatis super omnia cupidi, quam post acrius & sincerius studium deprehendere aliquando possent in opposita sententia, Probabili & ipsa, nolunt ita se se obligare ad patrocinium unius Opinionis, ut integrum sibi non sit, infirmioribus perspectis rationibus in contrariam (quod faciunt meliora edocti Sapientes) deflectere. Demum laudanda maxime Academiarum Prudentia, quod ad Scotisticam sententiam amplectendam ac profitendam se se obstrinxerint, ut ita e Scholis removerentur jurgia & scandala, olim e conflictu utriusque Opinionis progenita: quæ causâ etiam Romanæ Sedis prudentiam adduxit olim ad eripiendam vocem Thomisticæ Sententiæ, eamque uni relinquendam Scotisticæ. Hæc autem nil rei habent cum Voto Sanguinario, quod unum & Lamindo Pritanio, & præsentî Opusculo argumentum scribendi præbuit.

B

Cè-

Ceterum majonis eruditionis copiam optassem in Theologo Sicolo, dum tamquam certum propinat Lectoribus suis, Academiam Parisiensem anno 1346. tam tenaciter triumphis ac sententiæ Johannis Duns Scoti Doctoris subtilissimi adhæsisse, ut se se *Voto ac Sacramento* obstrinxerit, ad eam in posterum tuendam, atque docendam. *Academiam*, inquit, *vovisse, ferunt antique tabulæ, quas integras refert Raynaudus Tom. VIII. pag. 280. anno 1346.* Atqui in Decreto, quod idem Raynaudus adfert, disertis verbis scriptum est, *questionem hanc paucos post annos in sacro Basileensi Plenario Concilio agitatam fuisse.* Qui ergo ad annum 1346. aut 1396. spectare potuit Facultatis Parisiensis Decretum? Errorem hunc etiam erravit Wadingus in Annalibus Minorum, quem propterea falsi postulavit Natalis Alexander, ejusdem Facultatis Doctor in Histor. Ecclesiastic. Tom. VII. pag. 150. ubi ostendit, anno dumtaxat 1497. Academiam Parisiensem primum imperasse alumni suis Juramentum de tuenda sententia Immaculatæ Conceptionis; neque solidis fundamentis niti decantatam illam disputationem ac triumphum Johannis Scoti, qui etiam non ea, quam Vulgus credit, confidentia sententiam suam proposuit, ac tutatus est, sed eximia moderatione, scribens: *Si auctoritati Ecclesiæ, vel auctoritati Scripturæ non repugnet, videtur Probabile, quod excellentius est attribuire Mariæ.* Paria habet Du-Pinuis Doctor & ipse ejusdem Facultatis, in Biblioth. Scriptor. Ecclesiastic. Tom. XI. ubi de Johanne Scoto loquitur.

C A P U T II.

Pietatis nomine propugnatum frustra a Parthenotimo Votum Sanguinarium. Vera Pietas cum ceteris Virtutibus jungenda. Inter Defectum & Excessum posita. Vitii utriusque exempla.

UNicum ergo Votum de Sanguine fundendo pro tutela sententiæ stantientis Virginem sine labe conceptam, hisce ego verbis aggressus fueram Lib. II. Cap. VI. de Ingenior. Moderatione: *Novitium certe Martyrum genus, quod nusquam Majores nostri somniarunt, nunquam posteris nostri, si quidquam sapiunt, probent. Neque Evangelium, neque ratio recta nos docent, adeo levibus de causis animam prodigere. Non pro Opinionibus nostris, sed pro divinitus revelatis, legibusque sanctissimis, profundendus est Sanguis. Hominum enim Opinionem tam falsum quam verum complecti possunt, & hominis parum prudentis est pro incerta Opinione (quæ falsa esse potest, & certe necessario defendenda non est) ultra jugulum offerre carnifici.* Ad ista respondet Parthenotimus pag. 18.

Quis

Quis unquam somniavit, pro incerta Opinione fas esse jugulum offerre Carnifici? At mori pro Pietate, quæ certo inest Aëui Opinativo, ut se morituros spondent pie voventes, & Majores nostri docuere, & Posterì nostri, dummodo dociles, discunt. Infra addit: Non Martyr esset pie vovens, quia assensit Immaculatæ Beatæ Virginis Conceptioni, nec pro ejusdem directâ Certitudine, quæ nondum est de Fide, mortem oppeteret: sed pro defensione Sanctitatis Mariæ, quæ Virtutem Religionis sapit: & hæc est illa Veritas, pro qua moreretur: Subdit etiam: Virtutis opus est, Virginem ut a labe immunem venerari, quia pium est, ipso fatente Pritanio. Virtutis opus est, vovere actum Virtutis, & Votum servare: Vovete & reddite. Quid ergo impedimento esse potest, ut pro his Virtutis actibus mortem quis subeat, & MARTYR nuncupetur? Vel ipse Pritanius non negat, pro legibus sanctissimis fundendum esse Sanguinem. Numquid inter leges sanctissimas non est, Virginem venerari? Virginem venerari ut Sanctam? & exsequi Deo promissam venerationem erga ejus Matrem? Hæc Parthenotimus. Grandia hercle nomina, & quæ mentem oculosque feriunt Lectorum: Mori pro defensione Sanctitatis Mariæ: mori pro Pietate: mori pro Virtutis actibus; nemo istis neget gloriosum Martyris nomen. Ita Parthenotimus edicit. Qui leviter doctrinis Theologicis imbutus est, immo & qui iis operam diutissime dedit, nisi consistat, nisi hæc singula meditatione intenta perpendat, minime intelliget, quam tenebrosa, quam inania sint ista: fortassis etiam, quamquam ab hisce novis Martyribus admittendis interna se sentiat formidine absterri, dubitare tamen primum incipiet, an excipiendi potius sint, quam repellendi. Curabo ego, quantum meæ vires ferent, ut nemini fucum faciant meæ voces; & an jure ad quæstionem nostram dirimendam magnifica hæc verba adhibeantur, ut spero, ostendam.

Et primo *Pietatis* nobilissimum nomen, quando illud in hanc rem Parthenotimus usurpavit, ne ego quidem refugio; atque illud accipio pro Virtute docente ac reddente cultum debitum Deo, nostro omnium parenti, ejusque beatis Servis. Nam etsi eum cultum præscribere, atque exercere spectet ad Virtutem *Religionis*, teste tamen Sancto Thoma (post Sanctum Augustinum) 2.2. Quæstion. 101. Artic. 3. *Pietas*, magistra cultus debiti parentibus & patriæ, *transfertur excellentius ad Deum, quia Deus excellenter dicitur Pater noster*: Promiscue ergo liceat heic mihi nominibus *Religionis* & *Pietatis* uti; sed ita ut præcipue *Pietatis* vocabulo significare velim eam devoti ac bene affecti animi propensionem, quam vulgaris Lingua appellat *Divozione*. Animadvertendum autem est, *Pietatem*, reliquarum Virtutum more, in medio consistere debere; quippe circum obident illam quoque duo ex-

trema vitiosa, nimirum *Defectus & Excessus*. Ad hæc, ut *Pietas* dicenda sit germana Catholici hominis Virtus, necesse est, ut cum *Veritate*, cum ceteris *Virtutibus*, cum *Præceptis Dei & Ecclesie*, arctissimum fœdus ineat, unoverbo, cum doctrina, quam Catholica Romana Ecclesia, errandi nescia, tradit. Necesse vero super omnia est, ut eam *Prudentia* ducat, omnium Virtutum futura comes. Si ex his aliquid desideretur, grandibus quidem buccis nonnulli *Pietatem* sonabunt, suisque Ritibus aut Opinionibus sanctum hoc nomen obtendent; & nihil minus quam *Pietas* vera ac laudanda in iis occurret. Nam datur etiam *Pietas falsa*, *Pietas imprudens*, *Pietas superficialis*, & non solida; & quæ interdum *Pietas* creditur, *Error* est, *Temeritas* est, *Superfinitio* est, *Fanaticismus* ac *Deliramentum* est, sub specie videlicet *Pietatis* pestis aliqua in Mundum invecita. Hæc autem monstra modo ex Ignorantia ac simplicitate nimia prodeunt, modo ex æstu ultra fines exuberante Ingenii, five Devotionis. Utrumque sane extremum sollicite cavendum vitandumque homini Christiano. Præstabit tamen exemplo aliquo meliori in lumine collocare materiam, alioquin utilissimam, atque ampliorem, quam primò aspectu videatur, & dignam præ multis aliis, quæ iusto aliquo Tractatu exhaustiatur.

Devotus erga *Christum Dominum* animi affectus, ejusque Amor, ac in illum spes, & ad eum preces, quanti sint ponderis, neque utilitatis tantum, sed & necessitatis homini ad cœlestia, atque ad perennem in ejus Regno vitam aspiranti, vel tirones Catholicæ Religionis norunt. Atque utinam nos, ac totus exardesceret Orbis *Amore Jesu*. Ipse via nobis ad Cœlum, ipse propitiatio pro peccatis nostris: per ipsum nobis datur quidquid in Regno Dei habemus, quidquid speramus; & sine ipso nihil boni salutaris, nihil salutis. Quamobrem, qui in hujus amore proficit, præcipuo Christianæ Religionis officio fungitur, & per tramitem rectum, ad divina ac sublimia contendit. Ac propterea in paucorum mentem suspicio subear, posse cum hoc beatissimo ac necessario Amore, & eum tanto *Pietatis* dogmate commisceri aliquem ex *Defectu* errorem. Attamen & heic error occurrere potest (atque utinam inter possibilia tantum numeretur) non quod satis amari, satis coli, satis exorari a nobis possit divinus iste Redemptor, sed quod solus a nonnullis ametur interdum atque invocetur. Profecto rarum inter Catholicos invenies, qui Deum Unum & in personis Trinum non fateatur, seque ejus sacro nomine sæpe non signet, & *Gloria Patri* &c. quotidie etiam non recitet; hæc enim ab ineunte ætate aut a parentibus, aut in Catechismi schola didicere. Verum si quod excellsum divinæ Trinitatis Myste-
rium

rium pueri nihil intelligentes ebiberint, & doctriam hancce ad majores annos deducti numquam amplius explicari audiant; sive quod unum Christum in Eucharistia, sacrisque imaginibus passim spectent, Deum vero invisibilem excogitare, aut retinere nesciant; sive etiam quod interdum audiant nonnullos ex iis, qui sacra tradunt, in Concionibus, aut in Penitentiarum foro unum fere semper alloqui Christum, & ab eo culparum veniam, & beneficia petere: fieri potest, ut rudis minervæ homines, aut sagaces etiam in Seculi rebus, sed incuriosi in divinis, etsi millies quoque Deum aut memorent, aut ab animarum Pastoribus memorari audiant, sub hoc tamen nomine Christum tantummodo concipiant, & de ipso uno omnia dici arbitrentur. Consequenter etiam fieri potest, ut aliqui unam tantummodo adorent ineffabilis Triadis personam, ad illam unam amore ac precibus ferantur, neque unquam cogitent de ejus divino Patre, & Spiritu Sancto, hoc est de Trinitate necessario nobis credenda, atque adoranda. At quis non intelligat, quam informis & manca, atque aliena a principiis Christianæ Religionis esset ejusmodi Pietas? Si de salute æterna hominis Theologi dubitant, aut actum putant, cujus Fides aperte integram Triadem non amplectitur: quid de eo dicendum, qui non integram etiam veneraretur & amaret? qui Filium Dei, consubstantiali quidem, ejusdemque naturæ cum Patre & Spiritu Sancto, adoraret, æternum vero illius Patrem, divinitatis principium, & omnium conditorem & rectorem, minime agnosceret, aut numquam recogitaret, numquam coleret, numquam invocaret? *Hæc est vita æterna* (inquit de Patre suo ipse Dominus, Joannis Cap. XVII. vers. 3.) *ut cognoscant se solum Deum verum, & quem misisti Jesum Christum.* Atque in hunc finem potissimum Filius Dei missus est, ut Patrem suum clarificaret, atque ut Mysteriorum sacræ Triadis aperto, humanum genus excitaretur ad agnitionem, amorem, & adorationem non Geniti tantum, sed & Ingeniti, & Procedentis. Proinde rite faciunt, qui tum suo exemplo, tum prædicatione ita Populum ad amorem sanctissimum Domini nostri Jesu Christi veri Dei, verique Hominis, sollicitant, atque accendunt, ut simul doceant, quam impense amandus quoque & invocandus sit illius ineffabilis Pater; ne Christianus, dum unum curat, sibi desit in altero præcipuo sanctæ Religionis nostræ officio. Deprædicanda quoque indefinenter spes in divinum Mediatorem Dei & hominum Christum Jesum, a quo omnia, per quem omnia, in quo omnia. Sed ea cautela, ut Populus sibi numquam persuadeat, ignorari ac negligi posse amorem, spem, & confugium ad cœlestem ejus Patrem, ad quem nos eruditura pleraque suas orationes Ecclesia con-

ven.

vertit, adjecta in fine efficacissima clausula illa, se petere ac sperare quæ petit *Per Dominum nostrum Jesum Christum*; & ad quem ipse divinus Magister noster nos docuit dirigendam esse caelestem illam, ac omnium sanctissimam Orationem *Pater Noster* &c. Solemni hoc ritu edocli intelligimus, fundendas sæpissime esse preces ad immaculatum illum Agnum, qui peccata Mundi tollit, ac præcipue quum ad ejus Mensam venerabundi accedimus. Sed simul sæpissime etiam genua esse flectenda, ac preces deducendas ad Patrem Domini nostri Jesu Christi, patrem misericordiarum, qui amore unigeniti & consubstantialis Filii sui, hominis pro nobis facti, nos adoptavit in sortem filiorum Dei, illiusque meritis gratiam omnem in nos est effusus. Sæpissime etiam adorandum atque invocandum omnipotentem Deum, quo nomine tres beatissimæ Triadis personas intelligemus. Heic neminem e doctis peccare in Pietatem ex Defectu puto; at potest Populus non satis eruditus.

Contra, obnoxia quoque Excessibus est ipsa *Pietas*, nisi doctrinam Ecclesiæ Catholicæ diligenter vestiget, & præ oculis habeat. Dogma Catholicum est, justum & laudabilem esse honorem Sanctis exhibitum, & quum fert occasio, cultum eis impendere jubemur, & negare crimen foret; cultum, inquam, Dulciæ Beatis illis Dei Servis, & Hyperdulciæ sanctissimæ Virgini parenti Salvatoris nostri. Eorum quoque pro nobis implorare opem ac intercessionem apud Deum, & bonum, & utile est, ut decrevit sacrosancta Synodus Tridentina. Quapropter laudanda Devotio & Pietas erga illos, suadenda, quoque omnibus eorum invocatio; nam si vel piorum viventium precibus nos commendare & licet & prodest; quanto plus licebit ac proderit præsidium apud Deum petere ab iis, qui ad illius aulam jam accessiti, ejus gratia ac beneficentia mirum in modum fruuntur, & quam Caritatem in terris coluerunt, longe uberius in cælis exercent? Maxime vero & amore & veneratione digna beatissima Redemptoris nostri Mater, quam *gratia* novimus *plenum*, & cui *magna fecit Qui Potens est*, uti divina Scriptura testatur. Mater Dei est: quale majus elogium proferas? & in amanda & honoranda illa quis e Christi Fidelibus non certet? Eam quoque orare filiali affectu, ut pro nobis Deum exoret, utilissimum & decentissimum est, quum plura per ejus intercessionem ac merita, Filii sui meritis conjuncta, nobis beneficia a Deo speranda sint, quam e reliquorum Sanctorum precibus. Anathema sit cuicumque Devotionem ac Pietatem veram erga Deiparam & Sanctos improbanti sive minuenti: Veram dixi; potest enim & hæc ipsa Devotio erga illam ceterosque Sanctos excedere fines ab Ecclesia statutos, & in Superstitionem etiam dilabi.

Ea de causa *Honor Reginæ*; *judicium diligis*, aiebat Sanctus Bernardus Epistola 174. significaturus iudicio utendum esse ac modo vel in ipsa Virgine honoranda; & celebratum illud antiquorum *Ne Quid Nimis*, locum in ejus quoque cultu esse habiturum. Certe Bernardum in honore ac amore Virginis sanctissimæ frigidum ac segenem nemo appellabit. Atque huc respiciens Theophylus Raynaudus vir doctissimus (Diptych. Marian. Caut. 2.) in nonnullis damnavit aliquem *Deiparæ amorem intemperatum, ac minime probandum*. Subdit; *Hanc erga Sanctos intemperantiam amoris & honoris, vigere maxime erga Deiparam in iis, qui illam non secundum Scientiam diligunt & colunt*. Quam sententiam atque censuram ille confirmat auctoritate Petri Cellensis, Sanctorum Anselmi, Bernardi, Epiphaniï, ac aliorum, quorum verba repetere in præsentia nihil attinet. Itaque cum Ecclesia dicimus, colendos esse Sanctos, potissimum vero peculiari honore & amore prosequendam Deiparam, singulari Dei privilegio supra reliquos Sanctos, & supra Angelos ipsos exaltatam tum dignitate tum sanctitate. Sed & ipsa Ecclesia cavendum docet, ne huc se ingerat error, sive ex ignorantia, sive ex intemperanti Devotionis ardore, sive e novitatis desiderio, ne alias peiores causas commemorem. Si quis enim sibi, aut aliis, exempli causa, persuaderet, devotionem solam erga Sanctum aliquem, ac præcipue erga Christi Matrem, tanti futuram vigoris, ut de evitanda subitanea morte, aut morte in peccatis, aut de Infernis pœnis minime subeundis, firmam cautionem præbeat: errabit profecto, & ultra limites Pietas temeraria excurrat. Gravius etiam a vera Pietate deflecteret, si hanc fiduciam in superficiali quadam devotione constitueret, qualis esset diurna aliquot precum recitatio, labiis tantum perfoluta, dum interim in flagitiis vivit, certamque nihilo secius sibi spondet in cœlis sedem. Errabit etiam, quotiescumque honores Deo debitos improvide Sanctis, ipsique Deiparæ impendat; errabit, qui nulla posse nisi per eos, & in primis per Virginem Sanctissimam impetrari a Deo beneficia doceat, aut credat; errabit, qui laudibus immodicis Sanctos oneret, eosque Deo pares facere videatur. Plura alia prætereo. At hæc improbat, hæc damnat Catholica Ecclesia. Habemus, quid illa statuerit de Sanctorum Invocatione. Ad hanc normam exigenda nostra devotio, & invocatio, & laudes eorum; neque sinendum, ut affectus pius exorbitet, aut opiniones ab ea discordes invehantur, sive nutriantur. Certe sacrum Tridentinum Concilium Sessione XXV. postquam mandavit, ut Fideles diligenter instruantur *de Sanctorum intercessione, invocatione, Reliquiarum bonore, & legitimo Imaginum usu*, quorum omnium germanam proponit atque

atque explicat doctrinam, hæc subdit: *In hac autem sanctas & salutares observationes si qui abusus irrepserint, eos prorsus aboleri Sancta Synodus vehementer cupit, ita ut nullæ falsi dogmatis imagines, & rudibus periculosi erroris occasionem præbentes, statuamur.* Hæc regula Fidei, expressa e divinis Scripturis, & Traditione Patrum; atque huc si recentiores Hæretici sincera voluntate oculos converterent, a tot calumniis temperarent, quibus in Catholicorum Ecclesiam utuntur, non alia de causa, quam quod interdum deprehendant aut in rudi popello, aut in parum castigatis nonnullorum Libris, quasdam Pietatis anomalias & excessus, quos plenis buccis crepant, in concionibus aut Libris editis, ludicrum ex his genti suæ spectaculum facientes. Quo in genere impiæ ac ridendæ eruditionis excelluit nostris temporibus Missionius quidam Calvini Sæclator, dum iter per Italiam a se susceptum descripsit, ne quid dicam de nupero falsæ Reformationis Apologista Jacobo Picenino, siue quisquis sit ille impius Catholicæ Ecclesiæ hostis & accusator. Plumbea hæc tela sunt; nosse quippe & fateri coguntur vel ipsi Heterodoxi, non e privatorum ritibus ac opinionibus, sed ex ipsa Ecclesiæ doctrina, in Conciliis potissimum & Catechismis firmata, deducendum esse, quid eadem Ecclesia tradat, ac fentiat. Nemo tamen e nostris neget, quin cederet in singularem Ecclesiæ utilitatem, si universam hanc æruginem deterfam e regionibus nostris cerneremus; semperque optandum esse, ut docti ea heic severitate & circumspectione utantur, quam prælaudata sacra Synodus exigit, ne ulla falsi dogmatis, ullave Superstitionis & periculosi erroris occasio rudibus præbeatur.

Fuit mihi olim amica contentio cum Viro non minus Pietate quam Doctrina spectatissimo. Laudabam ego in illo animum effusum in obsequium & affectum erga Deiparam. Quis enim in Ecclesia Catholica non laudet & amet colentem & amantem illam, cujus encomium Angelus in Evangelio contexere cœpit, & quam Sancti Patres ornare laudibus non cessant? Ejus cultus, amor, & honor, ad Fidem Catholicam spectat. Verum minime mihi in illo probabatur, ita extollere Devotionem erga Mariam, ut sine ista speranda salus æterna non foret, & cum ista Cælum e manibus Fidelium elabi nequiret. Afferebat ille in hanc rem Sancti Anselmi verba: *Sicut, o Beatissima Virgo, omnis a te aversus, & a te despectus, necesse est, ut intereat; ita omnis ad te convorsus, & a te respectus, impossibile est, ut intereat.* Similia sunt & alia ejusdem Sancti verba e Libro de quatuor Virtutibus Beatæ Mariæ deprompta: *Impossibile est, ut aliquis homo ad eam convorsus, & ab ea respectus;*

Huc damnetur. A Sancto quoque Augustino (ita ille addebat) eadem Beatissima Virgo in Sermone XVIII. de Sanctis appellatur *Spes unica peccatorum*. Ac de ipsa dicitur Eccli. XXIV. vers. 31. *Qui eludant me, vitam eternam habebunt*; & alia, quæ commemorare superfluum foret. Quibus ex verbis ultra quam par esset, ut mihi videbatur, auditoribus suis fiduciam Regni cœlestis adipiscendi faciebat, dum ejusmodi devotioni ac laudibus Virginis quisque insisteret. Contra ego aiebam, componenda hæc esse cum vera sanctissimæ Ecclesiæ nostræ doctrina, atque ita explicanda, ut adversus eam nulla ex parte pugnent. Non ignorasse Sanctum Anselmum, quæ hac de re sententia Ecclesiæ foret, neque censendum ab ea discedere voluisse. Si quid crudum nimiumque exciderit Sanctis viris, sive devotionis fervore, sive Oratoria licentia in laudandis Sanctis, emolliendum esse ad canonem Orthodoxæ doctrinæ, & nihil verbis iis insistendum, sed eorum intentioni, ut scite monuit Cardinalis Belarminus Lib. I. de Sancti. Beatit. Cap. XVII. alique Theologi Polemici. Neque omnes Sanctos in Sanctorum Patrum cœtum esse inferendos; & quamquam eum honorem Sancto Anselmo deferre malimus, illius tamen verba sano illo sensu accipienda & explicanda esse, quem supralaudatus Theophylus Raynaudus, hæc ipsa Anselmi, aliorumque similia loca expendens, sapienter, & secundum Ecclesiæ mentem iis tribuit in Diptych. Marian. Punct. X. num. 37. pag. 237. Quod est ad Sancti Augustini locum, etsi prodesse multum nobis possit apud Deum patrocinium Sanctorum, ac præsertim Deiparæ: Fidei tamen dogma esse, præcipuum & maximum Christianæ Spei fundamentum in misericordia & clementia Dei, ac in meritis divini Redemptoris nostris esse collocandum; usque adeo ut quidquid ii nobis impetrant a Deo, impetrent per Christum Dominum nostrum: *παρα γὰρ ἡμῶν ἐλπίς ἐν χριστῷ*: omnis namque spes nostra sua est in Christo, aiebat Sanctus Cyrillus Alexandrinus in Concilio Ephesino Cap. V. pag. 313. Editionis Labbeanæ; atque ad Fidei Dogma spectat appellare *Jesum Christum Spem nostram*, uti jamdiu Apostolus in 1. ad Tim. 1. 1. ipsum appellavit. Hæc doctrina Catholicæ Ecclesiæ, cujus verba sunt in Concilio Tridentino Sessio. XIV. Cap. VIII. *Omnis gloriatio nostra in Christo est, in quo vivimus, in quo meremur, in quo satisfacimus, facientes fructus dignos penitentiae, qui ex illo vim habent, ab illo offeruntur Patri, & per illum acceptantur a Patre*. Quare illud de Maria dictum *Spes Unica Peccatorum*, si cum rigore acciperetur, sententiam complecteretur a Fide omnino absonam, quippe quæ in injuriam divini ipsius Mediatoris evidenter vergeret. Ad hæc minime tribuendus est, uti neque a do-

C

ctis

Etis Viris tribuitur, Sancto Augustino Sermo ille, uti ex editione Patrum Benedictinorum constat. Denique illud ipsum verbum *Unica* mitiori illic significatione accipiendum, ut non *Unum* seu *Solum* significet, sed ut *Grande*. Suis nimirum precibus Deipara Virgo præ omnibus aliis Sanctis spera nobis uberiolem facit venia, aut e Deo per Jesum Christum impetrandæ. Ita Natalis Alexander Ordin. Prædicator. in Append. Tom. II. Theolog. Dogmat. Epist. 49. *opere pretium duxit exponere*, quid significant in *Salve*, *Regina*, verba illa *Spes nostra salve; ne in Errorem Fideles inducantur, & ne vera Devotio in Superstitionem degeneret*. Præterea nihil confici posse ex iis divinarum Litterarum verbis: *Qui me elucidant, vitam æternam habebunt*. In illo enim Ecclesiastici loco ad literam sumpto, de *Virtute Sapientiæ* agitur, non de Maria; de *Sapientia Dei*, aut de *Verbo Dei*, increata *Sapientia*, non de Christi Matre. Quod si Ecclesia Capitulum illud, ut & alia e veteris Testamenti Libris hausta, legit in Virginis beatissimæ festis diebus, id ob eam causam facit, quod Mysticus & Symbolicus sensus interdum insignes & incomparabiles Virtutes, prærogativas, ac merita Virginis jam aliunde nota, adumbrare potest, uti complures e Catholicis jamdiu ostenderunt. Ceterum si quisquam insistere, & superædificare vellet Mystico sensui verborum illorum, quasi literaliter ea de Virgine pronuntiata fuissent, ibique fundare prærogativam non aliunde notam Ecclesiæ ac certam, is profecto in nubibus ædificaret; immo divinis Libris abuteretur, in quibus non quod nos pie optamus, sed quod litera sonat, ac Traditio Patrum agnoscit, Deus edocere nos voluit. Propterea etsi complures ad Deiparam secundum Mysticum sensum referant verba illa Cant. IV. 7. *Tota pulchra es amica mea, & macula non est in te*: Ecclesia tamen hisce numquam usa fuit, aut utetur ad fundandum Dogma aliquod; quippe constans Ecclesiæ Catholicæ regula est, e literalis Scripturæ sensu, non vero e Mystico & Symbolico petendas esse Veritates divinitus revelatas. Denique recte nos agere, si devotionem erga Sanctos, & præsertim erga Sanctorum Reginam, Populo suadeamus & commendemus; sed hoc non sine prudentia ac moderatione faciendum, ne incertam aut periculosam doctrinam disseminemus; aut ne indocti heic statuunt præcipuum suæ Pietatis negotium; negligentque amorem & obsequium, quod debemus ante omnia, & super omnia, & ex præcepto, Creatori & Conservatori nostro Deo, ac Mediatori Dei & Hominum Christo Jesu. Hæc & alia amice disputata sunt; atque ut in altero profunda Humilitas ac Docilitas cum ceteris Virtutibus certabat, ita gratias mihi amice monenti habuit, & egit,

egit, ac in meam sententiam concessit, idque opere deinde confirmavit.

CAPUT III.

Vita hominum quam pretiosum Dei donum. De illa custodienda ac minime prodigenda, naturale ac divinum præceptum. Quando mors potius eligenda. Joannis Baptistæ, aliorumque exempla commendata. An Carthusiano in discrimine vitæ comedenda sint carnes. Sancti Elpbeigi, aliorumque exempla in examen adducta.

Nihil est ergo quod Parthenotimus *Votum Sanguinarium* magnifico *Pietatis* titulo tueri se posse putet, nisi prius certum habeat ac faciat, *Pietatem* hanc cuncta germanæ *Pietatis* lineamenta complecti; quippe datur etiam *Pietas* imprudens, temeraria, fanatica, a qua cavendum nobis, *Theologiæ* Catholicæ documenta concordia clamant. Atque hæc eadem consideratio eadit in *Theologorum* ipsorum varias *Opiniones*. *Pietatem* præferre possunt, ipsaque appellare primo aspectu liceat; si vero componantur cum aliis inconcussis *Theologiæ* Catholicæ dogmatis, iisque adversari deprehenduntur, tunc frustra adhibeas *Pietatis* nomen ad avertendam ab ejusmodi *Opinionibus* notam erroris, fabulæ, imprudentiæ, superstitionis. Multum hac de causa debet *Litteratorum* ac *Fidelium* *Reipublica* Cl. V. *Theophilo* Raynaudo e *Societ. Jesu*, quem supra laudavi, & qui mihi non semel laudandus occurret. Is enim imperterritus calamo duobus Tomis, quibus titulus est *Heteroclita spiritualia ac terrestria*, aggressus *Opiniones* non *Vulgi* tantum, sed & eorum, quorum munus est alios doctrina cælesti imbuiere, plurima somnia, falsas, aut periculosas sententias, actusque superstitionis, aut certe minime laudabiles deprehendit atque repressit. Addidit insuper & alium Tomum, *Diptycha* videlicet *Mariana*, quibus exorbitantem nonnullorum *Pietatem*, ac *Opiniones* non ferendas de prærogativis sanctissimæ *Virginis* exagitavit, quamquam nemini is concederet *Devotione* & *Pietate* in *Deiparam* ipsam. Hæc ille edidit non sine utilitate & plausu totius *Ecclesiæ*; quæ qui diligenter evolvat; temporis profecto prodigus non erit; intelligetque, nullo negotio in *Anomalias Pietatis* (quo nomine recte utitur idem Raynaudus) *Christianorum* *Devotionem* ac *Zelum* sine scientia abripi posse. Qua-

re antequam Siculus Theologus obtenderet Voto suo venerandum *Pietatis* nomen, dispiciendum ei fuit, num inter Anomalias *Pietatis* numerandum quoque ejusmodi Votum foret. At inquit ille, Pritanius ipse cum reliquis Catholicis, quin sententia de Immaculata Conceptione Virginis, *summe pia* sit, non negat, immo diserte fateatur. Qui ergo mortem oppetat pro illa tuenda, Sanguinem prudenter ac legitime dabit, quippe dabit pro causa pia; atque adeo pro *Pietate*, quæ procul dubio Virtus est, occumbet. Hæc illius argumentatio, splendidis terminis, & eo aspectu veritatis concepta, ut mirum non sit, si in illa conquiescat is Scriptor, & postquam illud ab ea se passus est, illusionem forte eandem in alios quoque parum attentos transfuderit. Verum quanta lateat in ejus argumentatione æquivocatio & falsitas, meum erit aperire, & suo loco prodere, quid *Pietas* in sententiis significet, & quam inani effugio Parthenotimus declinare censuram sui Voti contendat. Statuamus interea Quæstionem, quæ revera ipsum contra me ad arma excitavit. Nempe: *An liceat homini Christiano vovere se daturum Sanguinem & Vitam pro tuenda Sententia Scotistica de Conceptione*. Affirmat Parthenotimus, Pritanius negat. Quæ rationes Pritanium ad negandum impellant, nunc Judicibus æquis perpendendas offero. Atque ante omnia statuendum est, eam esse mentem voventium mortem pro tutela sententiæ hujus, scilicet se ita credere *Veram ac Certam* eandem sententiam, ut prompti sint ad eam suo Sanguine testandam. Germanum hoc & verum est Voti illius objectum, non vero sententiam hujusmodi tantummodo esse *Piam* ipsæ voventium formulæ evincunt. Supra vidimus Vota ab Equitibus Calatravæ, & sancti Jacobi concepta, atque ab ipso Parthenotimo adducta; videlicet *de Certissima Veritate tuenda; Defendendi hanc Veritatem*. Neque alia mens est reliquis voventibus, se illam sententiam numquam dimissuros, & semper defensuros, quamquam sine *Sanguinis* mentione: nam & isti ad illud Votum feruntur persuasionem ducti, se propugnaturus *Veritatem*, quam inesse ei sententiæ credunt, sive eam putent *Certam*, sive *Probabilem* tantummodo ac *Piam*: quod faciunt quicumque circumspecto judicio in Veritatis inquisitione procedunt. Quantum vero a Catholicæ doctrinæ luce atque ab Ecclesiæ mente ejusmodi Votum Sanguinarius abfit, luculentius perspicimus, si aliqua prius præmittantur.

Primo igitur statuo, maximum bonorum temporalium omnium esse *Vitam* naturalem hominis, sive maximum appetibilem inter bona corporalia; & contra omnium terribilissimum inter mala temporalia esse *Mortem* naturalem. Proinde Vita nostra pretiosior est quam honor & fama, & res exteriores, uti docet Sanctus Thomas 2. 2.

Quæst.

Quæst. 73. Art. 3. Secundo, Vitam nobis adimere semper gravissimum crimen est, semper Mahum; adimere vero aliis, regulariter est crimen, idque gravissimum: Homicidium quippe a Deo atque Natura vetitum est, primumque locum tenet inter Peccata in proximum commissa. Tertio, a legibus ipsius Naturæ ac Dei homo jubetur non solum sibi manus numquam inferre ad mortem sibi consciscendam, sed etiam caute servare propriam Vitam, neque eam scienter periculis exponere, neque arbitrio suo aliis tollendam offerre. Postremæ hujus conclusionis ratio manifesta est; nam, ut ait idem Angelicus Magister 2. 2. Quæst. 64. Art. V. *Vita est quoddam donum divinitus homini attributum, & ejus potestati subiectum, qui occidis, & vivere facis: Et ideo qui se ipsum Vita privas, in Deum peccat: sicut qui alienum servum interficit, peccat in dominum, cujus est servus; & sicut peccat ille, qui usurpat sibi judicium de re sibi non commissa. Ad solum enim Deum pertinet judicium Mortis & Vitæ.* Hæc ille de interimente semetipsum, sed ratione, quæ etiam militat contra subeuntes arbitratu suo necem ab aliis, immo & exponentes se sine justa causa periculo evidenti necis. Donum enim grande sibi a Deo collatum custodire debent, neque illud sine injuria veri Domini, idest Dei, in manifestum discrimen, aut in mortem certam adducere possunt. Quippe contra Virtutem Justitiæ peccant; peccant & in Virtutem Caritatis, qua quilibet se ipsum diligere debet. Quid enim differt ab interimente se suis manibus, eligens mortem ab alienis sine necessitate, sine legitima causa? Quid, qui se ultro in flumen aut in incendium præcipitat, ab eo differt, qui ab alio præcipitari se vult & curat? Illud est se physice, ac immediate necare, hoc se necare moraliter & mediate. Quarto, quum tamen præceptum custodiendæ Vitæ affirmativum sit, legitimæ causæ occurrere possunt, cur interdum liceat non servare Vitam, immo & Mortem eligere ab aliis intentatam sit opus. Hæc leges doctrina Ecclesiæ suppeditare debet. Sunt autem hujusmodi. Si agitur de cavendo *Malo Certo*, quod in comparatione Mortis corporalis longe majus sit; tunc non solum licet, sed necesse est Vitæ præsentis jacturam subire. Quare quum peccare in Deum, ejusque in nos iram provocare, sit omnium Malorum maximum: potius offerre caput securibus jubemur, quam Vitam servare, si servanda est cum aperta Dei offensione. Veniat impius mortem nobis comminando, nisi Catholicam Fidem, aut unum ex ejus articulis ejuremus, nisi Idolis sacrificemus, aut falsum testimonium dicamus, aut alia patremus, quæ Lege Dei certa prohibentur. Minime obtemperandum est: sortiter Vita est danda. Mandat quippe Dominus,

Mat.

Matthæi X: vers. 28. ut nolimus timere eos, qui occidunt Corpus; Animam autem non possunt occidere; sed potius timeamus eum, qui potest & Animam & Corpus perdere in gehennam. Sunt etiam quædam gravissimæ & sanctissimæ leges Ecclesiæ, pro quibus servandis Vitæ minime parcendum est: qualis est obligatio non revelandi Confessionem Sacramentalem, aliæque Leges, pro quarum tutelagloriosam mortem oppetiere Sanctus Thomas Cantuariensis, Sanctus Johannes Nepomucenus, & alii. Constat enim, Ecclesiæ mentem esse, ut harum gravissimarum legum custodia, quoties necessitas exigit, amori vitæ nostræ anteponatur. Certissimæ sunt nobis ac notissimæ hujusmodi leges; etiam cum vitæ periculo sunt observandæ. Ad hæc dantur Opera quædam Virtutis, spectantia ad Religionem, aut ad Caritatem erga proximum, ad quæ etsi divina aut Ecclesiastica lex Christianum minime obliget, certum tamen est e doctrina Ecclesiæ, hæc adeo placere Altissimo, ut liceat pro iis exponere se se periculo Mortis, immo ipsam mortem subire, æternamque a Deo mercedem inde sperare; aut saltem ejus sunt generis Opera ista, ut ex consensu Theologorum mors æterna prudenter eadem facientem nequaquam maneat. Exempli causa eligere potius mortem ab impio inferendam, pro Virginitate amore Dei servanda; aut mortis discrimini se se exponere, Caritate impellente pro juvandis peste infectis, pro prædicanda Fide Christi inter Infideles, aliaque id genus. Universi autem conatus Parthenotimi eo collineant, ut ad hanc regulam deducatur *Votum Sanguinarium*, & sub ejus umbra defendatur. Is quidem fatetur, sententiam de Immunitate Mariana non esse de Fide, ac propterea neminem ad eam Sanguine propugnandam adigi: quum tamen *opus Virtutis, Pietatis, Cavitationis, Honestatis* sit eam tueri, propterea contendit, licere in ejus defensione Vitam quoque impendere, atque ob egregium hoc facinus præmium esse sperandum in cælis. At quantopere hæc Opinio a Veritate atque a Doctrina Ecclesiæ abhorreat, an ostendere nunc possim, sensim Lectores, nullo partium studio corrupti, judicabunt.

Ad hoc enim ut Vita nostra objici periculis gravibus ultro ac liceat possit, eoque magis, ut certæ morti destinetur in casibus, in quibus neque ab ulla Divina, neque ab Ecclesiastica lege id facere jubemur: necesse est, ut legitima ratio id faciendum suadeat, & *Prudentiæ* leges in re tanta exactissime observentur. Scilicet *Bonum*, quod effusione Sanguinis & Vitæ quærimus, futurum est *Bonum Certum* ac *Majus* ipsa nostra temporali Vita. *Prudentia* quippe Virtus est, quam duceim & comitem ceteræ Virtutes habere debent, ejusque lumine cuncta sapientis Christiani opera regenda sunt. Hanc

Præ-

Prudentiam Deus ipse nobis præscribit, & Ecclesia summopere custodiendam jubet. Christo Domino præcipiente curandum est, ut simus *Prudentes sicut serpentes*; & Apostolus ad Roman. XVI. vers. 19. ait: *Volo vos sapientes esse in bono, & simplices in malo*. Et quid, quæso, Confilia, Opera, Opinionesque hominum erunt, si sine Prudentia ineantur, quæ ab Augustino definitur *appetendarum rerum & vitandorum scientia*, & Virtus, *qua dignoscimus inter Bonum & Malum*? Si ergo dat homo Vitam suam corporalem pro consequendo Bono Certo, simulque Præstantiore: tunc prudenter agit, legitimamque causam habet incurrendæ Mortis, quum Prudentis sit commutare, si velit, minus Bonum cum majori, dum utrumque sit certum. Contra ubi Vitæ nostræ conservatio majus Bonum sit, quam alterum, quod quærimus; aut Incertum sit ipsum Bonum, quod quærimus; tunc Sapientiæ ac Prudentiæ legibus injurius est, ac se ipsum inconsulte lædit, immo aperte Deo displicet ac peccat, qui Certo Bono, hoc est Vitæ, renuntiat, pro Incerto Bono; aut minus, inferiusve Bonum eligit, dimisso majori. Ad hosce Canones componere se debet cura Vitæ nostræ, simulque Pietas, quæ nisi legibus istis regatur, in vitium & ipsa degenerabit; atque evadet, uti supra innuimus, Pietas imprudens ac temeraria; interdum quoque a Superstitione ac Fanaticismo non aberit. Ad hæc Prudentiæ munus atque obligatio est, non tantum eligere Bonum Certum, atque comparatione Majus, sed etiam circumspicere circumstantias agendi, hoc est Tempus, Locum, Modum &c. Fieri enim potest, ut ratione ejusmodi circumstantiarum Bonum illud aut desinat esse Certum, aut non retineat majoris pretii prærogativam, quæ primo occurrerat. Utique Pium opus est Orationi insistere, atque in sacris Templis incruento Sacrificio devote interesse. Nemo neget, quin hoc sit Certum Bonum, & Majus quam secularibus negotiis operam dare. Verum ubi agatur de viro, qui labore manuum suarum alimenta filiis præstare debet; aut de femina, cui onus custodiendi parvulos filios, aut nobiles filias, incumbit; aut de Magistratu, cujus est Populo sollicitè ac indefinenter ministrare justiciam: si tempus immoderate in Templo sive in Oratione impendunt, Pium erit quidem illorum Opus, sed simul imprudens, & culpabilis dicenda erit eorum Pietas. Ratione nimirum circumstantiarum Certum ac Majus Bonum, quod est ad illos, erit quærere victum liberis, curamque habere diligentiorē familiæ aut muneris sui, quam piis illis occupationibus tantum temporis dare. Illud, non istud, exigit ab iis Deus; ac propterea Pietatis nomine ii frustra methodum suam excusarent.

Con-

Congerit heic Parthenotimus exempla, quibus ostendat, non solum licere, sed laudabile esse mortem oppetere pro Virtute, pro Pietate, pro Honestate operis alicujus. Hæc libenter accipimus, visuri nunc, an ex his subsidium rite possit peti ad dealbandum Sanguinariū Votum. Primum est Sancti *Jobannis Baptiste*, qui non Martyr est, quia passus est, Herodem esse adulterum; nec pro certitudine adulterii mortem subiit; sed pro illius reprehensione, qua Virtus est. Et hæc est illa Veritas, pro qua occisus est *Jobannes*, ut loquitur *Divus Gregorius*. Hæc Theologus *Siculus* pag. 19. Utique Martyr Præcurfor, utique pro reprehensione Herodis is vita exutus: ut nihil in ejus Martyrio desideratum est Veritatis, Justitiæ, atque Prudentiæ. Circumstantias respice. Pro reprehensione occisus est; sed addendum pro reprehensione criminis certi, & scandali certi inde manantis; & quod præcipue animadvertendum, pro reprehensione, quam uti Propheta, atque homo missus a Deo, facere potuit ac debuit. Is quippe non secus ac *Hieremias*, destinatus a Deo, ut evelleret, destrueret, & disperderet, & ædificaret, atque plantaret. Proinde impellente Deo, suo munere rite est functus, ac pro lege Veritatis, pro æquitate, pro justitia occisus, ut ait Sanctus *Augustinus* Enarrat. in Psalm. CXL. Nunc etiam si quisquam Episcoporum, quibus animarum cura divinitus commissa est, Regem adulterum aut homicidam redargueret (quod Sanctus *Ambrosius* ac alii fecere) si ob id interficeretur, gloriosa morte periret, dum tamen Prudentiæ legibus satisfecisset, circumstantiis bene perspectis, propter quas reprehendendi obligatio cessare potest, aut ipse reprehensor imprudens videri. Contra, si quis privatus homo, nulla sultus auctoritate, Regem adulterii aut homicidii argueret, præcipueque si palam, atque in se iram illius propterea provocaret: nemo sapiens illum laudaret, immo temeritatem ac zelum sine prudentia in illo quisque deprehenderet. Secundo, quoties Christianus mallet vitam dare, ut Virginitatem amore Dei servaret, ejusque custodiam Matrimonio, ne dicam fornicationi, anteponeret, laudabile opus Fortitudinis, Religionis, ac Prudentiæ exerceret. Virginitatis amor ex amore Dei procedens, testante Apostolo, & concinente Ecclesia, præstantius Bonum est quam Nuptiæ; & quidem Bonum Certum, ita ut pro illo conservando recte Vita impendatur. Tertio, inquit Parthenotimus pag. 63. *Carthusianus* dum non pro Veritate, sed pro custodia veteris religiosæ consuetudinis a carnibus abstinere, & mortui mori, quam carnibus vesci, ex Theologorum consensu laudandus est, ac Numini placebit. Hæc ille, sed nulla distinctione adhibita, & quasi nulla inter Theologos sit de hujusmodi casu disputatio. Nam ubi ægritudine vexatur

tur Carthusianus, censcatque Medicus, eum moriturum, nisi carnibus vescatur, prudentissime religiosus vir faciet, si abstinere ab iis pergat, dummodo alii adsint cibi, quibus pasci possit. Falsum quippe est, homini mortem obventuram, nisi carnibus vescatur, quum tanta non sit virtus solis carnibus, ut ægrotaentem a morte eximere possint, quando, ut suppono, ad vitam sustentandam alii cibi præter carnes tunc non desint. Deinde statuendum prius est, sitne apud Carthusianos abstinencia a carnibus Votum ab Apostolica Sede probatum, an religiosa tantum Consuetudo; quæ inspectio diversitatem sententiæ secum feret. Verum sub alio aspectu casus hic est exhibendus.

Ec præstat imprimis audire Thomam Tamburinum Siculum Soc. Jesu, ita scribentem Lib. VI. Explicat. Decalog. Cap. 11. §. 1. ubi Homicidium sui damnat: *Neque, ait, opponas, Carthusianos, vel in periculo mortis laudabiliter, sive ex Voto, sive ex pia Consuetudine a carnibus abstinentes. Ita Fagund. Lib. V. in Decalogum Cap. XI. num. 19. & 20. citans Sayrum, aliosque. Azor. part. II. Cap. III. quest. 13. & 14. Ne hos, inquam, opponas. Nam pari modo affirmo cum Thoma Sanchez in Consil. Lib. V. Cap. I. Dub. 34. (cui addi potest Filliucius Tractat. XXIX. Cap. V. in Decalogum) eos debere in periculo mortis carnes comedere, si alius aptus cibus absit, ut si essent in deserto, ubi nonnisi carnes haberi ex venatione possint &c. Scio, Johannem Sanchez Dist. 3. num. 7. Gerson. Tract. de tempor. Carbus. Probabiliter sentire, etiamsi nulli alii sint cibi, atque adeo in necessitate extrema, posse, immo & teneri suum Votum (si tamen Votum est, ut sentis Lessus Lib. IV. Cap. 3. D. 2. n. 12. Nam si sit mera regula, ut pntat Gerson. loco citato, & Thom. loc. cit. num. 2. certum est non teneri) a carnibus abstinendo custodire: quia sæpe licitum est ob justam causam (ut esset heic ob conservandam religiosam disciplinam, publicumque bonum ac fervorem snæ Religionis) non conservare vitam: quod non est occidere se (ajunt) directe vel indirecte. Verum prior sententia mihi magis placet. Adde & Cardinalis Bellarmini votum, qui Lib. II. Cap. XXXII. de Monachis hæc habet: Dices, si jejunii lex, aut Votum, corporis valetudini vehementer noceat, potest, ac debet non servari: cur igitur non idem dicatur de Voto Continentiæ? Respondeo non esse eandem rationem Jejunii & Continentiæ: nam cibus ordinatur per se ad salutem individui; idcirco illo non uti, cum necesse est ad salutem conservandam, Vitium est, non Virtus, proinde nec Voti materia. Et Lessus Lib. IV. Cap. III. Dubit. 2. testatur, a multis Doctoribus censei Invalidum & Illicitum vivere, se nullo eventu, etiamsi mors impenderet, carnes esurum.*

Videat ergo Parthenotimus, an rem certam nobis propinet, dum licere putat Carthusiano, vel in casu certi & extremi periculi vitæ, abstinere a carnibus. Quod plus est, Gersonius ipse, qui in calce Opusculi *De non esu carniū apud Carthusienses* Tom. II. Oper. pag. 717. inclinare videtur in sententiam affirmativam, in Libello tamen Regulari Moral. Tom. III. pag. 94. diserte scribit: *Votum Carthusiense de non esu carniū; Votum insuper aliorum Religiosorum de multis observationibus duris, aliis licitiis; Votum denique particularium personarum de certis cibis non edendis in æternum, in certis casibus necessitatis extreme, probabiliter, si Vota hæc tenerentur, imminens, DEBENT IMMUTARI.* Non enim licet alium contra Dei Præceptum occidere; quanto minus se ipsum? Secludimus tamen in omnibus scandalum pusillorum. Immo Auctor idem in prælaudato ipso Opusculo *De non esu* Conclusionem secundam ita efformat, ut licere neget Carthusiano in extrema cibi necessitate posito, a carnibus abstinere, si nihil aliud sibi offeratur ad vescendum, quam carnes. Quare in hanc ille sententiam concesserit, referre juvat: Lectoresque rogo, ut attente hoc animadvertant. Si diceret aliquis (ita is subdit) quod potius eligere habebis mortem fame; dicere eundem oportebis ex consequenti, quod in se ipsum manus injicies, & fuimet eris occisor; juxta illud vulgatum Augustini: *Pasce fame morientem.* Si non pavisti, occidisti. Nec ad se minus, quam ad alios Præceptum hoc extenditur. Præterea Consuetudo aut Constitutio generalis Ecclesiæ de non comedendo carnes in die Veneris, non obligaret ad sui observationem in casibus prioribus extreme necessitatis; immo nec excusaret aliquem ab homicidio, qui quum posset salvare vitam per esum carniū, se, vel alium mori spontanee permitteret abstinendo: secludendo tamen semper casum grandis scandalii in Fide, de quo dicitur postea. Porro de Votis idem est argumentum. Est autem fundamentum radicale præfactæ rationis in hoc, quoniam a Lege Divina nulla Lex aut Obligatio pure humana potest absolvere, aut excipere, vel instituere, quod non observetur. Sed hæc est Lex Divina: *Non occides, Deuter. XX. 13.* a qua Lege non legitur per aliquod aliud divinum Jus fasla exceptio, ita ut pro observatione Constitutionis aut Consuetudinis pure humane supervenientis, eam transgredi liceret, & se mori sinere fas esset. Alia addit Gersonius, apud eum legenda, quæ prætereo, quum hæc satis sint ad infirmendam eorum Opinionem, qui contrarium sentiunt. Atque hæc diligenter adnotanda, utpote magni ponderis ad controversiam dirimendam, quæ inter Parthenotimum & me agitur. Eo in loco Gersonius objectionem sibi opponit, nec solvit; curabo ego pro viribus infra, ut ei faciam satis.

Quar-

Quarto addit Parthenotimus pag. 81. *Captus a Barbaris Elpbeus Cantuariæ Episcopus noluit, appenso ingentilistro, vitam redimere. Captus a Barbaris est. Hinc suborta dubitatio, an Elpbeus Martyr esset. Martyrem non esse, contendit Lanfrancus (Cantuariensis & ipse postea Archiepiscopus, & vir doctissimus) eo quidem nomine, quod immoderatam litrum negasset. E contrario Martyrem eam ob causam esse, tenuit Sanctus Anselmus, quia pro iustitia Elpbeus dicitur occubuisse: dum, ne latrones ditaret, suas deglubere noluit oves. Nec ullus comparuit Pritanus, qui Divi Anselmi Opinionem superstitionis accusaret. Nullus sane prodiit, neque prodibit Pritanus, qui Sancto Elphego Martyrii gloriam neget, aut Sancti Anselmi iustæ sententiæ adversetur. Sed prodibit quidem contra Parthenotimum, undique conradentem laudanda & sancta exempla, ut Opinionem suam minime laudandam incautis gratam efficiat. Accipe Eadmeri verba in Vita Sancti Anselmi Lib. I. Aiebat Beatus Lanfrancus, ab inimicis Dei Paganis factam Elphego potestatem se redimendi; at immensam pro hac ab eo pecuniam expetisse, quam quia nullo pacto poteras habere, nisi homines suos eorum pecunia spoliaret, & nonnullos forsitan invise mendicitati subjugares, elegit vitam perdere, quam eam tali modo custodire. Tum Anselmus ita respondit: Palam est, quod is, qui ne leve quidem contra Deum peccatum admittas, mori non dubitas; multo maxime mori non dubitares, priusquam aliquo gravi peccato Deum exacerbares. Es revera gravius peccatum videtur esse, Christum negare, quam quamlibet terrenum Dominum, pro redemptione vite sue, homines suos per ablationem pecunie illorum ad modicum gravare. Sed hoc, quod minus est, Elpbeus noluit facere. Multo igitur minus Christum negaret, si vesana manus eum ad hoc mortem intentando constringeret. Unde datur intelligi, miram peccus ejus iustitiam possedisse, quando vitam suam maluit dare, quam sprete Caritate proximos suos scandalizare. Nec immerito, ut reor, inter Martyres computatur, qui pro tanta iustitia mortem sponte sustinuisse veraciter predicatur. Addit Eadmerus, causam necis Beati Elfezi non illam solam, sed aliam fuisse ista antiquiorem. Nam non ideo tantum quia se pecunia redimere noluit, sed etiam, quia Paganis persecutoribus suis, Civitatem Cantuariam, & Ecclesiam Christi in ea sitam contumacibus, Cruceque suos atroci morte necantibus, Christiana libertate obistere, eosque a sua infidelitate convertere nixus est, ab eis captus, & crudeli exanimacione est occisus. Et profecto hæc potior causa, immo germana, referendi inter veros Martyres Elphegi. Sed confisiamus in unica Sancti Anselmi ratiocinatione. Supponit ac præmittit, Elphegum Peccati reum fuisse futurum, si redemptionem suam*

tam gravi suorum hominum incommodo procurasset; neque *Scandalum* absuturum, si tam caro emisset sui corporis liberationem. Hoc autem etsi non tam grave Peccatum fuisset, quam Christum negare, Peccatum tamen esse non desisset. Atqui Christianæ Legis dogma est, mortem potius subeundam, quam *Peccato* vel levi in Deum consentire. Ergo recte inferebat Anselmus, Elphegum sancte elegerit mortem, & *pro tanta justitia* sanctissime vitam sibi eripi passum fuisse. Accedat nunc Parthenotimus, & quæso dicat, num *Peccatum* sit non credere immunem ab omni macula Conceptionem Mariæ? Exploratum est, inquiet, ut puto, inter Catholicos, nullum heic occurrere *Peccatum*. Immo si quisquam forte contenderet, locum heic esse *Peccato*, sciat se anathemate constrictum, quo Romani Pontifices percellunt quemcumque affirmantem, *Hæresis aut Peccati* reos esse, qui Mariam credunt cum Labe Originali conceptam. Frustra igitur hujusmodi exemplo Sanguinarium Votum, nimium ab eo diversum, cohonestari posse confidit.

Quinto Parthenotimus pag. 98. ait: *Velis nolis Lamindus, cum Theologis necesse est consentias, quod extra Fidei aleam licitum sit finire, se occidi, si velis damnare Militem, qui ne a statione discedat, ab hostium manipulo perimatur. Si velis christianum strenuumque pectus criminari, quod ut peste affectis inserviat, ipsa contagione necetur.* Infra addit: *Fidei persusa lumine Christiana Theologia statuit, quod in carcerem, maxime justam, redeat, qui juravit, se illuc rediturum, quamquam esset ibi occidendus.* Quod est ad inservientes amore Dei pestilentia infectis, immo quod est ad quoscumque alios, qui eadem Caritate ducti, Proximo aut ægotanti aut periclitanti opem ferunt, ut ei salutem Animæ procurent, immo interdum & Corporis, uti in Nosocomiis accidit: Dogma Fidei est, eis in tam laudabili Christianæ Caritatis exercitio morientibus ingens in Cælis paratum esse præmium. Rectissime quippe Minus Bonum, idest corporalis Vita nostra impenditur, ut Proximo nostro inde Certum ac Majus Bonum obveniat. Quo tamen in ministerio summe pio Prudentia quoque est adhibenda; scilicet tam generosis Christianis Caritate serventibus, solícite & quantum fieri potest, custodienda est propria vita ac salus, tum ut Caritati, quam quisque habere debet erga se ipsum, satisfiat, tum etiam ut reliquis indigentibus idem subsidium conferri diutius possit. Ad Militem vero quod attinet, eligentem in excubiis sibi demandatis mori, non ille tantum, sed & ceteri milites in bello regulariter se licite exponunt certo vitæ discrimini, immo quoties occasio se exhibet, se se exponere debent, sive ex pacto licite inito cum Prin-

Principe legitimo, sive quia id exigit conservatio Reipublicæ, quæ Certum ac Præstantius Bonum est, quam Vita privati hominis. Exemplum vero carcerem repetentis, in quem se rediturum iuramento pollicitus fuerat, etiam si esset ibi occidendus, ad regulam supra notatam referendum est: nempe eligendam esse mortem, ne in Deum peccemus. Jusjurandum quippe iuste interpositum fraudari sine injuria Dei in illo casu non potest. Publica fides præterea humani commercii Certissimum Bonum est, immo ejus pretii, ut anteponenda sit illius conservatio conservationi Vitæ. Quare non solum redire in carcerem tunc licet, sed opus est ei, qui rediturum se juravit, ipsumque redire, & mortem tolerare, si ita casus serat, Virtutis opus est appellandum. Atque hætenus exempla a Parthenotimo adhibita, quibus honestari Votum Sanguinarium posse, ille sibi persuadebat. Verum quam inani successu, jam partim intelleximus, & partim infra intelligemus.

C A P U T I V.

Ut Vita prudenter detur, pro Bono Majori, & æque Certo danda est. Exempla mortis imprudenter electæ. Tenuitas pii operis consideranda, ne contra leges Prudentiæ quisquam in mortem incurrat.

Regulam posuimus, videlicet ad hoc ut Prudenter homo pretiosum Vitæ corporalis depositum sibi eripiendum aliis offerat, cum laude apud homines, & merito apud Deum, aut saltem sine Peccato, duo concurrere debere. Alterum, ut Bonum, quod per mortem Corporis appetimus, sive servatum volumus, sit æque Certum atque ipsius Vitæ nostræ conservatio. Alterum, ut sit *Majus ac Præstantius Bonum*, quam conservatio ejusdem Vitæ. Si enim agitur de Bono dumtaxat pari, cujusmodi foret, Vitam suam dare, ne alter propria privetur, tunc disputationes multæ incurrere possunt, quas delibare nihil in præsentia refert. Ex hac autem Regula fluit consequenter altera: Videlicet, tunc Temere ac Imprudenter, id est sine laude ac merito, immo non sine Peccato, exponi Vitam nostram certæ neci, quoties Bonum per eam expetitur, sive servandum sit leve ac Minus, quam Bonum ipsius Vitæ, aut non sit æque Certum, atque est ejusdem Vitæ conservatio. Tanti enim ex institutione Naturæ, atque ex ipsius Dei præcepto, facienda est Vita nostra (ingens sane Bonum nobis a Deo commodatum) ut illam abjicere, nosque ultro mortem subire pro leviori ac Minori Bono, aut error non ferendus, aut crimem
etiam

etiam sit. Idque in operibus ipsis *Pietatis* ac *Religionis* locum habet, in quorum consideratione constrictam nunc volo orationem meam. Nimirum opera dantur, quæ certissime ad *Pietatem* spectant, & nihilominus ejus non sunt ponderis, ut fas sit, aut laudabile sit, Vitam potius exponere gladio, quam illa omittere, dummodo tamen contemptus Religionis, & grave Scandalum inde abfir. Nulla dubitatio est, quin sancta sit Oratio Angelica, sive *Ave Maria*, & sancta precandi formula *Rosarium* sanctissimæ Virginis; certissimum quoque est, piam & sanctam rem esse Orationis illius, atque Rosarii recitationem ex devotione factam. Finge tibi Tyrannum, aut furiosum quemquam, comminantem ense exerto mortem recitanti, ni cesset, & cessare nolentem interfici: Prudens-ne existimabitur, qui sine ulla necessitate pium illud opus peragens, mortem potius elegerit, quam silere? Neutiquam sane. Exigebat Prudentia, ut ille ea occasione ab opere quamquam pio desisteret, quum in aliud tempus & locum differri posset pium illud opus; neque tanti sit ipsum, ut profusione Vitæ, quam nobis Deus servandam mandavit, sit peragendum. Dixi, dum secludatur contemptus Religionis & grave Scandalum. Si enim constet, Tyrannum recitationem illam ideo vetare, quod impiam rem putet Orationem Angelicam, sive Rosarium; tunc non licebit solum, sed opus erit patri potius se trucidari, quam a pia illa recitatione desistere; nam in iis, quæ ad doctrinam Fidei spectant, non datur parvitas materiæ. At secluso ejusmodi contemptu, & ex alio fine interdicta recitatione illius Orationis, Prudenti homini desistendum tunc est, & Vita servanda; quum nihil detrimenti in Religionem, nihil Scandali in Populum inde sit obventurum, atque alia ratione commode possit eidem Devotionis operi satisfieri. Ita visitare sacras Aedes; ut ibi preces ad Deum fundantur, Pium opus procul dubio est. Si quis igitur statuat visitare Templum, & quamquam monitus latrones latere in itinere, qui sine misericordia certissime viatores spolient, ac trucidant, obfirmato tamen animo proficisci velit, mortemque incurrat: Imprudens erit illius Pietas, ac temere is mortem subibit. Quod plus est, etiam si Votum in ejusmodi piis non magni momenti operibus intercedat, tunc obligatio Voti cessat; ut si quis voverit invisere verno tempore Lauretanum Templum, & non fallax nuntius habeatur, infestari quotidie a Turcis, aut a servis prædonibus viam, ita ut aut captivitas, aut mors certa proficenti iuste sit formidanda: complendum minime tunc erit Votum, atque ad tempora pacatiora reservanda erit illius solutio, aut illius petenda commutatio. Quod si quis Votum conciperet peregrinationis sacræ, quamquam certo prænosset, se in certum libertatis

aut

aut vitæ discrimen adducendum: Votum illud erit nullum, utpote Prudentia repugnante emissum. Ratio est, quam supra Gersonius attulit, nempe nullam obligationem pure humanam posse nos absolvere a Lege divina. Est autem divina Lex, nos Vitam nostram debere ab imminenti certoque periculo arcere; & tunc solum opus esse eam ultro dare, ne peccemus; aut licere eam dare, si commutanda sit cum Certo ac Majori Bono. Atqui visitare illam sacram Ædem non est opus pium tanti ponderis, ut sit captivitas aut mors eligenda, ne ab illo desistamus, quum Pietati nostræ erga Beatam Virginem in alia sacra Æde consuli prudenter tunc possit, aut ad meliora tempora differri pium illud opus. Quæ hæcenus dixi, auctoritate firmantur Martini Magistri in Tractat. de Fortitud. Quæst. V. ubi & is agnoscit quædam opera Virtutis ac Pietatis tam parvæ necessitatis & utilitatis, ut non liceat secundum dictamen rationis pro iis se exponere morti, & ratio ipsa nos doceat, esse omittenda. Cardinalis autem Cajetanus in 2. 2. quæst. 124. artic. V. idem sulsus confirmat, scribens, *opera Bona ex suo genere tantum non esse universaliter opera Virtutis, nisi sint etiam Bona ex circumstantiis, quoniam bonum consurgit ex integra causa. Immo si absque debitis circumstantiis fiant, Mala moraliter sunt, quoniam saltem sunt contra Prudentiam, quæ forma est Virtutis Moralium &c.* Proinde & is statuit, non opus Virtutis tunc fieri, sed Peccatum, moriendo pro illo opere, quod e circumstantiis definit esse opus Virtutis.

Atque ad hanc ipsam regulam referendum puto, quod Gersonius idem sibi objiciebat, dum quæreret, an Carthusiano liceat eligere potius mortem, quam carnibus vesci in extrema necessitate cibi: *Quum etiam non vovens, ait, possit licite pati mortem pro conservatione Castitatis perpetuæ, quamvis hoc pati nequaquam obligetur, vellem, ut nobis darent diversitatem rationis in Castitate & Sobrietate, quare non utrobique eris similis hujus divini Præcepti transgressio: Non occides.* Hæc mihi ratio diversitatis creditur: nimirum esse quidem pium, & sanctum opus tam Virginitatis & Castitatis conservationem pro Dei amore, quam abstinere a carnibus intuitu ipsius Dei; non idem tamen esse pretium utriusque operis. Præstantissimum enim Bonum est, teste Apostolo, Conciliis, ac Patribus, Castitatem Deo dicare, unde uberes fructus spiritualis vitæ emanare solent; at quamquam abstinencia a carnibus sit Bonum ac laudandum opus, longe tamen altero inferius est, neque in genere abstinentiæ tanti est, ut cum Castitate perpetua sit æquiparandum. Idque patet ex ipsius Ecclesiæ ritu; nam etsi illa præcipiat abstinere a carnibus Feria Sexta, & Sabato, atque in Vigiliis, si tamen iis diebus Mortis periculum immincat

mineat homini, nullum alium cibum præter carnem habenti, tunc ei non solum licet, sed opus est ab interitu Vitam suam eripere comedendo carnes. Aliter faciendo peccaret, si monitus in electione mortis pervicaciter peristeret. Contra semper laudabit Ecclesia quoscunque vitam ponentes pro Castitate Deo dicata, hoc est eximium illud spirituale Bonum præferentes Vitæ suæ corporalis conservationi. Ad hæc renuntiari Castitati non potest, nisi peccando, aut nubendo. Primum nullo pacto licet; alterum per usum debiti matrimonialis custodiam Castitatis plenæ perpetuo tollere potest; Castitatis inquam, omnem actum venereum propter amorem Dei averfantis. Verum etsi Carthusianus, in extrema necessitate positus, carnes comedit, ut mortem tunc evitet, poterit necessitate sublata reliquum vitæ agere, sancte ab iisdem carnibus abstinendo.

Exempla hæc pauca, quibus alia id genus adjicere nullo negotio unusquisque possit, jam satis sunt ad agnoscendum, quam dubio ac fragili scuto Sanguinarium Votum Parthenotimus tuendum susceperit, dum inquit, licere, ac laudabile esse *pro Pietate mori*. Quod pium sit aliquod Opus, non continuo sequitur, prudenter aut licite pro illo Vitam posse impendi, & potissimum si alteram conditionem repetamus, Christiano homini necessariam, ut secundum Prudentiam, neque temere, aliis occidendum se præbeat. Nimirum necesse est, ut Bonum, pro quo subeunda mors est, non solum pretio superet Bonum Vitæ nostræ, sed etiam sit æque ac illud Certum. Si enim Incertum ac dubium Bonum sit, quocum commutanda est Vita, quis rogo non Imprudentem, aut Fanaticum, aut Dementem eum appellet, qui Bonum tam pretiosum & Certum, & cujus possessio manu tenetur, quale est Vita nostra, deponere sponte velit, ut Bonum consequatur, de quo dubitatio est, an existat, & fieri potest, ut numquam existat? Ad hæc Certissimum est divinum Præceptum servandæ, & non projiciendæ Vitæ nostræ, quum nos domini illius non simus sed Deus; ita ut in Deum peccet, qui sine certa & legitima causa a Deo probata jacturam illius facere velit. Quomodo ergo non injustitiæ, non temeritatis, ac imprudentiæ arguendus erit, quicumque Mortem eligat pro re, quæ Incertum est an placeat Deo, quum nullum Dei Præceptum aut Consilium adsit de præferendo objecto illo conservationi Vitæ nostræ? Certum est divinum Præceptum de non sacrificando Idolis, de non neganda Fide Christi, de non fornicando, uno verbo de non peccando. Certum est divinum Consilium de Castitate Deo dicanda, laudante Domino illos, qui se castraverunt propter Regnum cælorum, & præferente Apostolo eandem conjugio. Certum Consilium, interdum & Præceptum

ptum Caritatis de procuranda Vita spirituali Proximo nostro. In hi-
 sce casibus veri ac prudentis Christiani est Vitam impendere, si oc-
 casio id postulet, quia Certum quidem Vitæ nostræ Bonum datur,
 sed datur pro altero Bono æque Certo, ac insuper majori ac præstan-
 tiori, quam Vita nostra; aut evitatur Morte nostra Malum Certum,
 simulque longe majus, quale est Peccatum. Constat etiam, ita agen-
 tibus paratam esse in cælis ingentem a Deo remuneratore mercedem.
 Hæc certa. Attamen plerumque in Prudentiam peccaret, qui palam
 prædicare Christi Fidem inter Turcas velleret. Cur quæso? nisi quia
 esset incertum, an quidquam spiritualis fructus inde consequeretur, &
 contra esset certa illius mors, certoque discrimini exponerentur
 reliqui Fideles in Turcarum ditione degentes. Et quamquam norit
 unusquisque Fidelium, confiteri Christum coram hominibus, Vi-
 tamque dare pro ejus nomine esse gloriosum opus Amoris Dei &
 Fortitudinis, cui non deerit æternum ac ingens a Deo præmium: at-
 tamen ne arbitrio quidem nostro dare Vitam pro Christo licet, sed
 tum solum quum certum est, Deum exposcere a nobis, aut gratum
 habiturum esse hujusmodi sacrificium. Olim minime laudati, immo
 improbiati fuere Christiani, atque e Martyrum Diptychis nonnumquam
 exclusi, qui sponte, ac sine necessitate, se se Tyrannis necandos of-
 ferebant; & contra ii tantum commendati, qui mortem non impro-
 vide quæsitam, & quam evitare alia ratione non poterant, nisi pec-
 cando in Deum, forti, invictoque animo pro Deo tolerabant. Sunt
 in hanc rem Clementis Alexandrini, Origenis, Athanasii, Nazian-
 zeni, aliorumque Patrum verba diserta.

C A P U T V.

*Ad leges sanctissimas minime spectat effusio Sanguinis pro tuenda
 Immunitate Virginis. Neque ad tutelam Sanctitatis Maria-
 næ. Aliud Pietas Intrinseca, aliud Opinativa. Ad quamnam
 ex his referenda sententia Scotistica de Conceptione Virginis.*

A Ccedamus nunc tandem ad Quæstionem, quæ huic Opusculo
 causam dedit. Censet Parthenorimus, non solum licere, sed
 laudabile esse, jugulum carnifici offerre pro tuenda Veritate sen-
 tentiæ, excludentis a Deipara maculam Originalis peccati; im-
 mo tanti pretii ac meriti futurum hoc opus, ut Martyris no-
 men negandum non sit pugili tam generoso. Contra sentio ego,
 non solum laude indignum, eoque magis Martyrii corona atque

E ap-

appellatione, sed ne licere quidem. Cum legibus hæcenus propositis conferantur illius rationes. Hoc est perpendatur, num tutela sententiæ Scotisticæ sit Bonum Majus ac præstantius Vita nostra, ac insuper Bonum æque Certum ac eadem Vita. *Vel ipse Pritanius* (repeto Parthenotimi verba pag. 18.) *non negat pro legibus sanctissimis fundendum esse sanguinem. Numquid inter leges sanctissimas non est Virginem venerari? Virginem venerari ut sanctam?* Ita ille, ejusque paralogismus facile quisque sentiat. Nam ubinam quæso sunt *sanctissimæ leges*, Christiano Populo mandantes, ut credant Virginem sine labe fuisse conceptam? Conscius sibi est vel ipse Parthenotimus, nullam hæc legem occurrere. Liberum est Catholicis e duabus Opinionibus contrariis illam amplecti, quam magis piam ac Veritati propiore arbitrentur. At, inquit, *numquid inter leges sanctissimas non est Virginem venerari?* Procul dubio. Consequentiam nunc infer: Ergo credere ac tueri sententiam Scotisticam lex est Ecclesiæ Catholicæ. Quis non intelligat, quam claudio seu nullo pede argumentum procedat? Venerari Virginem lex profecto sanctissima est. At nulla lege jubentur Catholici eam quoque credere sine originali culpa conceptam. Nam & qui contra sentiunt, Virginem venerantur, & cultui erga illam debito nulla ex parte defunt. Ad hæc: quando Parthenotimi ratiocinatio vim habitura hæc esset, & lex universalis ab eo producta complecti deberet hunc etiam casum singularem venerandæ Virginis, eam credendo in Conceptione immaculatam: nonne is videt, non sibi tantum, sed omnibus Catholicis eligendam esse mortem pro tuenda eadem sententia, ne venerationi erga Deiparam defint? At istud ab omni veritate alienum est, neque id Parthenotimus ipse diffitetur. Ergo prima ejus ratio extra officinam rectæ ratiocinationis fabricata est.

Addit ille eadem pagina 18. *Non Martyr esset pie vovens, quia assentitur Immaculatæ Beatæ Virginis Conceptioni, nec pro ejusdem directæ Certitudine, quæ nondum est de Fide, mortem oppeteret, sed pro defensione Sanctitatis Mariæ, quæ Virtutem Religionis sapit: O hæc est illa Veritas, pro qua moveretur.* Alterum paralogismum habemus. En ejus argumentatio. Defendere Sanctitatem Mariæ spectat sine dubitatione ad Virtutem Religionis; & qui Sanctitatem Mariæ suo sanguine testatur, recte facit, & Martyr certissime fuerit. Atqui tueri suo Sanguine sententiam faventem Immunitati Mariæ, idem est actueri Sanctitatem Mariæ. Ergo hanc sententiam suo Sanguine propugnans, recte facit, atque inter Martyres numerabitur. Hæc, puto, Theologi Siculi mens & argumentatio, neque alia esse potest. Et sæpe si syllogismus veritate nititur, longe Majus Bonum est pro-

pugnare Sanctitatem Virginis, quam parcere Vitæ nostræ. Verum salutate omnino laborat Minor. Ecquando enim Catholica Ecclesia sensit, pendere Sanctitatem Mariæ ex illius exemptione ab Originali peccato? Sancta & Sanctissima semper fuit, est, & erit supra omnes mulieres, supra omnes Sanctos, & Angelos, Beatissima parens Salvatoris nostri, sive fuerit, sive non fuerit concepta sine originali peccato. Tot quoque in cœlis cum Christo regnantes ut Sanctos colimus, quorum Sanctitati nihil detraxit, aut detrahit, incurrisse culpam primi parentis. Neque sine temeritate dices, derogari Sanctitati Virginis ab iis, qui contrariæ sententiæ de illius Conceptione adhærent. Nam & isti nemini concedunt in fovenda ac promovenda veneratione erga Reginam Sanctorum; eosque non Apostolica tantum Sedes, sed & Ecclesia universa ut pios & orthodoxos Catholicos habet, amat, atque honorat: secus actura, si Mariæ Sanctitati contraria illa opinione aliqua ex parte officeretur. Accedit, quod si Deiparæ Sanctitas cum Scotistica sententia connexa reapse foret, uti opinari videtur Theologus noster, inde rursus confiqueretur, non Parthenotimo tantum, sed & Catholicis omnibus dandam esse Vitam pro tuenda eadem sententia Scotistica, quippe jubemur cuncti Sanctitatem præcellæ Genitricis Dei capite etiam nostro tueri. Quis autem hoc umquam somniavit? Sophismate igitur laborat altera hæc etiam argumentatio Siculi Scriptoris; immo si intime expendatur, in gravem injuriam vergit Apostolicæ Sedis, perinde quasi non satis ei curæ sit de Virginis honore, ejusque Sanctitatem minui, aut lædi sinat a tot Catholicis, qui Thomisticam sententiam Scotificæ præferunt in ejusmodi Quæstione. Plura non addo; infra enim hæc eadem consideratio recurret.

Tertio Parthenotimus idem pag. 18. nobis edicit, mortem oppetere pro tutela sententiæ a se propugnata, non aliud esse, quam *mori pro Pietate, quæ certo inest actui Opinativo, ut se mortuos spondent pie vocantes pro Immaculata Conceptione*. Verum & heic latet ingens æquivocatio, quam necessaria distinctio proder. Non enim idem est *Pietas*, quæ inest Dogmati Fidei, & actui Intellectus, credentis illud certum de Fide; ac *Pietas*, quæ inest objecto tantum Probabili & actui Opinativo de re illa probabili. Prima est *Pietas intrinseca*, absoluta, & quæ connexa ita est cum objecto, ut illud numquam possit esse non Pium, & actus credentis non Pius. Altera vero *Pietas Opinativa* est, & quodammodo conditionata, sive *extrinseca*, & quæ cum objecto ita conjungitur, ut separari ac tolli etiam possit. Vim enim suam sive firmam, sive infirmam recipit prædicatum *Pietatis a Veritate*, quæ aut certa, aut incerta

ineſt rebus ſacris ſive motivis affirmandi ſive negandi aliquid de iis rebus. Numquam non *Pium* erit credere, Mariam fuiſſe ſemper Virginem, Mariam fuiſſe Matrem Dei, quia id *Verum* ſemper fuit, neque *Falſum* unquam id eſſe poteſt. At quæ in Opinione adhuc verſantur, ſæpe quidem *Pia* credere poſſumus, & *vere* *Pia* ſunt non ratione certa ac ſtabilis Veritatis, ſed unius tantum Probabilitatis, quæ ſane poteſt Veritatem complecti, exempta tamen non eſt a formidine Falſitatis. Poſtremi huius generis eſt ſententia de Immaculata Virginis Conceptione, quæ certe *Pia* eſt, ſed conſuſa intra limines Probabilitatis, hoc eſt innixa motivis Veritatis probabilibus, non ita conſequenter ſimilis ac evidentibus, ut omnis formido abſit, ne aliquando poſſit apparere non Vera, atque adeo non *Pia*. Quod accideret, ſi ſorte Apoſtolica Sedes, quæ iudicium de hac re hætenus ſuſpendit, ſibiſque reſervavit, contrariam ſententiam cum divinis Scripturis ac Traditione concordi Patrum aliquando conſentientem inveniens, eam inter Dogmata Fidei referret. Proinde recte quidem *Piam* appellamus Scotiſticam de Conceptione ſententiam; minime tamen *Pietas* hæc æquiparanda eſt *Pietati*, quæ inhaeret objectis ad Fidem ſpectantibus, atque intrinſeca Veritate nixis; & præſertim quum nemo Fidelium vetetur *Piam* quoque credere oppoſitam ſententiam, immo diſerte ſub anathematis pœna illam prohibeamur appellare *Impiam* ſive *Hæreticam*. Adde, nos animadvertiſſe, dari *Opera* quædam Intrinſece etiam & non Opinative *Pia*, non tanti tamen momenti, ut pro iis faciendis morti Vitam noſtram exponere liceat. Quanto ergo minus licebit pro *Pietate Opinativa*?

Nam *Pietas* iſta opinione innixa, Probabilibus quidem fulcitur motivis, & ſufficientibus, ut *Pium* nos facere opus credamus, ei ſententiæ adhærendo. At neſtquam immutabili Certitudine conſtat, quum Certum non ſit objectum, in quod illa fertur. Proinde non arbitretur Parthenotimus, ſe per hanc rimam evadere poſſe; hoc eſt non putet, ſub ſpecioſo nomine *moriendi* pro *Pietate*, Sanguinarium a ſe poſſe Votum honeſtari. Ita moriens, adhuc pro Opinione quidem *Pia*, ſed ſemper pro Opinione Vitam proſunderet. Interea animadvertant velim Parthenotimi clientes, jam conſeſſum fuiſſe illorum Magiſtrum, non licere Sanguine aſſerere ſententiam Scotiſticam *tamquam Veram & Certam*: Nam & ipſe agnoſcit, nondum illam exceſſiſſe e ſuiſus humanarum Opinionum, atque errori propterea obnoxiam eſſe poſſe, quando conſentit, haberi de ea poſſe *actum* dumtaxat *Opinativum*. Animadvertant etiam, quo eſſugio ille declinandam curaverit ſui Voti cenſuram, contendendo videlicet, voveri Sanguinem non pro *Veritate ac Certitudine* ipſius Sententiæ, ſed pro *Pietate*,

quæ

quæ inest Aſui Opinatio : quod tamen discipuli ejus ignotum plane sibi fatebuntur, ut puto, quum formulæ voventium rotundis verbis exprimant tutelam non *Pietatis*, sed *Veritatis*, quæ inesse certo creditur eidem sententiæ. Hæc signa labantis causæ quis neget? Et præcipue quum ipsa Pietas hujus sententiæ *Opinativa* sit, neque ejus vigoris, ut pro ea tuenda fas sit commutare Bonum Certissimum humanæ Vitæ. Quod stuporem augeat, verba tantum dare Theologus noster videtur, quandoquidem veluti oblitus aſus sui *Opinativi*, alibi contendit, nobis persuasum esse posse, Scotisticam sententiam Certam esse, idque a Voti Sanguinari sectatoribus necesse esse ut credatur, si mortem sine Peccato, offerente se occasione, tolerare velint. Accedit, quod ipse ex aliorum opinione alio in loco insinuat, posse etiam *divina Fide* credi Certam ejusmodi sententiam. Quare duas ego Conclusiones hanc in rem præmittendas censui.

C A P U T V I.

Aliiime immunis a crimine, qui vitam daret pro tuenda sententia Scotistica, ac si Fidei Dogma foret. Castrensis & Vasquit in hanc rem auctoritas. Temere quoque agat, qui pro ejus tutela, quando nihil aliud sit nisi Opinio, in mortem incurrere velit.

Primo igitur statuo: *Temere quoque aſurum, & graviter peccaturum, qui Mortem vellet subire pro tuenda sententia de Immortalitate Mariæ, ac si ea esset Fidei Dogma.* Non hæc multum immorabor; nam vel me tacente quisquis Christianæ eruditionis rudimenta hausit, probe etiam novit, numquam spectasse, neque spectare ad Dogmata Fidei supranaturali credenda sententiam eandem. Proinde fallaci motivo, fallaci persuasione ductus, imprudenter vitam projiceret, qui eam ob causam sive fiduciam ultro in agone periret. Nostrum non est, Articulos Fidei, & Dogmata Ecclesiæ procudere; sed quidem id munus est Ecclesiæ, quæ falli non potest. Et quoniam nemo ignorare potest, aut debet, in censum Dogmatum Fidei sententiam hanc post tantas ac tot disputationes numquam fuisse injectam, intolerandæ propterea temeritatis ac superbiæ, & consequenter Peccati reus esset, qui eam pervicaciter esse vellet, qualis non est, suumque judicium præferret Prudentiæ ac Scientiæ summorum Pontificum & Ecclesiæ. Graviori etiam censura tantam audaciam perculerunt celebres

bres duo inter Theologos viri, atque ambo nihilominus Scotificæ sententiæ propugnatores. Horum verba referre non inutile erit ad præsentem quæstionem; eaque ipsis Auctôrum verbis accipere Lectorem non tædebit. Primus est Alphonsus de Castro Ordinis Minorum, qui anno 1547. suum Librum de *iusta punitione Hæreticorum* scripsit, & Carolo V. Imperatori dicavit. Quærit ille Lib. I. Cap. VIII. *An ille sit dicendus Hæreticus, qui alicujus hominis Opinionem tam firmiter tenet & docet, ac si esset Articulus Fidei; & ita pro illius Opinionis defensione est Mori paratus, sicut saceres pro illis, quæ ad Fidem pertinere noscuntur.* En quæ sit illius sententia. Ego quidem non dubitarem, talem dicere Hæreticum, propterea quod ille talis errat in Fide, & Pertinaciter. Omnis autem, qui post susceptum Baptismum Pertinaciter circa Fidem errat, concordî omnium recte sapientium sententia censetur Hæreticus. At, quod iste talis errat in Fide, quia forte aliquis dubitabit, dubitationis causam tollam testimonio Augustini, qui Errorem definiens in Enchiridio ad Laurentium Cap. XLII. sic ait: „Nihil aliud est errare, quam Verum „putare, quod Falsum est; Falsumque quod Verum est: vel Certum „habere pro Incerto, Incertumque pro Certo, sive Falsum sit, sive „Verum. „Hæc ille. Isle, qui alicujus Opinionem putat esse Catholicam Fidem, & tam firmo animo illam Opinionem ac Fidem Catholicam tuetur, Incerta tenet pro Certis. Ergo juxta Augustini sententiam erras. Præterea iste sic sentiens, eo ipso Ecclesiæ Catholice contumeliam facit, & illam in Fide errare putat; quia illa, quæ juxta istius sententiam sunt Certissima, Ecclesiæ tenet pro Incertis. Errat ergo judicio istius Ecclesiæ: quia, ut Augustinus dixit, errare est Certum habere pro Incerto. Hæc autem de Ecclesiâ, quæ divino semper illustratur spiritu, quisquis putaverit, Hæreticus ab omnibus Catholicis censetur: Merito igitur ille dicetur Hæreticus, qui alicujus hominis Opinionem tam obstinato animo, ac Fidem Catholicam tuetur. Ita de Castro. At si quis forte minus intelligat, quid sit *Opinio hominis*, dubitetque, an veniat sub ejusmodi appellatione comprehendenda *Opinio de Immaculata Virginis Conceptione*, rursus idem Theologus loquatur. Is enim veluti futurorum præsciis, homines nondum natos præsensisse videtur, qui pro eadem Opinione Sanguinem se daturos voverent, eosque propterea his aliis verbis, seu telis, mature deterruit. Ut autem (ita ille) *clarius ostendamus exemplo, aliquod ob oculos proponere decrevi.* Ecclesiâ nihil de *Conceptione Deiparæ Virginis hætenus definivit, an fuerit cum Peccato Originali, aut sine illo, concepta; sed libere cuique dimittit, ut, quam volueris de hac re, teneas Opinionem.* Sic enim definivit Sixtus

Pou

Pontifex hujus nominis Quartus in Extravaganti, quæ incipit Grave nimis: quam Decretalem Extravagantem Concilium Tridentinum Sess. IV. confirmavit. Si quis stante hac Ecclesiæ definitione, alterutram Opinionem tam firmo animo tueretur, ut illam putaret esse Fidem Catholicam, & admonitus de hac re, in eadem nihilominus sententia tam pertinaciter perseveret, ut pro illa sit Mortem Subire Paratus: hic talis ABSQUE ULLA DUBITATIONE erit censendus; HÆRETICUS: quia Ecclesiæ definitioni sic parere refugit, ut illam errare pertinaciter credat, quum ea, quæ istius judicio sunt Certa, illa (id est Ecclesiæ) pro Incertis teneat &c.

Commentario meo non indigent tam perspicua Alphonsi de Castro verba. Iis adtexo nunc & quæ hanc in rem scripsit gravissimus alter Theologus e Societate Jesu, quem indicasse, laudasse est. Nimirum Gabriel Vasquez in 3. p. S. Thomæ Quæst. 17. Artic. 2. Disput. 117. Cap. 14. eandem Castrii sententiam sub compendio sibi proponit, post pertractatam summa cum moderatione Quæstionem de Virginis Conceptione, atque in hæc verba loquitur: Mibi MAXIME probatur sententia Alphonsi. Quis enim neget, eum errare contra Fidem Manifeste, qui affirmat, a Deo esse Revelatum, & divina Fide credendum, quod judicat Ecclesiæ, nondum sufficienter declaratum esse, ut tamquam Revelatum ad Fidem Catholicam pertinere possit? Certe Ecclesiæ non definiuit in præsentī Controversiā, (id est de Conceptione Deiparæ) Revelatum esse a Deo, aut de Fide esse, quod neutra pars sit a Deo ullo modo Revelata, aut quod utraque Incerta sit, neque divinæ Revelationi subesse possit, ut aliquando definiti queat. Sed judicavit, nondum esse sufficienter declaratum per Ecclesiā, ut tamquam Dogma Fidei a Deo vere Revelatum a Fidelibus credatur. Ad Ecclesiā autem, tamquam ad infallibilem Regulam Veritatis pertinet, unum ab altero discernere, hoc est credendum divina Fide, an non credendum divina Fide. Ac proinde qui dicit, aliquid esse credendum divina Fide, quod Ecclesiā definit nondum esse credendum hac Fide, contra Regulam Veritatis & Fidei nostræ opinatur; ac proinde si scienter ita opinetur, HÆRETICUS EST. Quum autem Ecclesiā definit, nondum satis explicatam esse aliquid, ut credatur divina Fide, Revelationem habet a Deo. Nam Deus per Ecclesiā utroque modo nobis revelat Veritatem, nempe id, quod sufficienter declaratum est, & definitum, ut credatur, & id, quod nondum sufficienter declaratum, & definitum est, ut tamquam Dogma Fidei a Fidelibus habeatur: sed libere de illo opinari licet. Castrensis, & Vasquii sententiam probat etiam contra Suarium Theophilus Raynaudus in Diptychis Marianis.

Con-

Confisto heic, & e vestigio fateor, non semel Parthenotimum protellatum fuisse, sibi loco Dogmatis divina Fide credendi non esse sententiam, propugnatricem Immaculatæ Conceptionis. Is etiam negat, Votum Sanguinarium ideo conceptum, quod ejusmodi sententia Certa de Fide a voventibus credatur. Mihi contra non videtur, & ne aliis quidem videbitur, esse mens ejusmodi Votum concipientibus. Ut infra patebit; non aliupde originem traxit hoc Votum, nisi e quorundam Theologorum Hispanorum persuasione, quibus Scotistica sententia ad tantam Certitudinem visa est deducta, ut laudandus foret, immo *Martyr* esset dicendus, qui pro ejus Veritate mortem obiret. Nam & Granadus, & alii scripsere, posse Christianum divina Fide credere, sine labe Virginem fuisse conceptam, quoties sibi persuadeat, id fuisse a Deo revelatum. Et nostris temporibus Viva in Trut. Theol. ad Proposit. XXI. damnatam ab Innocentio XI. hæc ait: *Equidem censeo, posse Inmaculatam Virginis Conceptionem Fide divina credi ab eo, cui moraliter constat, eam esse implicite in Scriptura revelatam.* Quippe, ut idem scribit, hæc probabilissime, immo etiam cum morali Certitudine ex Scripturis eruitur, & est proxime definibilis a Pontifice, præsertim post decretum Alexandri VII. decernentis, cultum Conceptioni Virginis exhiberi ab Ecclesia secundum piam sententiam, quam fere omnes Catholicæ amplectuntur. Arripe hanc præmissam: tum ei alteram ad-junge e Cardenas in Crisi Theol. Tract. I. Disput. 9. num. 265. *Post Bullam Alexandri VII. quotquot de Conceptione scripserunt (præter Caramuellem, & Murciam) affirmarunt Sententiam piam esse in statu Certitudinis, non Fidei (scilicet manantis ex Dei revelatione, quæ sit ab Ecclesia Fidelibus proposita) sed Moralit, Physicæ, & Metaphysicæ.* Ergo secundum ista principia inferre quisque poterit: Quicumque firmam Certitudinem de ea sententia habent (ii autem præcipui sunt, qui Votum Sanguinarium edunt pro ejus tutela) possunt credere, atque ut ego opinor, revera credunt Fide divina Virginem sine labe fuisse conceptam. Quod si ita est, videant illi, qui se subducere possint censuræ Castrii, Vasquii, & Raynaudi. Neque enim ad eam enervandam prodest asserre Constitutionem Alexandri VII. quum luce meridiana clarius sit, eum minime retulisse inter Fidei Dogmata sententiam Scotisticam; atque injurios esse Pontifici illi, quando contradictionem in ejus Bullam invehere videntur, quasi is controversiam hanc dirimendam Sanctæ Sedi reservavit, & nihilominus eam diremerit, favendo iis, qui sententiam Scotisticam tenent, & secundum illam celebrant Festum Conceptionis. Quoniam vero Parthenotimus agnoscit, non esse hanc sententiam ex iis, quæ

ad Fidei Dogmata pertinent, ac tacite etiam improbare illos videtur, qui morti se se offerrent pro sententia hujusmodi, contendendo eam esse de Fide; progrediamur.

Dico ergo secundo: *Temere isidem asserum, & peccaturum, qui vitam suam impendere velles pro defendenda eadem sententia, quando eam putes, minime Certam esse, neque spectare ad Fidei doctrinam.* Et ratio est, quia sententia Scotistica, etiam post Alexandri VII. Constitutionem, nondum supergressa est limites humanarum Opinionum; ac propterea ita Certa esse non potest, ut excludat omnem formidinem Erroris. Contra Certum de Fide est Præceptum servandæ Vitæ nostræ, & de hoc nemo dubitat. Quum vero Certum quoque sit, & extra controversiam positum, Imprudentiæ, Temeritatis, & Peccati Reum fore, qui pro Incerto Bono Certum commutet: necessario consequitur, Temere atque Illicite mortem eligi pro tutela ejusdem sententiæ. Rursus, ex quo aliquid intra limites humanarum Opinionum concluditur, numquam potest esse ejus pretii atque momenti, ut æquet pretium tanti faciendum Vitæ nostræ. Ex quo enim subesse potest Error Opinioni illi, quantamcumque speciem majestatis ac pulcritudinis objectum gerat, Minus semper erit Bonum istud (quandoquidem Certi nondum finis, aut esse interim nequimus, quin possit esse Falsum) præ Bono Certissimo, ac summe pretioso Vitæ nostræ, cujus curam novimus sollicitè commendatam, immo sub pœna gravis Peccati mandatam nobis a Deo fuisse. Supra vidimus, frustra memorari a Parthenotimo exempla quædam laudatissima eligentium mortem, quamvis directe in iis de abjurandis Fidei Dogmatis non agatur. Illa nempe tunc jure laudata, quando pro æque Certo, simulque Majori Bono, Vita datur: quod in casu nostro nequaquam accidit. Atque heic Parthenotimus capitis sibi chari Conclusionem me addere sinat. Is est nuper mihi laudatus Theophilus Raynaudus e Societate Jesu, doctissimus & celebris Scriptor, quem fortassis ego pluris quam Parthenotimus ipse, facio. Itaque ille in Tractat. de Martyrio per Pestem, Part. II. Cap. 2. num. 18. quærens, quid dicendum sit de oppetente mortem *pro motivo non aperte idoneo, aut dubio*, hæc edicit: *Statuendum est, vitam TEMERE, nec absque SCELERE, atque adeo sine Martyrii fructibus abjiciendam, pro assensione aliqujus Propositionis, cujus Veritas non sit in Ecclesia prorsus rata, ita ut non sit exploratum, quod ejus assensus a FIDE edicatur.* Quum ergo exploratum sit, ipso Parthenotimo fatente, non edici a Fide assensum sententiæ de Immunitate Virginis; certumque sit, ejus Propositionis Veritatem in Ecclesia Dei ratam non

F

esse,

esse, hoc est *Firmam* & *Certam*: quid aliud restat, nisi *Temeritatis* & *Sceleris* reum esse, qui pro ejusmodi sententia tutanda Sanguinem & Vitam fundere velit? Neque pluribus fortasse heic opus, quum in eandem ferme Conclusionem universalem conveniat vel ipse Parthenotimus, scribens pag. 15. *Nullus Theologorum est, quod ego sciam, qui asserat, posse quempiam honeste (hoc est licite) mori ob causam Immaculatæ Conceptionis, si hæc tantum sit Opinio, & pro mera ipsa Opinatione Sanguinem profundere quis velit.* Idem ab eo infra pag. 18. repetitum videas, & quidem non sine animi commotione: *Quis, ait, unquam somniavit, pro incerta Opinatione fas esse jugulum offerre carnifici?* Immo addit hæc præsertim nobis adnotanda: *At mori pro Pietate, quæ certo inest Actui Opinatiivo, ut se morituros spondent pie voventes* (Sanguinem pro Immaculata Conceptione) & *Majores nostri docuere, & Posterì nostri, dummodo dociles, discant.* Quibus verbis diserte fatetur, eos, qui Voto Sanguinario se se obstringunt, minime vitam dare velle pro *Actu Opinatiivo* de Imunitate Virginis, quem ne ipse quidem præstare potest nixum fundamento Certo, & in Ecclesia rato; sed quidem pro *Pietate, quæ certo inest Actui Opinatiivo*. Lectores rogo, ut confessionem hanc Parthenotimi & mente sua, suisque ex oculis elabi non sinant. Jam enim multum itineris progressi sumus, quando Theologus noster falsus est, non licere mori pro *Opinatione*, neque revera suos Voventes pro *Actu Opinatiivo de Conceptione* Immaculata morti se se tradere.

C A P U T VII.

Quæ vera & germana Pietas sit. Pium est propugnare sententiam, quæ statuit expertem maculæ Deiparæ. Impium pro ea sententia occumbere velle. Opiniones pie laudandæ, laudandæ earum tutela. Sed minime pro illis Sanguine suo pugnare. Persuasio Veritatis neutiquam idonea ad honestandum Votum Sanguinarium. Neque Probabilitas.

Sed quia sacrum nomen *Pietatis* exeruit Parthenotimus, ac sub ejus umbra confidit, ut vidimus, Sanguinarium suum Votum a censura se posse vindicare, jam resposcit, ut dilucidius explicem, quid hoc nomine significetur, ne fucum nobis faciant speciosæ quædam voces, quarum non bene perspecta significatio lites parit, & bene perspecta dirimit. *Pietas* ergo, quæ apud Græcos εὐσέβεια, verum cul-

cultum significat, atque a Sancto Augustino in Epistola CLV. olim LII. dicitur *verus Dei cultus*. Quidquid igitur pertinet ad verum Dei cultum, qui etiam complectitur honorem debitum Deiparæ, ceterisque Sanctis, & rebus sacris, *Pium* recte appellatur. *Pietas* autem, uti Virtus, seu uti donum Dei, est *habitualis dispositio animæ, qua prompte mobilis est a Spiritu Sancto ad habendum filialem affectum ad Deum, ut ad patrem, eumque colendum, & amandum, ea ratione, qua ipse vult a nobis coli & amari*. Additamentum feci verbis Angelici Doctoris 2. 2. Quæst. 121. Artic. 1. Pietatem definiens, utpote nobis nunc necessarium. Sed sollicite animadvertendum est, non tantummodo *Pium* dici, quidquid certo per Fidem credimus, sed etiam, quod probe & prudenter verisimilibus rationibus ducti opinamur placere Deo, sive sententiis, sive actionibus nostris. *Pietatis* etiam nomine intelligere possumus obsequium & affectum nostrum erga Deiparam, cujus *Veneratio* & *Cultus* revera ad ipsum Deum refertur, & inter munera Christianæ Religionis enumeratur, quum in sanctissima illa & benedicta supra omnes mulieres, dona Dei effusiora, quam in reliquos Sanctos, venerari nos jubeat Ecclesia, aut gratum habeat. Quum vero, ut supra monui, Parthenotimus præfenserit, temere Bonum Certum vitæ nostræ profundi, nisi hoc demus pro consequendo æque Certo ac Majori Bono; & rursus animadverterit, ejusmodi Certitudinem desiderari posse in Veritate Sententiæ Scotisticæ: eo tandem se recepit, ut diceret, *Pietatem* esse illud Bonum Certum, pro quo Voti Sanguinarij fautores putant licere sibi Vitam commutare. Quis enim neget, quin *Pia* sit Scoti sententia, quando *Piam* Alexander VII. ut alios omittam, eam appellavit? Ad hæc venerari Virginem, ejusque privilegia & gloriam deprædicare atque tueri, *Pietatis* opus est, illudque *Certum*. Ergo pro isto Certo Bono prudenter & cum laude jugulum Tyranno offeratur. *Certe*, inquit ille pag. 59. *facinus est Opiniones æquare Veritatibus Fidei. At Vovens, non pro Opinione, sed pro Deiparæ Cultu moreretur*. Et pag. 58. *Etiam Religio Virtus est: ad Religionem; aut ad Virtutem huc affinem (idest ad Pietatem) pertinet Virginis Cultus*. Et pag. 19. *Virtutis opus est, Virginem ut a labe immanem venerari, quia Pium est, ipso fatente Pritanio*. Ita ille, unicam denique rationem statuens honestandi Voti Sanguinarij in speciosissimo nomine *Religionis, Pietatis, Cultus Deiparæ*. Neque dubito, quin primo aspectu ejusmodi rationem complures acceperint, ut aureum, legitimumque numisma. Sed quid, si & hoc adulterinum, falsumque, ad lydium lapidem Logicæ veræ, ac veræ Theologiæ agnoscamus?

Et sane ad hoc ut hominum sententiz ac opera sint aclus veræ ac germanæ Pietatis atque Virtutis, debent, uti præfatussum, versari in *Cultu vero veri Dei*, ejusque Sanctorum; hoc est exhibere Deo, ac Beatis civibus cæli Cultum illum atque honorem, qui a Deo ipso per Ecclesiam probetur, eique placeat. Si enim Deo, aut Cœlitibus, alium honorem, cultumque exhibemus, qui a Deo discre- re, sive ab Ecclesia improbetur: non amplius vera, sed spuria est nostra Pietas; neque Virtus, sed Vitium, & quandoque Peccatum & Impietas in Opinionibus, Operibusque nostris deprehendetur. Notissimum est facinus Collyridianorum, qui Mariæ sacrificium offerebant. Nempe, ut scribit Sanctus Epiphanius Hæresi LIX. sive LXXIX. *mulieres quædam curruum sive sellam quadratam adornantes, ac linteis de- super extenso, sollenni tempore per aliquos dies panem proponunt; & in Mariæ nomen offerunt. Tum ad unam omnes illo vescuntur*. Li- quido non constat, in quo situm foret muliercularum illarum delirium; attamen quum ex hujusmodi actione aut constaret, aut probe inferretur, illas uti Deum habere, ac adorare Mariam: propterea Epiphanius in eas invehitur, earumque stolidam aut impiam oblationem execratur, in hæc tandem verba definens: *Maria in honore sit; Dominus adoretur*. Pium opus se peragere, ut puto, arbitrabantur mulieres illæ: at quia opus illud a Deo minime probabatur, etsi affectus bonus fortassis erat, actio tamen non Pia, sed Impia evadebat. Quare omnes intelligunt, Parthenotimum nihil pro sua causa agere, quum licere ait, ac laude dignum esse, mortem oppetere pro tuenda sententia Scotistica de Conceptione Virginis, quia illud est mori pro *Pietate*, pro *Cultu*, pro *Veneratione* Disparæ. Adhuc enim inquirendum atque ostendendum restat, num pro illa sententia mori sit verus Cultus ac Veneratio Mariæ, hoc est, an Opus sit a Deo per Ecclesiam probatum, ac Deo gratum. Heic rhodus, heic saltus. Certissimum quippe est, spectare ad Religionem Catholicam Cultum Beatissimæ Matris Dei; at minime Certum est, quæcumque homines sentiunt, aut agunt pro illius Cultu ac honore, placere Deo, ac Virgini ipsi; quum multa quoque sint, quæ Christiani sentire, scribere, aut egere, persuadentes sibi, se honorem deferre Virgini; & nihilominus aut temeritate ac imprudentia, aut superstitione, aut impietate non caruerunt eorum Opiniones atque opera. Vide *Diptycha Mariana*, mihi semper laudanda, Theophili Raynaudi e Societate Jesu. Felicia nimium forent desideramenta omnia in Religionis negotio, si eis per portam, quam nimis amplam Parthenotimus aperuit, in sacrarium Pietatis in-

gre-

gredi liceret. At heic Siculus ingeminet : Nonne & tu fateris , *Pium* esse amplecti , docere , ac tueri sententiã excludentem a Virgine labem Originalem ? Utique , & lubens repeto . Ergo subdet ille , *Pium* quoque , & Pietatis opus erit , Vitam pro ejus sententiæ tutela impendere . Consequentiam nego , & addo : Immo scelus erit , & a Pietate alienum , atque adeo imprudens facinus , simulque Peccatum , Sanguine suo eandem propugnare sententiã .

Animadvertendum quippe est , occurrere heic duas Quæstiones inter se plane diversas . Prima , *an Pium sit tueri voce & scriptis sententiã de Immunitate Virginis*. Altera , *an Pium sit , eandem Sanguine etiam & Vita tueri* . Prima affirmative resoluta , sine dubitatione Certa est apud omnes Catholicos , firmata nimirum suffragio Apostolicæ Sedis , ea tamen conditione , ut eam tueamur , non uti Fide divina credendam , sed uti Probabilem ac Piam . Altera negative resolvenda est : non enim ullum Ecclesiæ suffragium pro ea adferri potest ; neque hæc eum superiore confundenda est ; & perperam fluere ista creditur ex altera . Nam in istam Propositionem novum subiectum , atque illud illicitum , confertur , per quod omnino immutatur innocens ac honesta qualitas prioris Propositionis . Nimirum *Pium* & *innoxium* est , pugnare voce & scriptis pro sententiã Scotistica , quia teste Romana Ecclesia nondum constat , an eadem adversetur Scripturæ Sacræ , immo coherere cum ea posse videtur : licitumque propterea est ac laudabile , tenere interea , ac docere (uti fit in tot aliis Quæstionibus Theologicis) quod Verisimilius ac Probabilius creditur , quando certa Veritas adhuc obtineri non potest . Nullum vero inde manat incommodum in Ecclesiæ doctrinam , nullum in Reipublicæ tranquillitatem ac regimen , sicuti neque manat e tot aliis Quæstionibus & Quodlibetis (ut appellant) quæ a multis Seculis agitantur in Scholis . At alterius plane generis est tutela Immaculatæ Conceptionis , quando eam vis Sanguine ac Morte tua propugnare . Etenim *Pium* non est , immo est *Impium* , prodigere Bonum Certum ac pretiosum Vitæ nostræ pro Opinione , seu pro Bono Incerto ac Minori , quam ipsa Vita . *Pium* est , ac Virtutis opus , ut exemplo utar , e propriis fortunis Eleemosynam propter Dei amorem pauperibus præbere . Contra definit esse *Pietas* , ac Scelus evadit , Eleemosynam conferre inopi e bonis non nostris , eorum domino minime consentiente . Quia non sunt facienda Mala , ut eveniant Bona ; neque licet furari , ut Eleemosynam faciamus . *Pium* est , sacrarum Reliquiarum possessionem sibi procurare . At eas dolo aut vi aliis eripere (quod olim

olim in more fuit) crimine & Impietate non caret. Ita Pietatis ac Religionis opus est, tueri rationibus sententiam de Conceptione Scottificam; nefas contra est illam tueri Sanguine nostro, quia Mandatum Dei *Non Occides* obstat: & Suicidii reatum non effugit, qui alienis manibus occidendum se offert sine necessitate, sine Ecclesiae suffragio, atque adeo suo tantum arbitrio, atque imprudenter, ut Opinionem videlicet propugnet, cuius est adhuc Veritas dubia. Quonam ergo abeat decantatum suum *Mori pro Pietate*, *Mori pro Cultu*, ac *Veneratione Virginis*, ex his intelligere potest Parthenotimus: intelliget saltem, qui sine ullo amore ac odio ista meditetur. Ille verus est Dei & Virginis Cultus, quem Ecclesia probat: Vitam vero dare pro Opinionibus, numquam probavit Ecclesia; Prudentiae magistra. Quod si non est verus Deiparae cultus, Vitam pro incerta adhuc sententia Scottistica impendere, consequenter neque erit vera Pietas, sed quidem facinus imprudens, & in quo non immerito Superstitionis vitium sapientes timeant, aut intueantur.

Ut autem evidentius Lector perspiciat, quam falsam Regulam Parthenotimus in sententiae suae praesidium adsciverit, illius consecraria perversa perferutari pergamus. Innumera sunt Miracula, & Acta Sanctorum, in divinis Libris minime comprehensa; innumerae sunt eorum Reliquiae; innumerae Opinionum Theologicarum in Scholis, aliaeque multa ad Historiam Ecclesiasticam spectantia. Quotiescumque verisimili ratione spectare ista noscantur ad cultum & gloriam Dei atque Sanctorum; neque appareat figmenta esse, aut repugnare doctrinae Ecclesiae: possunt haec omnia in censum venire *Pietatis*. Et quamquam divina Fide credenda non sint, *Opiniones* tamen *Pie* ac laudabiles sunt; easque Ecclesia aut laudat, & gratas habet, favoremque & Indulgentiis interdum prosequitur; aut saltem tolerat, quia etsi materialis aliquis populi Error se se iis immiscere possit, nihil tamen iste orthodoxae Religionis officere potest. Si legitima foret producta a Parthenotimo Regula, jugulum pro his omnibus offerre liceret. Et quidni? Effet hoc *Mori pro Pietate*, quae certo inest actui *Opinativo*, ut is ait pag. 18. Effet actus *Virtutis*, *Religionis*, *Cultus Dei*, aut *Sanctorum*, ut is alibi scribit. Verum abeat ac absit e Christi Fidelium mentibus enormis haec Regula, & fallacissima doctrina, quae aut stoliditatis, aut Superstitionis, aut Fanaticismi dedecus ac reatum, aut saltem Imprudentiae culpam saepe in nos derivare possit. Habemus enim Opiniones non paucas de una re contrarias in Scholis, quales sunt, exempli caussa, de Quaestione illa: *An etiamsi Adam non peccasset, Verbum Divinum sumpturus carnem humanam fuisset*: & quales peperit celebris controversia de *Auxiliis*, sive de *Gratia*, & *Libero*

Abitrio. Contrariæ autem Opiniones istæ, quia ad cultum Dei pertinent, atque ad sacram doctrinam, neque in Fidei Dogmata ulla ex iis impingere censetur, *Probabiles* propterea ac *Piæ* appellari non injuria possunt ac debent. Quid ergo Catholici, eoque magis quid Heterodoxi diccerent, si quos cernerent pro hisce oppositis sententiis tuendis Vitam vovere, aut reapse Mortem subire? Omnium animos, ut puto, horror invaderet. Ad hæc inter tot objecta *Pietatis Opinativæ* fieri non potest quin multa, aut saltem aliqua ex iis Errori sint obnoxia, & Falsitatem contineant. Vastum ac insigne Opus percurrere, hoc est, Acta Sanctorum a Patribus Antuerpiensibus Societatis Jesu collecta ac illustrata. Ibi occurrent non una unius Sancti Corpora, & multiplicata per varios Populos eadem sacræ Reliquiæ, quibusque contententibus legitima ac vera esse sacra illa Cœlitum pignora, quæ ipsi possident. Et sane unicuique licet habere suis honorem, veteremque de iis Opinionem Piam tueri. Immo Apostolica ipsa Sedes Indulgentias, aliosque favores non raro eam ob causam diversis iis Populis atque Reliquiis largitur. Da nunc mihi homines, qui pro tuenda Pia ac Probabili Opinione, quam sovent de Sanctorum suorum Lipsanis, mori etiam eligant: nonne meridiano Sole clarius est, ex illis aliquos pro Errore ac Falsitate Vitam daturos? Unum tantummodo ex iis sacris Corporibus aut pignoribus Verum sit, cetera Falsa, necesse est. Fortassis etiam interdum ne unum quidem e controversis præstare Verum ac Certum poterimus. Eorum ergo, qui pro hisce Opinionibus prodigi forent Vitæ, quis non argueret Zelum sine scientia, Pietatem sine Prudentia? Aut depravatæ imaginationis, aut temerariæ pervicaciæ facinus esset mors eorum spontanea. Et nisi invincibilis ignorantia illos excusaret, recte se proderent male custoditi Depositi, & quidem pretiosi, sibi a Deo crediti, quando illud pro Errore perderent.

Ufus autem & hoc ipso argumento fuerat Pritanius, quum contra Votum Sanguinarium scripsit, in hæc verba loquens Lib. II. Cap. VI. pag. 256. Editionis Parisiensis. *Et tamen si hoc sciendum est, non video, qui in immensum protendera non liceat novum hoc Martyrii genus. Nam & alii vitam vovebunt, atque exponant, quo exempli causa Lauretanam Ædem sustineant Servatoris Conceptione illustratam revera fuisse; & Francisco Assisinati, atque Catharinæ Senensi, Stigmata fuisse divinitus impressa, & ab aliis Sanctis viris miracula quædam procul dubio fuisse patrata. Quod certe in Ecclesia Dei nunquam tolerandum, ne idem divinis atque humanis habeantur honor, neve temere, & pro Mendacio interdum projiciatur pretiosa hominum Vita.* Hæc insurgit Parthenotimus, atque inter cetera respondet pag. 79. *In pri-*

mis homo, qui non moderati ingenii tantum, sed Moderator ingeniorum videri vult, castigatius, reverentiusque hoc loco loqui debuit; & non Mendacii nomine sugillare directam ipsam sententiam de Virginis Immunitate, etiamsi permitteremus esse meram Opinionem. Sed parcat Parthenotimus mihi verenti, ne docti Panormitani, immo & reliqui Litterarum cultores, ad hunc locum continuo exclament: Quei Theologum istum idoneum ad hosce nodos extricandos, & Veritatem in quæstione ista detegendam arbitremur, quando is sibi videre visus est, Pritanium *Mendacii nomine sugillantem directam ipsam Sententiam de Virginis Immunitate*? Prostant ejus verba. Cæcutiat oportet, qui Pritanii verba non videt cadere in Opiniones Pias, a Scotistica de Conceptione omnino diversas. Harum infinitus est numerus; & quum inter eas aliquæ saltem Falso niti possint motivo, etiamsi Piz dicantur, quicumque pro iis tuendis occumberet, pro *Mendacio* occumberet. Hæc in omnium oculos incurrunt, præterquam unius Parthenotimi, qui quum calumniam heic dedita opera fluere voluisse credendus non sit, fateatur saltem, se non ea tranquillitate animi & ingenii ad controversiam istam accessisse, quæ ad Verum e Falso discernendum necessaria est. Ego interea perpendam, quæ is habet de Lauretana Æde; inquit enim pag. 76. *Si cui persuasum sit, Deiparæ honorificum esse tueri, quod Lauretana Domo fueris servatoris Conceptione illustrata, esset item honestum hanc ob causam mori. Lauretana Domo exemplum, quo Lamindus adversus pie Voventes utitur, in Lamindum pie Voventes hoc pacto remittunt. Honestæ mortis periculum subires, ut barbarum arceret militem, qui Lauretana Domui minaretur excidium: & nedum quia dulce & decorum pro patria mori, Horat. Od. 2. verum etiam, quia pro servanda ab excidio Domo, quæ fertur Servatoris Conceptione illustrata, moreretur. Cur ergo honestum non eris mortis subire periculum, immo & mori, ut ab omni labe defendatur Immunitas Virginis?* Disparitatem exempli nemo non videat. Licitum est, omnium Theologorum consensu, non Lauretanam tantum, sed & reliquas sacratas Ædes, & patriam, & vitam propriam, immo & fortunas suas tueri cum periculo etiam vitæ propriæ, si eis injustus aggressor excidium inferre velit. Parum dixi: licet etiam injustum ipsum aggressorem remove, inferendo ei mortem, dum fiat cum moderate inculpatae tutelæ, & de re maximi momenti agatur. At qui in Lauretana Domo tuenda mortem incurreret, Vitam non daret pro tutela piz Opinionis suæ, sed pro defendendo celebri illo Christianæ Pietatis loco, ejusque sacra Imagine, atque thesauro: quæ omnia quum Certa sint ac pretiosa bona, propterea pro iis exponere

nere periculo Vitam licet. Contra, si tutor ille Lauretanæ Ædis, sine armis, sine spe ac animo pugnandi, se se objiceret Turcarum turmæ, sacrum illum locum invadenti, barbaris indicens, prius se trucidandum, quam fores intrent; Vitam temere ac imprudenter projiceret. Excusandus fortasse foret, non certe laudandus, quippe neque ad tutelam sacratissimæ Ædis, neque ad tutelam piæ Opinionis suæ, se trucidandum offerret impiis, sed ut improvido Zelo suo sine ulla necessitate aut utilitate satisfaceret.

Verum nihil est quod ad emendicatum atque inopportunist exemplum Parthenotimus heic recurrat. Teneat germanum, quod Lamindus proposuit. Si Tyrannus (quod Deus avertat) Panormi Parthenotimum ipsum ad suum tribunal deductum interrogaret, an credat quæ de origine Lauretanæ Domus feruntur, mortem minatus, si credat. Satis ille jam prodidit, quænam futura foret responsio sua; nempe se nihil horum pro certo habere, officiose recusaturum dulce donum mortis sibi a Tyranno oblata pro tutela tam Piæ Opinionis. At inquit ille: mihi persuasum non est, sive propugnatur, sive non propugnatur hæc Opinio, crescere quidquam posse, aut minui Virginis honorificentiam. Ceterum si cui persuasum sit, Deiparæ honorificum esse, tueri Opinionem de origine illius sacri loci, esset honestum hanc ob causam mori. Animadvertant heic Lectores, in quo Theologus noster statuatur causam, cur honesta ac laudanda foret hominis mors, videlicet in *Persuasione* de re grata Deo ac Virgini. Principium utique fallacissimum, quia sine ulla restrictione propositum. Si enim *Persuasio* sufficit, quam in cerebro suo procudere quisque potest, pro adducenda prudenter in discrimen Vita sua; jam nulla erit anilis fabula, nulla Superstitiosa Devotio, nullus in Pietate excessus, quem quilibet non censeat se posse legitime vel moriendo tueri. Circumcelliones ipsi non amplius damnandi, sed commendandi forent, uti & qui Idola Ethnicorum sine ulla necessitate frangerent, aut Turcarum Mefchitas incenderent. Videat Parthenotimus, quot e principiis suis absurda consequantur, & saniora quæso nos doceat. Atqui prudentem *Persuasionem*, reponet ille, volui heic designare. Ut lubet. Attamen sapientes iterum ei instabunt his verbis: Exi *Persuasio* prudens, quod aliquid placeat, sive honorificum sit Deo & Sanctis, sufficiat, ut Opinionem unam alteri præferamus, ac voce & scriptis tutemur: numquam tamen sufficiet, ut pro nostra illa Opinio defendenda in necem nostram conspiremus. Hoc enim pacto pro tuendis contrariis de una eademque re Opinionibus, Christi Fidelibus Vitam suam vovere

fas esset, quum persuasum tam istis, quam illis esse possit, sententiam suam honorificam esse, aut placere Deo & Sanctis. At quis hoc ferat in sanctissima ac prudentissima Religione, quam profitemur? Ad hæc: si sufficit ista *Persuasio*, jam in manu privatorum hominum jus propriæ Vitæ relinquitur; atque ut sunt fere omnium superba, simulque levia multorum ingenia, plerique contentent, se prudenter opinari, sibi que *prudentem esse Persuasionem*, atque adeo licere sibi pro illa in mortem ruere. Anne hæc toleranda, quum tam facile Vita possit hac ratione pro *Errore* profundi? Nusquam gentium sane. Parthenotimo ipsi, ut reor, Fanatici, Imprudentes saltem, viderentur Colonienſes, qui freti spisso Opere P. Crombachii, ac Opinione Majorum, pro tuenda Historia Undecim millium Virginum, aut pro trium Regum Magorum Corporibus ad se adveſtis, carnisfici colulum offerrent: aut Hiſpani, qui pro tuendis tot Sanctis, nulli veterum notis, & nihilominus in eorum Martyrologium a Tamayo intruſis, & a Cardoſo in Luſitanicum, ex auctoritate dumtaxat quorundam Chronicorum (bone Deus, qualium!) hoc est Flavii Dextri, Liutprandi, Juliani Toletani &c. fortiter, sed temere occumberent. Non ergo deducendum jus voluntariæ cladis noſtræ per aliorum manus e *Persuasione* noſtra, quum Sapientia Proverb. III. edicat nobis: *Ne innitaris Prudentiæ tuæ*; neque judicio proprio in re tanti momenti fidendum ſit; sed tantummodo petendum iſtud jus e voce Eccleſiæ, falli neſciæ, quæ Dogmata & caſus ſtatuit prudentiſſime impendendi Vitam noſtram, ſi occaſio, ferat. At hæc nunquam proſecto decrevit, neque decernet, licere pro Opinionibus jugulo noſtro pugnare, quantumcumque perſuaſum ſit nobis placere illas, atque honorificas Deo & Sanctis eſſe. Prudentiæ quippe & rectæ Rationi adverſabitur, pro ſententiis, de quarum Certitudine certos nos Eccleſia non fecerit, Certum & pretioſum pignus Vitæ proſundere.

Attamen heic Voti Sanguinarij patronus aurem mihi vellit, inquiens pag. 60. *Quod ſi Laminus Prudentiam inde impugnet, quod in Re Incerta hic verſamur: egregie fallitur. In primis meminert ſas eſt, ad prudenter operandum non requiri perfectam Certitudinem.* „Materia moralis (quæ plerumque eſt materia Prudentiæ), „talis eſt, quod non eſt ei conveniens perfectæ Certitudo „, docuerat D. Thomas Sect. 3. in Lib. I. Eſſic. *Ariſtos. Subſcribis Divo Thomæ Divus Antoninus 1. part. iii. 3. cap. 10. §. 10.* „Certitudo, quæ requiritur in materia morali, non eſt Certitudo evidentiæ, ſed „probabilis conjecturæ „. Hæc Parthenotimus. Fuiſſem hercle miratus, ſi Theologus noſter clypeum quoque non arripuiſſet e diſtiſſimo Pro-

Probabilissimi armamentario. Nimirum, si illum audimus, etsi Certitudinem evidentiae non habeat sententia de Immaculata Virginis Conceptione, *Probabilitas* tamen in ea neutiquam desideratur. Atqui Prudenter operatur, qui in materia morali, deficiente Certitudine evidentiae, Probabili conjectura se regit. Ergo Prudenter Vita dabitur pro tuenda Probabili hac sententia. An ita argumentari velit Parthenotimus, perspicax Lector dignoscet. At nobis Theologus iste doctrinam heic propinat, quam ne ipsi quidem laxiores Probabilistae docere sunt ausi. Repetendum quippe est, Probabile esse, Virginem fuisse sine labe conceptam, quum ad conciliandam huic Opinioni justam ac solidam Probabilitatem prudentes conjecturae concurrant, ita ut merito liceat ei intellectu & affectu adherere, quamvis contraria altera Opinio vigeat, cui ne sua quidem Probabilitas deest. Sed hoc minime est, quod nunc quaeritur. Altera nos controversia exercet, nempe: An Probabile sit, licere mori pro tuenda hac, aliisque id genus Opinionibus Probabilibus. In proposito autem argumento Parthenotimus supponit nunc, nos *in re Incerta* versari. Hoc & ego contendo, quod est ad Veritatem sententiae Scotisticae; tum nego, Probabile unquam fuisse, aut esse posse, licere subire certum discrimen Vitae nostrae pro Opinionibus Incertis; neque enim intrinsecae rationes, neque extrinseca auctoritas a temeritate absolvit, qui Certo & Maximo Bono sciens se se certo privat pro confestando Incerto Bono. Addo, etiam si Probabilitas aliqua extrinseca adesset Voti Sanguinarij patronis ex improvida assertione alicujus Theologi, non posse tamen Speculativam hanc Opinionem in Praxim sine peccato deduci. Et ratio est, quia agitur de periculo, immo de Certitudine gravis damni, sequendo heic Opinionem Probabilem, relicta tutiori. Quippe ex una parte Certum Malum, illudque summi momenti, sine necessitate incurritur, quum quis ultro animam ponit pro tuenda Opinatione Probabili; at ex altera parte Bonum, quod moriendo quaeritur, Probabile tantummodo est, & minime Certum. In Voto Sanguinario nequaquam Vita impenditur pro Certo ac evidenti honore Virginis: nondum enim Ecclesia nos docuit, Deum revera voluisse Mariam maculae Originalis expertem. Damnavit Innocentius XI. in Proposit. I. affirmantes: *Licium esse in Sacramentis conferendis sequi Opinionem Probabilem*. Statuunt & ipsi Probabilistae, peccare Judicem sequentem in judicando sententiam Probabilem, contempta tutiore ac probabiliori: uti & Medicum exhibentem aegro Pharmacum Probabile, quando alterum novit, ac praesto habet, Probabilius & tutius ad salutem aegrotanti adferendam. Quae rationes militant, cur damnetur in hisce casibus tum Sacerdos, tum Judex, & Medicus, aequè

saltem militant contra eligentes pro re Incerta iacturam propriæ Vitæ, hoc est maximi Boni a Deo nobis collati, cujus domini non sumus, & cujus cura & conservatio sub gravi præcepto nobis ab ipso Deo mandatur. Quare quicumque sub Probabilissimi umbra aditum hominibus aperit ad projiciendam temere Vitam suam, nescio quei effugere possit ac debeat fulmina Apostolicæ Sedis. Agitur-ne de re exigui momenti, quum de Vita hominum agitur?

C A P U T V I I I.

An Certa sit sententia Scotistica de illibata Virginis Conceptione. Non ferenda opinio de Certitudine hujusmodi sententiæ, ubi de Vita hominum agitur. Nondum ista excessit fines humanarum Opinionum. Aliud Certitudo Objectiva, aliud Persuasio Certitudinis.

Q Uam infirmo ac inani patrocinio suam hæcenus causam tutatus fuerit Parthenotimus, vidimus. Plures ille vias, nunc istam, nunc illam tentavit, ut a Sanguinario suo Voto censuram, si quo posset pacto, averteret; at nondum, quantum quidem mihi videtur, ullam aptam invenit. Quod potissimum Lector animadvertat velim, curavit ille hucusque perquam sedule, ne quisquam sibi persuaderet, Votum illud emitti pro Veritate ac Certitudine Sententiæ Scotisticæ, diserte scribens, voventes tantummodo Sanguinem & Vitam polliceri pro Pietate, pro Honore, pro Veneratione, & Cultu Virginis. Idem ab illo repetitur pag. 61. iis verbis: *Deinde non semel jam diximus, rem, pro qua vovent, de quo loquimur, vitam profunderet, videlicet Honestatem tuendi Piam Sententiam.* Numquam est ausus dicere pro Veritate, pro Certitudine, pro Evidentia piæ sententiæ. Sed Proteum nunc intueri in omnes formas se se vertentem, ne quid prætermittat, ex quo speretur nutantis sui Voti ac doctrinæ tutela. Is ergo probe præsticiens, quamdiu intra fines Opinionum consistat Pia sententia, neque ea Certa sit voventibus, avolare leves in auras, quidquid ipse hæcenus excogitavit pro honestando suo Voto: non uno in loco clientibus suis insinuat, Sententiam de Immaculatæ Deiparæ Conceptione, non amplius Probabilem, sed Certam esse. Negaveram ego hanc Certitudinem. Is verq pag. 20. eam nos assequi posse ait per Theologos, inter cetera scribens: *Numquid homo suadet sibi Certam esse Immaculatæ Virginis Assertionem, quia ipse fallax Certam sibi esse dicit? Nequaquam, sed quia id insinuant Patres, docent Theologi, fert communis*

nisi sensus, suadent alia id genus argumenta: quæ ea sunt, ut faciant, ne creatura fallacissima, seu quæ falli maxime potest, in præsentis sulatur. Tum distinguit triplicem Certitudinem: primam, quæ sit ex divina Revelatione jam per Ecclesiam proposita. Hanc sententiæ Scotisticæ non adesse fatetur. Secunda oriri potest e divina Revelatione, sed quæ non sit Fidelibus per Ecclesiam proposita; atque hanc etsi Parthenotimus amplecti non videatur, ita tamen proponit, & auctoritate Gersonii & Granadi fulcit, ut sibi libertatem retineat eandem amplectendi, hoc est divina Fide credendi, sine labe Virginem fuisse conceptam, cum sibi persuadeat id fuisse a Deo revelatum. Tertiam denique Certitudinem sententiæ Scotisticæ tribuit, quam Plurique, ait, adstruunt; videlicet non ortam ex pura Dei Revelatione in Scripturis contentam, & clare sibi nota, sed ex consensu Academicarum, ex universalibus Patrum locutionibus, aliisque non paucis, quæ hic referre, non est præsentis instituti. Multos enumerat ita sentientes, usque adeo ut scribere Veritus non sit Jobannes de Cardenas in Crisi Theolog. Traß. I. Disput. 9. num. 2. 5. Post Bullam Alexandri VIII. quotquot de Conceptione scripserunt (præter Caramuelem & Murciam) asserunt, sententiam piam esse in statu Certitudinis, non Fidei, sed Moralis, Physicæ, & Metaphysicæ. Ita Parthenotimus, qui in tertia ista Opinione conquiescit. Et ne quis dubitet, quid hac in re sentiant, qui Voto Sanguinario se se obstringunt, ait pag. 54. Existimat Lamindus, quod pie voventes, & Voti Pietatem commendantes solummodo opinentur, Virginem ab Originali labe fuisse præservatam. Sed in eruditione Theologica hospes est, aut videri vult. Nam Theologorum plerique Certum id putant & tuentur. Addit pag. 62. Pie voventes ac jurantes jam sibi non ut Probabilem, sed Certam persuadent primævam Virginis Immunitatem. Denique pag. 78. hæc habet: Qui vovet Virginis Immunitatem tueri, necesse est, ut persuadeat sibi, quod re ipsa Virgo immunis fuerit a macula. Gratiz sint Parthenotimo, qui disertis tandem verbis significat, quæ sit sua; & quæ sit Voventium mens in emittendo Voto de fundendo Sanguine pro Immunitate Virginis.

Profecto neque illi, neque cuicumque alii Scotificam sententiam veluti Certam tuenti, ac voventi etiam illius tutelam, quidquam obfistere mihi animus est, dum in ore & scriptis ejusmodi tutela consistat. Hanc sententiam laudavi, iterum laudo, non uti Certam, sed uti Probabilem ac Piam. Non enim desunt graves conjecturæ & congruentiæ ad eam persuadendam; & quamvis explicite non habeatur in Scripturis sacris, neque in Sanctorum Patrum scriptis, implicite tamen contineri posse in iis videtur. Neque contrariam sen-

teq.

tentiam explicite habent divini Libri. Quod si Patrum sententiæ Immunitatem hanc a Deipara excludere videntur, curant ejusdem patroni, ut illorum dicta explicent, sibi que minime contraria ostendant. Denique pie huic Sententiæ favent Romani Pontifices. Quare etsi Certa reputaretur a multis, immo ab innumeris, nullum ex hac persuasionem in Ecclesiam, nullum in ejus doctrinam, uti neque in Rempublicam incommodum fluere. Nam ut ait Ephræm Antiochenus apud Photium Codice 228. *Disputatio illa de questionibus ad Fidem minime spectantibus, recte quidem se habeat, si opus sit finem veritatis assequantur. Sin autem ab eo excidant, id quidem non bene successerit: non tamen in exitium anima vergit.* At quando nonnulli super istam Opinionem, & illius, ut sibi videtur (qualiscumque ea sit) Certitudinem superædificare volunt, ejusque firmitatem adeo extollere, ut pro ea, non secus ac pro Veritatibus ad Fidem pertinentibus, animam ponere decernant, aliosque ad idem faciendum sollicitant: novum hoc additamentum ingentis, immo maximi momenti res est, in quam intentus sit quilibet oportet, ejusque examen suscipere, tum Ecclesiæ, tum Reipublicæ plurimi interest, ne detrimentum grave aut nunc, aut aliquando in Ecclesiam ipsam & Populum ex hujusmodi doctrina emanet. Et enim si Opinionum fines nondum excessit Sententia Scotistica, & nihilominus Christi Fideles vident, non deesse Theologos, qui sentiant ac suadeant, posse licite pro illa Vitam impendi, dum sibi homo persuadeat, Certam eandem esse: jam ad credendum induci possent, licere Christiano etiam pro *Opinionibus* tutandis animam ponere (quod falsum omnino ac imprudens est) aut sufficere *Persuasionem*, ut Certum sit, quod adhuc *Dubium* est, atque in linea Opinionis adhuc conclusum; simulque eandem Persuasionem satis esse, ut Christianus eligat mori, ac inde speret laudem ac præmium a Deo, immo & nomen *Martyris*. At hoc sane, ut vidimus, minime in Ecclesia Dei tolerandum, quum *Persuasio* ista in rebus ac sententiis ad Fidem minime spectantibus ducere possit incautos ad propugnandum non minus Verum, quam Falsum, Vitamque fundendam æque pro Errore ac Veritate. Beatissima profecto nunc est pax Ecclesiæ, abestque a temporibus & oculis nostris ferale spectaculum illud, quo Fideles, uti olim, pro doctrina Fidei animas generose & prudenter ponebant, ita nunc pro sententia Scotistica de Conceptione atrocissimis tormentis & gladiis Vitam imprudenter exponant. Sed quid, si aliquando id contingeret, neque a temeritate excusari possent sponte pro causa ista ruentes in mortem? Nonne probris onerandus esset, qui non unum hominem, sed integros Populos ad supplicium contra mentem Dei & Ecclesiæ

clesiæ adduxisset? Nonne reliqua Christianorum gens rectius edocēta, & a Sanguinario Voto abstinens, hosce tam improvide occumbentes miraretur ac doleteret, veluti mentis inopes, aut ab imprudenti Devotionis æstu miserrime extra orbitam abreptos? Quare & Ecclesiæ Catholicæ decus, & Reipublicæ ab omnibus curanda utilitas, poscit, ut ejusmodi doctrina sine mora ad amussim Veritatis exigatur, ac potissimum postquam Parthenotimi studio eam palam protectam, ac longe lateque jam disseminatam sentimus. Quod mihi majores etiam animos facit, Apostolica Sedes numquam agnovit *Certam* eorum sententiam, qui pro incontaminata Virginis Conceptione pugnant; eoque minus quidquam protulit, quo tolerare, nedum probare censenda sit novum hoc, atque ut ego reor, novitium ac falsum Martyrii genus. Probat Ecclesiā uti *Piam* sententiam Opinionem de Immunitate Mariana, probo & ego. Vetat eandem impugnari, non impugno. Id unum mihi sumo, illam ostendere minime *Certam*, aut saltem non ita *Certam*, ut prudenter, ac sine temeritate & peccato pro ea Sanguis effundi possit. Hoc minime vetuit Sancta Sedes; immo si ex hoc ipso examine tandem constabit, Sanguinarii Voti patronos abuti favore, quem Ecclesiā piæ sententiæ impertitur, illudque Votum cedere in ipsius Ecclesiæ injuriam, atque in perniciem publicam: spes mihi est, non solum æquo animo, sed etiam grato excipiendum hunc meum, qualiscumque sit, pro ipsius Ecclesiæ doctrina & gloria laborem.

Itaque præmitto duo certissima in Quæstione de Conceptione Virginis. Alterum est, potuisse Deum eximere a Peccati Originalis macula Matrem futuram divini Filii sui. Qui negare hoc auderet, omnipotentis Dei contumeliam inferret. Alterum est, æque potuisse Deum sinere, ut Virgo non diversa a reliquis Adami filiis conditione conciperetur, eam mox sanctificaturus. Quod ubi fivisset, & contigisse pateret, summa adhuc esset Mariæ Sanctitas, summa & dignitas; neque ulli, nisi impudenti ac impio in mentem veniret, minoris facere Deiparam, quam hæcenus universa Christianorum Respublica fecerit, aut æquitatem desiderare in Deo. Non enim consilia Dei, consilia hominis: quod & ipse per Isaiam Cap. LV. vers. 8. denuntiavit, inquiens: *Non enim cogitationes meæ, cogitationes vestræ: neque viæ vestræ, viæ meæ, dicit Dominus.* Utra vero ex hisce viis Deo placuerit in Conceptione Deiparæ, & quid revera tunc operatus fuerit omnium conditor Deus, non e ratiunculis ingenii nostri est eruendum, sed ex ipsius Dei Revelatione, sive scripta in sacratissimis Libris, sive per Traditionem Patrum ad nos transmissa. Et quidem revelaveritne Deus, an non, jam per quinque vel sex Secula disputatur, & adhuc sub Judice lis est. Porro neque ignota Ecclesiæ hæc

hæc disputatio, neque ab ea neglecta; immo notissima, quando tot jam Bullæ Pontificum hac de re prodierunt, ipsamque Tridentinum Concilium quæstionem sub oculis habuit. Quid tamen inde? Sixtus ipse IV. Pontifex, Ordinis Minorum, qui primus legitimum de celebri hujusmodi controversia decretum emisit, quamquam ante Pontificatum pro Scoti sententia Librum scripsisse feratur, nihil tamen aliud decrevit, nisi ut nemini liceret eam Sententiam Hæresis aut Impietatis arcessere; idemque de contraria constituit. Exploratum pariter est, subsequutos quoque Pontifices incertam reliquisse utramque Sententiam, quamvis ad evitaanda contentionis scandala Thomisticæ patronis silentium prudentissime indixerint. Hinc autem duo principia fluunt inconcussa. Primum est, tam sententiam faventem Immunitati Virginis, quam adversantem, tenebris adhuc circumfederali in Ecclesia, & versari adhuc utramque in Incertitudine apud Apostolicam Sedem, quæ veri, falsi, ac dubii constituta a Deo fuit index & iudex, falli nescia. Secundum est, in incerto esse, ac futurum esse, quamnam in partem inclinatura erit Ecclesia, si quando maturius examen quæstionis hujus suscipere velit, ac definitivam proferre sententiam.

Quamobrem ubi quempiam audimus, cui Certa sit alterutra ex hisce sententiis, animadvertendum e vestigio est, triplicem dari Certitudinem. Prima est *Fidei Divine*, quum nempe sine ulla dubitatione credimus aliquid a Deo revelatum, testimonio Ecclesiæ, quæ columna est & firmamentum Veritatis, innixi. Secunda est Evidentiæ, quam Philosophi *Objectivam* appellant, videlicet quum objectum adeo clara ac certa demonstratione & cognitione ab Intellectu apprehenditur, ut aliter esse non possit, neque aliter excogitari. Eiusmodi Certitudinem in compluribus, immo & innumeris tam Physicis & Metaphysicis, quam Moralibus notionibus reperimus; atque hæc evidentiæ Intellectum tanta efficacia determinat, ut pariat cognitionem certam atque infallibilem, excludatque omnem merito suspicionem Erroris. Tertia est Certitudo *Persuasionis*, quæ *Subjectiva* in Scholis nuncupatur, hoc est, quum Evidentiæ & Certitudine objectiva deficiente, Probabilibus propositionibus nihilominus firmum præstamus assensum, non quod evidenter intrinsecam Veritatem objecti intueamur, sed quod rationes pro illa propositione tam fortes, debiles vero pro contradictoria aut contraria propositione, se se nobis offerunt, ut Intellectus noster in illa non Veritate certa, sed apparentia Veritatis, conquiescat, ac se falli vix posse putet. Postrema hæc Certitudo locum item habet in plurimis, immo innumerabilibus notionibus tum speculativis, tum practicis, Scientia-

rum,

rum, & Artium, humanique commercii. Veritatem enim nudam, sive Certitudinem Evidentiæ, sæpissime assequi possibile non est; ac propterea satis est Intellectui arripere Verisimile ac Probabile; sive Probabilius, quando ipsam certam ac evidentem Veritatem non potest. Et quidem ultra quam vulgo credatur, vastissimum est regnum Opinionis. Hæc autem *Certitudo Persuasionis*, quæ aliud denique non est, nisi *Persuasio Certitudinis*, trepidationem saltem aliquam, ne Error eidem Persuasioni sublit, secum semper adducat oportet, quum Evidentia absit, ac propterea objectum possit esse aliud ab eo, quod nobis apparet, ac nobis persuademus. Tot hominum Judicia, sive in Theologicis, sive in Physicis, atque in actibus humanis, perpende. Præter illa, quæ ex Evidentia cognoscimus, aut Fide Divina infallibiliter credimus, innumera sunt alia, de quibus judicamus, & quæ multis, non satis circumspicte Veritatem inquirentibus, Certa etiam videntur. At in postremis hisce quanta Incertitudo! quanta Erroris facilitas! Immo non desunt, qui scribant, ipsam Evidentiam ac Certitudinem Moralem composibilem, ut ajunt, esse cum Falsitate. Proinde Sapiens istis numquam tam firmum præbet assensum, ut certissimam Veritatem, sive *Certitudinem Objectivam* assequutum se credat, deponatque omnem errandi metum. Qui vero improvide & inconsulte agit, pro Certis quotidie plurima immerito habet, minime animadvertens, judicium suum ex ignorantia proficisci, aut ex neglecto maturiori examine, aut ex animi affectibus Intellectum subducentibus, aut denique ex præsumptione ac superbia: quum contra alii cautius, ac majori sinceritate & diligentia agentes, eadem aut Falsa erant, aut saltem Dubia ac Incerta agnoscant.

Venio nunc ad geminas de Conceptione Virginis oppositas sententias; ac puto mecum me habiturum concordem Parthenotimum, asserentem, neutram posse sibi tribuere Certitudinem Fidei aut Evidentiæ. Ergo superest, ut quam ipse Certitudinem de Scotiffica Sententia profert, non aliam appellare possimus, nisi *Certitudinem Persuasionis*. At hæc ipsa sine formidine saltem aliqua Erroris esse non potest, ut diximus; & consequenter verbis quidem ea sententia veluti *Certa* a nonnullis appellatur, at re ipsa nihil aliud est, quam *Opinio*, quæ formidinem Erroris semper conjunctam habet, aut habere debet. Parthenotimus ipse pag. 18. *Adum Opinitivum* habere se fatetur de Immaculata Conceptione, contendens, tantummodo, *Pietatem, Veritatem illam esse, pro qua immerentur Voto Sanguinario addicti, & quæ cento inest Agui Opinativo* de ipsa Conceptione. Tum pag. 62. scribit: *Pie Voventes ac jurantes, jam*

H sib

sibi non ut Probabilem, sed Certam Persuadens primævam Virginis Immunitatem. Ac proinde apud Voventes sita est in Persuasione Certitudo illa, non vero in objecti Evidentia, ejusque cognitione; & per consequens Erroris metum excludere non potest, nec debet, prout fatebitur quicumque prudens ac sapiens est. Ita tot aliis propositionibus Scholasticæ & Moralis Theologiæ, Physicæ, Metaphysicæ, Historiæ &c. adhæret Intellectus, servata tamen prudenti aliqua dubitatione, nunc majori, nunc minori, Verum-ne, an Falsum sibi persuaserit. Quare nihil est, quod Theologus nosster clientibus suis deprædicet, plerisque Certam videri Scotisticam Sententiam. Certam quippe si ipsi ita habere credendi sunt, ut non abjiciant omnem Erroris ac Falsi metum. Et quidni? quum ne ipse quidem Parthenotimus alibi audeat asserere, se illam habere pro Certa. Ei tantummodo sufficit dicere pag. 28. Non est igitur adeo clarum, ut sibimet Pritanius blanditur, quod pia sententia sit Opinio, & mera Opinio, cui subesse possit Falsum. Sed quando is etiam Johannem de Cardenas adduxit, scribentem, sententiam piam esse in statu Certitudinis, non Fidei, sed Moralis, Physicæ, & Metaphysicæ, uti jam asseruerant tres Hispanici Scriptores ab ipso de Cardenas commemorati; atque hæc a Parthenotimo adducuntur, ut animus addatur voventibus Sanguinem & Vitam pro ejusmodi sententia: non hæc sane toleranda, utpote semina doctrinæ, quæ in apertum abusum vergunt decretorum Apostolicæ Sedis, & credulitatem falsam, & Martyres antea ignotos invehere in Catholicorum Rempublicam possunt. Neque enim Summi Pontifices vetando, ne Scotistica sententia impugnetur, vetuerunt etiam, ne impugnaretur quicumque contra Ecclesiæ Romanæ mentem Decreta Apostolica interpretatur, atque iis abutitur, ad impellendum temere in mortem nimis credulos Christi Fideles.

CAPUT IX.

Sententiæ Scotificæ minime tribuenda Certitudo formidinem quamvis excludens . Quæ Romanæ Ecclesiæ intentio sit in statuendo Festo Conceptionis . Quantum a Falsitate quavis abhorreat Ecclesia . Vincibilis Ignorantia ac Error tribuentium Certitudinem Intrinsecam Scotificæ Opinioni . Non hæc hausta e Sanctis Patribus . Ecclesia Romana tantummodo ut Probabilem & Piam eandem Sententiam agnoscit .

Dico ergo, deliria esse piæ Phantasiæ asserta hæc Cardenz, neque cum de temeritatis culpa excusari posse, dum Scotificæ sententiæ Certitudinem tribuit *Moralem, Physicam, Metaphysicam*, ubi is suadere velit, aut Evidentiam cum ista Certitudine conjungi; aut nullam amplius superesse dubitationem de Veritate ejusmodi sententiæ; nosque ita certos de ea esse, uti certi sumus, Alexandrum Magnum, ac Julium Cæsarem Romanorum Imperatorem olim vixisse, & cras Solem otiturum; & unum cum duobus junctum facere tria. Universa enim Catholicorum Respublica evidenter novit, ejusmodi *Evidentiam* ac *Certitudinem* desiderari in sententiâ Scotificâ; immo novit, ipsam evidenter in *Incertitudine* positam, postquam Ecclesia, disputationis conscia, ita sententiam illam probavit, ut suam vim & credibilitatem contrariæ numquam ademerit. Et quidem obtestor ego Procere in primis omnes Ecclesiæ Romanæ, tum doctos quoslibet viros, ut edicant, an quisquam Romanorum Pontificum litem istam hætenus diremerit. Negabunt omnes, & Cardenam aut ridebunt, aut audaciæ damnabunt, quod ex institutione Festi Conceptionis (cujus tum ipse, tum Parthenotimus pag. 41. ajunt, *objectum esse præservationem Virginis ab omni macula ex Alexandri VII. Bulla*) contenderit, ascendisse Scotificam sententiam ad statum *Certitudinis Moralis, Physicæ, & Metaphysicæ*. Immo e præmissis suis plus quam ille intendit potuisset inferre, videlicet Festo Conceptionis a Romana Sede probato, sententiæ quoque eidem accessisse Fidei divinæ Certitudinem: quod tamen minime factum omnes agnoscunt, neque ipse Cardenas diffitetur. Quod ergo hac in re verum est, Festus dies Conceptionis ante aliquot Secula institutus a Singularibus quibusdam Eccle-

fiis; a Sixto IV. deinde probatus fuit, & peculiari etiam Officio ornatus; demum vero a Sancto Pio V. ad universam Ecclesiam propagatus. Verum sub Innocentio X. ex occasione cujusdam Decreti sacre Inquisitionis Romanæ, interdicentis appellari *Festum Immaculatae Conceptionis*, acris disputatio renovata est, contententibus quibusdam, sub nomine *Conceptionis* nihil aliud ab Ecclesia celebrari posse ac debere, quam *Sanctificationem* Virginis, non vero *Præsertionem*. Hispanicorum querelis ac precibus fatigatus Alexander VII. anno 1661. controversiam hac ratione sustulit. Nimirum de mente Ecclesiæ, quod est ad illud Festum, nihil statuit; sed quidem eorum Fidelium *Pietatem* commendavit, qui *secundum piæ sententiam*, tribuentem Deiparæ in primo instanti Immunitatem a macula peccati Originalis, & *in hoc sensu* ejus Conceptionis Festivitatem solenni ritu colunt & celebrant; & volens *laudabili huic Pietati*, & *devotioni*, & *Festo*, & *cultui secundum illam exhibito favere*, licitum decernit Festum celebrare, cultumque Conceptioni ejusdem Deiparæ *secundum piæ istam sententiam* exhiberi; præcipiens, ne quisquam audeat illorum Pietati ac intentioni adversari. Sed ne unum quidem verbum addidit Pontifex, quo alios improbaret, qui secundum alteram sententiam sub diversa consideratione *Sanctificationis* solenne habent Festum illud. Quare etsi aliquando Decretum Apostolicæ Sedis Emanaret (hoc autem possibile nemo neget) quo Thomistica sententia de Conceptione Virginis ad Fidem spectare statueretur; attamen ita res composita est, ut adhuc illud Festum in suo vigore una cum suo Officio, ac Indulgentiis conservandum foret. Interea quid de hoc Festo, cuius causa nobis instatantur olim ac nuper Heterodoxi, quasi sibi Ecclesia contradicat, dum Festum celebrat, & nihilominus pro Incerta sententiam habet, responderint insignes duo S. R. E. Cardinales, de Polemica Theologia optime meriti, juvat heic repetere. Primus est celeberrimus Cardinalis Bellarminus, Societatis Jesu, (eius verba etiam Cardenas temere falsitatis arguit, supposito falso ipse innixus) ita loquitur Lib. III. de Cultu Sanctor. Cap. XVI. *Dico secundo, fundamentum hujus Festi præcipuum non esse Conceptionem Immaculatam, sed simpliciter Conceptionem Matris Dei futuræ. Qualiscunque enim fuerit illa Conceptio, eo ipso quod Conceptio fuit Matris Dei, singulare gaudium affert Mundo ejus memoria; tunc enim primum habuimus pignus certum Redemptionis.* Alter vero est Clarissimus S. R. E. Cardinalis Vincentius Ludovicus Gotti, Ordinis Prædicatorum, nunc vivens, purpurati Senatus ornamentum, qui in Libris de vera Christi Ecclesia contra Piceninum Hæreticum

Part. II. Tom. II. Art. XIV. §. V. post Bellarmini verba hæc addit: *Huc respexit Clemens XI. in sua Constitutione pro ipso Festo die VI. Decembris 1708. Cujus Conceptio gaudium annuntiationis universo Mundo. Atque ut nemo in animum inducat, voluisse illum hoc factò dirimere controversiam, non illud appellas Festum Immaculatae Conceptionis Beate Virginis Mariæ, sed Festum Conceptionis ipsius Beate Mariæ Virginis immaculatae.* Certum porro est; & ab aliis præcedentibus Pontificibus *Immaculatae* titulum detractum fuisse e Conceptionis Festo. Neque exemplo caret ejusmodi genus Festi; nam Græci, ut erudite monnit idem Cardinalis Bellarminus, celebrant a multis Seclis Festum *Conceptionis Sancti Johannis Baptistæ*, quem tamen nemo credit a contagione culpæ originalis præservatum. Ac proinde etsi Græci ipsi Festum quoque celebrant Conceptionis Sanctæ Annæ, quam nos Conceptionem Virginis appellamus, nihil ad rem facit exemplum hujusmodi, quum & hoc factum videamus de Johanne Baptista. Adde & a Latinis omnibus idem Præcursoris Festum per plurima Secla celebratum fuisse die XXIV. Septembris; nam ut Cl. V. Daniel Papebrochius & Soc. Jesu adnotavit ad diem XXIV. Junii in Act. Sanctor. Cap. 2. §. 2. Festum Conceptionis Johannis Prodromi, diversum ab ejus Nativitate, inscriptum est vetustis omnibus Latinis Martyrologiis, Hieronymi, Bedæ, Adonis, Ussuardi, Notkeri, Rabani. Nec invenio, qui Festum illud omiserit notare ad diem XXIV. Septembris; ante Bellinum de Padua, hoc est usque ad annum 1498. Vide etiam Kalendarium ad eadem Agnelli Ravennatis editum Part. I. Tom. II. Rer. Italicar. pag. 218. ubi idem Festum commemoratur. Quamobrem recte quidem faciunt, qui secundum piam Scoti sententiam Festum celebrant Conceptionis Deiparæ; sed nihil ibi insistendum, ut Certitudo aliqua sententiæ ipsi concilietur. Hac de re vide præsertim, quæ disferuntur a celebri Scriptore Societatis Jesu, mihi jam non semel laudato, & sæpius infra laudando, qui in *Corona Aurea* Roman. Pontif. Veritat. VIII. pag. 153. inter alia scribit de Conceptione immaculata Beatæ Virginis: *Quamvis certum sit, eam non esse de Fide; quia tamen piam est, & admodum probabile, aut etiam moraliter certum, Beatæ Virginis Conceptionem fuisse expertem originariæ noxæ: merito Ecclesiæ Rectores religiosum ejus cultum omnibus Fidelibus præscripserunt.* Quippe, ut is ait, cultus ejusmodi ex prudenti judicio deservit.

Neque tamen heic stetit quorundam confidentia: nam uti nuper memoratus Cardenas scripsit (quod repetere necesse est) *Theologi præcipue Hispani, jamdiu ostendunt, etiam ante Bullam Alexandri VII. hanc*

hanc sententiam non esse in gradu Probabilitatis, sed ascendisse ad omnimodam Certitudinem, non Fidei, sed Moralem, Physicam, & Metaphysicam: post Bullam autem Alexandri VII. sententiam piam esse multo evidentiorē. Immo inter paucos suos Scriptores Bellarminum quoque recenset, qui tamen disertis verbis Lib. IV. Cap. XV. de amiss. Gratiae statuit: Non haberi apud Catholicos pro re Certa & explorata, ac Fide Catholica tenenda, Beatam Virginem sine peccato fuisse conceptam. Tum id solum contendit, Non esse hanc ipsam Opinionem temerariam, sed Piam admodum ac Probabilem, atque adeo contraria sententia Probabiliorē. Quæ plena modestia ac moderatōne nemo non videt. Atque hoc unum sufficere posset ad prodendum, quam caute in reliquis adjungenda sit iis fides, qui tanta confidentia Certitudinem Moralem, Physicam, & Metaphysicam de sententia Scotistica, nimis incaute genti, & contra Ecclesiæ mentem, olim venditarunt, & quidem ante ipsam Alexandri VII. Bullam. Sed undenam nata ejusmodi Certitudinis persuasio? Libere dicam, e fraudibus, quas nonnulli contexuerunt olim, ea spe fortasse ducti, sibi fas esse quidquid vellent etiam temere comminisci, ac inepte effutire, quum obstructa essent ora contra sentientibus. Sed basilice falluntur, qui ita Summorum Pontificum Bullas, ac mentem interpretantur, ut putent, ne licere quidem ulli hincere, si quando figmenta & commenta exerunt in patrociniū causæ alioqui bonæ atque laudabilis: ac præcipue si quisquam iis abutatur, ut Populum Fidelem in mortem inconsultam miserrime impellat. Felices nimium imposturæ forent, si palam prodire possent, revelari, & argui palam a nemine possent. Quis non videat, gravem injuriam sanctissimæ Sedi Apostolicæ inlatum pro re ab eo, qui in animum induceret, atque contenderet, silentio indicio uni factioni per Ecclesiam, alteri relictam fuisse licentiam quidlibet audendi, hoc est fingendi atque mentiendi? sublatumque omnibus etiam jus hæc ipsa detegendi atque accusandi? Nemo quippe ignorat, quantopere Ecclesia ipsa exsecratur quæcumque in Religione figmenta. Neque illa Veritatis custos unquam patrocinata est, aut patrocinabitur Falsariis, eorumque sceleribus abominandis. Præcipue vero quum agitur de Dogmate persuadendo atque statuendo (re videlicet omnium gravissima & delicatissima) uti horrendum facinus est hæc aliquid falsi adhibere aviditate victoriæ referendæ, ita in summum dedecus ac opprobrium Catholici Populi cederet, si pacificus & liber cursus hisce ludibriis apud nos permitteretur, & nemini liceret adversus illa insurgere. Atque hoc ipsum accidisse in Conceptionis Quæstione, & in Hispania præsertim, brevi ostendemus.

Ne quis tamen heic fallatur, neve ego minus videar morigerus erga Summorum Pontificum Bullas, quibus venerationem ac obedientiam deberi ab omnibus, atque a me in primis, agnosco: antequam ultra procedam, monitum hæc pauca Lectorem volo. Nempe adesse tanti ponderis rationes, congruentias, & conjecturas pro Immunitate Virginis (*Probabiles tantum, congruentesque rationes eas appellat loco nuper laudato celebratissimus Cardinalis Bellarminus*) ut *Probabilem* eam innumerorum mentibus reddiderint; Certitudinem vero illam, quam per vetustiora Secula sententia contraria sibi tribuere videbatur, & ipsam ad *Probabilitatis* limites deduxerint. Quare non immerito, donec accuratius perpendantur utriusque Opinionis momenta, Romani Pontifices decrevere, neutram ex iis inhonestam aliqua gravitate censura esse confingendam. Has ego rationes veneror, has intactas volo, utpote quas Sixtus IV. aliqui Pontifices impugnari noluerunt. At si quis Probabilitate ista, quam etiam maiorem contraria credere ac appellare cuique licet, minime contentus, alia fabricat non probata ab iisdem Pontificibus, & præter, immo contra eorum mentem, audet adeo Certam, exploratam, indubitatamque deprædicare ejusmodi sententiam, ut pro ejus tutela morituris vitam æternam, immo & coronam Martyrii polliceatur: insurgendum quibusque doctis est, & serio examine novæ hujus doctrinæ, ejusque consecratorum suscepto, succurrendum est Populo in omnem credulitatem prono, ne imprudenter feræ carnificinæ se tradat, & ne incaute Incertum pro Certo assumens, & somniata Certitudine fretus, Verissimum, Certissimum, ac Evidens bonum Vitæ suæ profundat. Itaque ajo, si quisquam in eum finem, ut Christi Fideles pertrahat ad asserendam Sanguine suo Scotificam sententiam, eam *Moraliter*, aut *Physice*, aut *Metaphysice* Certam esse contendit, in *Errore* versari, eoque *vincibili*; & *Ignorantia* laborare, eaque *vincibili*. Quod aliquis rerum Christianorum minus peritus, atque in Theologia hospes credere possit, pertinere aliquid ad Fidem, quod revera non pertineat, ac pro tali sententia, quam is *Invincibiliter* Veram credat, mortem subire cum laude possit ac debeat, si occasio poscit, & ego concedo. At ejus Error ac Ignorantia tum solum *Invincibilis* dicenda, ac proinde excusanda erit, quum diligentiam, quam potest, ante adhibuerit; ut erudiatur a doctis de vera Ecclesiæ doctrina. Hanc enim omittens, temere is ac imprudenter morti se tradet. Verum quod Viri docti putent, aliisque persuadeant, tam exploratam esse Veritatem Immunitatis Marianæ, ut non solum liceat, sed opus summæ Virtutis sit pro ea tuenda gladiis impiorum se offerre, *Vincibilis* est, atque inexcusabilis hic error,

error; ipsique jubentur prius diligenter, ac deposito omni privato affectu investigare, num revera subsistat in Objecto, an tantummodo in Persuasione sua ejusmodi Certitudo. Theologi quippe ignorare non possunt, aut non debent, præter *Firmitatem Intellectualem* proveniente[m] e clara ac evidenti cognitione objecti, dari etiam *Firmitatem Affectivam*, hoc est quum Voluntas aliquo rapta affectu imperat assensum Intellectui, & vult ut credat, quæ sibi proponit: cujusmodi Firmitatem passim in Hæreticis deprehendimus, qui pertinaciter credunt falsissima Sæctæ suæ Dogmata. Nullo autem negotio Error hic atque Ignorantia deponetur in questione de Immunitate Deiparæ, si debite non parcatur diligentia. Nam quis, rogo, Certitudinem hanc hauriat e *decretis Romanæ Ecclesiæ*, quando evidens est, Incertam adhuc esse apud illam utramque de Conceptione sententiam? Neque hæc Certitudo e *divinis Scripturis* peti potest, quum ex ipsorum hujus sententiæ tutorum confessione nullus divinarum Litterarum locus adferatur, unde saltem explicitè doceamur, Virginem originalis maculæ expertem fuisse. Mysticus vero, Allegoricus, & Typicus sensus numquam aptus fuit ad fundandum Dogma de divina Revelatione, non aliunde nota.

Neque Certitudo hæc e *Patribus* expectanda, uti Parthenotimus censuit, postquam Petavius Vir Cl. e Societate Jesu, quantumque diligentia usus in deducenda ex iis Catholicæ Ecclesiæ doctrina, ubi de Conceptione Virginis agit, hoc est Lib. XIV. Cap. II. de Incarnat. nullum ex antiquis Patribus adducendum pro ea sententia novit; immo quos ipse deprompsit, in contraria sententia fuisse aut fatetur, aut suspicatur. Et quandoquidem Ferdinandus Quirinus de Salazar anno 1618. vel 1622. spissum Opus edidit pro Defensione Immaculatæ Conceptionis, in quo multa congestit Sanctorum Patrum loca pro eadem sententia, idque & alii postea præstiterunt, quid de illorum labore sentiat Doctissimus Theologiæ Dogmaticæ restaurator, aut parens, non est omittendum. *In eorum vero plerisque* (ita ille scribit) *uti Pietatem, & ornandæ sanctissimæ Dei Matris conatum & studium probare soleo: sic in illa questione tractanda, diligentiam & Criticam sagacitatem requiro.* Nam nec in citandis Auctoribus FIDEM, ac delectum adhibent, qui omnium maxime necessarius est; & quos ex antiquitate idoneos arcessunt, eorum dicta FALSIS interpretationibus, & alienis ab eorum mente detorqueunt. Non est necesse de singulis hoc loco dicere. Porro neque ex universalibus Patrum assertionibus ea Certitudo manare potest, quum idem Petavius animadverterit, inferri nihil posse e Latinorum Patrum dictis, aut e Græcorum versionibus, *Intemeratam* aut *Immacula-*

culatam appellantibus Deiparam, quum ejusmodi Voces aut ejus in-
violatam Virginitatem, aut ab omni iniquatione peccati actualis,
etiam levissimi, immunitatem significare possint. En ejus verba :
*Etenim si quid apud veteres, Græcos præsertim, increpuit, quod Bea-
tam Virginem ἀφρατος, ἀφρατος, ἀφρατος, idest illibatam, incor-
ruptam, impollutam, & id genus alia sonare videtur : in hoc tam-
quam secundo Mercurio sibi oblatum involant, & ad rem suam ac-
commodant ; sed non est consequens. Siquidem illi etiam, quibus pla-
cuit, originali contactum labe fuisse Virginem, partim in utero ipso,
antequam nasceretur, partim sub ipsum Redemptoris conceptum, tan-
ta gratiæ sanctitatisque copia superflua esse putant, ut omnes origi-
nalis morbi reliquias, cum ipso, qui dicitur, fomite Concupiscentiæ,
sanatæ, vel in perpetuum compressæ fuerint &c. Frustra igitur sunt ;
qui iis & similibus ex vocabulis, quæ summam in Beata Virgine
munditiæ, integritatemque significant, confectum sibi negotium pu-
tant, ut apud quos ista repeterint, eos sibi in testimonium ascribant
illius, quem probare volum, intacti, immaculati que Conceptus.*

Demum ad eam Certitudinem persuadendam frustra commemora-
tur *Academiarum & Populorum Consensus* ; etenim postquam e pru-
denti Ecclesiæ decreto sublata est contrariæ sententiæ fautoribus lo-
quendi & scribendi facultas, campusque liber unis Scotistice patro-
nis est relictus : incertum est, quid Viri docti revera de hujusmodi
Quæstione sentiant. Nam quod pleræque Academiæ hanc ample-
ctantur, id factum, quia aut hanc Probabiliorem altera, aut mag-
is Piam arbitrantur : quo more tot alia in Scholis propugnantur,
quæ Probabilia tantum esse, non Certa creduntur. Et sane referri
huc possunt Caramuelis verba in Theolog. fundament. num. 312.
fund. V. latiori significatione ab eo concepta, sed a me restricta
ad solam quæstionem de persuasionem Certitudinis. *Hodie, cujus opi-
nionis sint Doctores, nescimus. Nam si qui contrariam tenent, præ-
cipiuntur tacere, aut loqui nobiscum, qui Piam defendimus. Ego quam
opinionem habeam, scio ; quam habeas, nescio. Nec ex verbis eam col-
ligere possum ; nam si forte severam teneas, nec licite, nec impune
illam prodes. Et si prudens sis, malles in materia Probabili (damna-
re enim hereseos Piam sententiam, delirare est) & te accommodare
Superiorum doctrinæ, quam coram Deo in conscientia, coram Mun-
do in honore & commoditate poti jacturas & censuras. Quamquam
hæc sunt superflua, quum fateatur Parthenotimus ipse pag. 77. *dis-
fensionis compescendæ causa nuncupata fuisse. Vota ac juramenta Aca-
demiæ, quemadmodum in Hispaniis pro Immaculatæ Conceptionis
defensione accepimus nuncupata. Ac proinde non quod Certum sine**

formidine Erroris eam sententiam putent, Academix censendæ sunt ei adhærere, sed quod unam illam tradi posse in Scholis, Apostolicæ Sedi obsequentes animadvertunt. Facultas ipsa Parisiensis, quæ Seculo XV. ac præcipue vigente Basileensi Concilio, adeo fervida fuit in tuenda Scoti sententia, ac deinde Maldonato Viro Cl. e Societate Jesu neganti hujus sententiæ Certitudinem, negotium non leve facessivit, æstum illum jamdiu deposuit, ænovitque & in ista controversia, quantum præstet non tantum auctoritas, sed & sapientia Romanæ Ecclesiæ, quæ decretum Concilii Basileensis de Conceptione Virginis expunxit, & pro nihilo habuit. Ita vero ab eo fervore declinavit celebris illa Academia, ut nullam crearet Johanni Launojo molestiam, qui circiter annum 1675. Librum edidit mihi minime visum, sed ut ajunt, temerarium adversus eandem sententiam: quam Parisiensium Theologorum indolentiam dolet Auctor Historiæ de Controversia Conceptionis. Denique etiam si daretur recentiorum consensus in istam sententiam, inde tamen inferri illius Certitudo nequit, quum vel ipsi Scotificæ Opinionis Sectatores Probabilem & Piam agnoscant etiam Opinionem oppositam, eamque apud antiquiores *Communem* fuisse non negent, quamquam nunc suam magis Piam ac Probabiliorē, quam altera, arbitrentur.

Quod tamen omnium maxime considerandum est, semper ineluctabile illud argumentum recurrit, numquam tribui posse sententiæ Scotificæ Certitudinem *Moralem*, neque *Physicam*, neque *Metaphysicam*, quoties ab ista Certitudine exclusam velis omnem Erroris formidinem, ex quo Ecclesia Romana Veritatis magistra pergit adhuc eam considerare uti Incertam ac Dubiam, eamque dumtaxat habet, ut Probabilem ac Piam. Quo posito, Incertum quoque sit oportet, si quando dirimere velint controversiam istam Summi Pontifices, utram e duabus sententiis decreturi sint ad Fidei doctrinam pertinere: quod sibi ipsis reservarunt statuendum. Gregorius etiam XV. anno 1622. hisce verbis scripsit ad Regem Catholicum, instantem & urgentem, ut Immaculatam Conceptionem definire dignaretur: *Cum nondum æterna Sapientia Ecclesiæ suæ tanti mystervii generalia patefecerit, in Dei, Romanorumque Pontificum auctoritate debent fideles Populi conquirere*. Quid est ergo, quod nonnulli acquiescere nolentes Pontificum auctoritati, incauto Populo tanta confidentia annuntiant, Revelatam implicite fuisse in divinis Libris & Patrum scriptis Immunitatem Marianam, idque jam *ascendisse ad omnimodam Certitudinem, Moralem, Physicam, & Metaphysicam*? Nōne hoc est, apud domesticos, eoque magis apud hostes, argue-

re, aut traducere veluti cæcos & obclinatos non solum adverſæ ſententiæ ſectatores, ſed & ſocios ipſos, qui eam tantummodo Probabilem cenſent? Nonne hoc eſt, Romanam Eccleſiam exponere probris, quaſi ipſa aut præ ignorantia illud non videat, quod tamen in oculis audacium ejuſmodi Doctõrum incurrit; aut defectu Pietatis erga Deiparam, poſt tot ſecula, poſt tot Populorum, & Regum preces, uti Incertam adhuc & Dubiam vigere ſuat adeo celebrem controverſiam? Abeat ergo ſomniata iſta Certitudo, & firma ſtet illa tantum pia Probabilitas, quam in ſententia Scotiſtica agnovere Summi Pontifices, omneſque Catholici agnoſcunt. Et ubi Parthenotimus veritatem hanc diſcere a me nolit, diſcat ſaltem a ſemetipſo, dum pag. 55. ſcribit: *Exiſtimat Lamindus, quod pie vorventes, ſi ſolum opinarentur, Virginem ab originali labe præſervationem, voverent defendere ut veram certamque Virginis præſervationem. Etiam hic decipitur; quandoquidem dumtaxat iidem putarent, quod dum falſitas ignota eſt, & apparentia pro Veritate ſtat præſervationis, licitum & honeſtum ſit illam defendere. Iſtuc autem neque periculoſum neque falſum eſt; etenim ſi deprehenderetur Veritas, & hæc eſſet in ſententia Piæ contraria, Votum deſineret: cum ad mentem & decreta Summorum Pontificum mos ſit vovendi ac jurandi. Heic quæſo Lector conſiſtat, atque animadvertat, conſequi ex huius Theologi doctrina, neque periculoſum, neque falſum eſſe vovere etiam Sanguinem & Vitam pro tuenda Immunitate Mariana, tametſi dumtaxat apprehendatur ut Opinio: nam, ut iſe ait, dum Falſitas ignota eſt, & apparentia pro Veritate ſtat præſervationis, licitum & honeſtum eſt illam defendere. Dixi, illud conſequi ex ejus doctrina; ſed reapſe id ipſe directe docere mihi videtur; nomine enim Voventium ſignificat eos, qui animam pro pia ſententia tuenda ſe poſituros jurant. At erit eorum, qui e ſpecula vigilant, ne periculoſa & falſa dogmata venditentur in Eccleſia Dei, conſiderare, an tolerandus ſit qui doceat: licitum eſſe ac honeſtum pro Opinionibus tuendis ulro morſem ſubire; idque ea ratione firmet, quod dum Falſitas ignota eſt, ſatis eſt Apparentia Veritatis ad legitime ruendum in gladios. Quis ſapiens non videat, quam periculoſa & falſa ſit huiusmodi doctrina? Quantum vero ad illos attinet, quos Parthenotimus ait, vovere Vitam pro pia ſententia, quia Certam ſi ipſi putant & tuentur, potuiſſet ac debuifſet ipſemet fallaciam deprehendere ritus huius ac voti. Nonne fatetur ipſe hoc in loco, fore ut Votum continuo evaneſceret, ſi deprehenderetur Veritas, & hæc eſſet in ſententia Piæ contraria, cum ad mentem et decreta Summorum Pontificum mos ſit vovendi ac jurandi? Nonne idem repetit*

pag. 71. voventes non aliter nuncupare Vota, quam sub hac, quam passim exprimunt, formula: *Juxta Summorum Pontificum Decreta jam edita; aut deinceps edenda?* Ut omnes intelligunt, nihil aliud significat ejusmodi protestatio, nisi se tamdiu tutaturos eam sententiam, quamdiu illam tueri sinet Romana Ecclesia; atque ab ea se illico recessuros, ubi secus ab ipsa Ecclesia decerneretur. Veniat ergo Parthenotimus, aut quisquam alius, *Certitudinem* sine formidine tribuens defensoribus Scotisticæ Sententiæ. Ipsa eorum Vota ac uramenta oppositum clamant. Fieri non potest, quin sit *Opinio* sententia illa, cujus adhuc Veritas aut Falsitas ignota est: quod & fateri coactus est illius tutor Parthenotimus, agnoscens, definitionem hanc judicio Sanctæ Sedis esse reservatam, & posse per novum ejusdem Sedis decretum constare, *Veritatem esse in sententia Piæ contraria*. Interim vero, dum pendet ejusmodi judicium, si quis e Voventibus Sanguinem funderet pro tuenda Scotistica sententia: nonne paret, ipsum pro *Opinione* Vitam profusurum, idest imprudenter, temere, & peccando, ut supra ostendimus, atque ut Parthenotimus pag. 18. sentire & ipse videtur, scribens: *Quis umquam somniavit, pro Incerta Opinione fas esse jugulum offerre Carnifici?* Discant ergo Sanguinarij Voti clientes a præceptore suo, abesse a Voto suo *Certitudinem* Intrinsicam, Objectivam, Moralem, Physicam, & Metaphysicam, quando cras potest a Romanis Pontificibus deprehendi Veritas in contraria Thomistarum sententia; ac proinde Votum suum tantummodo fuisse ædificatum super *Apparentiam Veritatis*, cui subesse etiam potest Falsum; eaque de causâ se tradere tortoribus & lictoribus pro tuenda Opinione hac, idest Apparentia illius Veritatis, a temeritate ac peccato excusari non posse.

C A P U T X.

Unde persuasum multis, dubitationem omnem de veritate Sententiæ Scotisticæ sublatam fuisse. E confectis in Hispania quibusdam Historicis. Ex aliis itidem monumentis commenticiis.

SEd quei, denique postules, factum est, ut tam firmo assensu Scotisticæ de Conceptione sententiæ adhæserint nonnulli, atque inter eos non pauci doctrina Theologica exculi? Ad Populum quod attinet, non est heic numerandum illius suffragium; is enim credit quod audit, neque contrariæ sententiæ adhuc vigentis rationes umquam audit. De unis ergo doctis est interrogatio. Iterum repeto, quod

Eru-

Eruditi omnes in Italia, Germania, & Gallia norunt, sed Parthenotimo, & aliis sub alio cœlo viventibus adhuc ignotum videtur: repeto, inquam, ut Siculorum, quos magni facio, multumque diligo, necessitati succurram. Fraudes, figmenta, falsæque interpretationes, quæ se se in istam intrudere controversiam, rationibusque legitimis, quas Theologi melioris notæ pro Immunitate Virginis attulere, & quas non solum Probabiles ac Pias agnovit, sed etiam intuitu pacis impugnandas vetuit Apostolica Sedes, se se addiderunt: in causa fuere, cur Certitudinem, ignotam adhuc Romanæ Ecclesiæ, omnibusque rite Eruditis, nonnulli sibi persuaserint se intueri in eadem sententia. Non est una auri sacra fames, quæ mortalia pectora ad infanda pertrahat. Interdum & hoc facit immoderata gloriæ & exultationis cupiditas. Atque utinam nullum hujus veritatis exemplum in Pietatis regno haberemus. In *Pietatis*, inquam, *Opinativæ*; non in *Fidei*, ac *solidæ* sive *Intrinsecæ Pietatis*, postremum enim hoc firmum semper fuit, firmumque semper erit ex promissione Dei, neque portæ Inferi adversus illud prævalebunt. Itaque dico, non defuisse olim in Hispania homines, qui hac aviditate gloriæ mirum in modum succensi, & potissimum cupientes videri apud Populum tum doctrina, tum Pietate erga Sanctissimam Dei Genitricem, præstare contrariæ sententiæ fautoribus, nihil intentatum reliquere, ut victores evaderent in controversia de ejusdem Conceptione. Fieri id non posse recte illi conspiciebant solis rationibus Probabilibus, quas ad ea usque tempora docti viri adhibuerant, & Ecclesia uti verisimiles ac pias exceperat, atque probarat. Quare ad aliam vincendi rationem se contulerunt: congersere quippe e veterum monumentis multa, additisque falsis interpretationibus, eadem in rem suam pertraxere. Multa etiam confingere; neque enim nova sunt eorum detestanda exempla, qui mentiri pro gloria suæ patriæ, immo & pro Pietate, non erubuerunt, fortassis etiam licere putarunt. Et quidem tanto successu progressu temporis peracta res est, ut non Populo tantum, sed & piissimis Regibus Catholicis persuasum plane fuerit, nihil dubitandum amplius de Veritate Scotisticæ sententiæ; immo ejus tutelam ac propagationem esse peculiare officium ac debitum (*Impegno* nos appellamus) generosæ Hispanicæ gentis, quum Veritatem & Cultum istius Mysterii Hispania, prima omnium, peculiari privilegio ab Apostolis acceperit. Notum est, quantum regionum illarum Populi, quibus & Lusitanos jungo, amore gloriæ serveant, ac potissimum ad hanc inhiare in Pietatis rebus, & recta Fide Catholica in sinu suo conservanda. Sed simul notum est, felicissimam illam

gen-

gentem, quæ acutissimi ingenii viros parit, totque insignes Theologos, duobus præcipue postremis Seculis, Ecclesiæ dedit, non adeo felicem semper fuisse in melioris Criticæ, solidæque Eruditionis cultura. Itaque illuc interdum non difficilis aditus ipsi imposturæ fuit, dum Pietatis faciem hæc præferret. Neque vero ibi desideratumquam fvere gravissimi viri, subactò judicio, & Eruditione præclarum; sed non semper eis licuit nimium præcipiti minus doctorum torrenti obfistere, ubi res erat de augenda aut minuenda gloria Nationis. Satiùs propterea illi duxerunt sibi sapere, & publica odia vitare, aut etiam silere sunt jussi.

Et ne quis putet, me temere hæc loqui, uno exemplo rem confirmabo. Anno 1594. cura Hieronymi Romani de la Higuera famosi Impostoris, cœpit se ostendere apud Hispanos Chronicon *Flavii Dextri*, cujus Historici mentio est apud Sanctum Hieronymum; idemque post aliquot annos etiam publici juris factum fuit. Successere deinde alia veterum Chronica aut Opuscula felicissime reperta, atque e tenebris eruta, *Marci Maximi, Braulionis, Liutprandi, Juliani Toletani, Auberti Hispanensis, & Helece*. Nihil gloriosius visum fuit magnanimæ genti, quam tot patriæ suæ antiquitates, tot Sanctos antea ignotos e pretiosis hæc promptuariis accipere. At scripta hæc nil aliud erant, quam solemnes male feriatorum hominum imposturæ; atque adversus illa non unus in Hispania ipsa insurrexit. Sed nihil profuit. Adeo afflatus gloriæ animos reliquorum invasit, ut meliores diutius stare in acie, immo aliquid contra hæc periculosum deprehenderint. Rem accipe ab egregio Scriptore Hispanico, qui extra Hispaniam suæ gentis honori consuluit, hoc est a Nicolao Antonio, cujus Bibliothecam veterem Hispanicam edidit Romæ insignis vir Joseph Cardinalis de Aguirre, qui & ipse ejusmodi figmenta Tomo II. Concil. Hispan. Dissertat. III. libera sinceritate sugillavit. Inquit autem Nicolaus Antonius Hispanensis Canonicus, & Sancti Jacobi Eques, Lib. II. Cap. VIII. *Visa in publica hominum luce illustrium horum virorum, alias celebrium, tam propria secundaque rebus Hispaniæ nostræ monumenta, veluti ex orci faucibus erepta, mirum quantum exultare, subsultare omnes; quæ aliquo honoris sensu, Pietatisque tangevenit, statim fecere; provincias, urbes, Ecclesiarum Collegia sacra, Religiosorum hominum cætus efferre se, ac nova sibi delata in gremium, clarissimorum civium, sodalium, tutelarium, inclytarum actionum gestorumque olim famæ celebris ornamenta jactare, conserreque invicem & gratulari: tamquam si Pyrenæi soltus igne iterum correpti, Hispaniæ, quanta est, fines omnium metallorum liquefactorum torrentibus inundavissent.*

sens. Addit infra: *At quamvis huic facilitati res tam novas credendi, non unus aut alter ex nostris, cui dextra in parte mamillæ cor salires, indignatur, continere intra prudentiæ limites Civium nostrorum Philautiam, quæ vero Judicii omnes faciebant partes tam verbis præsentem, quam scripto per litteras diu procuravissent: viâ demum, suppressisque, & quasi tacere compulsi sunt, prævalente suffragiorum numero, ac lenocinante cæco Patriæ amoris novæ mercis cupiditate. Nisi quod ante aliquot annos re penitus considerata, casuque repertis non quidem levibus suspicionis argumentis, negotium pœne jam apud nos consuetum retraheri cepit, advocata ad partes libere sentiendi, quæ rationis compotes sumus, ac dicimur, facultate; fereque jam eo res processit, ut admoneri se nostri Cives non ægè patiantur, a novis his Chronologis Historiæ nostræ non lætas vites, sed tumorem inditum; & quæ turgida & inflata sit, habitiorem falso apparere. Hæc Nicolaus Antonius: quem excessisse limites moderatæ Censuræ quum ait Auctor Historiæ de Conceptione, vereor ne risum Eruditum commoverit, quibus nemini adulari mos est, sed unam Veritatem scrutari, eamque intrepide annuntiare. Si verum est, Hispanos haud ægè nunc pati, se de spuria origine hujusmodi Chronicorum moneri, sperandum est fore, ut æquo etiam animo patiantur se admoneri de falsis monumentis, quæ in quæstionem de Conceptione Virginis irrepsere. Vereor tamen, ut hoc omnibus persuadeam. Nam etsi adulterinos illos fœtus aut abjecerint, aut impugnarint Johannes Baptista Perez, & multi e Societate Jesu doctissimi Viri, Petrus Ribadeneyra, Johannes Mariana, Ferdinandus de Salazar, Cornelius a Lapide, Melchior Inchofer, Philippus Labbe, atque in primis Clarissimi Patres ex eadem Societate, Bollandus, Henschenius, Papebrochius, ceterique, qui Antuerpiæ Acta Sanctorum a tot annis illustrant; & licet Marchio de Mondexar in suis Dissertation. Ecclesiast. imposturam meridiano sole clarius prodiderit; attamen teste prælaudato Cardinali Aguirrio, imperitiorum hominum, aut semidoctorum vulgus, in quo etiam alias doctorem nonnulli, in oppositum clamant, voluntque, ea scripta esse cædro digna & veneranda. Et clamabunt, dum severiori Criticæ diligentioris operam navent, dicantque Veritatis amorem Patriæ suæ amoris præponere. Et revera prodit anno 1717. Tomus I. Historiæ Academiæ Regiæ Lusitanæ, atque ibi pag. 100. quæritur, quis futurus sit usus ejusmodi Scriptorum, *Dextri, Linprandi* &c. Multis statuitur eorum pretium. Et quid refert, ajunt, quod Scriptores nonnulli eorum Historias impugnarint? Alii Auctores æque bonæ notæ easdem probaverunt, ac propugnavunt. Et numquid non pro illis pugnarunt,*

utii

ut ii memorant (sed meliorum iudicio pro dealbando Æthiope) Bivarius, Carius, Tamayus, Higuera, Ramirez de Prado, Morenus de Vargas, Johannes Marques in Defensorio Augustiniano, Quintanadvegnas in Sanctis Hispanensibus, & undecim docti Viri in Martyrologio Lusitano efformando? En quid faciat immodica gloriæ sitis, & quo pascantur interdum homines etiam ingenii sublimis, qui non decus Literaturæ, sed dedecus, tanto ardore sibi mereantur.

Age vero paucis innuamus nonnulla, quæ aut adulterinæ originis producta fuere, aut falsis interpretationibus depravata, per vim pertracta tuere in subsidium Hispanicæ potius, pœne dixi, quam Scotillicæ sententiæ. Nam et si ea sint Eruditis notissima, fortasse tamen alicui minus perito supervacanea non erit brevis illorum commemoratio. Primo itaque venditarunt *Concilium Apostolorum*, in quo definita fuit Immunitas Deiparæ ab Originali Peccato. Sosa, Velasquez, & Messias de la Cerda referunt Apostolorum in hanc rem effata, e Granatensibus Laminis, de quibus infra sermo erit, ut puto, excerpta. Sanctus Andreas dixit: *Quando totum humanum genus damnatum fuerat, totum perierat, totum privatum fuerat beatitudinis: tu sola Virgo a communi omnium damnatione preservata fuisti.* Sancto Matthæo hæc verba tribuuntur: *O Maria Immaculata, scyrrus es nodo carens. Multiplicabuntur festivitates tuæ, augebuntur festa tua.* Sanctus item Thomas hæc addidit: *Et Adæ peccato prævisso non fuisti cum aliis omnibus condemnata.* Denique Sanctus Matthias ait: *In peccato concepta non fuit; omni gratia, & omni sapientia fuit impleta; neque ullum donum creaturæ conveniens fuit illi denegatum.* Ineptissimas habes imposturas, quas exsecratur quicumque honorem Ecclesiæ vere amat. Et nemo sane e doctis, nisi desipiendo, fidem adjunxit Concilio, apertissime in gratiam Conceptionis confecto. Nam quod apud Surium in Actis Sancti Andrææ ad diem 30. Novembris Sanctus idem Apostolus dixisse traditur, nempe: *Quomodo de Immaculata terra factus fuerat homo primus, qui per lignum prævaricationis mortem intulerat: necessarium fuit, ut de Immaculata Virgine natus Christus perfectus homo, qui est Dei Filius, vitam æternam, quam perdididerant omnes, repararet: præterquam quod Acta illa sunt dubiæ fidei, nihil ea verba ad Conceptionem Beatæ Mariæ faciunt, quam Virginem Immaculatam, Virginem Inviolatam, non nos tantum, sed antiqui etiam omnes agnovere, hoc est Virginem ante partum, in partu, & post partum.*

Secundo, ut in Hispanorum corda altius infingeretur Immaculatæ Conceptionis tutela, quasi peculiare decus illius gentis, persuasum est

est Regibus piissimis ac Populo, institutum fuisse vel ab ipsis Apostolis in Hispania Festum ejusdem Conceptionis, & a Sancto Jacobo præcipue deprædicatam fuisse præsertionem Deiparæ. *Flavius Dexter*, Sancto Hieronymo synchronus, de quo nuper sermo fuit, in suo Chronico, ad annum 308. hæc scripsit: *A Jacobi prædicatione celebratur in Hispania Festum Immaculatæ & Illibate Conceptionis Dei Genitricis Mariæ*. Cujus pretii sit Chronicon Dextri, nihil attinet ultra monere. Alter Scriptor, qui Seculo VI. floruisse fingitur, in scenam prodiit, nempe *Marcus Maximus Episcopus Casar-augustanus*, cujus hæc verba ex Hymno quodam referuntur. *Hæc, idest Deipara Virgo, jam Jacobo Apostolo, & suo consanguineo, Eodem jubet conficere cunctis manentem Seculis. Ostendit ille se bilarem, suoque natalitio Conceptionis auræ templo manentem encomia. Conceptionis hinc diem Jacobus Hispanos docet, & prædicat, ceu ceteri, ab omni labe liberam. Hinc mos habet principium, hunc celebrandi juxta Populis Iberis diem, qui perdurat usque hodie*. Et iste putidissimus est Scriptor, in officina tantum Higuerz natus Seculo XVI. Profertur & Charta, si Superis placet, vetustissima, exarata videlicet Seculo VII. in qua Wamba Hispaniæ Rex donat Abbati Sancti Salvatoris Villam & Ecclesiam Libiæ ea conditione, ut quotannis celebret Festum Conceptionis Beatæ Mariæ, Hispanis prædicatæ a Sanctissimis viris, Jacobo, Petro, & Paulo, Apostolis Domini. Quis, rogo, impudentem imposturam & heic non sentit? Præterea e Chronico edito ab Hispanis *Liutprandi*, qui Seculo X. floruisse dicitur, ad annum 676. insigne hoc testimonium profertur: *Beatissima sedes hinc Columna (del Pilar) in Urbe Casavaugustana, quæ constructa est jussu Virginis a Beato Jacobo, cum in Hispania prædicavit Anno XXXVII. a Nativitate Domini, & consecrata ejusdem Immaculatæ Conceptioni (quam omnes Apostoli prædicaverunt ubique) hoc tempore celeberrima, multorum peregrinorum contubernia visitatur*. Delirum tantummodo caput hæc in hominum commercium attulisse potuit; & sane Pseudo-Liutprandi istius Chronicon jam ab omnibus Eruditis, præterquam ab Hispanis, exhibilatum est. Additur & *Julianus Toletanus*, qui anno 1037. vixisse fertur. Ita ille in Chronico jam edito anno 1618. Erat *Bernardus Archiepiscopus Toletanus*, Beatæ Virginis devotissimus, qui faciebat celebrare Festum ejusdem Domine cum magna devotione, & fecit celebrare devotius Festum Immaculatæ Conceptionis ejus, quod prædicavit in Hispania Sanctus Jacobus, & incipit ab Apostolis in Concilio decernentibus. Idem quoque in Advers. num. 395. ait: *Traditio ab Apostolis in Concilium congregatis, Beatam Virginem Mariam*

Peccato Originali incontactam esse. Sed & iste Scriptor, ejusque Chronicon, ab Eruditis omnibus, si paucos Hispanos excipias, jamdiu sententiam damnationis subiere, & inter manifesta commenta exulant.

Tertio, Segoviensis Ecclesia anno 1621. publico juramento & voto testata est, se a temporibus Apostolorum per hereditatem accepisse *Traditionem publici Cultus Immaculatæ Conceptionis*; seque didicisse a *Beato Hierosbeo discipulo Sancti Pauli, & primo Episcopo Segoviensi*, tueri, ac celebrare *Illibatam Conceptionem Deiparæ*. Patria testata est iisdem temporibus Ecclesia Abulensis, principium hujus *Traditionis* referens ad *Sanctum Secundum discipulum Apostolorum*. Tolosanæ quoque Ecclesiæ antiquissimis temporibus idem Festum celebrasse ajunt, ejusque festivitatis mentionem occurrere in *Messali Mozarabico*, & in Martyrologiis *Sancti Hieronymi, Bedæ, & Usuardi*, atque in vetustissimo *Kalendario Capuano*: quæ omnia meræ fabulæ ab Eruditis dignoscuntur. Si ejusmodi Traditionibus fidit piissima gens Hispanica, quis non videt, aereo plane fundamento suam fidem niti? Ad hæc, magno plausu in ea regione excepta est Visio quædam, quæ Eliæ Prophetæ de *Nubecula orta e mari* facta traditur, qua significabatur Deipara infantula, quæ jam in suo ortu esset munda ab omni peccatorum sorde. Licet namque Nubecula illa esset originaliter ejusdem naturæ cum mari; alterius tamen fuit qualitatibus. Nam quamvis in quolibet alio homine natura humana instar maris sit in sua origine ipsa amaritudine peccatorum & visiorum pondere pressa, ut fateri cogatur: *Iniquitates meæ supergressæ sunt caput meum; Beata tamen Maria de hoc mari, idest natura humana, aliter fuit orta, quia in suo ortu non fuit onerata amaritudine delictorum.* Legitur hæc Visio in Libro de Institut. Monachor. Cap. 32. qui Johanni Hierosolymitano Patriarchæ quadragesimo quarto tribuitur. Floruisse autem iste creditur iisdem temporibus, quibus Sanctus Hieronymus & Augustinus. Sed hæc somnia esse, jam Eruditi omnes consentiunt; & Liber ille recentiorum Seculorum sætus est, ab aliquo Carmelita compactus, fabulisque, visionibus, ac somniis de Eliæ Prophetâ ad saturitatem repletus, quo tempore jam disputabatur de Conceptione Virginis. Quamquam negari etiam possit de ipsa Conceptione illic agi, quum tantummodo Auctor loquatur de ortu. Hisce addidere *Pauli Orosii* celebris Scriptoris Hispanici, qui Seculo V. floruit, luculentum testimonium. Is enim hæc habet in Epistola ad Eustochium, sive ad Heliodorum: *Coram Deo novi, & in veritate comperi, quod nulla mulier in partu periclitatur, supra quam devote Mariæ gratia imploratur, & dies Conceptionis ejus celebratur.* Sed & hæc Epistola nihil aliud est, quam purum

rum putum figmentum eorum, qui pravis artibus in suæ sententiae subsidium uti non sunt veriti. Quid? Quod & Lezana & Velasquez in confirmationem puritatis originalis Deiparæ adducunt Concilium Ephefinum Tertium, & Constantinopolitanum Sextum, & Nicænum Septimum, ubi Maria Immaculata dicitur. Quo titulo etiam alii Græci Patres Deiparam exornant. Verum nuper auctoritate Petavii vidimus, nihil hæc facere ad Virginis Conceptionem. Sancti quoque Ambrosii, Cyrilli Alexandrini, aliorumque Patrum adulterina & conficta loca adferunt, quæ commemorare nihil attinet, uti neque privatas Revelationes, quibus notum est, Ecclesiam non uti ad firmanda Dogmata, non aliunde nota, sanctissimæ nostræ Religionis.

C A P U T X I.

Basileensis Concilii auctoritas perperam huc adhibita. Uti & Tridentini & Gersonii. Adulterina Lamine Granatensis quam acriter propugnata, & ab Apostolica Sede tandem damnata.

ET ecce qualia vincendi æstus aut procudit, aut ab aliis procusa accepit, ut quæ sententia e germanis Theologorum placitis, & quorundam Patrum locis, ac summorum Pontificum decretis, Probabilis erat, ac est, Certa etiam, & Antiquorum Traditione confirmata videatur. Dolendum sane, inclytam gentem Hispanicam, tam prudentem, tam doctam, sivisse diu, ac finire, se ludificari hisce fabulis. Dolendum, ejusmodi commenta, ex Hispaniis ad nos commigrasse nonnullorum consilio, ut post suam nostram quoque gentem, si possent, volentemque ad credendum adducerent, nullam amplius dubitationem superesse de Certitudine Scotificæ sententiæ. Est mihi Liber anno 1673. Mediolani typis æreis clandestine impressus, cui titulus: *Epilogo de' fondamenti, e delle ragioni, che foda & efficacemente persuadono l'Immacolata Concezione della Vergine, e la di Lei prossima Deducibilità*. Ejus Auctor dicitur P. Andreas-Mendo; Catholicorum Regum Philippi IV. & Caroli II. Concionator, qui & in Libro *Statena Opinionum*, a Romana Congregatione prohibito, hoc argumentum petraclasse affirmatur: Ibi potissimum locum suum invenere sabelle, hæctenus superiori Capitulo recensitæ. Quæ quum ego improbo, & quisque cordatus mecum profecto improbabit, jam omnes intelligere possunt; me nihil mustitare adversus doctrinam illibatæ

Conceptioni Virginis faventem; quæ non imposturis nititur, sed rationibus ab ipsa Sancta Sede probatis; immo pro illa me dimicare. Nam si titulus confectis atque mendaciis quisquam sibi sumat eandem tueri, ne ille Populum seducat, atque id unum tandem lucrari potest, ut ab ea credenda vel ipsos antea credentes imprudentia sua ac mala fide avertat. Gnaviter ergo, quantum lubet, pro Virginalis Privilegii Opinione piorum ingenia pugnent. Bonam causam protegent, quum stant pro gloria, quamquam Opinativa, illius, cui fecit *magna qui Potens est*. At fraudibus & fabulis in causa Pietatis uti, quo Falsum credatur Verum, aut Incertum jam Certum, non leve tantum crimen est, sed ingens Impietas. Et præsertim si id agatur, ut doctrina Fidei reputetur, quod tale nequaquam est: nam huc, uti infra videbimus, nonnullorum conatus collineant. Porro eadem ratione arguendus erit, quicumque traditur adulterasse loca Patrum in contrariæ sententiæ patrocinium, aut Revelationes confinxisse Conceptioni Immaculatæ adversantes. Hæc omnia execrantur probi viri, Veritatis unius, non gloriæ propriæ amantes; & præsertim execratur Apostolica Sedes; quotidie vigil & sollicita, ne falsitati aditus sit, & perosa illos, qui secundum quod prædixerat Apostolus II. Timoth. IV. vers. 3. *sanam doctrinam non sustinent, sed ad sua desideria concervant sibi magistros, prurientes auribus. Et a Veritate quidem auditum avertunt, ad Fabulas autem convertuntur*. Quod etiam æquo animo minime ferendum est, quidam sunt, qui existimationis propriæ cauti custodes, commenta ejusmodi non jam impudenter adhibent, sed ita pro sua sententiâ adferunt, ut illorum nolint præstare veritatem; simul tamen ipsa congerunt, Lectorique propinant, rati non defuturam bonam gentem, quæ hisce etiam imposturis ac ineptiis adhibeat fidem. Atque hæc præter alias non paucas ratio fuisse videtur, cur sacra Romana Congregatio hominum oculis ereptam voluerit Historiam controversiæ de Conceptione Virginis, anno 1700. Panormi editam, hisce fabulosis aut falsis monumentis minime destitutam. Neque multa laude dignus Parthenotimus nosser, qui pag. 47. *Ut autem, ait, dicamus, quod in Revelatione, aut scripta aut tradita, pia contineatur sententiâ, tot Doctorum consensus fas esse videtur. Consensere Patres Concilii Basiliensis, qui rem hanc jussu Eugenii IV. vocarunt ad trutinam; & hoc tulere decretum: Doctrinam de Immaculata Conceptione sanguinem piam & consonam cultui Ecclesiastico, Fidei Catholicæ, ac rectæ rationi, & sacra Scripturæ ab omnibus Catholicis approbandam fore, tenendam, & amplectendam. Et quamquam hæc non habenda sit sicut Fidei definitio, quippe Basiliense Concilium evasis in Acceptum & Schismaticum,*

cum, nihilominus illorum Patrum auctoritati, quo ad punctum præsent-
nedum deferret Natalis ab Alexandro plus ceteris, verum etiam defe-
runt plerique Theologorum, & Concilium Avenionense anno 1457.
Consensere aliquos Episcoporum decades in Concilio Tridentino; solum
quinque dissentientibus, teste Nicolao Lancizio Tom. 2. Opuscul. II.
Cap. 13. qui legit acta ejusdem Concilii, quæ asservantur in Castro
Sancti Angeli; & ex eisdem colligitur, quod parum absuit, quin com-
muni Patrum calculo definiretur.

Diligentius quæso studeat Parthenotimus iis, quæ sibi affirmanda
sunt, ne fucum faciat clientibus suis. Falsum omnino est, quod is
scribit, videlicet Basileense Concilium rem hanc jussu Eugenii IV.
vocasse ad trutinam. Quo tempore Basileensis cœtus decretum il-
lud consecit, hoc est XV. Kal. Octobris anno 1449. ad paucos
contra Eugenium Papam contumaces redactus fuerat; & non so-
lum nullam ipsi Papæ obedientiam præstabat, sed eundem exau-
thorare, Hæreticumque declarare ausus jam fuerat. Eugenius vero
tunc Generale Concilium, Basileensi irritato, Florentiæ agebat.
Vide Odoricum Raynaldum in Annalibus Ecclesiasticis ad annum 1439.
Quare tunc: revera decretum Basileensium de Conceptione emana-
vit, quum ii magis alieni ab Eugenio IV. erant, atque is in il-
los iratus. Secundo, cum veritate pugnat, *Natalem ab Alexandro*
illorum Patrum auctoritati, quo ad punctum præsens, detulisse plus
ceteris. Tantum abest, ut Natalis Alexander multum hac in re
Basileensis deferat, ut diserte scribat, ab iis minime definitam
quæstionem, sed tantummodo *tamquam Piam* ab iis pronuntiatam
fuisse. Et commemoratis decretis in hanc rem summorum Pontifi-
cum, non aliam ait esse *sacre Facultatis Parisiensis* sententiam,
quam quæ Concilii Tridentini, & Romanæ Ecclesiæ; neque ab
ea haberi uti Fidei Dogma Conceptionem Immaculatam Deipa-
ræ. Tertio, itidem contra Veritatem pugnat, *plerosque Theolo-*
gorum, deferre hac in re *Concilii Basileensis auctoritati*. Nam qui-
cumque injurii esse nolunt veris Summis Pontificibus, pro Schis-
matico habent Concilium Basileæ temporibus iis congregatum,
atque a definitionibus tunc ab eo promulgatis recedentes, con-
quiescunt in Pontificiis Decretis, quibus universæ Ecclesiæ hac
in re, etiam & Gallicæ, religiose obsequuntur. Quarto, *Ave-*
nionense Concilium, quod anno 1457. celebratum dicitur, a Lab-
beo viro diligentissimo, cui magna Conciliorum Collectionem ac-
ceptam referimus, frustra conquistum fuit; ejusque mentionem
tantummodo habemus in Hippolythi Maracci Libris pro Imma-
culata Conceptione editis, quos proseripxit sacra Congregatio

Romana. Et quamvis etiam germanus sit fœtus, non pluris in causa ista faciendus est, quam ipsa Basileensis Synodus, ejus decretum Ecclesia Romana abiecit, aut correxit. Quinto, neque fidem merentur, quæ Parthenotimus, testimonio tantum fretus Lancitii, refert de Tridentino Concilio, quasi *parum absuerit, quin communi Patrum calculo sententia Scotistica definiretur, & solum quinque dissensisse*. Certe major fides Cardinali Pallavicino, immortalis nominis Historico, debetur, qui Libro VII. Cap. VII. Histor. Concil. Tridentin. tradit, nequaquam fuisse disputationem de celebri hac Quæstione tunc dirimenda, sed tantummodo de Formula, quæ e decreto de Peccato Originali excipienda esset Deipara, intactis de illius Conceptione contrariis sententiis. Quum propositum fuisset *Pie credi, Virginem sine Peccato Originali conceptam*, ne hoc quidem tulere à Vescovi, & pl. alii cœ intervenivano dell'Ordine Dominicano, ed ebboro de' seguaci. Addit, ex ipsis tribus Legatis Pontificiis, Cardinalem de Monte adductum fuisse sententiæ Scotisticæ de Conceptione; secundum, idest Cardinalem Cervinum, Thomisticæ adhaerisse: quæ vero tertiæ sententia foret, sibi intempertum esse.

Denique Parthenotimo pag. 37. tantopere urgendum non erat, quod Gersonius scribit, videlicet: *Beatam Mariam non fuisse conceptam in peccato Originali, de his veritatibus est, quæ noviter sunt revelatæ, vel declaratæ tam per miracula, quæ leguntur, quam per majorem partem Ecclesiæ, quæ hoc modo tenet*. Hæc Gersonius in Sermone de Conceptione. Irascitur autem Theologus noster Du-Pin: asserenti, Gersonium tantummodo censuisse Probabilem & Piam Immaculatiæ Conceptionis sententiam. Vellet, ut opinor, Theologus noster, persuadere clientibus suis, a Gersonio habitam tamquam Articulum Fidei sententiam de Immunitate originali Deiparæ. Etiam si id credidisset Gersonius, num, rogo, nostris temporibus idem sentire licebit contra Ecclesiæ Romanæ decreta, & quibus evidenter deducimus, a tam sublimi loco abesse ejusmodi sententiam? Sed neque istud credidit Gersonius, qui in eodem Sermone post pauca addit: *Securius est sic tenere, quam oppositum, contra hoc quod voluerunt dicere aliqui, quod esset hæresis expressa, vel peccatum mortale, contra quos Universitas Parisiensis determinavit*. Idem etiam in Lib. de suscept. human. Christi Verit. XI. tribuit Virgini Conceptionem ab omni labe puram, additque: *Veritas hæc Probabilis est*. Idem repetit in Epistola ad Johannem Bassandi Tom. I. pag. 451. Quid ergo in Du-Pinium hæc de causa invehitur Siculus noster? quum is pura pura Gersonii verba laudaret, atque addiderit & ista ex ejus Conclusionibus impressis Tomi II. Part. II.

pag. 287. *Ad Episcopos non spectat propositioem aliquam hereticam, quæ ex se, & de jure PENITUS DUBIA EST, an ad Fidem pertineat repugnantem, neque est scandalosa, & potest sine periculo ejus veritas vel falsitas ignorari. Exemplum de istis: Virgo Maria fuit concepta in peccato Originali, & de similibus, quæ apud maximos Doctores in Theologia, non corruptor in affectu, vel intellectu, judicantur Probabiles, neque scandalizant, neque oportet eas scire ad bene vivendum, vel credendum. Quare nullam hæc in Dupinio hallucinationem inveniunt Lectores, sed quidem in Theologo nostro, cujus investivam & rationes contra Editorem Operum Gersonii, atque abusum Gersonianæ ipsius sententiæ, nihil est quod ultra expendamus.*

Atque hæc aut fabulis, aut contortis in alienum sensum Veterum sententiis antea prædicarunt nonnulli, & adhuc, ut vidimus, depredicant, sententiam præservationis Virginez a labo Originali de Probabili, qualem Ecclesia agnoscit, evasisse Certam. Addiderunt & nonnulla Sanctorum Patrum loca, nullo sane delectu, utpote e supposititiis scriptis perita, aut e veris pessime explicatis, scilicet Sanctorum Cypriani, Hieronymi, Ambrosii, Augustini, Bernardi &c. Exemplum unum dabo. E Libro contra quinque Hæreses, quem Augustino multi tribuunt, sed recentiori, antiquissimo tamen, Scriptori tribuendum norunt Eruditi, hæc verba desumunt: *Hanc, quam despicias, Manichæe, mater mea est, sed manu fabricata est mea. Si potui inquinari (Codex Colbertinus fatigari) cum eam facerem, potui inquinari, cum ex ea nascerer. Sicut transitu meo illius non est corrupta Virginitas, sic mea ibi non est maculata majestas. Stulte, unde sordes in Virgine matre, ubi non est concubitus cum homine patre? Unde sordes in ea, quæ nec concipiendo libidinem, nec pariendo est passa dolorem? &c. Sicut ille natus est Solus inter mortuos liber, sic istius, ex qua natus est, matris pudor Solus est integer. Quid virium in oculos internos & externos hominis habeat affectuum ætus, numquam evidentius, quam ex hoc loco deprehendas. Pro Immaculata Virginis Conceptione adfertur, atque hæc evidentissime de Conceptione Christi sermo est, qui in purissimo Mariæ utero conceptus, neque ab ea inquinamenti quidquam retulit, neque ei intulit. Immo contra ipsam Scoti sententiam militat hic locus, dum ratio, quare neque Maria, neque Christus sordes contraxere, quum in utero ejusdem Virginis Verbum Dei caro factum est, illa est toties a Patribus inculcata, quia nulla libido interfuit, & nullus cum homine patre concubitus, Spiritu Sancto immaculatum illum præparante fœtum: quod de Sancta Anna concipiente Ma-*

Mariam verificari non potest. Et quid quæso significant verba illa: *Sicut Christus natus est SOLUS inter Mortuos liber, sic Mariæ pudor SOLUS est integer?* Habes heic vim vocis *Solus*. Attamen unum superest magni momenti, quo olim nisi sunt non timentes pro Pietate mentiri, ut absolutam Piz ac Probabili sententiæ Certitudinem procurarent. Anno, ut vidimus, 1594. emergere cœpit Pseudo-Dextri Chronicon. Anno insequenti 1595. effossa sunt in Hispania in Granatensi agro in Monte, quem deinde Sanctum appellarunt, Corpora, quæ dicebantur esse Sanctorum Cæcilii primi Granatensium Episcopi, Isidori Tarifensis, ac Thesiphontis Berienis, discipulorum Sancti Jacobi & Martyrum. Ibi quoque *Lamina* quædam *plumbæ* effossæ, *Ara-bicis literis exarata*. Interpretes conquistati retulere, spectare *Laminas* ad tempora Apostolica; miraque *Mysteria* continere, ibique in primis legi disertam mentionem *Deiparæ sine labe Conceptæ*. Fatetur Auctor Historiæ Conceptionis, universam Hispaniam incredibili lætitia perfusam ex effossione tanti thesauri, & inusitata pompa tunc ceptum celebrari ejusdem Conceptionis Festum. Nimirum vix unus fuit e populo, cui persuasum tandem non fuerit, jam definitam esse controversiam de Virginis Conceptione, certamque jam stare victoriam fautoribus Scotificæ sententiæ. Quoniam vero Hispali missæ ausi sunt quidam e Prædicatorum familia contra veritatem ac legitimitatem ejusmodi Laminarum adversa factio in illos Populum concitavit, aliique in locis tumultus ac jurgia invaluerunt. Graviora subsequuta sunt post Annum 1614. nam *eo perducta res est (quod vix postera credant secula) ut sacra Doctoris Angelici imago, per ludibrium vili jumento superposita; per vias, per fora, per compita, circumducta fuerit, dementi lymphatoque insequente Populo, ac per subsannationem clamitante: Sin peccado Originali sin peccado Originali.* Hæc Augustinus Le Blanc in Histor. Congregat. de Auxiliis, Lib. 4. cap. 27. qui & fatetur, si plusquam civilia bella, tunc eam ob causam in Hispania adversus Ordinem Prædicatorum commota, quisquam describenda sumeret, Librum non unum imple-ret. Atque hæc ipsa jurgia & scandala, ut in posterum averterentur, suæ prudentiæ putavit Gregorius XV. Papa Anno 1622. Prædicatoribus ora prorsus obstruere, uti supra animadvertimus. Redeo ad *Laminas* Granatenses. Clemens autem VIII. Summus Pontifex certior de hisce factus, liberum quidem fecit Archiepiscopo Granatensi judicare de Corporibus creditis sacris, quod rationi consonum crederet secundum sacros Canones, & decreta Concilii Tridentini; at sibi & Sanctæ Sedi judicium reservavit de *Laminis plumbæis*. Nihil hoc obstitit, quominus rem protegente Philippo III. Rege, Laminarum interpretatio evulgata fuerit. Præcipue vero animos bonæ & credulæ gentis

gentis rapuit Concilium Apostolorum (idem puto , quod supra innui) de quo fidem faciebant Laminæ , & in quo *Conceptio sine macula* diserte tribuebatur Virgini Deiparæ . Proinde non secus ac monumenta Canonica , atque e Cœlo demissa , haberi cœptæ sunt apud Hispanos admirabiles istæ Laminæ . Et quia clam nonnulli earum fidem in dubium revocabant , *Consalvus Sanchez* palam cum aliis patrociniis illarum suscepit . O quantis erroribus ac insulsi- bus obnoxia foret & ipsa Pietas , nisi nobis dedisset Deus Summos Pontifices & Pastores , quorum sapientia & vigilantia imposturis pravisque doctrinis quotidie occurreret ! Et reapse anno 1642. Urbanus VIII. insipientem hunc æstum Hispanicæ gentis diutius non ferendum ratus , Bulla promulgata in ipsas Laminas insurrexit , si- demque eis ademit , donec iudicium de illis Apostolica Sedes pronuntiaffet . Adhibitis denique multis arietibus , deductæ Romam fuere famosæ Laminæ , quæ acerbis ac diuturnis disputationibus adi- tum aperuerunt , præfractæ pro eis pugnante credulitate Hispano- rum ; ac tamdiu protracta lis est , positique tot obices , ut usque ad Pontificatum Innocentii XI. pependerit iudicium Romanæ Ec- clesiæ . Hic ergo Pontifex , invicti animi vir , & nullius faciem respiciens , Laminas easdem tamquam adulterinas merces , & mo- numenta malitiose conficta , proscripsit , atque æternum damnavit : quæ sententia incredibilem universæ Hispaniæ mororem attulit , quum in Laminis iis triumphum Scotificæ sententiæ , & gloriam non modicam suæ gentis , antea statuisset . Sed neque his deter- ritus Carolus II. Rex Archiepiscopum Transensem Romam ad Pon- tificem misit , sententiæ revisionem implorans ; sed constantia ac sapientia Romana hac in re exaudiendum Regem minime cen- suit .

Erunt , qui hæc a me commemorari arbitrabuntur , ut Scotificæ sententiæ , ejusque tutoribus invidiam creem . Quibus responsum vo- lo , toties me confessum fuisse , iterumque fateri , sententiam hanc non e Commentis hætenus recensitis , sed e Rationibus , ante eas fraudes per viros doctos excogitatis , Probabilitatem suam , quam & Romani Pontifices agnoscunt , accepisse . Hæc autem in medium afferre necesse mihi fuit , quia , ut facile constabit , inde potissimum apud Hispanicam gentem , ac sensim ad Siculos , Hispanis tunc sub- jectos , manavit persuasio , Certam demum evasisse prærogativam Immunitatis Marianæ , ac licere pro ejus tutela occurrere morti , immo & gloriam Martyrii pro ea occumbentibus esse sperandam . Et fane novimus , ineunte Seculo XVII. quo scilicet tempore ani- mos Hispanorum pervasit credulitas , suum peculiare decus esse , su-

scipere patrociniū Scotificæ Opinioni, quum & Chronica Dextri, Liutprandi, Juliani, aliorumque, de quibus supra fuit sermo, ac Laminæ Granatenſes hoc præcipue teſtarentur; tunc, inquam, commotione incredibili animorum non tantum gentem illam, Pietatis coltricem indefſam, ſimulque gloriæ propriæ avidiſſimam, nihil non tentafſe, ut ſibi ac aliis perſuaderet, in meridiana luce poſitam jam fuiſſe huiusmodi controverſiam; ſed etiam Catholicos Reges pia hac perſuaſione imbutos, importune apud Romanos Pontifices egifſe impoſterum, ut Quæſtio de Conceptione dirimeretur, & ſententiæ Scotificæ tandem decerneretur victoria. Quod quum impetrare a Prudentia Romanæ Eccleſiæ nequiverint, ſaltem a Paulo V. Gregorio XV. & Alexandro VII. decreta & Bullas retulere, ſilentium omnino Thomiſticæ Opinioni, pacis ſervandæ, & ſcandali vitandi cauſſa, præcipientes. Iis ergo temporibus, hoc eſt anno 1615. cœperunt Hiſpanicæ Academiæ, fortaliſ etiam urgente Rege (nam & interdum extorta iuramenta teſtatur Caramuel Theolog. fundament. Tom.I. Fundam. V.) Votum concipere de tuenda ſententiâ, favente Immunitati Virginis, conditione tamen adjectâ, decretis Sedis Apoſtolicæ editis ac edendis ſe ſemper conformandi. Tunc etiam auditi in Hiſpania, qui dicerent, ſententiam ſuam e Probabilitatis finibus tranſiſſe in *Certitudinis*, & quidem *Fidei* regnum. Tunc etiam alii ſunt auſi *Martyrii* laureolam polliceri occumbentibus pro ejuſdem ſententiæ tutela. Iſdem quoque temporibus prædiit Liber *Ferdinandi de Salazar*, qui tanta confidentia hoc argumentum pertractavit, ut contortis in ſuam ſententiam Liturgiis & Patribus Græcis ac Latinis, minus eruditæ genti non ſolum propinaverit Certitudinem Conceptionis Immaculatæ, ſed etiam Virginem a *Debito Peccati Originalis* exemerit; quod facinus infra recurreret. Nemo in Hiſpania tanto torrenti adverſari audebat; ſuccellit & Decretum Gregorii XV. ora obſtruens Thomiſticæ ſententiæ propugnatoribus: quare nil mirum, ſi anno 1624. Panormi quoque, & in aliis Siciliæ Urbibus Catholicorum Regum cura, ejuſque Miniſtris adnitentibus, cœpta ſunt emitti Vota pro tutela Scotificæ ſententiæ, Vitæquæ etiam impendendæ pro illa. Et ut quiſque intelligat, quibus rationibus permoveretur pia gens ad ejuſmodi Votum, animum advertant ad verba, quibus eſt uſus Johannes Tellez, Dux Oſunæ, Siciliæ Prorex, anno 1656. Leguntur iſta in Panormo devoto Canonici Mongitoris. Nimirum is vovet ac jurat, ſe propugnaturum Immaculatam Conceptionem Deiparæ, *per eſſere queſto Miſtero fondato in più luoghi della Sacra Scrittura, ed autorizzato con la dottrina degli Apoſtoli, con l'atteſtazione di*

di quattro Concilj Generali, e di molti altri Provinciali : con l'au-
torità della Chiesa Universale, che ne celebra la Festa : con Decre-
ti de' Sommi Pontefici , che concedono Indulgenze e Grazie speciali
a quei, che celebrano e favoriscono questa sì Pia Opinione : co' testi-
monj de' Padri della Chiesa fin dal tempo degli Apostoli : con parti-
colari Revelazioni, e certe &c. Si revera Apostoli, & Concilia Ge-
neralia, & Patres &c. Virginem nobis exhibent Macula Originali
carentem : cur dubius quisquam amplius est in amplectenda tam
aperta Ecclesie doctrina ? Verum hæc quidem sibi videre visi sunt
quidam, in Critica arte, ac in Eruditione non satis periti, simul-
que immoderato affectu huic Sententiae addicti ; at nondum vidit
Ecclesia Romana, neutri factioni dedita, & in unam Veritatem
intenta, melioribusque oculis in Veri ac Falsi, in Certi ac Incer-
ti cognitione semper usa. Cuinam quæso credendum ?

C A P U T X I I.

*Communis olim Theologorum sententia contraria Scotisticae.
Gabrielis Saavedrae temeraria quædam
Conclusiones.*

A T quid faceret aliquibus in locis Populus, Pietate ac devo-
tione erga Deiparam, uti par est, servens, quum sibi pro-
poni audiebat Votum dandæ ipsius Virgæ pro tuenda Scoti senten-
tia, quam ab Apostolis ipsis, a tot Conciliis vel Oecumenicis, a
Patribus, ab Ecclesia Universali confirmatam audiebant ? Non con-
suevit Populus, quæ Pietatis sunt, in examen adducere, neque ad
hoc aptus plerumque est, sed credit, quæ sibi a doctis nuntiantur.
Præterea, quando nonnulli e Siculis Sanguinarium Votum emittere
cœperunt, jam contrariæ sententiæ tutoribus indictum fuerat silen-
tium, & obistere nemo audebat Scotisticæ patronis, sub Regio pa-
trocinio quidquid lubebat audientibus, ac præcipue in Regno Hispa-
niæ subjecto, & Regni moderatoribus pro ipsa sententia ad imita-
tionem Regis pugnantibus. Accessit ad ista mirabilis aliorum confi-
dentia, qui nihil veriti sunt, firmissime asseverare, ac edicere Po-
pulis, eandem sententiam canonizatam ab Apostolica Sede jam fuisse :
ut constat e Libris Francisci a Sancto Joseph, & Aegidii a
Præsentatione. Alii proximam ac imminentem definitionem a San-
cta Sede pollicebantur. Videndus hac de re Johannes Antonius Ve-
lasquez, qui multos numerat. *proxime definibilis tutor.* Eps

quoque post Salazarium enumerat Parthenotimus pag. 43. Sed an sint inter eos recensendi Suarez, Valentia, & Vasquez, aliorum erit perpendere. Hoc quidem dicam ego, post tot supposititia in hanc rem monumenta, quæ nuper innuimus, caute procedendum in habenda fide epistolæ celeberrimi Theologi Francisci Suarez, quæ post ejus mortem proditiis dicitur. Alteram quoque Johannis Caramuelis Episcopi Viglevanensis Parthenotimus ipse pag. 27. commemorat, in qua is, licet in editis scriptis alienus a Certitudine sententiæ Scotificæ, dixisse fertur: *in defensionem Immaculatæ Conceptionis Sanguinem se libenter fusurum, & quamquam ad id sustinendum sibi descenderet Pietas, adigeret tamen naturalis amor in Matrem sui Dei*. Quæ postrema verba inter se conciliare nondum potui. Illud contra certum est, si quando Ecclesia absolutum examen suscipere velit celeberrimæ hæc Quæstionis, subeundum illi esse non levem laborem in discernendo, quæ fuerit mens, non dicam Sanctorum Patrum, sed veterum Theologorum, quum tot tenebras in hanc rem disputatores advexerint, ut quid eligere parum periti debeant aut possint, jam nesciant. Nam unius sententiæ pugiles arguunt alterius fautores, quasi textus antiquorum corruerint; ac nobis complures ex iisdem vetustis Theologis nunc exhibentur veluti contraria sibi docuisse; ac præcipue Sanctus Thomas, quem Petrus de Alva, & Johannes Ludovicus Schönleben, pro Immaculata Conceptione stetit enixe contendunt, quum præteritis Seculis semper Theologi crediderint, & adhuc meliores credant, ipsum apertissime in contraria sententia fuisse. Quod etiam omnium admirationem poscit: usque ad tempora Scoti nemo negavit, quin *sententia Communis Scholarum Sanctificationem* quidem Virginis in utero admitteret, *Conceptionem vero sine labe* negaret. Sanctus Bonaventura, quem nemo nisi in meridie cæcutiens inficias ierit, quin Immaculatæ Conceptionis sententiæ fuit adversatus, in 3. Dist. 3. art. 1. quæst. 2. scripsit: *Omnes fero illud tenent, quod Beata Virgo habuerit Originale*. Et infra: *Nullus invenitur dixisse de his, quos audivimus auribus nostris, Virginem Mariam a Peccato Originali fuisse immunem*. Hæc Sanctus Doctor, Sancto Thomæ Aquinati Synchronus. Immo & ipse Scotus circiter annum 1305. in 3. Dist. 3. *Communem falsus* est usque ad ea tempora sententiam Immunitati Marianæ contrariam. Quam veritatem etiam agnovere ex antiquis Alvarus Pelagius Episcopus Silvensis, Philippus Faber, & Franciscus Pitignanus, omnes Minoritæ, Baptista Mantuanus Carmelita, & ex recentioribus Franciscus Suarez, Gabriel Vasquez, Salmanticenses Theologi, Cordova, a Paramo, Salmeron, Palacios, & Mar-

Marsilius, ut alios omittam, *Communem* appellantes Thomisticam de Conceptione Opinionem. Et nihilo minus emerere Seculo XVII. qui ita paginas miscuerunt, ut persuadere Orbi voluerint, eisdem veteres Theologos, ipsosque Sanctos Anselmum, Bonaventuram, Thomam &c. oppositam plane docuisse sententiam. Jam vidimus, non defuisse in Hispania (melioribus certe repugnantibus) qui se non adversari, sed favere Religioni temere censuerunt, quum tot Concilia, Historias, aliaque monumenta confinxere, quibus Populo persuaderetur tamquam certa eorum Opinio. Nil mirum foret, si Suarezio quoque jam vita functo supposita fuisset Epistola, ut eximium Theologum in censum suorum pugilum ii aliqua ratione pertraherent. Alia certe opinio fuit, ut Eruditi norunt, alteri ejusdem Societatis Theologo, & quidem emunctioris naris, neque minoris nominis viro, *Johanni* scilicet *Maldonato*. Mihi temperare non possum, quin aliquot ejus verba adferam, a Richardo Simone memorata Tom. I. Epist. 27. *Quisquis* (ajebat Maldonatus) *composuit Breviarium illud brevissimum Quignoni* (Cardinalis Hispani), *fecit Lectionem unam conflatam ex testimoniis veterum Auctorum, ut persuaderet, omnes sensisse, Beatam Virginem fuisse conceptam sine Peccato Originali. Quod profecto fuit hominis impudentissimi, quum nemo eorum Auctorum, quas citat, ita senserit; & quod amplius est, non poterat ignorare, D. Thomam esse in contraria sententia; tamen voluit nobis persuadere, etiam illum ita sensisse: quod non est bonam causam bene agere, sed prodere. Alteram quoque Epistolam Johannis Caramuelis &c.*

En quibus commoti fuerint multi ad credendam Scoti de Conceptione Opinionem, non tantummodo Probabilem & Piam, qualem nunc quisque agnoscit, aut magis Piam ac Probabilem Thomistica, quod & eximii viri credunt; sed etiam Certam, quum non deessent audaces Theologi, qui Scotisticae tribuerent Certitudinem, si Superis placet, *Physicam, Metaphysicam, & Moralem*. Quousque tamen progressa fuerit in hocce negotio nonnullorum licentia, ne dicam temeritas, satis nondum perspexere Lectores. Juvabit ergo Libellum *Andreae Mendo*, Mediolani anno 1673. impressum, de quo supra mihi fuit sermo, rursus in scenam adducere. Ibi Cap. IX. pag. 66. Auctor ille, ut animos adhuc reluctantium gravissimo ariete prosterнат, eorum oculos ferit Conclusionibus quibusdam a *Gabriele Saavedra*, Ordinis Beatæ Mariæ de Mercede, ut is ait, editis in Libro, cui titulus *Sacra Deipara*, Disput. 17. num. 312. Iste Saavedra unus est e Theologis, quos Theologus noster Siculus pag. 44. laudat, uti plaudentes imaginario *Martyrio* occumbentium pro Im-

Immaculata Conceptione & quod Lectoribus animadvertendum est, ut discant, quam egregiis Scriptoribus Parthenotimus causam vitæ nostræ commendet. Prima Saavedræ Conclusio est: *Afferuimus, de potentia absoluta sacram Deiparam maculari non posse Originali Peccato*. Ita ille, cuius sententiam horreat quisquis vel rudimenta Theologiæ delibavit. Si enim, ut verba sonant, de absoluta Dei potentia heic agitur, blasphemiam habes, aut certe Conclusionem temeritate scatentem; quam non miror excidisse homini illi præ devotione furenti; miror ab aliis placide exceptam, & in sinu Ecclesiæ, nemine contradicente, rursus typis in Italia editam, ac propagatam. Alteram Conclusionem accipe: *Immaculata sacra Deiparæ Conceptio evidenter est credibilis (tametsi remota) Fide Divina*. Cerebrum sane hominis supra modum audacis, qui adversus notissimas Summorum Pontificum Bullas novum Dogma Fidei obtrudere nobis molitur; atque uno tametsi remoto sperat audaciam suam ereptum iri censuræ. At pejora continet Tertia Conclusio hisce verbis expressa: *Piissima sententia ab Originali Macula Virginem purissimam præservans, bis nostris temporibus ita est vera, ut nullo modo a parte rei possit esse falsa*. Ad ista fremat oportet, quicumque Romanæ Ecclesiæ jura intuetur heic impudentissime conculcata, Sibi judicium de Quæstione Conceptionis Marianæ Pontifices Maximi reservarunt, exploratumque est, illos judicare posse tam pro una, quam pro altera sententia, pro ut eorum sapientia, eruditio, ac unius Veritatis studium exiget. Qui vovent tutelam Scoticæ sententiæ, ut vidimus, conditionem semper apponunt, seu subintelligunt, salvam nempe semper se velle auctoritatem Ecclesiæ Romanæ, & decreta per eam edenda. Neque dissetetur Parthenotimus possibilem sententiam ejusdem Sanctæ Sedis pro Thomistica Opinione. At ecce nunc Theologastrum, qui ita *Piissimam* Scoti Opinionem esse *Veram* edicit, ut *nullomodo* possit in se ipsa *esse falsa*, libertatemque Ecclesiæ in judicando de hac re impugnât. Et quid, quæso, (ut hoc ipsum inuam) est illud *bis nostris temporibus ita est vera*, quasi in Ecclesia Dei aliquid nunc verum esse possit ad Fidei doctrinam pertinens, quod elapsis quoque Seculis verum non fuerit? Profecto illud Verum ac Certum de Conceptione Virginis erit aliquando nobis, quod Romanus Pontifex e Cathedra Petri credendum docebit, non quod nunc e Cathedra sua privati homines temere statuunt.

Quarta Saavedræ Conclusio: *Probabile est, Ecclesiam jam determinasse, piam sententiam ita esse veram, ut a parte rei falsa esse non possit, idque implicite, & virtualiter saltem*. Non probabile tan-

tantum est, sed certum, Scriptorem hunc sibi atque auditoribus suis nimium illudere. Nam vel puer intelligat, Ecclesiam ab huiusmodi determinatione abstinuisse, ac voluisse abstinere, quando Romani Pontifices a Sixto IV. usque ad Alexandrum VII. non *implicite*, neque *virtualiter*, sed disertis verbis iudicium sibi reservant de Veritate utriusque sententiæ, ac utramque argui falsitatis ac erroris vetant. Quinta Saavedræ Conclusio hæc habet: *Dicendum igitur est, piissimam sententiam per Sedem Apostolicam posse definiri, declarari, & proponi Ecclesiæ Fide Divina credendam.* Id hercule certissimum, si tamen eadem Sancta Sedes deprehendet, Scotisticam sententiam aut niti auctoritate divinæ Scripturæ, sive quod ibi sit expressa, sive quod ex ipsa fluat per ineluctabilem argumentationem; aut e divina Revelatione nobis in Traditione Sanctorum Patrum servata descendere. Nam ubi utrumque desit, rem indecisam, incertamque relinquet, uti relinquit tot alias Theologicas Quæstiones a Scholasticis jamdiu agitata. Immo si Litteras sacras, aut unanimum Traditionem Patrum militare pro opposita sententiâ agnosceret, pro ista & non pro illa iudicaret. Sexta Saavedræ Conclusio: *Afferendum omnino est, ex eo quod veritas aliqua sit Proxime definibilis ab Ecclesia; Necessario inferri, tum illam jam esse Revelatam a Deo, tum esse de Fide priori modo ex illis, quos explicuimus; idest esse objectum Fidei divinæ iis, quibus sufficienter videatur Revelata a Deo, etsi nondum ut talis proposita ab Ecclesia.* Nemo sapiens non doleat, per temeraria hæc somnia a vigilantibus somniata fucum fieri nimium incautæ & credulæ genti. Quis enim Scriptori huic revelavit, veritatem Immaculatæ Conceptionis esse *proxime definibilem ab Ecclesia*? Jam fluxere centum & ultra anni, ex quo confidentia aliquot Hispanicorum sibi ac aliis ejusmodi definitionem pollicebatur, in Laminis nimirum Granatensibus, in Flaviis Dextris, Liutprandis, aliisque id genus monumentis spuris, aut potius in omnipotentia Regum suorum sua spe collocata. Verum sapientia Romanorum Pontificum id semper respondit, quod in Epistola Gregorii XV. anno 1622. hac de re ad Catholicum Regem scripta legimus: *Magnum sane pondus apud nos habuere preces Majestatis vestræ: sepe etiam ac sepe accurate perpendimus rem tanti momenti, desiderio ducti gratum aliquid faciendi vobis ac Regnis vestris.* Tum addit: *Cum nondum æterna Sapientia Ecclesiæ suæ tanti Mysterii penetralia patefecerit, in Dei, Romanorumque Pontificum auctoritate debent Fideles conquiescere.* Nos serius nati jam vicimus, quo abierit tamopere illa promissa a divinatoribus Hispanis proxima definitio. Et nihilominus e tam ruinoso sup-

poli-

posito secundum illos, *Necessario* consequbatur, Scotisticam Sententiam esse jam *Revelatam a Deo*, ac posse ab ejus propugnatoribus credi illam *esse de Fide*. Quare quisnam in Saavedra, ut mitissime loquar, Prudentiam non desideret, sine qua Theologum agere res plena periculi semper fuit ac erit?

Septima illius Conclusio: *Piissima sententia probabiliter jam Ecclesie est revelata*. Mitto incitiam hominis, qui sibi ac aliis persuadere videtur, aliquid novi ad Dogma pertinens nunc a Deo revelari. Notum est, aliam esse Theologorum, immo totius Ecclesie Catholicæ sententiam. Id tantum Ecclesia nobis credendum proponit, quod olim Deus Prophetis ac Apostolis revelavit, & ad nos usque sive per divinas Scripturas, sive per Traditionem & scripta Patrum pervenit. Quod si in neutro ex hisce Libris revelatum aliquid apparet, nequaquam Ecclesia petit a Deo, ut quæ olim non revelavit, nunc revelet; sed humili tantum fronte agnoscit, Deum sibi reservasse scientiam illius Veritatis, neque illam esse e Veritatibus, quæ necessarium aut utile sit Fidelibus certo tenere ac credere. Ceterum Conclusio ista in manifestam Apostolicæ Sedis contumeliam vergit. Si enim *piissima sententia jam revelata est Ecclesie*, eamque Fidelibus proponere Ecclesia negat, quamvis tot Regum & Populorum in Hispania degentium precibus fatigata: quid aliud hinc inferat Populus, nisi Romanos Pontifices aut ex incuria, aut ex Pietatis defectu, aut alio aliquo parum laudabili consilio, distulisse hætenus proponere Revelationem, quam eis notam audaces ii Theologi arbitrantur? Temere etiam hoc pronuntiari intelligas, quum nuper viderimus, Gregorium XV. disertis verbis scripsisse, *nondum æternam Sapientiam Ecclesie sue tanti Mysterii penetralia patefecisse*. Et quid quæso deinde aut rationum, aut monumentorum attulere Theologi, ut eadem penetralia referata tandem Ecclesia agnoverit? Octava Conclusio: *Probabile est, in sensu literali Immaculatam Conceptionem contineri in sacra Scriptura*. Nona: *Non desunt in Novo Testamento testimonia, quæ videntur probabiliter in sensu literali Immaculatam Conceptionem sacræ Deiparæ continere*. An ita se res habeat, tum certo sciemus, quum de Quæstione hac definitivum Apostolicæ Sedis judicium prodibit. Decima Saavedræ Conclusio: *Dicendum est, si pia sententia est jam Revelata, non esse improbabile asserere, quod etiamsi Immaculata Virginis Conceptio neque sit ab Ecclesia definita, neque sufficienter Fidelibus ad credendum cum obligatione inducente assensum supernaturalem Fidei proposita, & explicata, formaliter loquendo est fidei objectum*. Utique sapientes mirari non poterunt hominem adeo intre-

intrepide superædificantem super præmissis patentissime falsis. Ecquando enim pia sententia est jam Revelata, ut Fidei objectum evasisse poterit? Atque hæc ingenia sunt, qui Certitudini Scotificæ sententiæ confirmandam ac deprædicandam sumpsere. Undecima: *Dicendum existimo, quod si Angelicus Doctor, fulgentissimus Sol, vivens nunc lampade pæbea cunctas illustraret Ecclesias, PROCUL DUBIO amplecteretur ultroneus sententiam piissimam.* At quis tantam huic confidentiam fecit, ut *procul dubio* hoc futurum affirmet? Tot millia doctorum hominum nunc vivunt, qui Thomæ Aquinatis se discipulos profitentur, iique nondum Scotificæ adhæresere sententiæ. Et numquid *fulgentissimus* ille Soleclipsum patiebatur, quum oppositam sententiam tenuit & docuit? Sed hæc somnia missa faciamus, ut culmen Saavedranæ doctrinæ attingamus: Duodecima, illius Conclusio est: *Dico primo, qui Sanguinem & Vitam profunderet, ut asseveret, Ecclesiam Catholicam pie & religiose servare, & celebrare Festum Conceptionis Immaculatæ, & nullo falso cultu illud Fidelibus celebrandum proponere; piumque esse, & Catholicum, & sacris Litteris, & Sanctorum testimoniis nullatenus dissonum; sed potius consentaneum valde & conforme, illam prædicare & defendere: vere esse Martyr.* Nemo Catholicorum non amplectatur Conclusionem istam; & ego in primis amplector. Attamen quia immixta sunt nonnulla, quæ lucem possunt, hanc ego adjiciam. Qui Sanguinem daret pro asserenda auctoritate Ecclesiæ in Festis diebus indicendis, & obligatione Fidelium de iis observandis, quæ sub præcepto indicuntur, Martyr foret, quia pro Dogmate Ecclesiæ tuendo mortem subiret. Verum quod est ad objectum Festorum, cum distinctione procedendum est. Festi dies, quibus aliquod Mysterium, aut factum, revelatum a Deo in Scripturis divinis, aut in Traditione Patrum, a nobis celebratur, objectum habet divina Fide credendum: exempli gratia dies Resurrectionis, Natalis, Ascensionis, Corporis Domini &c. aut dies Annuntiationis, Nativitatis, Purificationis, Desponsationis &c. Beatissimæ Virginis, aut dies Apostolorum, Angelorum &c. At quod est ad dies Festos Sanctorum, quos veneramur non e Revelatione Dei, sed ex Constitutione Ecclesiæ, earum quidem objectum Summe Pium, ac Religiosum est, & ad disciplinam Ecclesiæ pertinet, quam violare Peccatum est, non tamen ad Fidei Dogma spectat, neque divina Fide credendum est. Non enim divina Fide credere jubemur, tot Sanctos a singularium Ecclesiarum Pietate cultos, quorum festum ac Officium Ecclesia probat, singulos in cælis regnare cum Christo. Et ii concluduntur in amplissimo Regno Pietatis Opinativæ: multum.

M

tumque falleretur, qui ex quo eorum festivitas celebratur, Fide supernaturali credendum putaret, eos in Cælum receptos, non secus ac Sancti, nobis e Sacris Litteris noti. Numquam vero in his Festis præscribendis aut probandis Ecclesia fallitur, quia Sanctorum cultus terminatur in Deum, ac propterea quum affectus noster in Deum & tunc feratur, falsus esse non potest. Porro ad Festum Conceptionis Marianæ quod attinet, jam diximus, ex eo nihil evinci posse ad dignoscendum, fuerit ne, an non, Virgo exempta ab originali peccato, quum *apud nos etiam*, uti inquit Cardinalis Bellarminus Lib. III. Cap. 16. de Cultu Sanctorum, *non sit Cestum, an Beata Virgo sine peccato Originali concepta fuerit: Ecclesia enim utramque Opinionem permittit; & fundamentum hujus festi præcipuum non est Conceptio Immaculata, sed simpliciter Conceptio Matris Dei futuræ; & hoc Festum etiam illi celebrant, qui putant Virginem in peccato conceptam*. Denique si licet, sub nomine hujus Festi *Præservationem* Virginis celebrare ex Pietate Opinativa; licet etiam aliis *Sanctificationem* Virginis sub eodem nomine celebrare; neque enim hoc interdixit Bulla Alexandri VII. Illud ita tamen Saavedra in Conclusionem ista Lectoribus suis, venditando, *servari ac celebrari a nobis Festum Conceptionis Immaculæ, quum e decretis Romanorum Pontificum nihil aliud celebremus nisi Festum Conceptionis Mariæ*. Quare Conclusio hæc circumspecte accipienda, & certe non ad omnia, quæ is persuadere nobis voluit, extenditur spes & nomen *Martyris* in tuendo Festo ejusdem Conceptionis.

Ultima Saavedræ Conclusio superest, hisce concepta verbis: *Dico Secundo: Qui mortem occumberet pro asserenda Immaculata Conceptione, summa solum ut est VERITAS SPECULATIVA, & ut præscindit a praxi, quam prima Conclusione explicuimus, vere esset Martyr*. Intactam liceat mihi relinquere Conclusionem istam. In eam quippe infra conferta acie invadam. Interea animadvertisse juverit, unde apud quosdam Hispanos, & apud alios Hispanis fidentes processerit Opinio, sive Persuasio *Certitudinis* Scotificæ de Conceptione sententiæ, quam Piam tantum ac Probabilem cum Romana Ecclesia ceteri agnoscunt, & ego in primis: Hoc est, e suppositiciis monumentis, quorum fidem diu in Hispania pervicacissime tutati sunt, qui suæ factionis & patriæ gloriam amoris Veritatis præferebant; e Patrum locis, quæ *falsis interpretationibus, & alienis ab eorum mente*, uti Petavius animadvertit, in suam rem detorserunt; denique a mirabili nonnullorum confidentia, venditantium incauto Populo eam sententiam veluti doctrinam Fidei, & *proxime definibilem*, contempta interim auctoritate Ecclesiæ Romanæ, quæ secus hæcenus judicavit,

cavit, contempto quoque exemplo Academicarum, voventium quidem tutelam ejusdem sententiæ, sed *secundum decreta Summorum Pontificum edita, atque edenda*: qua formula aperte significarunt debitam Fidelium promptitudinem ad deponendam ejusmodi sententiam, illiusque tutelam, si pro opposita aliquando flaret Apostolicæ Sedis iudicium. Quid plura? Teste ipso Parthenotimo pag. 5. Viennensis Academia coacta a Ferdinando III. Romanorum Imperatore vovere tutelam Immunitatis Marianæ, vovit ac juravit, *Donec aliter a Sancta Sede Apostolica definitum fuerit*. Quamobrem nil ultra requiri puto, ut demum intelligamus, Intrinsecam, veramque *Certitudinem* in Scotistica sententia desiderari, neque *Persuasionem* illius *Certitudinis* niti bonis tabulis; ac propterea nihil a Parthenotimo hæstus adulatum fuisse, quo temeritas morientium pro tuenda Immaculata Virginis Conceptione excusari queat. Quod si Parthenotimus auctoritatem heic adhibet eximii Theologi Francisci Suarez afferentis sufficientia motiva haberi ad definiendam de Fide Scotisticam sententiam: norit Lector, magnum illum quoque Virum non satis heic sibi cavisse aut ab exuberantia affectus, aut a nimia credulitate. Nam eo ipso in loco, quem Parthenotimus laudat, scribit de eadem sententia referenda in album Dogmatum: *Quia sepe in Scriptura indicata est, ut vidimus, deinde ab antiquissimis Patribus, & (ut credimus) etiam ab Apostolis* (hoc est a falsissimis Laminis Granatensibus, a Pseudo-Dextro, aliisque commentis Hispanicæ eruditionis) *est tradita*. Supra etiam vidimus, Parthenotinum objecisse nobis auctoritatem Johannis de Cardenas, tribuentis Scotisticæ sententiæ *Certitudinem Moralem, Physicam, & Metaphysicam*. At Cardenas & ipse ex illis est, quibus fucum fecere famosæ eadem Laminæ Granatenses, & tot Pseudo-Chronica in Hispaniis edita: quod evincunt illius verba. Quum enim Caramuel hæc de controversia Marianæ Conceptionis scripsisset: *Videtur non fuisse talia a Patribus ante quingentos annos*: Cardenas respondet; *Hæc periodus multa continet certo falsa*. Ex *Apologia* enim Petri de Hojeda, & ex P. Nierembergii in *Tractat. de objecto Festi Conceptionis*, & ex P. Granado *Tractat. de Conceptione*, & ex multis aliis satis clare constat, fere ab *INITIO NASCENTIS ECCLESIE*, non *Controversiam*, sed *pacificam Assertionem* in sinu veterum Patrum natam esse. Quære nunc monumenta, e quibushaurias, vel ab *initio Ecclesiæ* Immaculatæ Conceptionis sententiam pacificum cursum inter Christianos obtinuisse. NULLUM aliud occurret, nisi Granatenses imposturæ, & suppositicia Dextri, Liutprandi, aliorumque ejusdem furfuris scripta. His autem positis, ad cri-

sim tandem veniamus Voti Sanguinarii, quod *magnanimum Votum* a Parthenotimo appellatur, mihi vero Votum a Ratione Absonum, Temerarium, ac Intolerandum creditur.

C A P U T X I I I.

Votum Sanguinarium contra leges Prudentiæ susceptum. Neque ei Probabilitas suffragatur. Neque Pietas Opinativa, quæ ipsi inest. Quid Pie aliquid credere significet.

Dico primo : *Imprudenter ac temere emitti Votum de Sanguine fundendo pro tuenda Sententia, asserente sine labe originali Sanctissimam Virginem. Et qui pro tuenda Veritate bujur sententia ultro moreretur, a Peccato immunem minime futurum.* Et manifesta ratio est, quia adversus Prudentiæ leges homo operatur, qui Bonum Certum, & quidem maximi pretii, quale est Vita hominis, commutare vult cum Bono Incerto, quale est Opinio Scotistica. Ex quo enim, ut vidimus, sententia hæc nemini ita Certa esse potest, ut omnem formidinem Erroris ac Falsi prudenter excludat, quum adhuc Incertum dubiumque sit, quale futurum de ea sit iudicium Ecclesiæ; quumque Parthenotimus ipse agnoscat pag. 55. posse contingere, ut definiente summo Pontifice, *deprebendatur Veritas, & hæc sit in sententia Pie contraria* : Scotistica eadem sententia consequenter adhuc constricta sit oportet inter limites *Opinionum*, pro quibus tuendis eligere mortem idem Parthenotimus nefas iudicavit, scribens pag. 18. *Quis unquam somniavit pro incerta Opinione sua esse jugum offerre carnifici?* Præterea fatetur idem Siculus pag. 71. consuetudinem Academicarum, & reliquorum votentium tutelam Immaculatæ Conceptionis, conditionatam semper esse, quum tacite aut expresse tutelam ejusmodi polliceantur, *juxta Summorum Pontificum Decreta, jam edita, aut deinceps edenda.* Et sane apud Mongitorem Tom. I. Cap. IX. Panormi devoti Votum Martini de Leon Archiepiscopi Panormitani Anno 1655. conceptum legitur, *salvis semper sanctæ Catholicæ Romanæ Ecclesiæ approbatione, censura, & iudicio inerranti.* Ita Votum Francisci Osorii Episcopi Cephaludensis & Siciliæ Proregis hæc habet : *Per quanto nel permesse la Santa Catholica Romana Chiesa.* Votum quoque Martini de Redin Proregis Siciliæ Anno 1656. conditionem istam apponit : *Suggestandolo però tutto alla censura e determinazione della Santa Chiesa.* Votum pariter Francisci Cardinalis de Judice Proregis Siciliæ Anno 1702.

hæc

hæc addit : *Conformando nos con las declaraciones decretos, y constituciones Apostolicas, que pudieren determinarse en este punto.* Denique Votum Canonorum Cathedralis Panormitanæ clausulam hanc præfert : *Juxta decreta summorum Pontificum jam edita, aut deinceps edenda.* Clausulæ istæ, quæ aut adduntur, aut subintelligi debent in omnium Votis pro tutela Scotisticæ Sententiæ susceptis, nemo non agnoscit quid significant. Scilicet agi de tuenda sententia, quæ Pie creditur Vera, sed minime Certum iis est, an re ipsa sit Vera, quum Voventium animus (uti decet ac necesse est) paratus sit ad mutandam Opinionem, quoties Sanctæ Sedis judicio decerneretur, Veritatem stare in Thomistica Opinione contraria. Num Certum ac Evidens a parte rei aliquid esse potest, quod cras Romana Ecclesia Falsum deprehendere poterit? Quare quantumcumque Certa alicui videri possit Immunitas Mariana, Certitudo illa aliud esse nequit, nisi *Certitudo Subjektivæ & Persuasionis*, cui ex omnium consensu potest tam Verum subesse, quam Falsum. *Persuasio* autem ista vim quidem interdum habet excusandi hominem, & Deo etiam gratum faciendi, dum pro sententia, quæ non spectat ad Fidem, sed is Ignorantia aut Errore invincibili ductus, spectare ad Fidem certo sibi persuadet, mortem oppetit. At in casu nostro Ignorantia aut Error Invincibilis adferri non potest, sed quidem tantummodo Vincibilis, ac proinde ineptus ad excusandam temeritatem & crimen. Quum nempe nulli e doctis viris ignotum sit, Ecclesiam, cui nostram mentem in omnibus conformare debemus, quamquam sit probe conscia rationum hinc inde militantium in Quæstione de Conceptione, nullam tamen hætenus *Certitudinem* agnovisse in sententia Scotistica, immo sibi judicium de ea reservasse, ita ut temere ageret, quicumque contenderet, pro hac una, & non etiam pro altera, Pontifices Maximos definitivum decretum pronuntiare posse.

Contra : Certum ac Evidens Bonum est hominis Vita idque exitium : qua de re nemo dubitat, aut dubitare potest. Est etiam inter leges non solum Religionis Christianæ, sed & Naturæ, ut quisque suam Vitam conservet ; ac proinde gravissimum crimen est, eam sponte perfundere sine gravi ac legitima causa. Peccatur nempe eo casu contra Charitatem, quæ præcipit amorem & conservationem individui nostri ; peccatur contra Justitiam, quæ respicit Deum. Non enim nos Corporis ac Vitæ nostræ domini sumus, sed Deus. Ut quid ergo id quod nostrum non est, sed Dei, Deo minime præcipientem, neque Ecclesia, divinæ Mentis interprete, illud probante, perdere quisquam audeat arbitrio suo ? Et fortassis pro Errore, hoc est pro tuenda sententia, quæ ut ille sibi per-

sua-

suadeat continere Verum, potest tamen continere & Falsum? Neque heic ullus Probabilissimi privilegiis locus, aut usus relinquitur. Nam Probabilis quidem est sententia Scotistica, eamque consequenter & licet, & laudabile est scriptis ac voce tueri. At minime Probabile est, licere mori ob tutelam ejusdem sententiæ. Hæc duo omnino diversa sunt, neque confundenda. Fingamus tamen, aliquam Probabilitatem Sanguinariæ huic Opinioni ab extrinseca paucorum auctoritate accedere; at tunc animadvertendum, etiam si statuamus, licere sequi in praxi Opinionem minus Probabilem in concursu Probabilioris, & tutioris (quod alii negant): ubi tamen agitur de re magni momenti, & ex qua in Religionem, aut in Rempublicam, non levia incommoda sive pericula manare queunt, uti est in Sacramentis conferendis, in medendo ex officio ægris, in judicando ex officio de Vita ac fortunis hominum, in amplectenda Religione vera, in permittenda famulis occulta compensatione: tunc ab Ecclesia jubemur sequi Opinionem tutiorem ac Probabiliorē. At quis nescit, temporalium rerum gravissimam esse hominum Vitam? Exigit ergo cura ipsius, ut in praxi tutiorem ac Probabiliorē sententiam pro conservando pretioso hoc bono præferamus minus Probabili. Et si quis in oppositum nitatur, uti jam confixæ fuere a Romanis Pontificibus Propositiones, a quibus in magni ponderis negotia Probabilissimi licentia ingerebatur, ita expectandum erit & Opinioni Sanguinariæ nigrum theta ab eadem Apostolica Sede. Nam ubi moriaris causa propugnandæ Scotisticæ Sententiæ, si forte hæc Errorem complecteretur, nemo non videt, mortem tuam nihil operaturam, ut sententia illa Vera fiat, Veritateinque, qua caret, per Sanguinem tuum accipiet. Cur ergo rem adeo pretiosam projicis, ut nihil consequare? Quod si aliquando, Sancta Sede decernente, *deprenderetur flare Veritas in sententia Piæ opposita*, (quod uti possibile Parthenotimus ipse agnoscit pag. 55.) quis imprudentiæ summæ ac temeritatis illos non arcefferet, qui nimium suo fidentes cerebro, atque inconsulto zelo pertracti, sententiam nolentes expectare Ecclesiæ Romanæ, pro Opinione, quam sibi temere Certam persuaserant, tormenta ac mortem sustinuisent? Ergo occurrendum mature improvido paucorum consilio, qui sine Dei aut Ecclesiæ commendatione præfracte volunt, ut credatur Verum ac Certum, quod ipsamet Ecclesia pro Incerto adhuc tenet, & cui Falsum subesse potest; & bene collocatum suæ Vitæ Bonum, illudque Certissimum putant pro ejusmodi adhuc Incerta sententia.

Secundo dico: *Imprudenter ac temere concipi Votum de Morte sub-*

Jubeunda pro Pietate, quæ inest alicui Opinativo de Immaculata Virginis Conceptione; & qui hoc titulumoreretur, expertem peccati apud Deum minime futurum. Aspectu primo vix intelligatur, cur Conclusionem istam posuerim, quum statim hæc menti occurrant. Telle ipso Alexandro VII. *Pia* est sententia Scotistica; ergo *Certa* est *Pietas* huic sententiæ inhærens, & consequenter pro re *Certa* daret Vitam, qui non pro *Veritate*, sed pro *Pietate* ejusdem Mortem eligeret. At heic non levis æquivocatio latet. Necessarium autem, nedum utile est, diligentius repetere, quod supra innui, scilicet duplex genus *Pietatis* in Ecclesia dari. Primum complectitur *Pietatem Intrinsecam*, eam videlicet, quæ conjuncta est cum certo Revelatis a Deo, sive universalibus, sive singularibus, nobis a divina Scriptura, aut a Traditione Patrum per Ecclesiam notificatis. Ex quo Verissima ac Certissima *intrinsece*, atque ex parte rei hæc sunt, *intrinsece* sunt etiam *Pia*. Pietas enim in iis cum Veritate identificatur. Ita omnia Fidei dogmata, Sacramenta, Virtutum actus &c. *Pia*, atque ita *Pia* sunt, ut nihil Erroris aut Falsi spectata in se, & cum debitis circumstantiis, secundum testimonium Dei & Ecclesiæ continere possint. Alterum genus *Pietatem Opinativam* complectitur, eam nimirum, quæ in *Persuasione* hominum consistit, eorum videlicet, qui prudenter credunt, aliquid spectare ad Deicultum & honorem, sive ad Veritates Religionis sanctissimæ, minime interveniente Revelatione divina per Ecclesiam nobis proposita, sed rationibus tantum Verisimilibus ac Probabilibus, quæ sufficientes prudenti homini videantur, ut *Pia* illa res, sive sententia credatur, ac Deo grata & ab Ecclesia probata, aut saltem non improbata. Universale axioma est, colendos Sanctos, venerandas eorum Reliquias. Heic habes *Intrinsecam Pietatem*, quia dogma Fidei est. At quum ad singularia venimus, quæ neutiquam a Revelatione Dei pendent, succedit *Pietas Opinativa*. Plurimi re ipsa Sancti numerantur, quorum Sanctitas neque ex Sacris Litteris, neque ex Apostolica Traditione, nobis innotescit, neque dici jure potest in universali propositione revelata; sed tantummodo ad nos descendit ex antiquissimo Populi judicio, qui olim eos in Sanctorum catalogum invexit. Hos etiam venerari, hisce etiam nos commendare, ut Deum pro nobis orent, æquum & laudabile est. Idque actus *Pietatis* merito dicitur, non *Intrinsece* quidem, quia objectum in casu isto ad Fidem non spectat, utpote nequaquam Revelatum a Deo; sed *Opinativæ*, quum nobis non desint motiva, prudentem animum moventia ad existimandum, illorum animas in Cælum receptas, idoneasque ad exorandum Deum pro nobis. Idem dicas de tot

tot Reliquiis, quas *Pie*, hoc est *Probabiliter* pertinere credimus ad hos illosve Sanctos; de tot Miraculis, aliisque innumeris in Historia Ecclesiastica narratis; denique de tot sententiis etiam contrariis, quæ in Scholastica Theologia extra Dogmata Fidei quotidie agitantur. Quo plus aut minus Verisimilitudinis, sive Probabilitatis hæc præferunt, quo plus aut minus ad Evidentiam accedunt, aut inde recedunt, eo etiam major est gradus istius *Pietatis*. Ecclesia vero & huic *Opinativæ Pietati* locum facit in oeconomia Religionis. Et merito quidem. Nam etsi materialis aliquis Error in Persuasionem hominum de hisce rebus aut sententiis accidere possit, dummodo eorum falsitas ignota sit, non fallitur affectus, qui in Dei cultum tendit. Taceo heic de *Pietate*, quæ nititur motivis nimium levibus, aut falsis; hæc enim, ut alibi dixi, non est legitima Pietas, sed Imprudencia, Superstitio, Impietas, Fanaticismus. Ut laudabilis *Opinativæ Pietatis* exemplum adferam, prudenter creditur, Sancti Jacobi Apostoli Corpus Compostellana in Ecclesia honorari; Marthæ, Magdalenz, & Lazari apud Provinciales; & Bartholomæi Apostoli Beneventi, aut Romæ. Credere, sacra illa pignora spectare ad eosdem Sanctos, ibique eorum intercessionem apud Deum implorare, laudisque illorum celebrare, *Pietatis Opinativæ* actus est. Etiam si non ea essent celeberrima ejusmodi Lipsana, quæ vulgo reputantur; immo etsi ne sacra quidem illa Corpora forent: devotio tamen Populi ad Deum secura pergit, quem in illis creditis Sanctorum Reliquiis honorat, & a quo uno, uti omnium bonorum largitore, beneficia poscit & sperat, dum ad sepulchra Sanctorum orat. Nullum hinc in Ecclesiæ doctrinam aut Rempublicam incommodum; immo ad alendam, aut augendam Populi devotionem conducere potest. Rursus in Scholis Quæstiones non pauca servant, his in unam, illis in aliam euntibus sententiam, quæ tamen singulæ *Pietatem Opinativam* sibi tribuere possunt. Dum istæ concertationes, Opinionesque variz, prudentibus innitantur rationibus, & minime adversentur Revelatis a Deo, neque detrimento sint sanæ doctrinæ, atque in praxim deductæ nihil officiant recto regimini Ecclesiæ, aut quieti Reipublicæ, sive fortunis ac Vitæ hominum, disputent quantum velint docti, etiam ad raucedinem: in tuto est Ecclesia atque Respublica. Verum ac Certum assequi nequeunt? Verisimilia ac Probabilia eos sequi non dedecet, ac nemini nocet.

Ad hanc normam exigentur sententiam speculativam de illibata Conceptione Virginis. *Pia*, est, & *Pia* ab omnibus habetur, atque habenda est, quippe Probabilibus ac prudentibus fulta rationibus, per-

pertinere creditur ad cultum Dei, atque ad honorem Virginis. Sed *Pia* est *Pietate Opinativa*, non *Intrinsicca*, non *Objectiva*. Eam quoque ut praxim deducere *Pium* est, nempe colendo Virginem uti conceptam sine macula in primo instanti; ejusque Festum ac Officium celebrando secundum illam sententiam. Nemini exploratum certe est, subsit ne Veritas huic sententiæ, an non; attamen pendet Ecclesiæ judicium & apparentia Veritatis pro ea militat, nullum ex hujusmodi cultu ac persuasione detrimentum fuit in Ecclesiæ doctrinam ac disciplinam, quum sibi Romana Ecclesia reservavit, quando opportunitas aut necessitas exegerit, decernere, stetne revera pro illa sententia Certa Veritas, an pro opposita. Et quoniam confictus duarum Opinionum istarum tranquillitatem Reipublicæ turbabat, in Hispania præsertim, sustulit prudentia Romanorum Pontificum hæc scandalorum ac tumultuum semina, indicto Thomisticæ sententiæ fautoribus silentio, sed inlæso jure ejusdem, si forte aliquando Veritatem in illa deprehenderet Apostolica Sedes. Neque enim & hæc altera definit esse *Pia*, atque Probabilis; quod inde manifeste elucet, dum Ecclesia illius sectatores, æque ac alterius patronos, caros habet; neque solum non averfatur, nec damnat, sed honoribus auget, non secus atque ante eis indictum silentium. Profecto in alterutra ex hisce sententiis, live Opinionibus, Error latet; sed hætenus est materialis Error, quem depellere, nunc nequimus, & tum solum perspicere licebit, quum Ecclesia Quæstionem dirimet, aut quum misericordia Dei faciente in conspectum supremæ Veritatis post mortem veniemus. Quamobrem perspicax Lector intelliget, quantum ponderis sit Parthenotimi nostri fiduciæ, dum pag. XIV. Præfation. scribit: *Quod sententia de Immaculata Virginis Conceptione jam pridem in Ecclesia nuncupata sit Pia, ipso Romano Pontifice hunc titulum approbante, spem maximam facit Propugnatoribus, fore ut ejus Veritas aliquando tandem declaretur, & palam fiat.* Ita sane, ex quo Sixtus IV. vetuit, ne Scoticæ sententia Hæresis aut Impietatis titulo oneraretur, hæc probante Apostolica Sede justam possessionem *Pietatis* obtinere cœpit. At quid inde? Nihil Parthenotimus distinguit inter *Opinativam* atque *Intrinsiccam Pietatem*. Id tantum consecuta est Scoti Opinio, ut negari *Pia* in posterum, dum pendet judicium, sine temeritate & culpa non possit. Sed *Pia* perrexit esse & altera Thomistarum Opinio, neque ei hunc titulum sine impudentia & peccato quisquam auferre potest. Proinde utraque sententia nunc versatur inter limites *Pietatis Opinativæ*, non vero *Intrinsicæ*. Quod etiam ediximus ex usitata inter Theologos dicendi formula,

N

hoc

hoc est quum dicimus : *Hoc Pio creditur*. Significat ista, rem aut propositionem aliquam non spectare ad doctrinam divinæ Fidei; adduci tamen nos ad credendam eam Veram tum religioso quodam affectu, tum rationibus verisimilibus ac probabilibus pro ea militantibus. Quod quum dicimus, indicamus & sentimus, rem aut propositionem illam adhuc *Opinionis* naturam retinere, ac tantummodo e *Persuasione* atque affectu nostro efformari iudicium illud, quod propterea *Opinativum* est, non vero e certa cognitione Veritatis inhzrentis objecto. Interroga quemvis *Pio credentem aliquid*, an ita credat, ut omnem Erroris formidinem excludat. Negabit procul dubio, si sapit. At hoc ipsum est affirmare, *pinionem* in illo iudicio involvi, quum Opinionis proprium sit involvere metum saltem levissimum alicujus Erroris. Propterea quisquis moderate, & circumspecto iudicio inter Catholicos loquitur, oculoque intento Magistræ nostræ consecratur Ecclesiæ Romanæ, sentit ac dicit, se *Pie credere* Immaculatam Virginis Conceptionem, hoc est se in ea sententia agnoscere *Pietatem* dumtaxat *Opinativam*, non vero *Pietatem Intrinsecam*, omni videlicet suspitione & formidine Erroris carentem. Atque ita sane loquuntur eximii viri, atque ornamenta Romanæ Ecclesiæ, e quibus duos tantum laudabo. Contra Picinum Hæreticum scribens Clarissimus S. R. E. Cardinalis Vincentius Gottus Ordinis Prædicatorum Tom. I. Cap. IX. §. 8. ait : *Ci divide egli, perchè Piamente crediamo la Vergine preservata dal Peccato Originale*. Alter S. R. E. itidem Cardinalis celeberrimus Franciscus Maria Casinus Ordinis Minorum Cappucinatorum Tom. I. Sermon. II. scribit : *Della sola Vergine c'insegna la Fede, che fu esente da ogni colpa attuale, e la Pietà ci persuade, che fu immune per singolar privilegio, ancora dall'originale* : quod idem est ac dicere, nos Pio affectu & religiosa Persuasionem eam credimus, idest Opinamur, ab originali labe præservatam. Egregiis hinc viris adjungere liceat doctissimum quoque virum, & Polemicæ Theologiæ pugilem Clarissimum, Cajetanum Mariam Merati, Clericum Regularem, & Sacræ Congregationis Rituum Consultorem, qui in Libro de Veritat. Religion. Discurs. XVII. pag. 62. scribit : *Per uno speziale privilegio Piamente si crede, che anche la Madre di Dio Santissima sia stata preservata dall'universale contagio della Colpa Originale*.

Licita ergo est, & laudabilis *Opinativa Pietas*, ejusque officia & exempla passim habemus in Oeconomia Christianæ Religionis, cum in Scholasticis & Speculativis Theologorum quæstionibus, tum in praxi devotionis erga Sanctos, eorumque Reliquias, atque in aliis

aliis ad Historiam ritusque sacros pertinentibus. Quo majoribus Probabilitatis fundamentis nritur ista Pietas, eo laudabilior est. Eaque ratione tot Sanctos colimus Pie ac Prudenter, quos Populus sine Romana Canonizatione pro Sanctis ab antiquo habet; eorum Festum celebramus, de iis Officium recitamus, Reliquias deosculamur. Indulgentias quoque in illorum honorem summi Pontifices elargiuntur. At huiusmodi Pietas etsi rationabilis multum atque laudanda, multum tamen differt ab *Intrinfeca*, *Opinativa* quippe ex Opinione nata, certum ac minime fallax iudicium procreare non potest; atque ut paucis dicam, nihil aliud est, nisi *Opinio Pietatis*, & neutiquam *Certitudo obiectiva Pietatis*; non enim sita est in indubitata Cognitione Veritatis existentis in obiecto, sed in *Persuasione* tantum Intellectus nostri. Contra *Pietas Intrinfeca* stabilitatem ac Certitudinem suam desumit ex obiecto, quod est, quale nobis persuademus; ejusque Veritatem vere a Deo revelatam fuisse credimus, quia id nobis constat evidentiter ex attestatione Ecclesie divinitus falli nescie. Atque ex his intelligere jam possumus, qua in equivocacione versetur Siculus Theologus, quum scribit pag. 18. eos, qui Sanguinarium Votum emittunt pro tuenda Præservacione Virginis, morituros non pro *Veritate*, sed pro *Pietate*, que *Certo* inest *Aliui Opinativo*. Non enim *Certo* atque *Intrinfeco* inest Pietas actui illi Opinativo, ex quo is fatetur, & fateri cogitur, actum ipsum *Opinativum* esse. Nimirum quando obiectum tale est, ut de eo certam cognitionem habere non possumus, quæ omnem depellat formidinem Erroris (uti habemus in propositionibus divina Fide creditis, quas sine metu Erroris veras credimus) in Intellectu nostro nihil aliud est nisi *Opinio*. Et rursus quum *Pietas* fundetur super ipsam *Opinionem*, nequit hæc *Intrinfecæ Certa* esse, neque sibi tribuere plus quam actus, cui inest, habeat in semetipso. Propterea Pietas, quam agnoscimus in Opinione Scotistica de Conceptione, *Opinativa* & ipsa dumtaxat est, sive *Opinio*, non vero *Certitudo Pietatis*. Porro his positis, quicumque moreretur pro *Pietate*, que inest *Aliui Opinativo de Immaculata Conceptione*, adhuc pro tuenda *Opinione* vitam suam daret. Atqui, ut ipse Parthenotimus non uno in loco agnoscit, ac potissimum pag. 15. & 18. *nefus est, Peccatum est*, protutela *Opinionis* mortem optetere. Ergo temere & contra Dei legem Votum concipitur danda Vita pro-defendenda Immunitate Mariana.

CAPUT XIV.

Alius Honor Intrinsecus, alius Opinativus. Alia Sanctitas Intrinseca, alia Opinativa. An statuendum fastigium devotionis erga Virginem in tuenda Scotistica sententia. Datur & Cultus Opinativus. Mendacii probrum ab ea Opinione eliminatum. Pia Credulitas, Pia Persuasio explicantur.

Quod de *Piesate* diximus, idem dicendum de *Honore Virginis*, de *Sanctitate Virginis*, quibus speciosis nominibus confidit Parthenotismus, se tutaturum videntes mortem pro Scotistica sententia. Latet ibi eadem æquivocatio. Nam alius est *Honor Intrinsecus Deiparæ*, ejusque *Intrinseca Sanctitas*; alius *Honor Opinativus*, atque illius *Sanctitas Opinativa*. Primus Honor, uti & Sanctitas Mariæ, situs est in incomparabili prærogativa Maternitatis Dei, in Virginitate perpetua, in Immunitate ab omni actuali peccato, in Humilitate extrema, in Caritate, ceterisque Virtutibus, quæ in eam mirabili consensu & singulari gratia Dei coalescere, ita ut in ea omnium Virtutum habeamus exemplar. Hæc novimus e divinis Scripturis, & Traditione Patrum; & definitionibus Conciliorum; eaque propterea divina Fide credimus; atque ob ista supra reliquos Sanctos eminet Sancta Dei Genitrix Maria. Præter istam vero *Sanctitatem Objectivam*, de qua dubitatio ulla Christiano homini esse nequit, & cui consequenter singularis Honor ab unoquoque Fideli habetur, agnoscenda quoque est *Sanctitas Opinativa*, seu *Putativa*, quam eidem Deiparæ tribuimus, sita in variis *Opinionibus*, quas pia gens habet de aliquibus privilegiis, actionibus, miraculis, ad ipsam Salvatoris nostri parentem Spectantibus. Hæreticus foret, qui pertinaciter Sanctitati primæ se adversarium præberet. At altera, scilicet *Opinativa*, quum Sigillo Veritatis ac Certitudinis careat, nos minime obligat ad credendum, liberumque est cuique sentire hæc, quod magis consentaneum rationi censebit. Et quoniam ejusmodi Sanctitas in Opinione sita est, immo nihil aliud est, nisi Opinio Sanctitatis, propterea qui pro illa tuenda ultro se trucidandum Tyranno præberet, imprudentiæ ac temeritatis damnandus foret. Simili ratione datur *Honor putativus*, seu *Opinativus*, Virgini, aliisque Sanctis delatus, probante, aut saltem non improbante Ecclesia,

clesia. Pie sibi persuadent nonnulli, se possidere *Annulum*, quo Beata Virginem Sanctus Ioseph desponsavit. Alii se habere putant *Vestes*, *Velamina*, *Capillos*, aliasque ejusdem Deiparæ Reliquias. Honorem Virgini habent in honorandis hisce Reliquiis, sed Honorem ab Opinione progenitum. Huic autem Opinioni, dum falsitas aliunde non appareat, eique possessio immemorabilis patrocinetur, Ecclesia nullam infert molestiam, immo etiam favorem impertitur. Cultus enim ille & Affectus in Virginem tendit, cui revera æquum est, Christi Fideles omnes maximum habere Honorem. Proinde si quis pro *Opinativo* isto *Honore* Mariæ impendere Vitam vellet, contendens videlicet, ad Honorem Virginis illum Annulum, Reliquias illas spectare, pro *Opinione Honoris* Virginei moreretur: quod jam statimus nefas esse Homini Christiano.

Atque heic erit fortasse qui petat, cur in *Pietate Opinativa*, seu *Sanctitate Putativa* Virginis, quod est ad illius Conceptionem, nonnulli veluti Palladium & culmen eximie Devotionis erga Virginem constituent, quum tot alia Privilegia ac dona illi a Deo sine ulla dubitatione collata, & ad Intrinsecam illius Sanctitatem spectantia, habeamus, in quibus sat laudandis & honorandis nos sermo ac tempus deficiant? Nonne Maria vel sine prerogativa Conceptionis Sanctissima semper fuit, semperque erit? Et ne temere hoc sciscitari quisquam videatur, verba repetet, quæ Capitulo Primo attulimus e Bulla Pii V. ubi ait: *Quasi desint præclarissima Mariæ merita, quæ nec Angelica quidem lingua satis digne referri possunt; & quasi ex illo aberrimo fonte, puteoque aquarum viventium non possint saluberrimas haurire aquas, quibus Populus magna cum utilitate atque dulcedine reficeretur: ad dissipatas cisternas accurrunt &c.* Hæc Romanus Pontifex, & quidem Sanctus, & quidem doctissimus, & Deiparæ devotissimus. Cur ergo, instabit aliquis, heic fastidium Pietatis erga Virginem Sanctissimam collocemus, hoc est in re Incerta ac Dubia, potius quam in tot aliis indubitatis Intrinsecæ Sanctitatis Marianæ argumentis, quæ nobis Fides suppeditat? Quid solidæ responsionis ad interrogationem istam daretur, inquirere non juvat. Repetam ego potius, quæ Sanctus Bernardus habet in celebri Epistola 174. ad Canonicos Lugdunenses: *Virgo regia, inquit, falso non eget honore, veris cumulata bonorum viribus, insulis dignitatum.* Ad cuius imitationem & ego Lib. II. Cap. VI. de Ingeniorum Moderatione dixeram: *Ut sit post Filium suum supra ceteras creaturas laudanda Maria, non indiget ipsa dubiis laudibus, neque imprudenti sacrificio.* Ad quæ verba Parthenotimus pag. 57. ita respondet: *Dei, & Virginis Filius se in eo. honoratum*

sum fatetur, quem tu Probabiliter existimas esse inopem, eique stipem liberaliter impertis. Est quidem persolum Probabilis illius inopia; at certo honesta tua elemosyna. Non inficior ergo, Beatam Virginem non indigere dubiis laudibus: Certa tamen est laus tueri, quod sine labe sit Concepta, etiamsi Certum non esset, quod fuerit ipsa Concepta sine labe. Hæc Theologi nostri mens: uti honestum est elemosynam amore Dei conferre homini, quem probabiliter existimas indigere, quamquam fortasse non indigeat; ita etiam Certum non sit, sed tantum Probabile, Virginem fuisse sine labe Conceptam, honestum tamen est, ac Certa laus eam tueri in ipsa Conceptione Immaculatam. At insto ego: si tu plures cernens sine dubitatione egenos, præcipuam gloriam tuæ Caritatis collocares in ferenda ope non istis, sed aliis, quos non Certo, sed Probabiliter indigere putares: num Prudentia tua multum laudis referret? Num ordinem Caritatis recte sectari dicereris? Quin laudabilis, Deoque gratus esset, illis potius, quam istis opitulari, nemo sapiens negabit. Ita recurrit petitio: cur tu prærogativam Conceptionis Immaculatæ, quæ Probabilis quidem est, sed simul Dubia, ac errori obnoxia, tam vehementi studio exornare, tueri, Regibus ac Populis uti sublime pignus Pietatis erga Deiparam commendare pergis? Cur huic Persuasioni peculiare ubique honores procurare non desinas, ita ut tot alia Virginis merita, & prærogativæ, longè majores, ac divina Fide certissimæ, tibi vilescere videantur, aut certe pari studio minime a te colantur? Num factionis tuæ amor, & victoriæ cupiditas, incauto tibi hunc æstum ministrat? Verum hæc alii considerent. Interea animadvertamus, quæ æquivocatio lateat in iis Parthenoximi verbis: *Certa est laus tueri, quod sine Labe Virgo sit Concepta, etiamsi Certum non esset, quod fuerit ipsa Concepta sine labe*. Per me sane liceat, Parthenotimo, & cuicumque sententiam Scotisticam propugnanti, persuadere sibi, certam ex illius tutela laudem relaturum, dum tutela in verbis & scriptis consistat. Sub ista conditione cuiquam molestum esse nolo. Verum ubi Theologus noster Certam hanc laudem stabilire hoc in loco conetur, ut laudabile quoque vendiderit Sanguinarium Votum eidem Superstructum, Caritas erga fratres reclamare me cogit. Laudem hanc sub Opinione adhuc constringi, non sub Certitudine; ipsamque Conditionatam esse, non Absolutam, quum ejus qualitas e qualitate objecti pendeat, ita ut Certa sit Laus, si Certa sit Veritas objecti; Probabilis vero dumtaxat, si objecti Veritas sit tantum Probabilis. Ergo in supposito, quod Parthenotimus ipse heic amplecti non detrectat, *Certum videlicet non esse, quod Maria fuerit*,

vis concepta sine labe, numquam poterit esse Certa Laus, ita velle tueri Incertam hanc Dubiamque sententiam, ut pro ea Certissimum, eximiumque Vitæ Bonum profundere liceat. Quippe statuiamus, nefas esse in Opinionum tutela impendere Vitam.

Eandem porro æquivocationem sub diversis nominibus refricantem videas a Theologo Siculo. Dixerat Lamindus: *Non indiges Mariæ imprudenti sacrificio, & tu contra indiges Vita tua*, ut eam in Fide tuenda ac Virtutibus exercendis justius impendas. Quid responderit Parthenotimus pag. 57. accipe: Inquit, *ne ipsum quidem sacrificium improprie dictum Virgini offerri. Nemo pro Virginis Cultu moriens, se Virgini litaret, sed Deo. Non Ecclesiæ, pro Ecclesiæ iuribus tuendis occumbens, sed Deo vitæ sacrificium obulus Thomas Cantuariensis. Etiam Religio Virtus est. Ad Religionem, aut Virtutem huic affinem (idest ad Pietatem) pertinet Virginis Cultus. Posses ergo etiam ex mente Lamindi pro exercitio Cultus Marianæ vitam impendere pie Vovens. Ex mente mea? Apage. Neque ex mente mea, neque ex eorum mente, qui hæc non perfunctorie scrutentur, licebit mori ob tutelam Immaculatæ Conceptionis. Hic enim Cultus est Opinativus dumtaxat, & cum Veritate minime certo conjunctus. Fortiter mortem toleravit Sanctus Thomas Cantuariensis, sed pro legibus gravissimis, quas evidenter sciebat justas, atque ab Ecclesiâ certissime promulgatas, & quas sibi custodiendas ex vi sui muneris agnoscebat. Peccasset, si vili timore ductus pessumdanti Regi jura Ecclesiæ concessisset. Ac proinde de eo Ecclesiâ canit: *Pro lege Dei sui certavit usque ad mortem*. Quidnam heic paritatis cum iis, qui Vitam offerrent causa tuendæ Immunitatis Marianæ? Numquid ulla Dei, aut Ecclesiæ lex adferri potest de amplectenda ac tuenda Scoti sententia? Nulla, ut omnes norunt, immo liberum semper fuit, & adhuc est Fidelibus, oppositæ sententiæ adherere. Neque Cultui Sanctitatis Marianæ necessarium fuit, aut est, ei tribuere expertem omnis maculæ Conceptionem, nam incomparabilis Mariæ Sanctitas, ab Apostolicis temporibus semper deprædicata, numquam indignuit Laude ista, & Cultu Opinativo, quem nunc adeo illi gratum, & supra ceteras prærogativas carum, nonnulli ex Opinione tantummodo arbitrantur. Per undecim profecto Secula, atque ultra etiam, tum Sancti Patres, tum ceteri Pietate serventes Christi Fideles, nihil nobis concedebant in observantia ac devotione erga Deiparam; attamen nulla apud eos mentio erat Immaculatæ Conceptionis. Quare nulla jubente aut urgente lege Dei, & sine ulla necessitate, aut occasione vitandi peccati, ex arbitrio dumtaxat illo, quod vulgo *Capriccio* dici-*

dicimus, occumberent Voto Sanguinario addicti, idest pro Opinione tuenda Vitam darent: quod, millies repetam, fieri sine crimine nequit. Hæc etiam Parthenotimus addit pag. 76. *In Deiparæ honorem cedit ejusmodi defensio, estque Deiparæ honor generatim a Deo revelatus.* Exploratum certe est, Honorem Virginis spectare ad leges divinitus promulgatas, atque ad doctrinam Fidei. Sed in mille ridenda, aut detestanda abripi posset Pietas, quæ posito hoc principio Virginem ad arbitrium nostrum honorari posse censeret. Idcirco singulares etiam Honoris hujus rationes Ecclesiæ suffragio probandæ sunt: alioquin facile homines imprudentia laborent, temeritate, superstitione, impietate. Indicet mihi quæso Theologus noster, ubinam & quando Ecclesia probavit sacrificium Vitæ nostræ oblatum Deo pro Scotistica Opinione. Immo non solum nova hæc honorandæ Virginis ratio profusione Sanguinis & Vitæ, nequaquam revelata a Deo fuit, neque continetur in generali Revelatione honoris deferendi Salvatoris nostri Matri, neque suffragio Ecclesiæ comprobata est; sed Revelatio contraria nobis ante oculos fiat. Revelatum quippe a Deo fuit, ejusque præceptum nobis ab Ecclesia proponitur & commendatur: videlicet, curam habendam esse Vitæ nostræ, neque licere nobis arbitrio nostro eam prodigere, & præsertim nefas esse animam ponere pro tuendis Opinionibus nostris.

Dixeram ego, si ad vitam dandam pro tutela Opinionum nostrarum, quantumcumque Piarum, sive pro *Pietate Opinativa*, satis esset *Persuasio*, innumera esse, quæ Pie creduntur, & pro quibus, quamquam Falsis nonnumquam, Vita ipsa daretur: quod certe in Ecclesia Dei numquam tolerandum, ne idem divinis atque humanis habeatur honor, neve temere, & pro Mendacio interdum projiciatur pretiosa hominum Vita. Parthenotimi responsio est pag. 79. *In primis homo, qui non moderati Ingenii tantum, sed Moderator Ingeniorum videri vult, castigatius, reverentiusque hoc loco loqui debuit, & non Mendacii nomine supillare directam ipsam sententiam de Virginis Immunitate, etiamsi permitteremus esse meram Opinionem.* Heic fidem hominum, Superumque appellare liceret. Placide tamen petam, quandonam ego Mendacii probrum conjecerim in sententiam de Virginis Immunitate? Unus Parthenotimus, aut immoderato animi æstu raptus, aut ad hæc pertractanda ineptus, hæc mihi patenti errore, ne dicam calumnia, affragit. Quicumque alius Latinas literas didicit, illaque verba mea legit, continuo intelligit, me non de Scotistica sententia (quam nemo nisi impudens inter Mendacia referat) illic agere, sed de aliis bene multis, quæ quidem *Pia* dicuntur.

cuntur & credantur, atque in regno *Pietatis Opinitivæ* continentur. Ex istis quis, rogo, neget, quin aliqua originem suam ab errore, falsitate, immo & ab impostura traxisse potuerint? Qui pro hisce moreretur, *pro Mendacio* vitam profunderet. Id autem liceret e Parthenotimi doctrina; at numquid illud in Ecclesia Dei umquam tolerandum? Alia heic Parthenotimus addit, scribens: *Deinde qui vovet Virginis Immunitatem tueri, necesse est, ut persuadeat sibi, quod re ipsa Virgo immunis fuerit a macula. Hæc persuasio, ipso non refragante Lamindo, nequit esse Mendax, ni dicere velimus, quod Pium possit esse Mendacium.* Ita ille, de sophismate in sophisma intrepido cursu delabens. Utique Pium non potest esse *Mendacium*, neque nobis Pium credere licet id, quod novimus & credimus Falsum; nam ad cultum Dei veri, ejusque servorum, spectare *Mendacium*, Falsitas, ac Error nequeunt. Potest tamen *Persuasio* esse *Mendax*, idest fallax, quum fieri possit, ut sit de objecto, quod nobis sine ulla culpa nostra persuadeamus. esse Verum, & tamen a parte rei sit Falsum. Et sane ut *Pia* dicatur aliqua *Opinio*, sufficit *Persuasio* e rationabilibus motivis, etiam extrinsecis, nata, Verum esse ejus Opinionis objectum, prævalens motivis suadentibus falsitatem objecti ejusdem. At quod nos ita nobis persuadeamus, numquid propterea Verum erit Certumque illud objectum? Neutiquam profecto: potest & Falsum esse. Atque heic meminisse debuit Parthenotimus rem cunctis notam, nempe *Pie credere*, aliquid, hoc ipsum significare, videlicet. persuadere quidem nos nobis ex verisimilibus motivis, & religiosa affectione quadam, aliquid esse Verum, & spectare ad Religionem veram; sed simul ignorare, an illud Certo ac reapse sit Verum, quum. formido Erroris ab ejusmodi *Persuasionem* disjuncta non sit, nec esse possit in iis, quæ ad Opinionem pertinent. Multa *Pie* credimus de Sanctis, eorumque Miraculis, atque Reliquiis. *Persuasio* nostra *Pia* est, *Opinio* nostra, *Pia* est; non enim liquet, nos credere Falsum; simulque Falsum non est (uti infra e Gersonio videbimus) nobis apparere illud objectum Probabile, quum nobis revera constet de Probabilitate, atque de apparentia Veritatis. Nihil tamen secius in objecto potest esse Falsitas; neque enim *Pia credulitas* sive *Persuasio* illa cadit super *Veritate* vel *Falsitate objecti*, sed super *apparentia* vel *probabilitate Veritatis*. Firmam *Persuasionem* Lucenses nutriunt, complurium Seculorum possessione firmatam, sibi esse veram Salvatoris e Cruce pendentis Imaginem, a Nicodemo, ut ajunt, effectam. Messanensibus itidem persuasum est, apud se servari Epistolam a Sanctissima Dei Genitrice conscriptam. Florentini quoque Imaginem ejusdem

O

Dei

Deiparæ ab Angelo, ut putant, depictam præferunt, quemadmodum & alii Imagines a Sancto Luca depictas. Hæc illi Pie credunt. Dicat quæso Parthenotimus, num *Persuasio* ista efficere possit, ut Verum Certumque sit, quod ipsi sibi persuadent. Oppido falleretur, si id affirmaret. *Persuasio* ista nihil aliud demum est, nisi *Opinio*, quæ immunis a formidine Erroris esse non potest, quod est ad Veritatem ac Certitudinem objecti; objectum quippe illud etsi Verum esse possit, potest tamen & esse Falsum. *Probabilitas* facit, ut Prudens ac *Pia* sit de objecto illo *Credulitas*; neque fallitur Persuasio Probabilitatis, dum res revera Probabilis appareat, nec appareat Falsum. At fallax est hujusmodi *Persuasio*, quoties illud, quod tantummodo Probabile ac Verisimile est, ipsa habere velit pro Vero ac Certo. Et sane minime facere ipsa potest, ut Certum Verumque sit illud objectum, ita ut pro tuenda Persuasione seu Opinione illa fas sit jugulum offerre sponte carnifici, quum legibus Prudentiæ ac Religionis parentissime adverteretur, Vitam dare Certissimum ingensque Bonum pro tuenda Opinione, hoc est pro re Incerta; ne dum putas te pro Veritate occumbere, pro Falsitate ac Errore occumbas; quum in manu nostra non sit, neque in viribus Persuasionis nostræ, Veritatem ac Certitudinem conferre rebus, quæ ipsa careant. Equidem novi, fieri posse, ut ex pia affectione Voluntatis, vel a Passione aliqua, uti Amoris proprii, odii adversus alios, cupiditatis gloriæ &c. voluntas ita determinet Intellectum ad aliquas sibi caras Opiniones, ut formidinem Erroris ab eo eliminet. Id etiam Parthenotimus a clientibus suis exigebat, nuper scribens: *qui vovet Virginis Immunitatem, necesse est, ut Persuadeat sibi, quod re ipsa Virgo immunis fuerit a macula*. Sed commodam profecto artem is tradit excusandi & honestandi cujuscumque Erroris, Superstitionis, & Fanaticismi, si Persuasio nostra non a rationibus scientificis nata, sed a Voluntatis affectu in Intellectum ingesta, satis est, ut certissime honestum nobis ac licitum evadat, quod inhonestum atque illicitum esse possit. Inter duas dubias sententias alteri ex iis adhærere possumus, & in praxis necessitate debemus, ne peccemus. Ignorantia quoque Invincibilis vim habet excusandæ Persuasionis nostræ. At in casu nostro hanc Ignorantiam Theologo allegare opprobrium, & sub ea operari crimen foret, quam ignorare is non possit, nec debeat, adversus legem Dei ac Naturæ facere, qui pro Opinione tuenda Vitam suam carnifici offeret; simulque sententiam de Virginis Immunitate intra Opinionum fines adhuc contineri, quum pendente iudicio Apostolicæ Sedis, Certitudo vera & objectiva tribui illi non possit. Deinde exploratum habemus, abhorrere a prudentis Theologi

gi sapientia, immo ab Ecclesiæ doctrina, tantam vim statuere in Persuasionem, quæ improvida ac temeraria esse facile possit, & potissimum ubi agitur de re gravissima, Vita nempe nostra sponte profundenda. Namque Prudentiæ Moralis leges præcipiunt, ut in arduis consiliis, quale certe est Mortis ultro eligendæ, sollicitè caveamus, ne immoderata aliqua affectio succum nobis faciat, & ne corrupta ab affectu Voluntas Intellectum determinet ad persuadendum sibi Verum pro Falso, aut Falsum pro Vero, aut Incertum pro Certo, aut Certum pro Incerto.

Atque ex hæcenus positis habemus, ædificare adhuc in aere Sicut nostrum, quum subdit: *Rursus pie votens certo tenet, quod Virgini perhonorificum sit Immunitas a macula & Immunitatis iuris. Estne hoc Mendacium?* Reponendum est, nullum hæc esse locum *Mendacii*, si is intelligit iudicium falsum cum intentione fallendi proximum. Itaque abjecta *Mendacii* inopportuna voce, dicendum ei erat: *Estne hæc Persuasio Fallax?* Continuo quippe tunc respondebitur: si Persuasio ista respicit dumtaxat *Probabilitatem* ac *Verisimilitudinem*, non fallitur, quum re ipsa Probabile sit, hunc Honorem, siue Honorificentiam minime negatam a Deo fuisse Mariæ. Sin respicit *Certitudinem* hujus sententiæ ac honorificentæ, Fallax est, quum nulla authentica auctoritas, aut ineluctabilis ratio certos nos adhuc fecerit, privilegium hoc fuisse Virgini collatum. Proinde *Honorificentia* ista *Opinativa* tantum est, & sub conditione posita, adeo ut Immunitas Virgini sit honorifica, si Deus revera id fecerit: quod interim nobis innoscere, non e rationculis nostris, sed per vocem dumtaxat infallibilis Ecclesiæ poterit. Nam si oppositum voluisset Deus, idque ab Ecclesia judicante disceremus, desineret esse honorifica Virgini Scotistica Sententia, quum e Falso verus Honor progigni non possit. Tunc autem Intellectus noster sine ullo negotio rationes inveniret, quibus ostenderetur, nihil Honori Virginis detrahi per Thomisticam sententiam, quum Sanctissima Christi Mater hæc prerogativa non indigeat, ut sit honore summo digna, eamque e tot aliis titulis supra reliquos Sanctos honoratam, ac honorandam, vel ab ipso sui exordio universa fateatur Ecclesia. Quamobrem illud certo tenet, quod nuper cecinit nobis Theologus Siculus, imprudens ac temerarium est, si de *Certitudine Objectiva* loquamur; prudens, si de *Probabilitate Opinionis*, ita tamen ut Persuasioni istius Honorificentæ possit quidem subesse Verum, sed negandum non sit, quin possit subesse & Falsum. Contra nos certo tenemus, quacumque ex parte versetur Votum Sanguinarium, siue homo moriatur pro *Veritate*, idest, *Persuasionem Veritatis* Sententiæ Scotisticæ de Conceptione,

ne, five pro Pietate, quæ inest ætui Opinatio (ut Parthenotimus ait) de eadem Conceptione, five pro Sanctitate, Cultu, aut Honore Deiparæ, ipsum mortem subiturum dumtaxat pro Opinione. At hoc ipsum mori pro Opinione, grave foret Imprudentiæ facinus, & Peccatum, ac faciem gereret Superstitionis, ne dicam Fanaticismi, quando Parthenotimus ipse jam falsus est, nescias esse Vitam dare pro Opinione tuenda.

C A P U T X V.

Votum Sanguinarium non ferendum, quia hominum Opinionēs æquat Veritatibus divina Fide credendis. Effugiæ Parthenotimi præoccupata. Idem Votum in Apostolicæ Sedis injuriam conceptum. Scandalo futurum hostibus Ecclesiæ Catholicæ. Neque ejus pondus vauentibus satis perspectum. Præterea illusorium.

Tertio dico: Imprudens, temerarium, ac minime ferendum esse Votum, quod Veritatibus divina Fide credendis hominum Opinionēs æquat. Indicet mihi quisquam, si potis est, quale omnium maximum honoris & amoris pignus habere, & exhibere homo Fidelis possit erga Revelata a Deo, hoc est erga Dogmata Fidei. Nullum profecto majus, quam Vitam nostram, maximum nempe ac pretiosissimum temporalium bonorum, pro eorum tutela dare, idest mori potius, quam ea abnegare. Luculentissimum heic nobis exemplum præbuit ipse Dei Filius; nam super alia divini sui erga nos amoris opera, quis non prædicat mortem, quam ipse pro nobis pati dignatus est? Propterea Apostolus Roman. V. vers. 8. aiebat: *Commendat autem Caritatem suam Deus in nobis, quoniam quum adhuc peccatores essemus, secundum tempus Christus pro nobis mortuus est.* Non dicit, natus est, prædicavit, oravit &c. Inquit, *mortuus est.* Ultra facere non potuit amantissimus Deus. Atque hoc idem testatus est ipse inquit Joh. XV. vers. 13. *Majorem hac dilectionem nemo habet, ut animam suam ponat quis pro amicis suis.* Pariter quoque Petrus amoris sui erga divinum Magistrum ostendendi causa aiebat, Joh. XIII. vers. 37. *Animam meam pro te ponam.* Et cur Martyres tanti Ecclesiæ facit, & reliquis Sanctis præfert? nisi quia sublime Fortitudinis & Caritatis experimentum dedere, mortem tolerando pro Christo, & pro Revelatis ab ipso. Plus homo præstare non potest, quam re-

nun-

nuntiando Viræ suæ, ut acquirat, quod sperat, sed non videt, ut assequatur, quod credit, sed non apparet, uti Apostolus ait, Roman. VIII. & Hæbr. XI. Quum ergo Voto Sanguinario addicti Vitam se daturos voveant pro tuenda sententia sua, quæ tamen ex omnium, immo & ipsorum confessione ad divinam Fidem non pertinet, nec Fidei Dogma appellari sine crimine potest: consequenter *Veritatibus Fidei* humanam *Opinionem* arbitrio suo parem faciunt. Atqui hoc facinus intolerandum est, nempe temeritatis ac superbiæ, quod a peccato excusare non possis; tum quod Ecclesia a tot Seculis neminem novit, aut toleravit, qui simili de causâ Sanguinem suum fuderit, aut fundi licite posse censuerit; tum etiam quod Fidei Dogmata tuentes certi sumus, nos pro Veritate, sive pro certe Revelatis a Deo occumbere; occumbentes vero pro Opinionibus fieri posse, ut pro Errore ac Falsitate animam ponant. Neque censuram hanc, quam Lamindus antea indicarat, a clientibus suis Parthenotimus in posterum depellet, quando Veritatis vis hanc ab eo confessionem expresse pag. 59. ubi ait: *Certe facinus est Opiniones æquare Veritatibus Fidei*. Quum ergo ipse pag. 19. agnoverit, Scitificam de Conceptione sententiam *nondum esse de Fide*, & pag. 21. *non oriri ex Dei Revelatione, quæ sit ab Ecclesia Fidelibus propostâ*; neque ausus usquam fuerit illam referre inter Fidei Dogmata: petendum nunc est ab eo, cur *facinus* intolerandum clientibus suis suadere dicendus non sit, quando eos ad tolerandam mortem hortatur pro tuenda sententia, quæ nihil aliud est nisi *Opinio*? Nonne hoc est modo omnium efficacissimo proderet, apud te pari in æstimatione esse Veritates a Deo certissime revelatas, ac Opiniones hominum profecto non certas? Vide Castrensis, & Vasquii doctrinam, quam attuli supra.

Quid respondeat Parthenotimus pag. 59. accipe: *At vovens, non pro Opinione, sed pro Deiparæ cultu moretur. Affirmare autem, quod mori ob exercitium Virtutum æquetur Morti pro Fide consistenda, nullum est facinus, nec res moderationis indiga*. Hoc idem ante proposuerat pag. 19. scribens: *Non Martyr esses pie vovens, quia asferisur Immaculatæ Beatæ Virginis Conceptioni, nec pro ejus divinitatæ Certitudine, quæ nondum est de Fide* (& adhuc in Opinione consistit) *mortem oppeteret; sed pro defensione Sanctitatis Mariæ, quæ Virtutem Religionis sapit. Et hæc illa Veritas, pro qua moretur*. Addit infra: *Virtutis opus est, Virginem ut a labe immunem venerari. Virtutis opus est, vovere actum Virtutis, & Votum servare*. Piget metotics cogi eandem recoquere crambem, hoc est eandem dissipare æquocationem, sub diversis nominibus a Parthenotimo propositam. Sed minus

mus peritis, ut a fallacia tam periculosa doctrinae sibi caveant, est succurrendum. Primo Lectores animadvertant, ac fortiter teneant: velim, fateri rursus Theologum nostrum, temeritatis & peccati expertem non futurum, qui *pro Opinione* mori eligeret. Quare is probe sentiens, sententiam Scotisticam post plura Secula nondum & finibus *Opinionum* migrasse in sacrarium Fidei aut Scientiae, ad aliam anchoram confugit. Nempe excogitavit, Voto Sanguinario se se obligantes debere proferari, se morituros non pro sententiae istius Veritate, quae adhuc latet in tenebris Opinionis, sed *pro Deiparae cultu, Sanctitate, honore: quod opus Virginitatis est, & exercitium Virtutis, & Virtutem Religionis sive Pietatis sapit*. Speciosum sane effugium, ac pulchra primo aspectu doctrina, qua irretiri possint rudes; ut in mortem ruant *alacriter* pro tuenda Immunitate Mariæ. Verum ubi in viscera doctrinae hujusmodi penetremus, nihil nisi inane ac temerarium occurret. Secundo intelligimus, consequi ex ista doctrina, nullam dari *Opinionem*, dummodo *Pia* sit, pro qua tuenda non liceat secundum Parthenotimi placita mortem oppetere: quod tamen facere inter detestabilia *facinora* nuper ab ipso Theologo vidimus recensitum. Quislibet enim semper illius orationem repetet: *Non morior pro Opinione, sed pro cultu & honore hujus Sancti: pro Pietate, quae inest actui Opinativo; & ut faciam opus Virtutis, opus Religionis, atque Pietatis*. Hoc unum, etiamsi ultra non procedamus, sufficit, ut sentiaturn absurdum, ac imprudentia Parthenotimane doctrinae. Nullum enim amplius discrimen erit inter Dogmata Fidei certissima, & fallaces hominum Opiniones, quando æque pro utrisque Vitam dare *Virtutis opus est, Religionis, atque Pietatis*. Deinde nulla vel levis *Opinio* erit, pro qua, dum *Pia* videatur, honestum non sit ac laudabile Sanguinem profundere; immo & pro deliriis Pietatis idem prestare, commendatione non cariturum censebitur, modo sibi homo *persuadeat* (quod Parthenotimus supra docuit faciendum) se tueri certam sententiam. Miseram, exclamare egor, Ecclesiae ac Reipublicae conditionem, si tam periculosa ac improvida doctrinae locus umquam relinqueretur. Sed intimum ejusdem doctrinae vitium, non semel detectum, repetamus. *Veritas* illa una est, quæ rerum & actionum pretium intrinsicum constituit; idque potissimum in Religionis ac Pietatis oeconomia animadvertendum. Si *Certa* est *Veritas* in aliqua propositione, aut opere, spectante ad Cultum Dei, & Sanctorum, *Certum* quoque est prædictum *Pietatis*, quod illi tribuitur; & tunc *Virtutis Certa*, sive *Religionis*, aut *Pietatis Certa* opus illud dicendum est. Sin autem *Veritas Certa* objecti lateat, & de ea tantummodo *Probabilitas* habeatur, sive *apparentia Veritatis*: tunc

tunc *Probabile* dumtaxat est prædicatum *Pietatis*; & opus illud dicendum est *opus Virtutis*, seu *Religionis*, ac *Pietatis Probabilis*, non vero *Certa*; neque enim ex arbitrio nostro Intellectus potest aut debet objecto conferre, quod ab eo abest, aut plus ei tribuere, quam in eo sit. Dupliciter ergo habere possumus motiva credendi, aliquid spectare ad cultum Numinis, ejusve servorum, aut agendi aliquid, quod Deo gratum nobis videatur. Si *Probabilia* tantum sunt motiva, *Probabile* etiam est, sed non *Certum*, spectare propositionem aut actionem illam ad cultum Dei. Si *Certa* (ut in Dogmatis divina Fide credendis) tunc *Certum* quoque est, nos credere *Verum* & non *Falsum*; nos agere opus Virtutis *Certæ*, sive Religionis atque Pietatis, de quo nil dubitationis reliquum sit. Ita possumus habere sufficientia motiva ad suspicandum aliquid de proximo nostro; & quantum est ad suspicandum, tunc non fallimur. Falleremur quidem, & judicium nostrum temerarium foret, si quæ sunt motiva Probabilia atque apta ad fundandam justam Suspicionem (hæc autem idem ferme est atque *Opinio*) nos adhiberemus ad credendum *Certum* id, quod tantummodo Probabile est. Quum ergo a Scotistica de Conceptione sententia, pendente judicio Ecclesiæ, non possit excludi formido Erroris, necesse propterea est, ut sit adhuc *Opinio*, non *Certa Veritate* nixa, sed *Probabilitate* tantum, ac *apparentia Veritatis*. Rursus necesse est, ut *Probabilis* ac *Opinativus* tantummodo sit, & non *Certus*, *Cultus* & *Honor Deiparæ*, a Veritate sententiæ ipsius pendens; neque enim certi nos sumus, quin Deus aliter fecerit, ac nos arbitremur, Scoti sententiam sequendo; & quin aliquando sentiendum sit cum Thomistis, si Ecclesia pro illis judicaret. Hoc posito, tueatur Fidelis quilibet quantum vult verbis & rationibus Piam hanc Opinionem. Recte agit, uti recte agitur in tot aliis Opinionibus, sive Probabilibus sententiis, quas in Schola Theologi tuerunt. At quando pro hac Opinione propugnanda Theologus noster vult etiam Vitam impendere: non opus Pium facit, sed Peccatum; non actum Virtutis exercet, sed Temeritatis. Nam quod est tantum Probabile, atque is scire debet ac potest, non esse immune a formidine & periculo Erroris, ipse ignorantia vincibili, aut intoleranda pervicacia *Certum* vult esse. Deinde pro Opinione Virtutis, Pietatis, Cultus, Honoris, aut Sanctitatis Marianæ occumbere vult; quum tamen ipsemet agnoverit, nefas esse pro Opinione Mori. Tertio fatetur, ille detestabile Facinus esse Opiniones æquare Veritatibus Fidei: atque ipse ignorare non potest, nec debet, quantum intersit inter Honorem Opinativum Virginis, manantem e Scotistica de Conceptione sententia.

tentia, atque Honorem Certissimum Virgini debitum e Maternitate Dei, Virginitate perpetua, aliisque prærogativis divina Fide de ipsa credendis; & nihilominus pro Houore illo Opinativo mori non secus paratus est, ac sit pro Honore Certissimo secundum Dogmata Fidei Deiparæ debito. Nonne ergo dammandum se præbet Theologus noster ea de causa, quod Opinionem æquet Veritatibus Fidei, atque (ut alibi ostendimus) Certissimum Vitæ Bonum pro Incerto commutari licite posse nos doceat? . . .

Quarto dico: *Imprudens, temerarium, atque intolerandum esse Votum, quod in injuriam cedis Apostolicæ Sedis: immo & universæ Ecclesiæ.* Justis rationibus mota Romana Ecclesia, & Concilii Tridentini Patres, inter duas de Conceptione Virginis oppositas sententias, sive Opiniones, judicium suum adhuc continuere; ita vero unam commendarunt, eique fauerunt Romani Pontifices, ut alterius tamen jura non læserint. Hoc etiam variis Decretis edixerunt, ab universa Catholicorum Republica præstandum. Quid autem aliud est Parthenotimi, illorumque, qui incaute Parthenotimo fidem habent, consilium, nisi persuadere velle Christiano Orbi, jam sententiam suam in Dogma Catholicæ Fidei evasisse, quando pro illa Vitam suam vovent, non secus atque pro doctrina Fidei agendum Christus præscripsit? Quid nisi jura Ecclesiæ usurpare, temereque edicere velle, repugnante nihilominus Ecclesia, non amplius dubitandum esse de Veritate ejusmodi sententiæ, quam tamen Summi Pontifices, toties in illam intenti, dubiam hæcenus incertamque relinquere, solidisque rationibus ducti decernendam minime censuerunt? Certe nemo non agnoscat in hisce tanti momenti conatibus temeritatem atque superbiam; & in contumeliam Sanctæ Sedis recidere ista privatorum hominum consilia. Nam posteaquam viderunt hujus sententiæ patroni, & Principes, & Academias a se commotas frustra egisse apud prudentiam & constantiam Apostolicæ Sedis, ut inter Fidei articulos referretur Opinio de Immaculata Conceptione: aliam ipsi iniere viam, qua nimium credulis persuaderetur, jam tandem ita exploratam stabilemque esse ejusmodi sententiam, vel sine Romanæ Ecclesiæ sententia, ut eam Sanguine tueri non tantum liceat, sed & Martyrii genus Deo gratissimum futurum sit. Arbitrati quoque sunt, se hac ratione prorsus depressuros apud vulgus Opinionem advesariorum, quam tamen uti Erroris ac Impietatis expertem hæcenus agnovit, atque agnosendam decrevit Apostolica Sedes. Quæso interim, si aliquando Romana Ecclesia Fidei Dogmatis adjungeret Scotiscam sententiam, quid ultra, quid

quid majus faciendum Parthenotimo restaret ad testandum, se divina Fide credere sententiam eandem, postquam præoccupato judicio Ecclesie Sanguinem pro ipsa tuenda nunc vovet? Atque hætenus profecto universa Catholicorum Respublica sensit, quantum Cathedra Petri zelo & cura honoris Deiparæ serveat, & simul quantum Doctrina & Prudentia excellat. Sed ecce homines, qui se plus scire ac sapere, quam Romana Ecclesia opinantur; quique uberiori zelo se incendi, quam Successores Petri & Concilia ipsa, hujus Opinionis probe conscia, persuadere se posse Populo arbitrantur. Hæc quis ferat? Hercle si in vivis ageret Clarevallensis Abbas Sanctus Bernardus, tonaret isto novitio facinore percussus. Norunt Eruditi, quantopere is indignatus fuerit adversus Lugdunensium Canonicorum novitatem, qui Anno 1140. Festum Conceptionis Mariæ primi in Gallia instituerunt, inconsulta Apostolica Sede. *Nam si sic videbatur* (ait Epistola CLXXIV.) *consulenda erat prius Apostolicæ Sedis auctoritas, & non ita præcipitanter atque inconsulte paucorum sequenda simplicitas imperitorum.* Quid ergo nunc diceret Sanctus Abbas, audiens eo usque processisse nonnullorum licentiam, ut Romana Ecclesia minime consultata, immo noscentes ipsam in hujusmodi controversia non ita inclinare in unam sententiam, quin possit aliquando judicare pro opposita; præterea fatentes, nullam ferme esse Academiam, quæ hac in re non sequatur Romanæ Ecclesie prudentem circumspectionem, dum tutelam quidem vovent Scotiasticæ sententiæ, sed *juxta Summorum Pontificum Decreta jam edita, aut deinceps edenda*: isti, inquam, nihilo secius uti rem Certam, atque omni dubitatione carentem, eandem Scoti sententiam venditent; & quod pejus est, de Vita hominum decernant in ejus tutelam impendenda, dicentes: *Persuadete vobis, quod re ipsa Virgo immunis fuerit a macula,* ac deinde intrepidi pro ista persuasione morti occurrите, & nos *Martyrum* coronam vobis pollicemur in cælis? De vitis hominum prodigendis nunc agitur, re utique pretii ingentis, & de honore *Martyrii* conferendo sectatoribus hujus inconsulti consilii, ac proinde de Sanctis antiquitati universæ ignotis in Cælum inferendis. Si pro Thomistica Opinione post paucos dies Romana judicaret Ecclesia (quod ne Parthenotimus quidem negat, quin contingere possit) nihil deperiret conscientiz, aut existimationi hominum, qui hætenus voce & calamo Scotisticam tutati sunt Opinione, quum tamdiu se illam, uti opposita Probabiliorem, se tutari profiteantur, quamdiu quæstionem dirimat Romanus Pontifex, idque faciunt

probante ipsa Apostolica Sede. At nequaquam desineremus infimulare temeritatis, qui eidem Scoti sententiæ adhærentes, suatantum Prudentia innixi, ac pertinaci superbia usurpantes jura Ecclesiæ, Certum sibi finxere, quod Sancta Sedes Incertum adhuc habet, Vitamque suo arbitrio non amplius recipiendam profudere pro Errore. Neque eorum Imprudentiam excusaret Ignorantia invincibilis, quando facile possent ac deberent scire, hæcenus Ecclesiam abstulisse a credenda hujusmodi Certitudine, ita ut plus ipsi sapere voverint, quam oporteret sapere.

Quinto dico : *Imprudens, temerarium, ac damnandum esse Votum, quod Doctrinam ac Prudentiam Catholicæ Ecclesiæ irridendam hostibus nostris præbere possit.* Fingamus nobis Tyrannum, demeritiæ ac impietatis facibus succensum, qui tormenta ac mortem minetur assertoribus Immaculatæ Conceptionis, multosque e Voventibus ea de causa in tormenta & mortem rapiat : quodnam quæso foret judicium Heterodoxorum de Ecclesia Catholica, si diram hanc ipsa toleraret carnificinam ? Præstare ego non possum, quin inter Fanaticos recenserent hoc hominum genus, qui nulla commoti Evidentia rei, nulla infallibili Auctoritate fulti, suæque tantum privata Persuasionem abrepti, jugulum ultro carnifici traderent. Et quid, ni miserabile istud macellum intuentes, aut audientes, cum Lucretio ingeminent

Tantum Religio potuit suadere malorum?

Ad hæc dignitati ac prudentiæ Apostolicæ Sedis ; atque Ecclesiæ Catholicæ acerrime in posterum insultarent, quando, connivente saltē ipsa, apud nos inspicerent, eadem firmitate credi, eadem constantia propugnari, tam quod Certo Revelatum a Deo credimus, quam quod Incertum adhuc est, an fuerit Revelatum ; tam quæ Ecclesia infallibilis credenda nobis absque Erroris metu proponit, quam quæ adhuc formidinem Erroris includunt, immo uti dubia atque Incerta ab Ecclesia ipsa proponuntur. Adderent, ruere jam apud nos principia solidissima, quibus hæcenus contra illos fuimus uli : hoc est Auctoritatem Ecclesiæ eam demum esse, quæ certos nos facit de Veritate credendorum, sive de Revelatione divina. Si enim satis est *Persuasio*, quam quisque privatus habere potest, & Parthenotimus sufficientem deprædicat, ut Certum aliquid sit nobis in rebus a Revelatione Dei pendentibus, atque ut legitime ac honeste Sanguis pro Sententia Scotistica fundatur : ipsi etiam Sectarii *Persuasionem* ista tutos in sua doctrina credere se deinceps poterunt, ac nobis irridebunt tanta de necessitate Auctoritatis Ecclesiæ adversus eosdem proferentibus. Tum pergerent insultare nobis, & content-

tendere, negari amplius non posse (quod hætenus quisque Catholicus, atque ipse Parthenotimus negavit) quin ad *Fidem divinam* spectet sententia Scotistica, quando vidente ac tacente Ecclesia, pro ea non secus ac pro Dogmatis Fidei Sanguis effunditur. Quod si Parthenotimus quisquam reponeret, non fundi Sanguinem pro *Veritate* istius sententiæ, quæ nondum Certa de Fide est, sed quidem pro *Pietate*, quæ Certo inest *Alui Opinatio de Immaculata Conceptione*, sive pro *Cultu*, pro *Honore*, pro *Sanctitate Virginis*: acrius illi instarent, petentes, sitne de Fide Certitudo istius Pietatis, Cultus, Honoris &c. an non. Affirmante Parthenotimo, pertinere hæc ad Fidem, ergo, inquit, Catholicis omnibus toleranda mors erit pro Immunitatis Marianæ sententia: quod tamen nemo nisi desipiens e Catholicis dixit, aut dicere potest. Addent, monstrum plane esse, Certum appellari *Cultum* & *Honorem Virginis* in Scotistica sententia, quando *Veritatem* ipsius sententiæ adhuc fateamur Probabilem quidem, sed minime Certam, ita ut formidinem Erroris neitquam excludat, quum Certitudo Cultus, Honoris, Pietatis, Sanctitatis fluere tantummodo possit e Certitudine Veritatis, quæ eidem sententiæ insit. Finge nunc, Parthenotimum fateri, non spectare ad Fidei Dogmata Pietatem istam, Cultum &c. Urgebunt vehementius imprudentiam, temeritatem, Fanaticismum morientium pro sententia, quæ nihil aliud demum sit nisi *Opinio*; & a qua cerebellum nostrum jure excludere nequit metum Erroris, quando Parthenotimus ipse negare non potuit, quin judicante Ecclesia Veritas deprehendi possit aliquando in *sententia Pie opposita*. Reponente autem Parthenotimo, dari aliam Certitudinem, quæ ut is ait pag. 24. non a *Revelatione Dei clare sibi nota*, sed ex *consensu Theologorum, Academicarum, ex universalibus Patrum locutionibus* oriatur, Parthenotimum nullo negotio obruent, contendendo, non sufficere hæc ad invehendam Certitudinem, pro qua Certum Vitæ bonum commutare liceat, quum sigillo Veritatis, quod Ecclesia una apponere potest, careat ejusmodi Certitudo; immo quum Ecclesia quæstionis probe conscia uti Incertam illius Veritatem hucusque agnoverit. Adjicient, falso venditari *consensum hunc Theologorum, & Academicarum*; nam Theologi & Academicæ *Piam* quidem, hoc est *Probabilem*, agnoscunt sententiam Scotisticam, nequaquam vero *Certam*; immo illam ita tueantur, ut paratos se fateantur ad concedendum in oppositam, si quando Sedes Petri Veritatem in Thomistica potius, quam in Scotistica sententia detegeret. Insuper falso jactari ejusmodi *consensum* contenderent, prolatis veterum Theologorum placitis, apud quos *Communis* fuit

Thomistica sententia. Denique objicerent nobis non jam paucos; ut Parthenotimus dicitur, sed plerosque ex antiquis Patribus, qui *unum Jesum Christum* a culpa primiparentis immunem fuisse concordia voce tradiderunt; unus quippe sine Concupiscentia, & non virili a semine, sed opere Spiritus Sancti, procreatus in utero Virginis fuit. Hæc, ut puto, adversus nos Heterodoxi aliquando jaculari possent, nisi mature obviam iretur perversis consecrariis, quæ & pervicaci tutela Voti Sanguinarij effluere possent. Utrum mihi, an Parthenotimo, hæc Veritas & Ratio militent, Ecclesiæ, aut saltem Prudentiorum judicium decernet.

Sexto dico: *Imprudenter ac temere Votum Sanguinarium concipi, quum grave illius pondus minime a votentibus satis perpendatur.* Peto enim ego, num qui se se novitio hoc Voto obstringunt, serio prius animadverterint, quid polliceantur, quidve sperent. Non enim agitur de ictu tantum securis, celerique morte; sed etiam de tormentis quibuslibet perferendis, qualia fortissimi Athletæ nominis Christiani olim sustinere. Profecto non consuevere Tyranni sibi contradicentium Vitas ictu uno amputare. Immo exquisitis tormentorum generibus student, ut in suam sententiam reluctantes trahant, antequam in illorum caput postremo supplicio animadvertant. Horremus nos, quamquam a barbaris iis spectaculis remotissimi, lanienam Martyrum legentes, & numquam lassas in iis excrucians & dilaniands satellitum manus. Et hæc tamen e tutissimo loco mente dumtaxat metimur. Aut ergo Votum tolerandæ mortis tam facile zelatores nostri concipiunt, quia ignorant, quam duro, tremendoque discrimini se se offerant; aut si omnia probe tenent, ideo tam placido, serenoque vultu vovent, quia sibi pollicentur, numquam promissi implendi occasionem esse adfuturam, dum inter Catholicos pacatissime vivunt, & Barbarorum persequutio hanc ob rem numquam pertimescenda videtur: quod sane Thraconum potius piorum est, quam sortium Christianæ Religionis pugilum. Ut ut tamen sit, si serio agunt, rursus peto ego, qua spe agantur, tormenta acerbissima devorandi, & mortem denique fortissime tolerandi? Ad ineundum Martyrium pro Catholica Fide, nemo negat, Sancto Augustino variis in locis id tradente, quin speciali Gratia & auxilio Dei sit opus. Et istud sane divinus Magister spondit cuicumque non temere ad testandam Veritatem cælestis suæ doctrinæ pergenti. At quibus, quæso, tabulis Parthenotimus singulare istud auxilium clientibus suis spondeat? Nimirum absque ullo divinarum Litterarum aut Ecclesiæ suffragio, immo saltem tacite contradicente Ecclesia, Sanguinarium Votum pro Conceptione Virginis proçusam fuit; illudque suo tantum fidentes ingenio non-

nonnulli efformant, aut deprædicant, & quidem pro Opinione tuenda, quæ dubitationem omnem Erroris minime excludit. Atqui non ab hominum ingenio ac arbitrio, sed a promissionibus Christi, sperandum expectandumque est peculiare divinæ gratiæ auxilium; neque Temeritas absit ab exponente se se immanibus tormentis, nisi cum Ecclesia certum faciat, illius lateri adfuturum, quin veris Martyribus certare ac vincere consuevit & potest. Quare ad *Tentationem Dei* referri potest hujusmodi audax consilium, quum nulla necessitas nobis adsit, a lege Dei aut Ecclesiæ imposita, fundendi Sanguinis pro tuenda Scotistica sententia, neque utilitas in Ecclesiam manare possit e Sanguine pro illa fuso; non enim propterea evasura Vera ac Certa eadem Sententia. Quod si *Martyrio se se offerre temere*, & *absque juxta causâ*, vel quum agitur de Veritatibus Fidei propugnandis, *Tentatio Dei* est uti Th. Sanchez ostendit in Decalog. Lib. 2. Cap. 34. quanto minus mortem eligere licebit pro sententia seu Opinione dumtaxat Pia, quæ certe exclusa est e catalogo Veritatum Fidei? Origenis verba audiamus Tom. 31. in Johannem: *Honestum quidem est, ait, si incideris certamen pro confutendo Jesum, confessionem non differre, neque tardare mortem pro Veritate appetere. At non minus quam hoc honestum est, tali tantæque tentationi Occasionem non dare, sed omnimodo vitare eam: non solum quia tantæ rei exitus incertus sit nobis, verum etiam ne nos occasio simus, ut magis Peccatores, magisque Impii evadant illi, qui nondum Sanguinem nostrum re ipsa effudisse rei sunt facti; si quæ in nobis sunt facientes, declinaverimus eos, qui insidias nobis vel ad mortem usque moliantur; sed puniendi alioquin majori graviorique pœna nostri causâ, si nostri amantes, rebus illorum posthabitis, exposuerimus nos ipsos interficiendos, nulla nos necessitate urgente. Paria habet Clemens Alexandrinus, Gregorius Nyssenus, Petrus Alexandrinus, Gregorius Nazianzenus, ac alii Patres. Si illi improbat, qui nulla necessitate urgente ad tormenta & mortem curebant pro Fide, Deum quippe quodammodo tentabant, causamque præbebant impiis, ut peccata peccatis adderent: num probandi, qui mortis subeundæ necessitatem, quam nemini Ecclesia imponit pro tuenda Scotistica sententia, ipsi arbitrio suo sibi faciunt ac imponunt? Neque Cultum ac Honorem Deiparæ obtendere juvabit. Non nostrum est, sed Ecclesiæ, præscribere rationem veram colendæ ac honorandæ Virginis. Laudat Ecclesia tuentes voce & scriptis Immaculatam Conceptionem; at numquam laudavit aut probavit, Sanguinem etiam dare pro illius sententiæ tutela, quia numquam probavit mortem appetere pro Opinionibus, licet Piis, qualis adhuc est in Ecclesia Dei Scotistica sententia.*

Se-

Septimo dico : *Minime ferendum Votum Sanguinarium*, quia *Votum tantummodo officiosum est, ac potius irrisorium*. Tormentorum ac necis crudelissimæ terrores nuper ego ingerebam paucis Siculis : Vitam suam sacrantibus tutelæ Immunitatis Marianæ : Verum ex altera parte insurgit Parthenotimus, animosque addit clientibus suis, ut Votum intrepide concipiant, ac nullo eculeorum & patibulorum metu se concuti patiantur. Scribit enim pag. 100. *Theologos ut vitæ prodigos, moderari prius cogitet Laminus, quam moderetur, tamquam vitæ projectionem, Pium Votum, ac Juramentum. Quippe plures in carcere, quàm Jurans repetere debet, sunt enecti; nec Unus Conceptionis defensor Vitam amisit; imo nec periculum subiit illam amittendi*. Hæc rogo perpendant, & mihi explicent sapientes. Ad me quod attinet, hic eorum sensus mihi videtur. Bono animo esto, Siculi mei, qui me Magistro utimini; atque hilares vovete Votum cruentum de tuenda Scotislica sententia : nil funesti inde vobis continget. Pacificos dies usque ad senectam ducetis; neque vel unus capillus ob Votum istud e capite vestro peribit. Aliorum exemplum respicite, qui par Votum antea conceperunt : nec unus Vitam amisit, immo ne periculum quidem subiit illam amittendi. Si hæc non immerito tribuenda sunt Theologo nostro, jam habet Lector, quid demum sentiendum sit de Voto Sanguinario. Nimirum illud esse Votum irrisorium; ac suaderi hominibus, ut ipsum emittant, sed simul adjecta, ut ita dicam, cautione, ne guttam quidem sanguinis umquam ipsos ea de causa esse profusuros. Ubi nam ergo *Votum illud magnanimum*, quod Parthenotimus tantopere in Præfatione extollebat, quando insinuat, nullum, ne leve quidem, periculum subesse incommodi, nedum mortis, illud voventibus? Atque ecce, quod desinat mori *pro Pietate, pro Cultu, pro Honore Virginis*. Immo, tacite ait Parthenotimus, nullus vestrum morietur, semperque aberit Vitæ discrimen. ab hujusmodi Voto, quod non concipitur in eum finem, ut Sanguis reapse sit fundendus, sed ut sensim Populo persuadeatur, sententiam, quam nos deprædicamus, evasisse tam Certam, uti sunt Articuli Fidei; atque ut volentem, nolentemque Ecclesiam cogamus ad hanc Opinionem Articulum Fidei decernendam. Quod si Tyrannus (nondum natus, & numquam fortasse nasciturus) aliquando mortem, horrendamve membrorum lacerationem minaretur, tunc Vitæ nostræ consulamus aut commutatione Voti, aut alia quapiam commoda ratione, quæ non deerit. An Parthenotimi mentem assequutus ego heic fuerim, prudentum erit judicare. Ubi vero ita se res habeat, nemo neget, quin conspectum etiam ex hac facie Votum Sanguinarium, mini-

me

me ferendum appareat, quum ludibrium sit Pietatis, & sub speciosa magnanimitatis larva alio collineet.

C A P U T X V I.

Martyrii Spes Voti Sanguinarii amatoribus perperam facta. Sancti Thomæ, & Cardinalis Capisucci in banc rem doctrina. Pro Veritate sententiæ Scotificæ revera Voventes se Vitam daturos pollicentur. An Theophili Raynaudi sententia de Vita danda pro eadem sententiâ improbatâ Romæ fuerit.

Octavo denique loco dicendum est : *Intolerandum esse Votum Sanguinarium, quod suis patronis nomen Martyris, & coronam Martyrii polliceatur.* Longe antequam Alexander VII. postremam Bullam de Controversia Conceptionis promulgavit, hoc est inunte jam Seculo XVII. audiri cœpta est in Hispania Opinio nonnullorum, affirmantium, tolerare mortem ad testificandam gratiam originalem Virginis, fore *verum Martyrium*. Scilicet Anno 1615. quum confictæ Laminæ Granatenses, Pseudo-Dextri Chronicon, aliaque piorum Impostorum monumenta, veluti ancilia e Cœlo dimissa, omnem dubitationem de Veritate Immaculatæ Conceptionis & piissimæ gentis Hispanicæ cordibus amovisset, religioso æstu excitati nonnulli, fractis frænis quibusque, nihil non sunt ausi. Atque illi quidem imperterrito animo deprædicare cœperunt veluti Dogma Fidei sententiam Scotificam : quo posito consequens erat, gloriosum *Martyris* nomen iis esse deferendum, qui pro ipsa tuenda in certamine animam suam exponerent. Tunc ergo Thesis erupit, *Martyrii* laudem pollicita morientibus pro ejusmodi cœussa; atque hæc illæsa dicitur evasisse e supremi Tribunalis Inquisitionis Hispanicæ examine. Eam proinde, flantibus tam propitiis ventis, tutati sunt *Alvarus de Palacios* in Disc. pro Immac. Concept. *Ægidius de Præsentatione* in Lib. de Præservat. Virginis, *Jacobus Granada* in Lib. de Conceptione, & *Christophorus de Vega* in Theolog. Mariana, *Saavedram* quoque supra vidimus pro eadem Martyrii sponcione pugnantem. Immo idem Granada refert (credat qui velit) in eam opinionem inclinasse eximium Theologum *Franciscum Suarez*, cujus Epistolam laudat. Hisce Parthenotimus addit *Ludovicum Turrianum*, *Thomam Frances de Urroigoiti*, & *Franciscum Cassillo*

Jullo Velasco; addendus & ipse tandem aciei tantorum commilitonum. Quamvis enim Theologus noster, incertus quem eventum habitura sit pugna, præfracte non deferat nomen & aureolam Martyrii pro causa ista occumbentibus: satis tamen significat, sibi eamdem opinionem probâri, immo & ipsam clientibus suis artificiose insinuat. Hac præcipue de causa Laminus Sanguinario Voto obfistendum credidit, quod audisset hominem Populo suadentem mori, si occasio ferret, pro tuenda Virginis Conceptione sine macula; gloriosam enim hanc mortem sublequeretur præmium ac nomen illustre *Martyris*. Quid porro Siculus Theologus in hanc rem habeat iterum audi: *Virtutis opus est*, ait pag. 19. *Virginem us a labe Immunem venerari, quia Pium est, ipso fatente Pritanio. Virtutis opus est, vovete actum Virtutis, & Votum servare: Vovete & Reddite. Quid ergo impedimento esse potest, ut pro his Virtutis actibus mortem quis subeat, & Martyr nuncupetur?* Pag. 59. addit: *Vovens non pro Opinione* (scilicet Scotistica de Conceptione Virginis) *sed pro Deiparæ Cultu moreretur. Affirmare autem quod Mori ob exercitium Virtutum æquetur morti pro Fide confitenda, nullum est facinus, nec res est moderationis indiga.* Tum pag. 74. ostendere conatur, non esse hoc *Martyrii novum genus*, quo nomine Laminus illud confixerat, nam Sancto Thoma docente, *Omnium Virtutum opera, secundum quod referuntur in Deum, sunt quedam protestationes Fidei.* Parthenotimus autem in ea sententia est, mortem oppetere pro Immunitate Virginis esse *Opus Virtutis*. Quamobrem animadvertat Lector, non solum contendì a Theologo Siculo, *Honestum esse ac laudabile pro Scotistica sententia mori*, sed etiam *veri Martyrii gloriam deberi morientibus*. Quæ Opinio quum gravissima res certe sit, omnium prudentum Catholicorum examen exigit.

Ad me quod attinet infimum omnium, censeo, numquam in Ecclesia Dei tolerandam ejusmodi sententiam, eamque sollicite eradicandam, ne sub Martyrii spe incauti Fideles, ubi neque opus est, neque licet, in mortem ruant. Et profecto si quæ hæcenus differui, solido fundamento nituntur, jam supervacaneum sit alia ad hanc molem deijciendam referre. Si enim honestum minime est, immo Peccatum est, pro tuendis Opinionibus Vitæ jacturam pati; & sententia Scotistica inter Opiniones hæcenus numeranda venit: reliquum est, eo minus *Martyrii* palmam ac nomen tribuendum certantibus usque ad mortem pro eadem Sententia. Vera autem narrat Parthenotimus post alios Theologos, quum sit, pro causa etiam *Virtutis* posse verum consummari Martyrium, quia & *Virtutum opera sunt quedam protestationes Fidei*,

Fidei, quæ in iis peragendis elucet. Sed ejusmodi doctrinam is numquam aptet morienti pro Immunitate Beatissimæ Virginis. Nam ut idem Angelicus Doctor tradit 2. 2. Quæst. 124. Artic. V. *Omnium Virtutum opera, secundum quod referuntur ad Deum, sunt quedam protestationes Fidei, per quam nobis innotescit, quod Deus hujusmodi opera a nobis requirit, & nos pro eis remunerat. Et secundum hoc possumus esse Martyrii causa: unde & Beati Joannis Baptiste Martyrium in Ecclesia celebratur, qui non pro neganda Fide, sed pro reprehensione adulterii mortem sustinuit.* Integra Aquinatis sententia proferenda Parthenotimo erat, & tunc perspexisset, quam male regula ab eo adhibita a casu nostro aberraret. Inquit Sanctus Doctor, e Fidei doctrina debere prius innotescere morituro pro opere Virtutis, *Deum hujusmodi opera a nobis requirere, & velle pro eis nos remunerari.* At quandonam doctrina Fidei fuit, exigere Deum, aut Ecclesiam, ut pro tutela Scotificæ sententiæ mortem subeamus? Et quænam hætenus auctoritas infallibilis certos nos fecit, Deum remuneraturum esse morientes pro hujusmodi causa? Immo exigit Deus & Ecclesia, & ne temere ac imprudenter prodigamus Vitam nostram, & ne pro tuendis Opinionibus, quantumlibet Piis, eam impendamus, quales adhuc esse sententias Scotificam & Thomisticam de Conceptione Maris quilibet sapientum judicat & docet. Neque sufficit *Persuasio* nostra, quæ in rebus Evidentia carentibus fallax ex natura sua est, & nisi ab infallibili auctoritate Certitudinem Veritatis in iis, quæ a Revelatione pendent, assequatur, tam pro Vero, quam pro Falso, determinare se potest. Utramque istam rationem scite expressit Raymundus Capisuccus Ord. Prædicat. Sacri Palatii Magister, postea S. R. E. Cardinalis, Controves. XXVII. de Martyrio §. 16. *Cujuscumque, ait, Virtutis opus, prout refertur in Deum, esse potest materia Martyrii. Cum autem dicimus, prout refertur in Deum, hoc ita intelligendum est, ut opus Virtutis referendum sit in Deum, & ex intentione ipsius Martyris patientis, & ratione ipsius operis, quod ex se ipso Deum respiciat. Ita ut ad Martyrii rationem inducendam non sufficiat, quod aliquis mortem patiat pro Virtutis opere, quod solum ex intentione patientis referatur in Deum; sed necesse est, quod opus illud etiam ex propria ratione Deum respiciat, ut finem supernaturalem, & ad Deum ex propria ratione relationem habeat; ita ut passio re ipsa, & ex propria ratione, quia est passio pro VIRTUTE PER FIDEM COGNITA tendat etiam ex se ipsa in Christum, & in Dei gloriam cedat &c. Nec Martyr esset, qui occideretur PRO DEFENSIONE OPINI-*

Q

ONIS,

ONIS, quam Falso credit esse de Fide; nam revera Divinæ Fidei testis non esset, quia res ipsa quod ipse credit, ad Fidem non pervineret, nec ejus passio in Fidei manifestationem cederet. Non dissimilia tradit Lessius Lib. III. Cap. I. Dubit. 3. Quare videas, necessarium esse ad Martyrium, ut opus, pro quo danda est Vita, sit opus Virtutis, cujus veritas ac pretium per Fidem sit nobis certa. Neque sufficit generalis Virtutis illius cognitio per Fidem; sed oportet, ut opus illud singulare ex propria ratione spectet ad Fidem, ac referatur ad Deum. Neque sufficit Intentio, Persuasio, & Affectio nostra, quum nihil horum efficere possit, ut opus illud pertineat ad Fidem, Certumque sit, quando illud Incertum sit ex propria ratione. At nemo negat, exclusam adhuc esse e doctrina Fidei sententiam Scotisticam, eamque inter Opiniones hætenus esse numerandam; ac proinde intelligit, perperam Martyrii spem præberi occumbentibus pro illius tutela. Incertum quippe adhuc est, an Deus Immunitatem illam Virgini tribuerit, atque an Deo placere possit, sitque Virtutis opus ad Fidem spectantis, discrimen Vitæ incurrere pro ejus tutela.

Fortasse reponet heic Parthenotimus, esse Virtutis opus ad Fidem pertinens, atque commendatum a Deo, Cultum ac Honorem Deiparæ, illiusque tutelam. Sed toties dixi, semperque nobis repetendum est, Fidei quidem Dogma esse Cultum ac Honorem Virginis; sed minime ad Fidem spectare cunctos illius colendæ ac honorandæ modos: nam & ex his ipsis occurrere possunt, qui Errorem, Superstitionem, & Hæresim sapiant, uti de Collyridianis factum jam legimus. Si Probabile tantum est, Virginem expertem fuisse originalis contagii, necessario Probabile etiam dumtaxat sit, non vero Certum Fide divina, Virginem ita esse colendam; temere vero ac imprudenter ab illo agi, qui assumens veluti Certum hoc Incertum, pro ipso Vitam profundat, maximum videlicet, Certissimumque Bonum. Addit tamen Siculus Scriptor, satente etiam Lamindo, calamo & rationibus Immaculatam Deiparæ Conceptionem sueri, procul dubio cum vera Pietate consonare. Ita sane est, quia, docente nos in primis Ecclesia Romana, scimus, Probabiles adesse rationes, propter quas sententia hæc non videtur hætenus adversari Dogmatis Fidei, immo videtur consonare cum ipsis, ita ut jure Pia appellanda sit. Verum hoc non eximit sententiam hanc e numero Opiniorum, immo ipsam inter Opiniones enumerandam evincit. Quum enim dicimus Pie credo aliquid, nihil aliud significamus, nisi nos nequaquam e clara & evidenti cognitione Veritatis existentis in sententia proposita, sed ex apparentia Veritatis, quam nobis rationes Probabiles insinuant, & religioso quodam affectu, assensum præbere illi sententiæ. Quare ipsum

appellare *Piam* aliquam sententiam, excludit Certitudinem illius in communi Theologorum sermone. Aliter loquimur, quum Certitudinem aut Fidei, aut Evidentiæ Moralis, Physicæ, aut Metaphysicæ tenemus. Non enim dicimus *Pie creda*: mortuorum in postremo iudicio Resurrectionem; sed *divina Fide credo*: quum Certitudinem rei ex auctoritate Dei revelantis habeamus. Non dicimus *Pie credo*, Sanctum Augustinum Hipponensem Episcopum vixisse ineunte Seculo V. multosque Libros scripsisse; sed *Scio, Certumve id habeo* ex evidentiâ morali. Contra ubi deest Certitudo, ac Opinioni tantummodo locus est, quum de rebus agitur, sive sententiis, quæ spectare ad Dei Cultum, atque ad Honorem Servorum Dei possunt, tunc dicimus: *Pie credo*, exempli gratia, Scientiam mediam, Miraculum aliquod Sancti Augustini, aut Sancti Antonii Patavini, & Caput aut Reliquias Sancti Joannis Baptistæ adservari in illa Civitate ac Templo. Quare, ut pro modulo meo loquar, si affectu seposito Parthenonius intime suam sententiam scrutabitur, facile inveniet, totam Martyrii sui telam in una Phantasia sua, imagines Pietatis intra se agitante, aut si mavis dicere, in uno Intellectu, contextam. Est quidem Veritas cognita per Fidem Honor & Cultus genericus Deiparæ, & Virtus itidem ad Fidem spectans, eam colere ac honorare; at descendendo ad particularia, minime per Fidem novimus, in Honorem Virginis Sententiam Scotificam cedere; neque doctrina Fidei nos docet, Cultum legitimum, Deoque ac Virgini gratum, esse Vitæ nostræ sacrificium pro hujus sententiæ tutela. Quippe Ecclesia *Piam* quidem, hoc est *Probabilem*, non vero *Certam* habet ejusmodi sententiam: neque improbat, minusque caros habet, qui oppositæ adhærent. Ergo credere Veram ac Certam Scoti sententiam, atque existimare bene collocatum in illa tuenda ingens Vitæ nostræ bonum, unice consistit in *Persuasione, Affectione, & Intentione* volentis pro Opinioni illius patrocinio mori, non autem in re, seu opere, quod Certo, & *ex propria ratione* spectet ad Cultum & Honorem Virginis: quum constare aliquando possit, judicante Ecclesia, præferendam esse Thomisticam sententiam, ac propterea non esse colendam hac specie Cultus atque Honoris Sanctissimam Christi parentem. Fallaci autem, ut toties dixi, principio nititur, qui regendum se tradit uni suæ Persuasioni, Affectionique, licet *Pie* ac bonæ; idque præcipue accidere in votibus suam Vitam pro defensione Scotificæ sententiæ. Neque enim in casu isto excusare nos potest, aut juvare Ignorantiæ, sive Error Invincibilis, postquam nemo e doctis ignorare potest aut debet, pendere judicium Ecclesiæ, atque istud inclinare posse in contrariam sententiam; & nosse potest

ac debet, dari Opiniones speculative probabiles, immo probabilissimas, quæ tamen in praxi improbabilis: quod potissimum observandum est in rebus magni momenti, & præcipue ubi agitur de Vita hominum projicienda. Nam ut ratio speculativa gravis occurrat, posse Deo placere Opinionem nostram de Virgine sine labe concepta, & prudenter propterea nos voce & calamo posse ipsam tueri: si tamen Opinionem istam ita exaggerare, & ex ejus suppositione ita nobis imperare volumus, ut pro ipsa tuenda tamquam certissima mortem eligamus: tunc alia ratio longe gravior, immo certa, ac talis nobis occurrit, ut primam prorsus proferat, videlicet, Malum esse Vitam ponere pro Opinione, ac vetari nos a Deo mortem oppetere pro sententia, cui hætenus nulla infallibilis auctoritas eertitudinem contulit.

Restat ergo, ut qui pro ejusmodi causa occumbat, non sit *Martyr Fidei*, sed *Martyr Opinioni*; & quidem ab Ecclesia damnandus, quippe qui peccat, dum pertinaciter contra mentem Ecclesiæ contendit, aliquid sine dubitatione spectare ad Dei Cultum & Virginis Honorem, quod is negare non potest, quin adhuc Certitudine apud Ecclesiam careat; suoque judicio imprudenter fidens, pro non Certo Honore Deiparæ Certissimum, magnique momenti pignus, neque suum, sed Dei, Vitam scilicet, commutare statuit. Eoque facilius imaginarii hujus Martyrii ruinosa fundamenta deprehendes, ubi intelligas, Votum voventium tutelam Scotisticæ sententiæ Sanguine suo, resolveri revera in tutelam *Veritatis Certe*, quæ inesse eidem sententiæ creditur. Nam quicumque vovent, se tutaturos aut scriptis tantum ac voce, aut etiam Sanguine Immunitatem Virginis, ii non *Pietatem* sententiæ, sed *Veritatem* hujus Immunitatis, sive Certam illam credant, sive Probabiliorem opposita sententia, sibi ante oculos statuunt defendendam. Nullus est mihi e paucis Auctoribus, qui in *Martyram* album inferre sunt ausi morientes pro Opinione Scotistica, neque ulla mihi cupido legendi intemperantium ejusmodi Auctorum scripta. Attamen quid in hanc rem habeat *Gabriel Saavedra*, supra vidimus. Quid etiam docuerit *Christophorus de Vega* in Theolog. Mariana Palestina 3. Certam. 19. nobis edidisset Auctor Histor. Controversæ de Concept. Nimirum Vega *verum Martyrem* habet, qui se morti offerat propugnandæ causæ propositionis hujus speculativæ: *Verum est, & Certum, Virginem prorsus fuisse immunem ab Originali Peccato*. Nam, ut is ait, *tueri Veritatem Certam ac Infallibilem ex iis, quæ in honorem & obsequium Dei cedunt, est actus Religionis*. Ejusdem generis est *gratia originalis Deiparæ*. Hanc vero Certam atque Infallibilem esse, argumenta producta evincunt. Ergo quicumque persuasum

sum hoc habens, testis hujus Veritatis occumberet, Martyrii palmam consequeretur. Neque jurat dicere, hanc esse Opinionem, & consequenter ejus iuramentum non esse Alium Virtutis, neque protestationem Fidei, atque adeo neque Martyrium testari eam Sanguine suo. Non enim dici potest Opinio, de qua efformetur incertum judicium, sed sententia, quæ nixa infallibilibus argumentis omnem a mente formidinem excludit, immo & omnem imprudentiam in credendo Virginem peccati Originalis expertem. Quicumque ergo eam ut talens veneretur, uti par est, atque pro ea mortem oppetit, certe Martyr est. Qui vero illam immerito adhuc Opinionem censet, & per consequens certum de ea judicium non efformat, hic sine dubio non foret Martyr, sed imprudens ac temerarius, si ut eam suetur des Virgine. An confidentia in iis, qui talia venditant, desideretur, quisquis sapit, continuo intelliget. Succedat & Granado, Martyrii ejusdem sponsor, qui cautius animadvertens, dissipari nullo negotio posse jactatam a nonnullis intemperantibus ingeniis Certitudinem Veritatis in eadem sententia, suppeditavit novitiis hisce Martyribus effugium, quod Parthenotimus arripuit, & ego hæcenus oppugnavi, scilicet debere morientes profiteri se mori pro eo, quod in Veritate speculativa Immaculatæ Conceptionis est Certum, hoc est pro defendendo Cultu & Festo Immaculatæ Conceptionis, præscripto ab Ecclesia, sententiam Immaculatæ Conceptionis esse tutam & Piam. En quibus Magistris profecerit Parthenotimus noster, qui tamen uti ingeniosior, utramque miscuit sententiam, scilicet debere Voto Sanguinario addictos profiteri, se Vitam daturos, non pro Veritate speculativa sententiæ Scotisticæ, sed pro Cultu & Honore Virginis, qui certo ad Virtutem Religionis spectat, & est quædam protestatio Fidei; sed simul debere ipsos persuadere sibi, Certissimam esse Veritatem ejusdem sententiæ. Verum percontari juvat ab ingeniosis hisce viris, an credant, Cultum & Honorem hunc descendere a sententia tribuente Virgini prærogativam istam. Fatebuntur, ut arbitror; deinde, an credant, Certum Honorem obvenire alicui posse e non Certa prærogativa. Negent hoc oportet; nam implicat contradictionem, credere, Honorem minime dubium heic tribui Deiparæ, simulque credere dubium, sive nondum Certam prærogativam Immunitatis, ex qua manare debet hic Honor. Atqui; ut hæcenus ostendimus, sententia Scotistica de Conceptione Virginis nondum e finibus Opinionum exiliit; & Lectori amplius non est opus, ut repetam, Persuasionem privatorum hominum carere virtute efficiendi Certum, & credendi reipsa Revelatum a Deo, quod Ecclesia in suis decretis uti dubium, atque an a Deo revelatum fuerit, Incer-

certum adhuc agnoscit. Ergo ubinam Certus ille Virginis Honor, per quo Certum Vitæ suæ bonum impendere vult Sanguinari Voti patronus? Ubi *protestatio Fidei*, quum de Opinione agatur, super quam fundatur Honor iste tantopere deprædicatus? Alibi vidimus, quid sit *Pietas Opinativa*, *Cultus Opinativus*, *Honor Opinativus*, Pius sane ac laudabilis, quod nulli præcepto Dei adversetur, quod nullum reipublicæ detrimentum adferat, immo quod sufficienti ratione constet, per quam consonare merito dicatur cum recta Ecclesiæ doctrina. At velle in mortem incurrere pro Cultu isto ac Honore Opinativo, in reipublicæ damnum cedit, cujus membra sunt quilibet cives; & divino ac naturali Præcepto opponitur de non temere projicienda Vita nostra; demum peccat in Ecclesiæ doctrinam, quæ Opinionibus quidem Piis iustissime favet, sed simul præcipit, ne quis pro ulla Opinione quantumlibet Pia ultro necandum se præbeat. Et quum in ipsius Ecclesiæ successionem per tot Secula nullum similis inconsultæ Pietatis exemplum occurrat: quid aliud superest, nisi ut Sanguinario Voto addictis spem eripiamus non solum Martyrii, sed operis liciti atque laudabilis?

Neque aliam fuisse hætenus mentem Romanæ Ecclesiæ in questione ista scripsit Lamindus Pritanius, cujus sunt hæc verba: *Non unus autem ego in hoc Voto prefundenda Vitæ pro Immaculata Conceptione Virginis Superstitionem timeo. Timuit & timet Apostolica Sedes, quæ quamvis eandem Opinionem maxime Verisimilem, & Piam dicat; nihilominus Votum in Theophilo Raynaudo olim non probavit, ipsumque affirmantem, pro ea causa pium esse mori, silere jussit.* Mirum est, quantopere Parthenotimum nostrum concusserit mentio hæc Apostolicæ Sedis, non probantis cruentum paucorum Votum, ac Theophili Raynaudi, expugnare jussi sponsonem factam morientibus pro Scotistica sententia. Æstuat ille hæc de causa, & non uno in loco prælium redintegrat, ut hujusmodi telum nimis sibi molestum a se avertat. Pag. 68. petit, unde hæc Lamindus acceperit, & quibus tabulis, quibus monumentis, quo Auctore narrationem suam comprobet. Causam exponit, cur ipsius Raynaudi Liber de *Martyrio per Pestem* confixus fuerit Anno 1646. a sacra Congregatione Indicis; atque inde inferat, dubia fidei esse præceptum illud silentii Theophilo datum ab Apostolica Sede, & ab uno memoratum Lamindo. Addit, silere minime iustos novem alios Scriptores, qui eandem *Martyrii* fiduciam ingesserant mortem subeuntibus pro Immunitate Marianæ; ac propterea verisimile non esse, quod de Raynaudo Lamindus vendidit. Subdit præterea: *Neque Apostolica Sedes silere jussit omnes Academias, quæ voveat, votoque sacramentum adjiciunt, se iuturas Beate Virginis Im-*

Immunitatem ab omni macula : quod nemo non videt , quantum a controversia nostra sit alienum , quum nimium differant , Opinionem tueri voce , & calamo (quod & Lamindus laudavit) atque pro ea Opinionem tormentis & securi se se offerre . Tum pag. 96. conqueritur , quod Lamindus non egerit cum Raynaudo benignius , qui profecto maiorem sibi ab eo gratiam polliceri vir apprime Catholicus poterat . Sed non multis heic opus est . Possidet Parthenotimus eandem , qua ego utor , editionem Operum Theophili Raynaudi . Facile potuisset intelligere , Lamindum non sine bonis tabulis Raynaudi mentionem præsentis quæstioni immiscuisse , si pari diligentia rem sibi ingratam quæruisset , qua grata quæri consuevit . Tomum ergo Vigésimum ejus Operum adeat , sibi que pagina 156. occurret *Correctio facta a Congregatione Indicis Libri inscripti de Martyrio per Pestem* . Ibi ista leguntur : *Expungatur id , quod Author scribit : Eum futurum MARTYREM , cui mors intentaretur , si Piam sententiam de Conceptione Beatae Mariæ Virginis Immaculata non improbaret , isque mallet mortem prius acceptare eam ab eausam , & re ipsa eam acciperet* . En quò Auctore Lamindus Raynaudum silere iussum tradidit . Atque is revera edito rursus eo Opere , opinionem quidem aliorum , Martyrium morientibus pro ea causa promittentium , retulit ; sed suum ipse iudicium continuavit . Heic autem antequam progrediar , animadvertat Lector , quam immerito exposculet Theologus Siculus , quasi Raynaudo parum æquum & amicum se Lamindus prodiderit . Apud me profecto est maximo in pretio omnigena eruditio Raynaudi ; atque arbitror , ingentem ejus Operum molem reipublicæ Litteratorum admirationi non minus , quam usui esse posse ; neque eximii viri meritis quidquam detrahit , quod ex ejus Libris opinionem illam eradendam Roma jusserit . An vero illum ego acerbè fuerim insectatus iudicent recti rerum æstimatores . Dixi , Apostolicam Sedem non probasse deprædicatum ab eo Martyrium . Mitius loqui non potui , ipsumque meum argumentum exigebat , ut quid ei hac de causa accidisset , non dissimularem . Quamobrem inanes Parthenotimi querelæ abeant . Quod si is pag. 95. vulnus istud resicans dolet , quod Lamindus non distinctius dixerit , a sacra Congregatione Indicis impostum Raynaudo silentium , atque non casu , Sedis Apostolicæ vocabulo fuerit usus , is pro suo ingenio querelas multiplicat : quippe ad auctoritatem Apostolicæ Sedis refertur quidquid in variis Congregationibus Romanæ Curiae agunt Eminentissimi Cardinales . Disertis verbis hæc scripsit Sixtus V. in fundatione ejusdem Congregationis Indicis , ut habetur in ejus Constitut. LXXIV. *Libros , qui post Indicem Tridentini Concilii jussu editum prodierunt , Catholicæ doctrinæ*

ne, Christianorumque morum disciplina repugnantes, expendant, & recognoscant: at ubi Nobis vetulerint, Nostra Auctoritate rejiciant. Licuit sane Raynaudo postea appellare ad Summum Pontificem, eique exponere, confixam injuste spem *Martyrii* a se factam morientibus pro Scotistica sententia; sed meliora edoctus, abstinuisse credendus est.

Utrum vero in sua sententia perstiterit vir ille doctissimus, an ab ea recesserit, nihil attinet inquirere. Satis nobis in præsentia est, Sacre Congregationi minime probatam fuisse *Martyrii* fiduciam ingestam a Raynaudo, & nunc etiam a Parthenotimo, homini pro sententia Scotistica mortem toleranti. Quod autem animadvertendum heic est, vetuit sacra Congregatio, ne Raynaudus *Martyrium verum ac proprium* tribueret piis viris vita excedentibus, dum amore Dei infectis *Peste* inserviunt, aliave Caritatis ac Virtutis certæ opera faciunt; simulque licere voluit, hosce appellare *Martyres* *improprie ac late* sumpto eodem vocabulo. At ubi de morte subeunda pro *Immaculata Conceptione* agitur, *Martyrii* nomen quodcumque expungendum præcepit. Ad hæc perpendas velim, inter Votum Sanguinarium, & Raynaudi propositionem intercedere magni momenti discrimen. Aliud enim est, *asserere velle Certam*, & ad Cultum Dei ac Virginis sine dubitatione spectantem, sententiam Scotisticam; aliud *nolle eam improbare ac damnare*. Illud positivum, hoc negativum. In postremo casu, ut infra dicam, honestum fuerit mortem potius tolerare, quam notam Impietatis aut Falsitatis impingere eidem sententiæ. Et nihilominus *Martyrii* tam proprii quam improprii nomen pro hac causa occumbentibus negavit sacra Congregatio. Neque immerito. Nam ii *veri Martyres*, qui Sanguine suo obsignant aliquam Veritatem divina Fide credendam: ii *Martyres* etiam, sed metaphorice ac *improprie*, qui in exercitio Caritatis aut Patientiæ e Vita excedunt; eorum quippe opus non Persuasionem tantum propria, sed re ipsa Deo gratum est, atque ad Fidei doctrinam spectat. At qui, ne damnet sententiam Scotisticam, morti occurrit, opus facit, quod iuste quidem opinemur placere Deo, sed nondum per Fidem novimus, an placeat Deo; quum liceat etiam contrariæ adhærere sententiæ, cui qui adhæret, ex natura rei etiam damnat ac improbat Scoti Opinionem. Deficiente igitur Certitudine objecti in moriente, ne damnet sententiam Scotisticam, non poterit is *Martyrii*, neque propriæ, neque improprie sumpti, laudem ac nomen consequi. Quod si ita sensit sacra Congregatio de secundo casu, quanto magis eadem improbarit Voto Sanguinario devotos, idest mortem tolerantes, ut

Ve.

Veram ac Certam asserant sententiam Scotificam, five hanc Veritatem & Certitudinem statuas in propositione atque Opinione ipsa, five in Pietate, quæ inest Actui Opinativo de Immunitate Mariana? Immo non ipsa tantum Congregatio profusionem Vitæ in casu isto improbasse videtur, sed & ipse Theophilus Raynaudus jam damnasse dicendus est. Ejus verba de Martyr. per Pestem Part. II. Cap. III. num. 18. repetam, ubi illum duplicem casum distinguens ait: In posteriore dubio statuendum est: Vitam Temere, nec absque SCELERE, atque adeo sine Martyrii fructibus abjiciendam pro Assertionem alicujus Propositionis, cujus VERITAS non sit in Ecclesia PRORSUS rata, ita ut non sit exploratum, quod ejus assensus a FIDE exigatur. Nisi Parthenotimus, aut quisquam alius evincat, Scotificæ Sententiæ Veritatem esse in Ecclesia Dei adeo ratam & exploratam, ut ejus assensus a Fide exigatur: habet ille tandem tum a Sacra Congregatione, tum a Raymundo ipso non solum Martyrii spem Sanguinario Voto ereptam, sed etiam ipsius Sanguinariæ Voti damnationem.

C A P U T X V I I

An dare Vitam liceat, ne sententiam de Immunitate Mariana damnemus. Quid in casu isto agendum. Accuratiùs tamen negotium istud perpendendum.

Hicce autem positis, consequens profecto est, tolerandum minime fore *Votum*, in quo videntes contra Ecclesiæ Romanæ mentem *Martyrii* coronam sibi pollicentur; & quod gravius est, opus sibi statuunt præceptis Dei & Ecclesiæ contrarium: quum ne ipse quidem Parthenotimus neget, quin sit nefas Vitam impendere pro *Opinione* tuenda; isque negare nequeat, quin sententia Scotifica de Conceptione adhuc inter *Opiniones* sit computanda. Peccatum quoque est, velle pertinaciter Fidei Veritates æquare hominum Opinionibus. Peccatum, velle pervacaciter, ipsiusque Vitæ sacrificio, Populo persuadere tamquam Certum illud, quod Ecclesia pro Incerto adhuc habet. Peccatum contra Justitiam, quum homo ex arbitrio suo, & Deo atque Ecclesia non solum non præcipiente, sed etiam improbante, profundere vult pro Opinionibus Vitam, cujus potestatem sibi reservavit omnium Creator. Peccatum contra Charitatem, quam quisque debet sibi; & Proximo etiam debet, quamvis Tyranno ac impio, cui ministranda sine necessitate aut utilitate Ecclesiæ

R

non

non est materies & occasio nova saviendi atque peccandi : Peccatum denique contra Prudentiam, quum Bonum Certum ac ingentis pretii, videntes commutare temere velint pro Incerto. Et quoniam, uti Cardinalis Cajetanus scripsit loco supra commemorato, & Tamburinus confirmavit Lib. III. de Just. Tract. III. part. 3. Cap. 1. ipsa Opera positiva Virtutis, quorum bonitas e doctrina Fidei consistet, uti *Evangelium predicare apud Infideles : Sacrum celebrare : a Carnibus abstinere* &c. ut bona, honesta, & laudabilia sint in praxi, necesse est, ut debitæ circumstantiæ concurrant : alioqui non Virtutis sed Temeritatis opera evadunt : quanto magis temerarium erit velle pretiosum Vitæ Bonum profundero pro Opere positivo Virtutis Opinativæ, & minime per Fidem Certæ, qualis est assertio Scotisticæ sententiæ ? Vide & Lessium Lib. II. Cap. XL. Dubit. VII. num 42. Reliquum proinde est, ut Sanguinarium Votum irritum ac nullum sit, quum non sit de meliori bono, immo sit de Opere involvente peccatum; & qui monitus pervicaciter illud conciperet, aut ei post monita constans adhærere vellet, a crimine excusandus neutiquam foret.

Supra vero innuimus, duplicem distinguendum esse casum, in quo certamen oboriri posset de sententia Scotistica cum discrimine Vitæ. Primus, *eligere velle interitum, ut asseras Veram ac Certam eandem sententiam*. Alter, *Vitæ suæ iacturam pati potius quam dominare eandem uti Falsam ac Impiam*. Non est cum priore confundendus posterior casus. Diversa enim omnino sunt, Opinionem de Immaculata Virginis Conceptione Veram ac Certam inter gladios asserere velle, atque eam asserere nolle Falsam aut Impiam. Qui renuit Falsitatis aut Impietatis Opinionem arguere, non eam propterea Veram esse contendit; sed tantummodo iudicium suum continet, & nihil de Veritate aut Falsitate illius decernit. Quid ergo Catholico homini agendum, si ante Tyrannum sistatur, aut a privato quopiam furente urgeatur, interrogatus, an credat, sitne absque originali Labe Virgo concepta; eique, si credat, inevitabilis mortis minæ intententur? Quotiescumque respondeat, se firmissime in hac esse sententia, tormenta que & mortem potius eligat, quam recedere ab ejusmodi Opinione : uti hætenus vidimus, temere ac imprudenter agere; rursusque sceleris gravissimi erit, utpote qui nimium suo iudicio credit, illud præferens iudicio Ecclesiæ, & præfracte Certitudinem Opinioni tribuere volens, quæ tamen, pendente Ecclesiæ iudicio, caret eadem opinio. Is ergo in isto amphractu intrepide respondere potest : *Hoc ignoro : id tantum Deus novit*. Immo ita respondeat, oportet, ut salvam faciat Vitam suam, rem nimi-

nimirum enixe sibi a Deo commendatam. Et præcipue quod ita respondendo Verum diceret, nihilque aliud profitebatur, quam quod Ecclesia hæcenus se sit, dum ita unam ex Opinionibus de Conceptione Virginis probat, ut alteram oppositam non improbet. Hoc pacto Tyranni furorem exarmabit, suumque caput prudenter discrimini eripiet, neque temere Vitam pro Opinionem tuenda impendat. Atque hic est reipsa casus Voti Sanguinari, ejus intoleranda consecratoria hæcenus persequuti fuimus. Voto enim isto tot antiquitati incognito id præsertim voventes contendunt, se ad profundendam Vitam esse paratos, ut Certam asserant Immunitatem Virginis. Et quamquam Parthenotimus nobis edixerit, voventes mortem subituros non pro *Veritate* ac *Certitudine* ejusdem *Opinionis*, sed pro *Veritate* ac *Certitudine* *Honoris* & *Cultus* Mariz, qui ex ea Opinionem defluit, & pro *Veritate* *Pietatis*, quæ inest *Actui* *Opinativo* de *Immaculata Conceptione*; attamen vidimus, Cultum hunc, Honorem, & Pietatem, Certa numquam esse posse, nisi Certa sit Sententia, super qua innituntur; & consequenter eo recidere semper consilium Voti Sanguinari, ut voventes repugnante Ecclesia ostendant ac suadeant Populo, Certam esse, ac parem Veritatibus Fidei, Sanguine nostro propugnandis, Opinionem Scotificam de Virginis Conceptione. Scribit autem Parthenotimus pag. 101. *Theologorum mentem, qui Votum usque ad Sanguinem tuentur, eam esse numquam posse, quod semper, & in omni eventu pie Voventem mortem subire debeat; sed ubi solum Deiparæ periclitetur Honor.* Sive, uti infra repetit, *ut mortem tolet, cum (quod prudenter arbitrio metiendum est) Virginis Immaculatæ deprehenderit Honorem periclitari.* Ita sub hujusmodi verborum ambage is consilia sui Voti occultat, liberumque clientibus suis campum relinquit profundendæ Vitæ pro tutela Scotificæ sententiæ. Rectius ipse munere suo furtus fuisset, si terminos huic *arbitrio*, atque *prudentie* privatorum hominum statuisset, ne dum prudenter tueri ii se putant sententiam Veram ac Certam, ac Honorem, Cultumque Verum & Certum Virginis, ejusque Sanctitatem; imprudenter, ac vincibili Errore indirecte se occidant, ultro ac sine necessitate carnifici jugulum tradentes. Attamen ex hac ipsius confessione jam intelligant Voto Sanguinario addicti, sibi non esse mortem eligendam, quoties agitur de prodendo, an Credant Veram ac Certam Scoti Sententiam, Verumque ac Certum Honorem Mariz in ejus sententiæ tutela collocatum; sed tunc sibi respondendum: *Opinor quidem ita esse; at id Certum mihi non est. Deus novit; noscam & ego, si aliquando quæstionem dirimes Ecclesia.* Neutiquam enim periclitatur Honor Vir-

ginis, dum protestamur, nos ignorare, an reipsa Beatissimæ Christi Matri collata fuerit Immunitas ab originali macula, & nos nequaquam credere Certam Scoti Sententiam. Postquam Ecclesia a tot Seculis, & quidem disertis verbis, liberum cuicumque facit adherere oppositæ sententiæ, evidens est, non periclitari Honorem Deiparæ, etiam credendo illam Immunitatis Scotificæ expertem. Si periclitaretur, non id fineret Ecclesia, supra quemcumque privatum Theologum sollicita de Honore Mariæ. Quanto ergo minus periclitabitur Honor iste, protestando dumtaxat, nos nequaquam Certo credere Scotificam Immunitatem, atque ignorare, quid Deus revera in Conceptione Virginis fuerit operatus?

Atque ista hætenus dicenda habui, ut ostenderem, quam incongrua, minimeque ferenda sit Voto Sanguinario præstita a Parthenotimi tutela, cujus objectum est tutela Certæ Veritatis, quæ tamen Certitudo, ubicumque eam statuas, abest a Scoti sententia. Petat nunc aliquis, quid agendum sit, si quando Tyrannus, aut quispiam improbus alius, mortem minatus, adigere nos velit ad appellandam *Impiam* ac *Falsam* sententiam eandem. Heic certe urget præceptum Vitæ custodiendæ, neque prodigendæ; sed simul imminet timor Falsum appellandi, quod Verum ac Certum esse, judicante Ecclesia, deprehendi aliquando possit. Quod plus est, præceptum viget ac urget Summorum Pontificum, verantium, ne quisquam Falsitatis aut Impietatis notam inuras Opinioni patrocinantium Immaedlatæ Conceptioni. Itaque dico primo, si quisquam oblati mihi atrocibus tormentis ac morte, compelleret me ad configendam Erroris ac Impietatis nota Scotificam Sententiam, continuo reponerem: *Id nefcissia: Novis Deus*; qua responsione nihil Veritati, neque præcepto Ecclesiæ derogarem, fierique posset, ut furori tyrannico facerem satis. Verum ubi is acrius adhuc instaret, atque a me ex peteret, ut diserte damnarem ejusmodi sententiam: cornens ego, rem mihi esse cum violento simul & furioso, seu mente capto; ac memor, *respondendum esse stulto juxta stultitiam suam, Proverb. XXVI. vers. 5. & Sapientem Eccles. VII. vers. 18. edicere: Noli esse stultus, ne moriaris in tempore non tuo*; quantum possem, ingenio curarem, ut importunam interrogationem eluderem, & sine aperta damnatione sententiæ discrimen Vitæ evaderem. Verum ubi in irsutum cederet omnis conatus, putarem præstare mori quam piam sugillare sententiam: idque ne peccarem contra præceptum Ecclesiæ, quæ sub anathematis pœna ab infimulanda Impietatis ac Hæresis Scotistica sententia Catholicos omnes coercuit. Quod quum ajo, tria heic animadvertenda. Primum, non in questione ista sitam esse controversiam, quæ Parthenotimi calamum in me suscitavit.

tavit. Neque enim e persuasione mea, uti neque e morte mea, quidquam certitudinis accederet Opinioni de Virgine sine labe concepta: quem tamen in finem collineat intentio voventium ad Parthenotimi normam. Secundum, non Parthenotimum tantummodo ceterosque ad singularitatem gloriæ adspirantes devoto erga Virginem animo, sed quemlibet Catholicorum mortem prius oppetere debere, quam censoriam notam inferre prælaudatæ sententiæ, quum ad Catholicos cunctos præceptum illud extendatur, & obligetur quisque ad parendum Ecclesiæ mandatis. Tertium, nil majoris præstantiæ sive prærogativæ effluere hinc posse in sententiam faventem Immunitati Marianæ. Nimirum quoties inflet idem Tyrannus, ac necem tibi indicat, nisi *Hæreticam* aut *Impiam* asserimus contrariam alteram sententiam, negantem Virgini Immunitatem originalem: ne id facias, Vita potius in hoc etiam casu est offerenda licitori. Et quidni? *Simili anathematis poenæ* Sixtus IV. Concilium Tridentinum, alique Romani Pontifices subjecere eos, qui Hæresis aut Impietatis arguerent *Opinionem contrariam, videlicet gloriosam Virginem Mariam cum originali peccato fuisse conceptam*. Ad præceptum quod attinet, nihil discriminis inter utriusque sententiæ patronos ac censores Ecclesia statuit. Si ergo damnare non licet Thomisticam Opinionem, tibi, ne illam damnes, mors potius est eligenda. Quamobrem tunc non pro Veritate, sive Certitudine alterutrius Opinionis sanguis effunderetur, sed ut mandatis Ecclesiæ non adversando, evitaretur Peccatum.

Meam in hanc rem, qualiscumque sit, opinionem dedi. Nunc addo, ipsam nihilominus accuratiori examine indigere: quod me doctiores, quum lubebit, inire poterunt. Inquirendum namque videtur, an mens Ecclesiæ, interdicentis censuram utriusque Opinionis eo usque ferat; ut in conspectu eculorum & carnificis mors potius subeunda sit, ne alterutra improbetur. Nimirum, ut superius innui, occurrunt nobis præcepta Ecclesiæ, immo & Dei, quæ nos minime obligant, quum mortis periculum instat: tunc enim cessat voluntas Dei, aut Ecclesiæ ad nos obligandum. Immo interdum non solum cessat obligatio illius præcepti, sed etiam viget obligatio conservandæ Vitæ (secluso semper gravi scandalo, & contemptu Ecclesiæ, sive Religionis) ita ut peccati expers non foret, qui pervicaciter tunc occumbere vellet, ne præceptum transgrediretur. Neque heic de re Intrinsece mala sermo est, a qua perpetuo & ubique abstinendum est. Quum enim Ecclesia liberum cuicumque relinquat, quam Veritati propiorem putet ex duabus istis Opinionibus amplecti, liberum ex vi contrariorum sit etiam necesse est, ut qui unam amplectitur, ac Veram credit, alteram tacite saltem improbet, & Falsam credat. Neque prædictum *Pietatis* ita conjunctum est cum hisce Opinionibus, ut nullo

nullo unquam tempore disjungi possit. Vocabulum enim *Pia*, quod Sententiæ, sive Opinioni cuiusdam tribuitur, Probabilitatem non Certitudinem indicat. Et quandoquidem Ecclesia quæstionis hujus definitionem nondum suscepit, ac nos dedecet ita iudicium illius velle arctare, ut unam tantum ex istis Opinionibus eligere possit tamquam doctrinam Fidei divinæ, quum æque possit & alteram: consequenter neutra Opinio dici potest ex parte rei ita *Pia*, sive *Probabiliter spectans ad Cultum Dei & Virginis*, ut aliter esse aliquando non possit. Itaque quum ideo tantum damnare hanc vel illam e propositis duabus Opinionibus malum sit, quia ab Ecclesia prohibitum; & sint aliqua Ecclesiæ mandata, quæ minime nos obligant; quoties incurritur periculum mortis: prudentiores judicabunt, recte ne, an secus procedat nuper a me proposita Conclusio. In hisce tamen casibus, hoc est in re tanti momenti, si commodum ac tempus non deesset, consultius foret, mentem Sanctissimæ Romanæ Ecclesiæ ab ipsa petere, ejus ductu atque iudicio omnia nostra consilia & acta regentes, non ego, non alius quisquam errabit. Eoque magis pericrutarum juvabit Ecclesiæ Magistræ nostræ mentem, quum ipsa in eum tantummodo finem interdixerit ambarum Opinionum censuram, ut finem faceret jurgiis publicis & scandalis, inter disputantes Theologos jamdiu vigentibus, non vero ut immunitatem intrinsece a censura præstaret alterutram ex illis sententiis. Ad hæc finge tibi, duos ejusmodi Opinionum patronos, alterum Scotisticæ, alterum Thomisticæ, sisti ante Tyrannum, atque ambos Persuasionem ductos, sententiam suam cum sacris Litteris, ac Traditione Patrum, certius consentire, & propterea sinere, se potius Vita spoliari, quam ejusmodi Persuasionem deponere (Cur enim uni non liceat, quod alteri?) ita ut ambo mortem operant, sed pro oppositis sententiis tuendis. Rursus tantummodo finge, utrumque pugilem sub securi cadere, ne Hæreticam aut Impiam appellerent contrariæ factionis sententiam, uti Ecclesia mandavit: quid consequatur, facile sentis. Consequetur nempe spectaculum inusitatum, quod non sine aliquo horrore audiamus, videlicet pro contrariis de una, eademque re sententiis homines ejusdem Religionis ævo nostro mortem subire: ejus rei exemplum frustra in universa Ecclesiæ Historia perquiras. Restat ergo, ut cautius in hisce etiam casibus, extra controversiam, quæ mihi cum Parthenotimo est, propositis procedamus, ne aut imprudenter Vita projiciatur, aut dignitati Ecclesiæ ac Religionis officiendo, hostibus nostris ridendi aut declamandi contra nos occasionem præbeamus.

CAPUT XVIII.

*Falsa crimina Lamindo Pritanio imposta a Parthenotimo.
Qui Visionarium se prodit. Revelatio tributa Dominico
a Jesu Maria Carmelitæ expenditur.*

Hicce expeditis leviora supersunt expendenda mihi, in Parthenotimi Labello. Et quidem missa lubenter facio, quæ in corruptum mei non uno in loco Siculus Scriptor intermiscet. An Iusto titulo is adversus me egerit, aliorum iudicium esto. Hoc tantum novi: ut ut ille magnus sit vir, & in sublimi Theologiz throno sedeat, ego vero exiguus sum, nulloque nomine cum eo comparandus; ejus tamen dignitas non faciet, ut illi in præsentiquæstione victoria adjudicetur; neque tenuitas mea, ut mihi eripiat. Rationibus certavit ille: rationibus certavi & ego. In his unis collocanda est victoriæ spes. Uter melioribus armis fuerit usus, docti viri aliquando judicabunt, ac tempus sensim aperiet. Unum tamen, quod me intime ferit, dissimulandum heic minime censeo. Videlicet ægre ferre Theologum nostrum pag. 90. quod Lamindus in Italia, quæ Deiparæ cultu ceteras regiones superat, scripserit opus in Gallia imprimendum. Duas præterea Theses Theologus idem commemorat B. Virgini injurias, & in Gallia enatas, quæ ab Alexandro VIII. confixas ait. In mentem quoque Lectorum revocat Monita Salutaria Beatæ Virginis ad cultores suos indifcretos in Galliis vulgata, & a Clemente X. Anno 1676. proscripta. Tum in hæc verba erumpit: Cur ergo Lamindus doctrinam, quæ licet ipsi appareat vera, ceteris est falsa, nefas non putat proferre, ac inculcare: doctrinam, inquam, unde quæ Italiæ, quæ Galliæ oriri queant scandala? Italiæ quidem, ubi vovendi Virginæ Immunitatis defensionem vetus consuetudo est. Galliæ. etiam oriri queunt scandala, ubi Non Pauci Deiparæ Cultum, ejusque Sanctitatem impetentes, in ea stabilirentur opinione, & certe hominis Itali opera, quod inpersa superstitionibus sit generis Itale in Deiparam observantia, Declarationi huic tandem finem imponit lenibus hisce verbis: Absit, ut in mentem meam cadat suspicio (vide hominis candorem, non immerito Candidi nomen præferentis, ejusque delicatam Caritatem post nuper institutam accusationem) quod rem paucioribus ex Gallia gratam facturus hæc scripserit Lamindus. Hæc Parthenotimo displicent; at mihi æquius displicet, ipsum distingere heic

heic meris somniis ineruditam gentem, atque indigno artificio; quod in omnium oculos incurrit, studuisse, ut invidiam Lamindo atque odium falsis hisce querelis crearet. Somnium quippe est, enatas in Gallia duas illas Theses. Somnium prodiisse e Gallia *Monita salutaria*, quum Germano Colonienfi tribuantur. Somnium fortassis etiam est, *Monita* illa a Clemene X. Anno 1676. explosa fuisse; nam serius, si bene memini, id contigit: quod in præsentia exquirere nec vacat, nec interest. At somnium certe contumeliosum Gallicæ genti nemo non sentiat in Parthenotimi oratione scribentis: *non paucos Gallorum Deiparæ cultum, ejusque Sanctitatem impetere*. Quis hæc ferat de Catholica ac pia gente Gallica proferri, quando ne ipsi quidem Janfenistæ, quos obversari ante oculos Parthenotimi hoc in loco par est credere, Deiparæ cultum, ejusque Sanctitatem improbare deprehenduntur? Quod si is eodem obelo configit & illos, qui intemperantiam nonnullorum in cultu ac laude Virginis non ferunt, noverit Siculus Scriptor, se incaute maledicere Theophilo Raynaudo sibi tam charo, & quibusvis Theologis Catholicis, etiam Italis, qui legitimum Mariæ Cultum docent ac suadent; spurium ac superstitiosum arguunt, & arguendum esse fatentur. Præterea somnium perquam ridiculum est, sibi in Lamindo fingere *doctrinam, unde qua Italiæ, qua Galliæ oriri queant scandala*. Tot anni jam effluxere, ex quo Lamindi Liber prodiit, neque ullum in Gallia, Germania, ac Italia, quibus in locis idem impressus fuit, auditum est murmur, nullaque scandali vel levis umbra apparuit. At inquit Siculus: *In Italia vovendi Virginæ Immunitatis defensionem votus consuetudo est*. Lamindus vero hanc impugnare non veretur; & *doctrinam, quæ licet ipsi appareat Vera, Ceteris est Falsa, nefas non putat proferre ac inculcare, quod inspersa superstitionibus sit gentis Italiæ in Deiparam observantia*. Hæcenus putaveram ego, rem mihi esse cum *sacra Theologiæ Professore* gravissimo, ut Libelli ab ipso editi præferebat titulus. Sed nunc justæ defensionis necessitas dicere & expollulare me cogit, pugnam mihi esse cum Theologo Visionario, ne duriori etiam nomine utar. Nemo enim, nisi qui somnia somniat, & Visiones videt, deprehendere uspiam poterit, quæ Lamindo Parthenotimus heic affingit. Quisquis hæcenus Lamindi Librum legit, aut ipsius Parthenotimi Opusculum, ubi integra Lamindi censura exhibetur, e vestigio hæc verba obvia habet: *Satis quibusdam non fuis colamo & rationibus immaculatam Deiparæ Conceptionem tueri: quod procul dubio cum vera Pietate consonat*. Si Parthenotimo animus est significare, Scotificam de Conceptione sententiam a Lamindo improbari, habet unde

unde pudeat talia scripſiſſe. Si de Voto tuendi *calamo ac rationibus* eandem ſententiam, rurfus ei os obſtruunt verba Lamindi, laudantis, ſive intercedat, ſive non intercedat Votum, propugnatores ſententiæ ipſius. Una inter Lamindum & Parthenotimum hæſtenus controverſia fuit *de Voto Sanguinario* : hoc unum Lamindus cenſura ſua impetiit. In hoc unum quoque collineant, quæ hucusque ego congeſſi; nempe : *Minime licere Sanguinem & Vitam profundere pro tuenda Schiſtica Sententia*. Si vero Parthenotimus contendit, doctrinam hanc, *quæ Lamindo apparet Vera, Ceteris eſſe Falfa* : ceteros ego ſpero iudicatuſ, nonniſi in phantafia ſupra modum ſervente id genus iudicia atque aſſertiones poſſe naſci : quando omnibus notum eſt, non paucos adhuc eſſe, qui vel ipſi Schiſticæ ſententiæ adverſentur : ceteros autem ſpero ego adverſaturos Voto tuendæ ipſius profuſione Vitæ.

Ne quis tamen injurium me putet Parthenotimo, dum illi ſomnia ac Viſiones tribuo, ipſum ſatentem exhibere juvat, ſe ejuſmodi ſomniis atque Viſionibus obnoxium. Oculos converte ad illius Præſtationem, qua *integerrimæ Virgini, ſanctiſſimæ Dei parenti, omnino prorsus maculæ experti, ſe, ſuamque Diſſertationem inſcribit Auſtor*. Ibi vir pius, & gratis cœleſtibus reſertus, hæc habet ad Virginem, quam alloquitur : *Literariam in arenam jam jam publice deſcenſurus, non ſemel, ut ſcis, Te verbis illis interpellavi, quibus Barac Deboram : Si venis mecum, vadam : ſi nolueris venire mecum, non pergam. Judic. 4. 8.* Neque hæc perfunctoria diſta; nam ſubdit : *Et audire mihi VISUS SUM. Ibo quidem tecum. Atque neſcio, quid ſolaminis animo meo ingeſſere, quæ ſubdere VIDEBARIS : Sed hac vice victoria non reputabitur tibi.* Addit infra : *Verum ut cum ſpe victoriæ, quæ Tibi tandem cederet, Scholaſtico in pulvere militarem, cognovi, Te conſulendam eſſe : & ſemel atque iterum, ac ſæpius conſului. Exploratus mihi eras morum Apoſtolorum, qui arduis Fidei in rebus non aliud, quam tuum interrogare conſueverunt oraculum. „ Puſſandum igitur erat, „ inquit Rupertus Abbas, te alloquens, ac priſtina Eccleſiæ tempora memorans, „ ad Qſtium Veritatis, & conſulendum Oraculum Spiritus Sancti, ſcilicet ſacrarum peſtoris tui, ut Vi- „ va Voce omnem neceſſario tenendam demonſtrares regulam Fi- „ dei, cum teſtimonio Scripturarum, quas memoria retinebas.* In V. Com. Hæc Parthenotimus. Non conſuluerit, puto, occasione iſta Theologus noſter Libros aliquos a Deipara conſcriptos, quos ad manus haberet. Ergo dumtaxat eam interrogarit & conſuluerit neceſſe eſt in Viſione aliqua, hoc eſt

in familiari colloquio cum ipsa Virgine Sanctissima habito. Neque ipse diffitetur scribens : *ET AUDIRE MIHI VISUS SUM*. Habemus ergo (idque dolens repeto , sed me argumenti gravitas repetere cogit) non Theologum gravem , sed Visionarium , seque talem suo ore fatentem , qui Voti Sanguinari patrociniū suscepit . Quid recti , quid solidi consequenter ab eo expectandum sit , agnoscant ac discant tandem prudentes rerum zelmatores . Agitur heic de Vita hominum , idest de maximo Reipublicæ negotio : ferrine potest , ut homini ita composito decernenda causā tanti momenti relinquatur ? Fuit , semperque erit mos , immo debitum Theologorum , qui sui muneris probe sint conscii , in quaestionibus ad Religionem spectantibus consulere divinas Scripturas , Sacra Concilia , Sanctos Patres ; simulque oratione pulsare Deum , ut ad Veritatem assequendam , Erroremque fugiendum , infirmis ingeniis nostris opem conferat . Ut hoc ipsum a Deo nobis impetret , exorare quoque Virginem beatissimam licebit atque juvabit . Sed potissimum , *ne pateat aditus Errori , recolendum est , quod ut privatis mentibus a Deo existimetur infusa lux , colereat necesse est cum Regula , quam vocant Fidei vivam , seu Romano Pontifice ex Cathedra docente* . Hæc sunt Parthenotimi verba pag. 36. quæ & mea facio ; atque utinam is numquam fuisset oblitus , quando obtrudere cepit clientibus suis tamquam Certam , & ab omni formidine Erroris immunem Scotificam de Conceptione sententiam , quam tamen Romani Pontifices e Cathedra sat aperte docuerunt , esse interea Incertam , & posse aliquando Veritatem deprehendi in opposita sententia . Habemus ergo fontes non fallaces Veritatum ad Theologiam spectantium . Appellet nunc Parthenotimus , quantum lubet , Virginem sanctissimam *ostium Veritatis , & oraculum Spiritus Sancti* : non obstabo , neque innuam , quanta circumspectione Mystica hæc , seu Metaphorica vocabula in Theologia severiori sint adhibenda . At Consulere Virginem , atque ab ea Expectare , *ut Virgo Vocet omnem necessario tenendam demonstrat regulam Fidei* ; immo respondentem illam *Audire Sibi Videri* ; id genus Revelatio bene ferventis Phantasie opificium profecto fuerit , quod a solidæ Theologiæ legibus ac usu quantum abhorreat , atque Errori non uni ostium aperire quotidie possit , nihil est , quod ego ostendam . Dolebat nuper Siculus Theologus , opera Lamindi hominis Itali Gallos in ea opinione stabiliri , quod *inversa superstitionibus sit gentis Italæ in Deipavam observantia* . Immo numquam fuit Gallis tam sinistra de gente Itala opinio ; eoque minus in eam descenderunt , ex quo Italicum Scriptorem animadverterunt , libero calamo , neque contradicente Ecclesia insectantem , non *gentis Ita-*

Itale, sed paucorum Siculorum naves in observantia erga Deiparam. Neque enim in ulla gente navi umquam defuere, nullo tamen universalitatis dedecore, quum paucorum ii sint, & ipsis hisce paucis censura aliorum non parcat. Videat potius Parthenotimus, quam feliciter ipse pugnet pro gloria Italiae, quum non tantum se patronum palam praestet *Voti Sanguinarii*, quod Superstitionem olere videtur, illudque omnibus animosa contentione suadeat; sed etiam rem antea ignotam prodit, scilicet inter nos non deesse Theologos Visionarios, qui de tam grandis momenti rebus & quaestionibus Deiparam consulant, ejusque *Vivam Vocem* Audiunt, & victoriae spem certam ab ipsa reportant. Ast nihil edocere Gallos, ceterosque Populos oportet, universam Italiam tantum abesse a probando pseudo-magnanimo illo *Voto*, quantum ab auscultandis ejusmodi Theologis. Et quid dico Theologis? Unus fuit; unus, ut spero, erit ex Italis, qui hæc audeat, & scribat. Quod si mihi serio in re tanta agenti ludere placeret, denique adderem, fieri posse, ut Prophetæ potius laudem Parthenotimus referat, sed alio, quam ipse speret, eventu, ex hujusmodi certamine, quando ipsemet tradit, sibi hoc responsi datum fuisse: *Sed hac vice victoria non reputabitur tibi*; sive ut Sanctes Pagninus interpretatur: *Verum non erit gloria tua in via, per quam ambulas*; sive ut Varablus reddidit: *Hoc non erit tibi bonori*. Tempus aperiet, penes utrum e nobis statuta sit victoria.

Interea perpendendum relinquam Lectoribus, non crasso sub aere natis, an artificium aliquod subdubitare liceat in Parthenotimo, commemorante, *Theses & Monita salutaria*, a Sancta Sede proscripta: post quæ ille subdit: *Absit, ut in mentem meam cadat suspicio, quod rem paucioribus ex Gallia gratam facturus, hæc scripserit Laminus*. Scilicet ille quidem a se ita amolitur suspicionem de arcano aliquo foedere cum Jansenistis, ut eodem tempore ipsam clientulis suis suspensionem ingerere videatur; nam qui non pauci in Gallia Deipara cultum, ejusque Sanctitatem imperant, & pauciores postea (nempe comparati cum reliquis Gallis) appellantur, non alii sunt, quam Jansenii sectatores famosi. Miratus hercle fuissem, si Parthenotimo excidisset hoc telum; nam & in ipsa splendidissima Siculorum Metropoli Panormo, ubi is degit, parum absuit, quin ante annos duos oborta Grammaticali controversia, publicis etiam lucubrationibus agitata, Jansenismi notam effugerit, qui cum altero Parthenotimo manus conferere est ausus. Sed quisquis fuerit heic Theologo nostro animus, placido illi ore reponam, me nihil indigere ejus monitis, ut discam, qui cultus Beatissimæ Salvatoris nostri Parenti debeat; neque enim in ea colenda cuiquam concedo. Monendum vero ipsum,

ne in excessus rapi se sinat, a quibus cuicumque Catholico, nedum Theologo homini, cavendum est. Una mihi cum illo controversia est, tolerandum-ne sit, an non; Votum Sanguinarium. Pro me stare confido, non dicam universam Italiam ceterasque Christiani nominis Provincias, sed & ipsos religiosissimos, doctissimosque Parthenotimi: sodales, qui quum observantia & amore erga Deiparam cum omnibus, nedum cum Siculis, certent, ab ejusmodi tamen Voto abstinent, amplexuri jamdiu, ut conjicio, non impigre, si cum recta Pietate conciliari illud posse animadvertissent. Quare perpendat Parthenotimus, quos contemnat, quos feriat ipse, dum in Lamindum (quem aliquin omnes norunt Jansenii errores perosum) Jansenismi suspicionem sub specie nolentis commovet, eaque tantum de causa, quod Votum, nemini ferme, si paucos Siculos excipias, probatum, rejiciat. Porro antequam Capitulo huic finem faciam, monendus est Lector Parthenotimum non suas dumtaxat Visiones in aciem eduxisse, sed & alienas. Nam pag. 27. Revelationem adfert, factam *Venerabili Dominico a Jesu Maria, Generali Ordinis Fratrum Carmelitarum Excalceatorum a Divo Thoma Aquinate*. Revelatum, inquam eidem fuit, quod futurum esset Concilium, quo Immaculata Deiparæ Conceptio definiretur. Libenter heic peterem a Parthenotimo, utrum is fidem adhibeat ejusmodi Visionibus, an non. Si non adhibet, cur bonæ genti eas propinat, quasi & meritis istis futura sit virtus ad confirmandos clientes suos in Persuasione Certitudinis sententiæ suæ? Sin adhibet, dicat quæso, an sit prudentis Theologi, ac bene conscii, quæ sint vires piarum Phantasiarum, hujusmodi Revelationibus fidere in Disputationibus de doctrina Fidei? Eoque minus fidendum erat Venerabili viro illi, cujus virtutes ac merita ut ut egregia fuerint (intacta quippe illa dimitto) Visiones tamen characterem tantummodo præferunt Phantasiæ sine somno somniantis. Ejus Vitam ad manus non habeo; hæc tamen ibi narrata olim intellexi. Sæpe videlicet is traditur in extasim raptus. *Quadam vero die in Cælum sublatus vidit eternum Patrem, qui & Dominico gratias egit, quod negotia Dei in terris promoveret. Vidit & Deiparam in throno confidentem, cœpitque contendere cum Sancto Bernardo, uter ex iis præstaret devotione erga Mariam. Noluit Virgo questionem dirimere, sed amborum ora præmii loco lacte suo conspersit. Tunc jussit Dominicus Missam celebrare in Cælo, Diaconum sibi habuit Sanctum Joseph, Subdiaconum Sanctum Franciscum Assinatem. Sed oborta lite, quenam Missa eligenda foret, Sanctus Franciscus Missam de sacris Stigmatibus, Joseph Missam de Incarnatione, Dominicus Missam de Beata Maria præferebant. Ex de-*

creta

creto aeterni Patris lis Dominico adjudicata est. Tunc Angelorum chori complures ceperunt Musicis modis cantare *Salve sancta Patens* &c. Antequam Communionem scrupulus Dominicum invasisset; nondum enim media nox advenerat, ipse vero non erat jectus. De hoc monitus Pater aeternus dispensationem elargitus est. Demum peracto sacro idem aeternus Pater Dominicum sedere jussit in throno, cunctisque Angelis praecepit, ut ad illius manus osculandas accederent. Si vera sunt haec, ut olim me legere memini, nihil ultra exposcas, ut manu tangas, quodnam sit pretium quarundam Revelationum. Et optandum quidem foret, ut in Phantasias Pietate aestuantes sapientum Hispanorum diligentia severius introspiceret, quando apud eos potest hisce temporibus & saecundius pullularunt, & felicitate exceptae sunt, cum virorum, tum mulierum multiplices. Revelationes, a quibus amplectendis, aut probandis longe absunt ceterae Catholicorum Provinciae & Ecclesiae; immo constar, Romanae Congregationis decreto percussas fuisse Visiones & Revelationes Hippolitae a Jesu, & Mariae de Agreda, uti & Academiam Parisiensem postremae Libris nigrum theta inscripsisse.

CAPUT XIX.

Sanguinarium Votum Romae, & alibi, insuetum, quia improbatum. Parthenotimus Consuetudinis elypeo illud frustra tuetur. Senecae auctoritate abutitur. Suarii Doctrina de Votis ad Vitae discrimen se se extendentibus explicata. Cardinalis de Lugo invitatur in controversiam nostram pertractus.

Summopere Ecclesiae Romanae cordi est, fovere Pietatem erga Deiparam: quo in studio non dicam tantum Italiam, sed omnes Catholicas regiones concordēs ac æmulatrices habet. Attamen neque Romae, neque innumeris aliis in locis, Votum umquam Sanguinarium in usu fuit. Cur quæso? Quum tribuere id nemo possit, nisi imprudenter, Pietatis defectui: justae conjecturae locus restat, ab eo reliquos Catholicos, qui Immaculae Conceptionis sententiae favent, hac ipsa de causa abstinere, quod ipsum sentiant pugnare cum vera Pietate. Reponit Siculus pag. 72. *Non inde opus est inferre, quod inane sit, quidquid non.*

nondum Romana Ecclesia in consuetudinem induxit in ipsa Urbe; præsertim si Romana ipsa Ecclesia alibi inter Catholicos vigere consuetudinem illam probe sciat, nulloque vel levissimo indicio reprobet. Divum Gregorium Magnum consuluerat Augustinus Anglorum Episcopus; quamnam consuetudinem inferre oporteret in Angliam, recens in Ecclesiæ Romanæ sinum redeuntem. Consultus Romanus Pontifex ita respondet: Novit fraternitas tua Romanæ Ecclesiæ consuetudinem, in qua se meministi nutritam. Sed mihi placeat, ut sive in Romana, sive in Galliarum, sive in qualibet Ecclesia aliquid invenisti, quod plus omnipotenti Deo possit placere, sollicitè eligas. C. Novit Dist. 12. Hæc Parthenotimus, qui & subdit; Esto, necdum inductus Romæ sit mos Vovendi, Jurandique Virgineam Immutatam: si apud Hispanos, & Siculos, ac Hispaniarum & Siciliae Ecclesias vigeat, & Deo placere probatum sit: quid erit obstaculo, quominus prudenter eligatur? In Hispaniarum Ecclesiis vigere Votum Sanguinolentum, nondum bonis tabulis quisquam ostendit. Apud Siculos quidem, sed perpauca, illud concipi, testem habemus Parthenotimum ipsum. At Romanam Ecclesiam probe nosse Consuetudinem Voti hujus, alibi inter Catholicos vigentem, affirmat quidem secundum suam desideria Parthenotimus, sed sapientes meliori titulo negabunt. Innumerae sunt Opiniones, ac ritus, in Libris, atque in variis Orbis Catholici locis occurrentes, quæ ubi serius revocarentur in examen, aut falsæ, aut superstitionis, aut in praxi perniciosæ, aut scandalosæ reputarentur; nulla vero ex iis legitime dicitur Apostolica Sedi nota. Tum solum ejusmodi merces nascit, & perspectas habet Romana Ecclesia, quum ad illius tribunal perpendendæ deducuntur. Porro ad Votum Sanguinarium quod attinet, tantum abest, ut ipsum probe sciat Ecclesiæ Romana, nulloque vel levissimo indicio reprobet, ut contrarium potius elucere possit, quandoquidem uti vidimus, Sacra Congregatio in Libro Theophili Raynaudi, magnificam spem factam pro Immaculata Conceptione morientibus nequaquam probavit. Sed quod vehementius miretur Theologorum Respublica, illud est, quod Parthenotimus e Gregorii Magni Epistola in patrocinium sui Voti corrasit, nihil animadvertens, quid inter Dogma & Disciplinam intersit. Agebat Sanctus Pontifex de Ritibus Missæ, de quibus agebat Angliæ Apostolus Augustinus: Altera Consuetudo Missarum est in Romana Ecclesia, atque altera in Galliarum Ecclesiis. Hosc Ritum, alioque ejusmodi ad Disciplinam spectantes, quamvis varios pro varietate locorum, laudabiles nihilominus esse posse nemo inter, Eruditos ignorat. Verum in casu nostro de Dogmate Morali agitur, & magni quidem momenti: videlicet: Num liceat mortem subire pro-

tuen-

tuenda sententia, quæ ad Fidem divinam minime spectat. Et num liceat animo tam firmo adhærere Opinioni de Revelatione alicujus rei, ut non secus ac pro certo Revelatis a Deo animam ponere liceat. Ad hæc frustra Consuetudinis nomen heic Parthenotimus usurpat, quum eius Voti originem Novitas ipsa arguere possit, videlicet ab Anno dumtaxat 1624. deducta. Accedit, quod semper inquirendum restat, an rite institui a paucis potuerit Votum de re tam gravi, qualis est hominum Vita, quum reliqua Catholicorum gens pro honore Virginis ferventissima nihil tale audeat. Ex singulis Ecclesiis, quæ pia, quæ religiosa, quæ recta sunt, elige; subdebat in eodem loco insignis Pontifex Gregorius Magnus; & Augustino docente, Epistola ad Januarium, in Disciplinæ ritibus illud tantummodo, quod neque contra Fidem, neque contra bonos mores injungitur, indifferenter est habendum: quod & alia a Gratiano collecta in Distinctione supra laudata confirmant. An vero pium, religiosum, rectum, & secundum Fidem dici possit, præstare velle Certum, quod Ecclesiæ Romanæ in pervulgatis Decretis Incertum adhuc est; & nolle in Dei, Romanorumque Pontificum auctoritate conquirere (quod Gregorius XV. ut supra vidimus, de Controversia ista scribens, a quocumque Fidei exigebat;) Pias denique Opiniones æquare velle Dogmatis Fidei: nullo negotio docti ac prudentes judicabunt.

In Præfationis pagina 16. Theologus noster pro se exerit auctoritatem Senecæ, scribentis in Epistol. 33. *Ego utar via veteri. Sed si propiorem, planioremque invenero, hanc muniam. Qui ante nos ista moverunt, non domini nostri, sed duces sunt.* Tum addit: *Majores quidem nostri, ut ajebat Seneca, non domini nostri, sed duces sunt. Duces, ait, non hostes. Eorum igitur ductum nec sequi pudeat, nec pigeat deferere. Sequi non pudeat, ubi eos Veritatis semitam dereliquisse minime appareat. Deferere non pigeat, ubi eos a Veritatis tramite aberrasse liquido constabit.* Verum parcat Theologus noster, si dixerit, hoc unum satis esse posse, ut ejus ductum quisque saltem suspectum habeat, atque ab ejus Theologia & Libello sibi metuat. Etenim quandonam Senecæ Ethnico Philosopho, & de Philosophicis dumtaxat loquenti, tantum auctoritatis accessit, ut Theologorum Christiani nominis norma, & in Theologicis præceptor noster evaserit? Ad hæc nil gratius contingere nostrorum temporum Hæreticis possit, quam accipere a viro, eoque Catholico, quæ nunc Siculis observanda proponuntur. Nimirum & ipsi reponunt, ut se se auctoritati Traditionis & Sanctorum Patrum subducant, Patres ipsos in numero ducum habendos, quos sequi non pudeat, nec pigeat deferere; & viam veterem eligendam; sed si propior ac planior invenia-

tur,

sur, hanc muniendam. Atqui vera Theologia nos docet, Sanctos Patres ita esse duces nostros in explicandis divinis Scripturis, & tradenda doctrina Fidei, ut ab eorum unanimi consensu discedere crimen sit, quum legitimi ii sint Traditionis custodes. Celeberrima est in hanc rem sanctio Tridentini Concilii, Sessione IV. quam supra attuli. Idem quoque tradiderat Trullanum Concilium Can. XIX. Paria itidem Martinus Papa I. in Lateranensi Concilio scribens: *Nilil. permittere dici noviter a quopiam, quod Sanctorum Patrum traditio minime definitis.* Temere ergo faciat, qui se non Patrum sectatorem, sed Iudicem constituat; eos sequi paratus, si sibi videantur Veritatis semitam non dereliquisse; deferere, ubi a Veritatis tramite aberrasse illos sibi constet. Quorsum vero Theologus noster periculosis hisce documentis Præfationem suam insperserit, nondum liquido sum assequutus. Num ut fidem Patribus adimat, si quando plurimi ex iis Scotisticæ sententiæ obflare reperirentur: quod tamen ipse Parthenotimus pag. 51. negat? At hoc verum-ne sit, an falsum, judicabit aliquando Cathedra Petri. Numquid ut antiquos Theologos deiciat, apud quos Communis fuit Thomistica de Conceptione sententia? Sed pariter judicabit Apostolica Sedes, an in doctrina Catholicæ Religionis præferendi sint non Sancti Sanctis, & moderni antiquis Doctoribus, uti aiebat Cardinalis Cajetanus in 3. S. Thomæ, quæst. 27. art. 2. & præcipue si concordēs cum præcipuis Ecclesiæ Doctoribus Theologi veteres deprehendantur. Num denique ut Voto Sanguinario patrociniū paret, si forte contra ipsum proferatur Antiquorum auctoritas? At nullum novi ejusmodi quæstionis documentum apud veteres; neque enim eis unquam in mentem venit, excogitare homines tam sui ac Prudentiæ oblitos, ut pro Opinionibus tuendis velent animam suam pervicacissime ponere; atque ad id se se Voto obstringere. Primus mihi notus, qui casum hunc ipsum de tutela Immunitatis Marianæ præsensit, ut supra vidimus, Alphonsus de Castro (quem postea sequuti sunt Gabriel Vazquez & Theophilus Raynaudus) *Hæresis damnavit, qui tam firmiter Opinionem Scotisticam teneret ac doceret, ac si esset Articulus Fidei, & ita pro illius Opinionis defensione esset mori paratus, sicut faceret pro illis, quæ ad Fidem pertinere noscantur.*

Quærit Parthenotimus pag. 12. an particula usque ad Sanguinem subintelligatur in omnium Votis de tuenda Deiparæ Immunitate. Indicat Sanctum Antoninum, Cardinalem de Turrecremata, Gerfonium, ac alios, scribentes, in Vitæ discrimine eximi voventes a servanda re promissa. Tum Suarii doctrinam producit, docentis,

Id verum esse, ubi alia aliunde non colligatur esse mens & voluntas votentis. Et hæc, ut Suavius subdit, etiam si extendat ad Vitæ discrimen, rationalis esse potest & prudens, nedum ubi materia Voti sit opus præceptum, verum etiam ubi sit opus consilii. Addit Parthenotimus: Nec mihi dubitandum est, quin plerumque Vitæ discrimen non excludant pie votentes. Contra nihili nulla dubitatio est, quin qui vovent voce tantum & scriptis tueri Scotificam sententiam, alieni omnino sint a voluntate obsignandi Sanguine suo Opinionem istam, simulque perdendæ Prudentiæ, immo & Animæ suæ, pro tutela rei, quam Certam, pendente iudicio Ecclesiæ, sentiunt se præstare non posse. Eoque magis ab imprudenti huiusmodi sacrificio abhorrebunt; nam ut animadverti supra Cap. licet quidem & laudabile est, Vitæ discrimen subire pro actibus Pietatis, aut alterius Virtutis ad Deum tendentis, sed ea conditione, ut actus illi sint *Virtutis intrinsecæ*, non *Opinativæ*. Neque sufficit, ut actus ipse referri possit ad Virtutem etiam Intrinsecam. Necessè est etiam, ut pretio suo superet pretium Vitæ nostræ. Si secus sit, insipienter, & non sine peccato, Vita profunderetur. Ecclesia præcipiens certis diebus Jejunium, aut Abstinentiam a carne, aut interesse incruento Sacrificio, nos certe non obligat ad rem præstandam cum periculo vitæ. Immo desiperet, & peccaret, qui præfractæ mortem eligeret in necessitate cibi, oblata sibi ad comedendum carne, aut imminente sibi certo interitu, si ad audiendum Sacrum proficisci vellet. Et quis, rogo, e Theologis nisi delirans, auctor homini esset, ut potius exiguum pecuniæ sibi reliquæ conferat in eleemosynam Sacerdoti celebraturo sacrum, quod vovit; aut in candelis emendis impendat, quas vovit, ante sacram quamquam Imaginem accendens, quam extremo Vitæ periculo ob defectum cibi empto pane succurrat? Et ratio est, quia a Dei & Naturæ legibus sub gravi præcepto obligamur ad servandum pretiosum Vitæ Bonum, nisi forte agatur de illa impendenda pro Bono præstantiori, aut Malum intret majus, quam mors corporis nostri. Agitur interdum modici sunt pretii, quæ vovemus, quia neque in multam utilitatem nostram, neque in magnum Dei honorem cedere possunt; & tunc in arbitrio nostro minime positum est ita earum rerum pretium augere, ut Vita prudenter pro iis detur, & dispensatos nos jure putemus ab obligatione tuendæ Vitæ. Deus tantum & Ecclesia indicare certo nobis possunt, quando laudabile sit mortem sponte eligere; ac proinde non careat Peccato, qui pro levibus rebus, neque a Deo, neque ab Ecclesia imperatis, occumbere velit. Ideo consequens est, doctrinam Suarii intra honestos limites esse coerendam; hoc est, tunc revera cum Prudentia & Pietate consentire

T

etiam

etiam Vitæ discrimen, quum agitur de Bono Certo ac præstantiori; non autem quum de levibus præcepti aut consilii operibus, secluso semper Scandalo & contemptu Ecclesiæ. Utrum vero Scotticæ sententiæ tutela sit res tanti momenti, quæ in summam gloriam Dei, & Virginis, aut utilitatem nostram cedat, facile patebit, si consideremus, nondum pertinere sententiam ipsam ad Fidei doctrinam; atque ab Ecclesia liberum fieri cuicumque etiam contrariæ adhærere sententiæ; & fieri insuper aliquando posse, ut in ipsa opposita sententia Veritas deprehendatur. Quis ergo nisi temere ac imprudenter trucidandum se sinat, pro asserenda ejusmodi adhuc incerta sententia? Et nimium quidem differt Votum propugnandæ verbis tantum & calamo sæpe laudatæ Immunitatis a Voto etiam tolerandæ mortis pro ejusdem tutela. Distinguebat Sanctus Augustinus Theologicas Opiniones a Dogmatis Fidei Libr. de Peccat. Original. Contr. Pelag. Cap. XXIII. scribens: *Longe aliter se habent Quæstiones istæ, quas esse præter Fidem arbitror, quam sunt illæ, in quibus salva Fide, qua Christiani sumus, aut ignoratur quid Verum sit, & sententia definitiva suspenditur; aut aliter quam est, humana & infirma suspitione conjicitur &c.* Quis enim non sentiat, in his atque hujusmodi variis & innumerabilibus Quæstionibus, sive ad obscurissima opera Dei, sive ad Scripturarum abditissimas tenebras pertinentibus, quas certo aliquo genere completæ ac definire difficile est, & multa ignorari, salva Christianæ Fide, & alicubi errari sine aliquo Hæretici Dogmatis crimine? Paria habet Ephræm Antiochenus apud Photium Cod. 228. Necesse profecto est, ut alterutra de duabus sententiis de Conceptione Virginis falsa sit: attamen quia neutra ad Christianam Fidem spectat, nobis licet eam amplecti, quæ probabilior videatur; & quamvis fortasse in illa eligenda ac propugnanda erremus, nullum doctrinæ Catholicæ detrimentum inferatur. Verum ubi Vitam quoque nostram, insigne scilicet Bonum, cujus usum nobis divina liberalitas concessit, erogare velimus pro tutela alterutrius ex hisce sententiis; jam certo contra Christianæ Fidei doctrinam erramus, quando mori eligimus pro sententia, cui certi non sumus an sublit Error, Christianum vero Dogma instat, non esse prodigendam Vitam pro sententiis, quas Ecclesia probe illarum conscia, nondum ab Errorē immunēs pronuntiavit, immo aliquando etiam improbare possit.

Ut ostendat Theologus noster, posse aliquid credi a Deo Revelatum in Scripturis, etiamsi nondum publice cunctis propoposita fuerit Revelatio, Cardinalem de Lugo laudat pag. 23. in hæc verba scribentem Disput. 20. de Fide num. 59. *Potest contingere, quod ali-*

aliquibus sit de Fide aliquod in Scriptura contentum, quibus manifestum est, id in Scriptura contineri, quod tamen omnibus non sit de Fide; quia non ita clare Scriptura loquitur, ut id possit ab omnibus animadverti. Vera est sententia Cardinalis, in eo tamen casu, quo Ecclesia nondum agnoverit, an eadem Revelatio subsistat, nihilque de ea protulerit. Disputatur autem a tot Seculis, Revelatum-ne a Deo fuerit Mysterium Conceptionis Marianæ. Ecclesia non semel interposito iudicio suo nos docuit, nondum constare, num Revelatum fuerit ejusmodi privilegium, an potius oppositum. In tali rerum statu audacia in illo non desideretur, qui auditoribus suis venditet, Fide divinæ posse credi Immunitatem Mariæ, idque tam Certo, ut prudenter pretiosum Vitæ depositum pro hac Persuasione tuenda discrimini oblatum credatur, non secus atque fiat pro certissime Revelatis a Deo. Dum Probabilem & Piam sententiam tuam putes, annuo & consentio, quia ex Ecclesiæ decretis id merito deducis; quamquam & contrarium sentientes ex iis ipsis deducant, Probabilem quoque ac Piam non desinere esse Opinionem suam. Ubi vero Certitudinem Fidei divinæ adstruere vis Scotisticæ sententiæ, repetit Lamindus: *Cuinam certum id videtur? Creatura fallacissima*: additque; immo & in casu nostro temere iudicantis, quum suum iudicio Ecclesiæ anteponat. Parthenotimo autem respondent, tum maxime fallax esse privati hominis iudicium, quum se putat plus scire quam Ecclesia; & quod Incertum huic est, tanta est pervicacia vult Certum, ut Sanguinem pro ejusmodi Persuasionis tutela dare non dubitet. Et profecto, consideratis Ecclesiæ decretis, nemo non agnoscat, fundamento nullo niti, quæ Parthenotimus addit pag. 28. scribens: *Non est igitur adeo clarum, ut sibi met Præsumptus blanditur, quod pia Sententia sit Opinio, & mera Opinio, cui subesse possit falsum*. Ex quo oppositam amplecti Thomistarum sententiam Fidelibus Ecclesia liberum facit, ac pro ejus Veritate definitivum decretum pronuntiare aliquando possit (quod ne noster quidem Theologus negare est ausus): leges omnes Logicæ Scotificam inter *Opiniones* adhuc enumerandam decernunt. Frustra quoque is pag. 33. contendit dari Certitudinem, quæ a Divina Fide non oriatur, & Bagotium laudat, qui in *Apogetico Fidei per plures disputationes contra Academicos aliam firmat a Certitudine Fidei Certitudinem*. Nihil opus erat Bagotii auctoritate ad confirmandam rem meridiano Sole clariorem, & quam universa Philosophorum ac Theologorum schola, immo & vulgus novit, nempe innumera fuisse, ac esse in rerum natura sine divinæ Revelatio-

nis præsidio, nobis notissima, Certissima, Evidentia. Non vagetur quæso Theologus noster: consistat in quæstione nostra. Disputatur hic, an Certus quispiam esse possit, Revelatam fuisse a Deo Immunitatem Virginis (hoc autem ex iis est, quæ nisi ipse Deus revelarit, rescire nobis non licet) non solum ulla voce Ecclesiæ agnoscantis hanc Revelationem, sed etiam cum disertâ voce Ecclesiæ nos docentis, adhuc abditum esse in thesauris Dei hujusmodi Mysterium. Quid ultra quærimus? Ecclesia ita nos erudiente, nonnisi Prudentiæ monita pessumdet, qui ita pertinaciter Scotisticam sententiam sibi Certam persuadere velit, ut quasi de articulo Fidei ageretur, tormenta ac mortem pro ea asserenda ac tuenda eligere statuat.

C A P U T XX.

Thomistica de Conceptione Sententia ne ipsa quidem Certa. Potest & ipsa esse honorifica Virgini. Gersonii locus a Parthenotimo adductus, contra ipsam militans: An erret judicium putantis, licere mortem oppetere pro tutela Scotisticæ Sententiæ: An ab Hæresi excusari possit, negant Christum Filium naturalem Dei. An ante Ecclesiæ definitionem credere quædam liceat spectare ad Fidem Divinam.

PArthenotimi verba sunt pag. 40. Sit ergo utraque Sententia (quod mordicus nego) eodem modo Probabilis; at Immunitatis sententia Virgini perhonorifica, ac proinde Deo grata, & ejus defensio Deo potest promitti: secus autem sententia maculæ, ejusque propugnatio. Pro more quorundam, Amorem sui tantummodo consulentium, sua dumtaxat respicit, sua laudat Theologus Siculus. At adversariorum quoque mens & rationes æquo animo sunt perpendendæ, ac sincere ferendum de iis judicium. Contendunt Thomistæ, e Scripturæ locis nonnullis, iisque non mysticis, sed litteralibus, deduci, Virgini minime collatam fuisse Præservationis Originalis prærogativam. Addunt, plerosque Sanctos Patres, non secus atque ipsi sentiunt, interpretatos fuisse illa sacrarum Litterarum loca. Denique sententiam suam Communem fuisse usque ad initium Seculi XIV. scilicet usque ad tempora Johannis Duns cognomento Scoti. An ii pro Veritate militent, ego homuncio ignoro; atque ajo, pendente judicio Ecclesiæ, Probabilem esse utramque de Conceptione sententiam. neutram vero Certam posse merito appellari.

At

At fingamus tantisper, folidiffimis fundamentis niti Thomificam Sententiam. In hac fuppoſitione tria neceſſario confequuntur, ſcilicet Thomitarum ſententiam non ſolum gratam, ſed unice eſſe poſſe gratam Deo Veritatis parenti. Secundo, eam tantum, non vero Scotificam, poſſe placere Virgini, cui numquam placuit, numquam placeat, niſi Veritas; & quæ falſas laudes averſatur, idque dumtaxat cupit de ſe affirmari, quod cum Voluntate Dei conſonum fuit eſt, & erit. Tertio, Eccleſiam, cuſtodem divinitus conſtitutam Veritatis, poſſe ac debere, in hoc ſuppoſito, uni adhærere Thomificæ Sententiæ, & hanc unam gratam habere. Quare in iſta ſuppoſitione evanefcere ſtatim vides metum, ne honorificentia Virginis minuatut aut lædatur, quum honorificum Deiparæ illud tantummodo ſit, quod Deus voluit illi elargiri (& quidem innumera eidem dona certiffima eſt elargitus) non quod noſtra Devotio importune, & præter, aut contra mentem Eccleſiæ & Dei tribuendum illi cenſet. Honor proſpecto Virginis cordi erat tot Sanctis Viris, piisque Theologis, & adhuc cordi eſt iis, qui aliam a Scotillica tenuere, tenentve Sententiam. Et quamquam zelus eorum laudetur ac Pietas, qui Mariam ſine labe conceptam tuentur, eorum quoque zelus & Pietas commendanda eſt, qui vigilant, ne Error ac Falſitas in doctrinam Eccleſiæ irrepat. Quod ſi accidere poſſet (numquam autem accidet) rueret Eccleſia tota; quum nemo ignoret, ſi Eccleſia in uno errare deprehenderetur, fruſtra poſtea privilegium Infallibilitatis de ea poſſe deprædicari. Itaque ſophiſmate laborat memorata nuper Parthenotimi argumentatio. Nam ex quo nos aliquid excogitamus uti honorificum Virgini, non continuo ſequitur, illud quoque eſſe Verum, & certiffime gratum Deo, gratamque eſſe Virgini ſine ulla dubitatione ejuſdem prærogativæ tutelam. Gratum quippe illud unum Deo eſt, quod ipſe voluit, non quod nos cupimus ipſum voluiſſe. Fallaci, inquam, argumentatione dicimus. Illud in honorem Virginis cedit: ergo illud voluit ac fecit Deus: ac proinde hoc affirmare ac tueri, gratum quoque Deo eſt. Contraria nimirum ratione argumentatio efformanda eſt. Deo & Virgini & Eccleſiæ certo placere tantummodo poteſt, quod Verum eſt, & Deus in ſacris Litteris, aut in Traditione Patrum revelavit a ſe factum, non quod Devotio noſtra excogitat & exoptat. Donec vero ab Eccleſia decernatur, quidre ipſa de hoc Myſterio Deus revelarit, utraque ſententia inter Opinionis fines contineatur neceſſe eſt; neque ea Certitudine ſuam Deo gratam arbitrari quiſquam poteſt, ut certo affirmare ſas ei ſit, alteram eſſe ipſi Deo ingratam. Proinde id unum ſuper'eſt, laudabile quidem eſſe tueri voce & calamo Sco-

tiffi-

tisticam Sententiam. Laudabile quoque opinari, gratam Deo esse illius tutelam voce & calamo: Verisimile quippe & Probabile, quando Certam Veritatem divinarum humanarumque rerum assequi non possumus, tenere ac propugnare decet. Porro Vitæ prodigus foret, atque peccaret, qui pro ejusdem sententiæ tutela Sanguinem funderet, quum nefas sit, ipso Parthenotimo, ceterisque Theologis fatentibus, pro Opinionis alicujus, quantumvis Piissimæ, tutela impendere Vitam, de cujus Certissimo pretio, ejusque custodiendæ præcepto, nemini dubitatio occurrere potest. Vetuit etiam Apostolica Sedes, ne duarum *De Gratia Dei, & Libero Arbitrio*, sententiarum patroni, alter alterius Opinionem Hæresis, Impietatis, aut Erroris insinularet. Idem vetuit Anno 1667. ne disputantes de *vi Attritionis ex metu Gehenne* in Sacramento Pœnitentiæ, alter alterius sententiam aliqua Theologica censura percelleret. Temere sane ac imprudenter ageret, qui pro defendenda alterutra ex hisce sententiis mortem eligeret, ea persuasionem seductus, suam esse Certam, atque a Deo Revelatam in sacris Litteris, aut in Traditione Patrum, ex quo ad Ecclesiæ Tribunal utraque sententia delata est, decretumque fuit, abstinendum interim esse ab alterutrius censura, laudabiliter quidem suam quisque tueatur oratione & scriptis, uti Probabilem, aut Probabiliorem altera, at non sine gravi crimine pro ea, videlicet pro Opinionem, securibus collum præbeat. Quod si scandalis & jurgiis, ob ejusmodi controversias oborientibus, præcidendum cursum Prudentia Ecclesiæ censeret, indistincto alteri ex iis silentio, sed simul sibi reservato judicio de Veritate aut Falsitate ejusmodi sententiarum; nemo nisi somnians contenderet, creptam uni Probabilitatem, additam vero alteri Certitudinem; diffusa enim Ecclesiæ protestatio Persuasioni huic, immo præsumptioni, obstitere.

Dixerat Lamindus: *At enim subjicis, quamquam subesse error huic Opinioni, & falli intellectus possit; numquam tamen heic errare Affectus dicetur &c.* Tum ostendit, hunc ipsum Affectum errare posse, neque expectandum esse præmium ac laudem e zelo sine scientia. Ad ista Parthenotimus pag. 53. respondet: *Nedum pie viventes, sed Theologos Vos pietatem non improbanter, Lamindus corripit, æque nobis aperiens veræ Theologiæ, ac veræ Pietatis dogmata.* Ita auditoribus suis per Ironiam aut illudit, aut imponit, qui sacræ Theologiæ Professorem inscribit. Evidens est, Lamindum pugnare heic, & in reliquis suis de controversia ista verbis & argumentis non contra omnes Voventes tutelam Socraticæ sententiæ (calamo enim & rationibus id præstare, laudem ab ipso meruit)

sed

fed unice contra paucos Voti Sanguinarij patronos. Si apertis oculis aliam Lamindo mentem Siculus Profeflor tribuit, videat ipfe, quo nomine fit dignus; fi caligantibus, ineptum ad hæc dijudicanda incaute fe prodit. Subdit ille : *Fallitur Lamindus, fi credit, quod unus erret Affectus; nam neque errat Judicium, quo Pium effe afferitur, Immaculatam Virginem colere, & ob Immaculatæ Virginis cultum mortem oppetere.* Ut hoc ipfum evincat, en quo argumento utatur. Omiffo hic, ait, examinae, utrum reapse falſitati obnoxium ſis judicium, quo Immaculata afferitur Conſepcio : diſputat Geron, quamam Veritates credenda ſint de neceſſitate ſalutis, & inter alia hæc habet : „ Sicus dixit Ariſtoteles, nihil refert, Falſa Probabiliora eſſe quibusdam Veris : ita nihil refert, quedam Falſa Pie credere. „ di. Non quod ea ratione, qua Falſa ſunt, vel ſi ſciuntur eſſe Falſa, credi poſſunt (procul hoc a Pietate Fidelium) ſed cadis exiſtimatio, ſeu Pia Credulitas non ſuper Veritate vel Falſitate; ſed ſanctummodo ſuper Apparentia, vel Probabilitate. Et hoc non eſt periculofum vel Falſum, quia conſtat de Apparentia vel Probabilitate, dum Falſitas, vel Veritas ignota eſt. „ Lectorem rogo, ut non incurioſe perpendat, an Parthenotimus ea reapse proferat, quibus aperte juguletur cauſa, quam protegit. Ut oſtendat, non errare judicium, quo Pium eſſe afferitur, Immaculatam Virginem colere, & ob Immaculatæ Virginis Cultum mortem oppetere, ita argumentatur : *Nihil refert, Falſa Probabiliora eſſe quibusdam Veris. Nihil refert, quedam Falſa Pie credi, & reliqua e Gerſonio.* Egregia, inquam, tela conquiſivit Siculus Profeflor, ſed quæ in unum ipſum recidunt, neque egrotiora inſtruere potuiſſem. Hæc enim validiſſima quidem ſunt ad oſtendendum, laudabili ſtudio poſſe nos tueri voce, calamo, & Feſto, immaculatam Virginis Conſepcionem; at ſimul evincunt, niſi temere Vitam impendi poſſe pro eadem tuenda. Primum legitime prudenterque præſtamus; quia ethi Error huic Opinioni ſubefſe poſſit, dum tamen *Apparentiam Veritatis, vel Probabilitatem* in ea deprehendimus; & nobis ignotum eſt (neque innotefcere poteſt, pendente judicio Eccleſiæ) an Falſum in ea lateat : Prudenti homini hoc ſatis eſt, ut eidem ſententiæ adhæreat, & ſecundum illam cultum ſuum erga Virginem regat. Verum quippe eſt, non Falſum, conſtare nobis de iſta Probabilitate, ſeu Apparentia Veritatis; neque id periculofum eſt, quia per hoc non creduntur Certo Vera, quæ Incerta adhuc ſunt, & Falſitatis metum non excludunt. Deinde iſta *Credulitas Probabilitatis* prudenter fundata eſt; eamque habere ac tueri voce & ſcriptis, nihil incommodi aut periculi adfert doctrinæ, aut diſciplinæ Eccleſiæ,

cleræ, uti neque Reipublicæ regimini & quieti : quandoquidem pia ista credulitas non cadit super Veritate vel Falsitate objecti : ipsaque Falsa pie credere, nullum piaculum est, dum Probabilitas sit, & apparentiam præferant Veritati, & dum nulla sufficiens ratio occurrat, cur Falsa nobis credenda sint. Quum ergo in sententiam Scotisticam confluant motiva robusta Probabilitatis, & Veritatis apparentia in ipsa minime desideretur : propterea centies & ego laudavi uti Pium & Prudens, amplecti, & voce scriptivæ tueri Immaculatam Conceptionem. Neque ullus sapiens vitio nobis vertit, quod Intellectus noster in obscuris adhæreat Probabilitati & Verisimilitudini, quotiescumque Certitudo Veri aciem mentis nostræ fugit. Itaque concordēs in hoc pergimus Theologus Siculus & ego. Quum vero is addit : *Neque errat Judicium, quo Pium asseritur ob Immaculatæ Virginis cultum morsem oppetere* : hoc utique præter mentem Gersonii adtexit, & contra rectæ Rationis leges omnino pugnat. Namque id unum Gersonius scite statuit, licere nobis Pia Credulitate ferri in assensum Opinionis, quæ Probabilitatem & Apparentiam Veritatis secum adducat : numquam vero somniavit, licere etiam pro ejusdem Opinionis tutela jugulum carnifici offerre. Nemo enim e Theologis, Parthenotimo ipso fatente, umquam docuit, fas esse pro Opinionibus tuendis vitæ discrimen incurrere.

Certe sunt ipsius Siculi verba pag. 15. *Theologi numquam dixerunt, licitum esse mori pro Opinione, etiamsi Pia*: Idem repetit infra : *Nullus Theologorum est, quod ego sciam, qui asserat, posse quemquam honeste mori ob causam Immaculatæ Conceptionis, si hæc tantum sit Opinio, & pro mera ista Opinione Sanguinem profundere velit*. Ex his agnoscimus enormem Parthenotimi nostri contradictionem. Uno in loco agnoscit & ipse, necesse esse pro Opinione mori. Tum in altero contendit, Gersonii auctoritate abutens, fas esse pro Immaculata Conceptione, quamvis eam dumtaxat Opinionem Piam respiciamus, Sanguine nostro pugnare. Et ne quis dubitet, hanc ejus mentem esse pag. 55. docet, etiamsi Sanguinario Voto se se adstringentes Opinarentur, *Virginem ab Originali labe fuisse præservatam, attramen dum Falsitas hujus Opinionis ignota est, & Apparentia pro Veritate stat, iidem putarent licitum & honestum illam defendere Sanguine suo*. Atqui Gersonius tantummodo tradit, prudenter assensum præberi Opinionibus, Probabilitatem & Apparentiam Veritatis præferentibus, & nihil referre, si quedam Falsa Pie credantur Vera. Quis vero nisi imprudens, seu potius Fanaticus, dicat : *Nihil refert mori pro Veritate aut pro Falsitate*? Ad primum sufficit Probabilitas & apparentia Veritatis. Ad alterum ne-

cessa-

neceffaria eft Certitudo Veritatis, non minor atque eft Certitudo Vitæ noſtræ, & Certitudo præcepti divini & naturalis de illa ſervanda. In illo non errat iudicium, quia Verum eſt, & non Falfum, Opinionem illam eſſe *Probabilem* & Piam, hoc eſt haberi in ea *apparentiam Veritatis*, ita ut non immerito Opinemur, ſpectare ipſam ad cultum Dei, ſive ad Honorem Virginis aut Sanctorum. At in iſto fallibile eſt iudicium, quia non amplius uti *Probabilis*, ſed uti *Certa* ſumeretur ſententia illa, & ſupponeretur ut Certum atque indubitatum, ſpectare ad Cultum & Honorem Dei & Virginis, quod tamen Probabiliter tantum ſpectat, & metum involvit, ne Falfum aliquando deprehendatur. Proinde ſapientibus conſiderandum relinquam, an in Eccleſia Dei toleranda diutius ſit doctrina, & quidem a Theologo difſeminata, quæ nullam diſtinctionem ſtatuit inter *Pie Opinari* de aliqua re & *Mori* pro tutela iſtius Opinionis; & quæ non ſolum laudem, ſed & *Martyrii* gloriam pollicetur in mortem ruentibus, dum tueantur aliquid, quod *Pie* id eſt *Probabiliter*, & *ſecundum apparentiam Veritatis* credant. Si ita ſentire, ac docere fas eſſet, heu quot miſeris aut ſultis via ſterneretur, ut imprudenter ac temere Vitam darent pro Faliſ rebus atque ſententiis, quas Probabiles reputant! Immo docerentur Fideles pro duabus etiam oppoſitis ſententiis Sanguinem fundere: quod patens abſurdum eſt. Exempli enim gratia quum Thomiſtæ *Pie* credant, ſententiam ſuam de Conceptione Virginis inniti ſacris Litteris, ac Traditione Patrum, ſibi que perſuadeant, *apparentiam Veritatis*, ſive *Probabilitatem* in ea minime deſiderari; quotieſcumque locus foret Parthenotimæ doctrinæ, non erraret illorum Iudicium, aſſerendo Pium eſſe pro illa Opinione occumbere? Verum quis hoc ferat? Non minus Thomiſtæ quam Scotiſtæ, temere animam ſuam darent, quia tam illi quam iſti pro re Incerta Sanguinem ſuum commutarent, atque alterutra certe pars pro Errori & Faliſitate poſtremo fato ſuccumberet. Quod ſi Parthenotimus pag. 60. intolerandum idem Dogma repetit ſcribens: *Etiamsi Certa non eſſet* (quod idem eſt ac dicere, etſi mera *Opinio* foret) *Deiparæ Immunitas ab omni labe, nihilominus Immunitatis tuſio, niſi pote ad Virginis laudem conducens, ſpectat ad Prudentiam*: Utique (reſponderet mecum quicumque ſapit) ad Prudentiam ſpectat, eam calamo ac voce tueri, uti *Probabilem*, quia ſufficiencia motiva *Probabilitatis* pro ea militant, ut prudenter opinemur, non vero ut Certo credamus, eam ſententiam ad laudem Virginis conducere; quando certi non ſumus, an Deus ita voluerit, & ſitne tribuenda anneganda ejuſmodi laus Virgini Sanctiſſimæ. At Sanguine & Vita velle tueri eamdem tantummodo Probabilem ſententiam, ad Imprudentiam & tranſgreſſionem divinæ Legis ſpectat. Ubi Certo non ſit Scoti ſententia (uti nunc ſupponit Par-

thenotimus) *Opinio* dicatur oportet, simulque *Opinativus* sit *Cultus*, *Honor*, *Lous*, *Pietas*, & si qua sunt alia prædicata eidem Opinioni in hærentia, aut inde manantia, quemadmodum & in ceteris Opinionibus Piis accidit, quæ in cultum & honorem Deiparæ & Sanctorum collineant, neque propterea desinunt esse Opiniones. Repetat nunc Lector confessionem Parthenotimi ipsius agnoscantis, *neas esse pro Opinionibus tuendis mori*, & quid ex jam dictis consequatur, demum intelligat.

Dixerat Lamindus: *At mihi certissima est hujusmodi Opinio, aliquis dicet. Cui? Homini, nempe Creatura fallacissima. Num rogo, certum est aliquid, quia id tibi Certum videtur?* Atque huc faciunt Apostoli verba Roman. III. vers. 4. *Est autem Deus Verax, omnis autem Homo Mendax.* Respondet Parthenotimus pag. 20. *Creatura, quæ est per Theologos fallacissima, per eosdem Certitudinem assequi potest. Hac est eorum assertio, nec sola Lamindi interrogatione labefactatur. Homo suadet sibi, Certam esse Immaculatæ Virginis Assertionem, quia id insinuant Patres, docent Theologi, fert communis sensus &c. Nihil est, quod ego ultra laborem in ostendendo, quantum a Veritate absit, quod heic summa confidentia Siculus Theologus clientibus suis edisserit. Jam supra evicimus, Scotisticam Sententiam Piam ac Probabilem ab omnibus julte haberi; Certam vero esse falso dici, si de Certitudine Objectiva, & a parte rei agatur. Fateri quippe cogimur, ex quo a sententia ista non absit Erroris formido, ipsam intra Opinionis septa contineri. Hanc formidinem, pendente judicio Ecclesiæ, tolli non posse, fateatur quisque necesse est; neque negavit Parthenotimus ipse, scribens pag. 55. definiente controversiam hanc Apostolica Sede deprehendi posse Veritatem in sententia Pie contraria. Ergo falsum heic nobis obtruditur; & quamquam Certitudinem sibi Siculus in hac sententia fingere possit, semper fallibile dicendum erit illius Judicium, sive Persuasio, quia infallibilis Cathedra Petri potest, non in ista, sed in opposita sententia deprehendere Veritatem. Ergo stabilis est Lamindi interrogatio atque responsio; & donec erumpat Ecclesiæ definitivum decretum, nullus Theologorum heic a fallacia immunem se præstare potest. Falsum denique est, nos Certitudinem hanc assequi posse per Theologos. Nam ut omittam, quod Theophilus Raynaudus, carum Parthenotimo caput, & a me quoque maximi factum, tradit Partit. I. Erotem. XIX. de malis ac bonis Libris, num. 471. nempe communem Doctorum Scholasticorum sententiam non continere irrefragabile argumentum; quia Certitudo infallibilis, qualis ad statuendum pro potestate de re Fidei exigitur, nisi debeat promissione aliqua divina, quam pro*

pro Doctioribus univ[er]sus nusquam reperimus. Ut etiam omittam, Theologos veteres fere omnes fuisse, & non paucos etiam & recentibus esse in contraria sententia: illæ ipsæ Academiæ, & ceteri, qui Scotificam tuentur, atque huiusmodi argumentum rite ac sincere versantur, si interrogentur, quæ sit eorum mens (exceptis tantum illis, quibus factionis suæ amor nimius, aut sine iusto criterio efformatum iudicium tenebras offundit) continuo respondebunt, se *Piam* quidem & *Probabilem*, & si mavis *Probabilissimam*, existimare Scoti sententiam; non vero *Certam*, Certitudine saltem *Obiectiva*, quæ formidine quacumque Erroris careat. Quid Academiæ voveant, jam vidimus supra Cap. 19. Quapropter Certitudinem hanc potest quidem Parthenotimus iactare in cœtu suorum clientum, edicendo, eam *insinuari a Patribus, doceri a Theologis, ferri a communi sensu*: at nos qua facilitate id ab eo affirmatur, eadem negabimus. Iudicium firmum tunc tantum habituri erimus, quum Romanus Pontifex reservatam sibi sententiam pronuntiabit. Interea pro *Certam esse Immaculatæ Conceptionis Assertionem* Parthenotimus rogandus est ut scribat *Probabilem*: & neminem a se dissentientem habebit.

Magnopere tamen vereor, ut id impetremus ab homine, qui post susceptum Sanguinariî Voti patrociniû non sentire nequit, corruere ejusdem Voti fundamenta, si pro sententia *dumtaxat Probabili* concipiatur. Immo ipsum videas pag. 22. caute insinuare discipulis suis, posse secundum quosdam Theologos *Certum* esse homini, aliquid spectare ad Fidei dogmata, quamquam Revelationem hanc Ecclesia non proposuerit, quoties nempe *ille homo sibi persuadet, id facile a Deo Revelatum*. Sed millies repetendum est, *Persuasionem* hominis ferri posse tam in Verum quam in Falsum; & ubi *Persuasioni* tantum ponderis tribueremus, Hæreticis *Persuasionem* abundantibus, sed *Veritate* destitutis, grande patrociniû a nobis præberetur. Interdum quidem proderit *Persuasio* ista, dum videlicet conjuncta sit cum *Ignorantia Invincibili* ad excusandum, immo & laudandum hominem mori volentem pro tuendo, quod ipse invincibiliter sibi persuadet revelatum fuisse a Deo. Ubi vero cum *Persuasionem* jungatur *Ignorantia* dumtaxat *Vincibilis*, desipiat miser ille, & peccet, dum temerario & imprudenti affectu ruit in mortem. Jam diximus, *Ignorantiam Invincibilem* admitti non posse in viris doctis, si forte sibi persuadeant, Certo revelatam fuisse a Deo *Præservationem* Virginis, quum neminem e doctis latere possit, quid hac de re sentiat Ecclesia Romana, omnium Magistra. Ei profecto non ignota quæstio est: attamen ipsa rem uti Incertam adhuc respicit,

cit, quum alterutri ex oppositis sententiis adherere liberum nobis reliquerit. Ceterum dissimulanda non sunt, quæ Parthenotitus hanc in rem pag. 23. adjicit, inquit: *Adducis Granadus illius exemplum, qui censeret, posse divina Fide credi, quod Christus sit Filius Naturalis Dei; nec inde inferre licet, quod sit Hæreticus, qui illud negaret.* Sed animadvertant Siculi, quo eos ducat eruditio Theologica Magistri sui. Sub finem Seculi a Christo nato Octavi in Hispania Felix Orgellitanus Episcopus, & Elipandus Archiepiscopus Toletanus tradidere, Christum non *Naturalem*, sed *Adoptivum Dei Filium* esse. Doctrinam hanc Hæreticam pronuntiarunt in Foro-Julienſi Concilio Anno 791. complures Episcopi; tum in Francofordienſi plenario Concilio Anno 794. Episcopi Italix, Germanix, & Gallix, assistentibus Pontificiſſiſ Lepatis; eamque præterea damnavit Hadrianus tunc Romanus Pontifex in Epistola ad Hispanos. Alcuinus etiam Lib. I. adversus Elipandum testatur, perverſum idem Dogma confixum fuiſſe in Concilio Ratiſponenſi Anno 792. eundemque Hadrianum anathemata in ipſum protuliſſe. Ad hæc Anno 799. Leo III. Papa in Synodo Romana hanc Hæreſim proſcripſit. Eodemque Anno idem Felix Orgellitanus publicam edidit Confessionem Fidei, in qua agnovit, *Dominum noſtrum Jeſum Chriſtum in utraque Natura, Deitatis videlicet & Humanitatis, Proprium ac Verum Dei Filium eſſe.* Vide Labbeum & Aguirrium in Collect. Concil. & Alcuini Opera. Denique Patrum plerique oppoſitam docuere ſententiam, quibus liceat mihi adjungere Marium Viſtorinum Rhetorem Urbis Romæ Anno Chriſti 362. in Epistola ad Candidum Arrianum, edita a Mabillonio inter Analeſta. *Deus*, inquit, *caritate prædeſtinaviſ nos in Adoptionem per Chriſtum. Numquid & Chriſtum per Adoptionem Filium Deus habes?* **NULLUS AUSUS EST DICERE: ſortasſe nec tu.** En quam mature Felicis Orgellitani doctrina improbata fuerit in Eccleſia Dei. Quod ineunte Seculo XIV. Scotus, Durandus, & Baſſolis eandem Opinionem renovarint, excuſandi ſunt. Non enim eis perſpecta erant Acta Conciliorum illorum, neque Epistola Adriani, quorum editionem Surio debemus; neque alia Eruditionis Eccleſiaſticæ monumenta, quæ nunc abundant. At poſtquam poſtremis hiſce temporibus tanta lux facta eſt Quæſtioni huic, laboret necesse eſt non levi ignorantia Theologiæ Dogmaticæ, qui placido calamo hæc in medium proferret, & præſertim nulla facta diſtinctione duarum in Chriſto Naturarum. Aut ſi hæc minime ignorat, videat ille, an culpam depellere a ſe poſſit, quod paucos Theologos Scholaſticos recentiores, pro ſuæ gentis honore omnem lapidem moventes, tanti æſtimet, ut eorum auctoritate fretus arbitretur, non amplius temerariam atque Hæreticam propoſitionem, quam

Sum.

Summi Pontifices, & plenarium Occidentalis Ecclesiæ Concilium ab ipso Papa probatum damnavit. Hæc interea utitur Parthenotimus noster Auctoribus, qui neglecta aut contempta Sanctorum Patrum doctrina, in cerebro suo quærun, atque invenisse se putant, quid Fidelibus credendum sit, aut non credendum. Religiosior certe ac prudentior his Carolus, jure cognomento Magnus, qui concors cum eodem Hadriano I. & Patribus Concilii Francofordiensis, de hac ipsa re scribebat ad Hispanos. *Me Apostolicæ Sedi, aiebat ille, & Antiquis ab initio Ecclesiæ, & Catholicis Traditionibus tota mentis intentione, tota cordis alacritate conjungo. Quidquid in illorum legitur Libris, qui divino Spiritu afflati, toti Orbi a Deo Christo dati sunt Doctores, indubitanter teneo; hoc ad salutem animæ meæ sufficere credens, quod sacratissima Evangelicæ veritatis pandi Historia; quod Apostolica in suis Epistolis confirmat Auctoritas; quod eximii sacre Scripturæ Tractatores, & præcipui Christianæ Fidei Doctores, ad perpetuam posteris reliquerunt memoriam.*

Parthenotimus noster interea perpendat, an forte ex iis sit, qui Patrum auctoritati præferre non dubitant recentiorum Theologorum medietamenta. Verum ille his dimissis, contendere pergit, posse divinâ Fide, abditum hæcenus credi Conceptionis Virgineæ Mysterium. Et sanè hæc scripserat Pritanius: *Quamquam summe Pia sis Persuasio illa; qua Beatissimam Christi parentem sine Labe Conceptam putas, nihil aliud tamen est, quam Opinio humana Errori obnoxia, dum Romana Sedes ejusmodi Sententiam antiqua Traditione; sive Revelatione divina sufficienter niti statuat.* Insurgit hæc Theologus Panormitanus, & pag. 32. Minus recta, ait, minus digna Theologo ejusmodi argumentatio. *Fac, te vixisse, antequam Ecclesiastici Liber declararetur ab Ecclesia Canonicus. Fac, te per id tempus hoc judicium concepisse: Ecclesiastici Liber Canonicus est. Num idcirco id judicium erat te ipsa Errori obnoxium? Absit. Verum erat; Certum te ipsaerat, & divinæ Revelationi te ipsa conforme. Vides nunc, arbitrator, quam utilis Theologia Scholastica sit, ne in hujusmodi propositiones impingas, quales Lamindus hæc profert. Utilis procul dubio Theologia Scholastica est, immo necessaria Ecclesiæ; atque auctor & ego sum omnibus, ut ei dent operam; sed nequaquam Logicæ, qua Parthenotimus utitur; hæc enim facile in paralogismos addiscentem conjicit. Primo, exemplum Ecclesiastici si recte metiare, deprehendes, Traditionem explicitam præcessisse, antequam Ecclesia Librum inter Canonicos retulerit: quod nondum Immunitatis Marianæ patroni ostenderunt suæ adesse sententiæ, persuadentibus immo sibi contrariæ patronis. Secundo, si dubitatum fuisset ante judicium Ecclesiæ de divinæ origine Ecclesiastici, ne tunc quidem *Objectiva Certitudine* Certum fuisset pri-*

privati hominis iudicium de illius authenticitate, sed quidem *Certitudine Subjectiva*, & *Persuasionis*, quæ formidinem Erroris excludere non potuisset, donec dubitationem & formidinem suo infallibili iudicio sustulisset Ecclesia. Plurima nunc incerta sunt, & disputantur in Scholis. Si unam ex hisce Quæstionibus Ecclesia post centum annos dirimeret, ac statueret, spectare ad Fidem, puta, *Scientiam Mediam*, aut necessitatem alicujus actus *Dilectionis Dei in Administratione Sacramentali*: peto ego a Parthenotimo, an Certum Certitudine Intrinseca, Formali, & Objectiva nunc esset illorum sententia, quæ post centum annos relata in censum Dogmatum ab Ecclesia contrariæ præferretur. Si negat, habet ille, unde sibi respondeat. Sin affirmat: nolo ego tempus ultra terere in ejus dictis refutandis. Tertio, quam incongruum sit exemplum hoc loco productum, disparitas inter nostram arque illam rem evincit. Numquam Ecclesia media stetit inter disputantes de authenticitate Libri *Ecclesiastici*, neque agnovit, Eas esse utriusque oppositæ sententiæ rationes. ut neutram damnari interdixit. At in casu nostro Apostolica Sedes, conscia a tot Seculis disputationum de Immaculata Conceptione, rationumque hinc inde productarum, nihil aliud hæcenus decrevit, quod est ad Veritatem sententiarum, nisi ut nemini liceat hanc aut illam censura configere. Itaque perspiciat Lector, *quam utilis sit Theologia Scholastica* Parthenotimo nostro ad solvendos inextricabiles nodos, quibus Votum suum Sanguinarium constringitur. Alio tamen exemplo is pugnam renovat, inquit pag. 33. dari posse, ac dari *Judicium moraliter Certum, nullique prudens formidini obnoxium de credibilitate Fidei Christianæ* in Ethnica ad Religionem Christianam se se convertente. Hoc autem iudicium non a Revelatione divina trahit originem, actumque Fidei præcedit, & Certum nihilominus est. Ergo, is infert, iudicium de Veritate Sententiæ Scoticæ Certum esse potest, etsi nondum ad Fidem Divinam spectet. At hoc sane minime dignum Theologo iudicium, ut mitissime loquar, quando is eum Veritate, seu Credibilitate Christianæ Religionis componit Veritatem seu Credibilitatem Immaculatæ Conceptionis. Omnium Theologorum concursus sententia est, sanctissimam Religionem nostram adeo evidenter esse Credibilem, ac tot in eam confluere motiva gravissima Credibilitatis, ut inexcusabilis sit quicumque Infidelis, qui rite sibi annuntiatam non amplectatur. At quisnam audeat asserere, Evidentiam Credibilitatis in sententia de Conceptione Scotica deprehendi? Effet hoc conjicere dedecus cæcitatatis, aut extenuatæ nimium Pietatis in Ecclesiam, quæ tamdiu rogata, nondum tamen Opinionem illam

illam dignam censuit, quæ inter Dogmata Fidei referretur; immo in contraria Opinione pondus Credibilitatis se agnoscere satis testatur. Porro numquam disputavit Lamindus, an aliquid homini Certum esse possit, etiamsi nondum sibi sit propositum credendum Fide divina, aut ante actum Fidei divinæ. Vagatur Parthenotimus. Quæstio nostra est, an Scoti Sententia, de qua quid hætenus judicavit Ecclesia, ignorare non potest, Certa adeo esse homini prudenti possit, ut legitime ac prudenter pro ejus tutela mortem eligat. Hoc nondum Theologus noster ostendit; & me contrarium ostendisse, jam Lector, ut spero, animadverterit.

C A P U T X X I.

*Cavillatoris nota Pritanio perperam a Parthenotimo in-
usta. Inquisitioni Hispanicæ an justè tributa ab ipso
quedam Infallibilitatis species. Aliæ Parthenotimi ca-
villationes.*

A Liam nunc scenam aperit ingeniosus Parthenotimus, per quam clientes suos confidit magis atque magis in sua sententia confirmandos. Didicit ille, spem victoriæ in concertationibus augeri, ubi non rationes tantum adversariorum oppugnantur, sed & in ipsos adversarios odium & contemptus conflatur. Supra vidimus, artificiose injectas ab eo *Jansenismi* suspiciones in Lamindum; nunc ipsum uti *Cavillatorem* traducere conatur, quærens præcipue pag. 82. *Cur Lamindus in cavillationem se proripiat.* Cedo Cavillationes istas. Ea palmaris, & quæ non uno in loco recurrit: videlicet Lamindum *omisisse distinctionem Votorum*, hoc est, non explicuisse, an utrumque Votum improbet, quorum unum pollicetur patrocinium Immunitatis Marianæ voce dumtaxat & calamo; alterum paria pollicetur, addito etiam *Sanguine & Vita*. Hanc eandem cantilenam Parthenotimus exorditur pag. 13. tum ipsam in aliis locis ingeminat. Quod pejus est, sibi interdum fingit, Lamindi mentem revera fuisse damnandi etiam Votum Academicarum, sine ulla *Sanguinis* mentione conceptum. Necesse profecto est, ut pugnandi ardor criterii usum prorsus eriperit Siculo Professori, quando in ipso suo Libello hæc Lamindi verba disertissima refert, neque eorum sensum & vim intelligit. *Satis*, inquit Lamindus, *quibusdam non fuit calamo & rationibus Immaculatam Deiparæ Conceptionem tueri, quod procul dubio cum vera Pietate consonat.* Qui hæc dicit, cubitalibus litteris significat, se
sum

summopere probare quoscunque *tuentes calamo & rationibus* eandem sententiam. Cuncta vero ejusdem spicula eos dumtaxat petunt, qui *Vitam* pro tuenda ipsa sententia vovent, seque *Martyres* futuros pro hujusmodi causa morientes confidunt. Et nihilominus identidem Siculus censor Lectoribus suis persuadere non veretur, impugnari a Lamindo alterum quoque Votum, hoc est Academia- rum, nimium ab isto diversum. Uter nostrum in *Cavillationes* se proripiat, recti Judices decernere jam incipiant. Dixerat Lamindus: *Quomodo te Numini placisurum putas; illiusque Martyrem te futurum speras, si rite certus non es, te pro Veritate mortem oppetere? idque tanta contentione fuisse vis, quod aliter Deus voluisse potest, incertumque adhuc est, an aliter esse volueris? Cave, ne amorem, & reverentiam Virgini debitam eo usque amplifies, ut superstitionem efficias. Non unus autem ego in hoc Voto profundenda Vita pro Immaculata Conceptione Virginis Superstitionem timeo. Timuit, & timet Apostolica Sedes &c. Plura heic retuli, & quorsum intelliget Lector, ubi acceperit, quid ad ista adnotarit Panormitanus Theologus pag. 65. Principio, inquit, videas Lamindus, quo ipsum abripit ille suus, quem vocat Superstitionis timorem, sed nonnemo diceret audaciam: dum Superstitionis notam Catholicorum sententiae inuris. Quid heic sibi velit Parthenotimus, quum ait Catholicorum sententiam, non satis assequor. Si forte Scotisticam de Conceptione sententiam Superstitionis nota a me impositam vult, ad quemcumque Lectorem tam scede ac immerito a Cavillatore laesus appello, a quo etiam indigne habitus sum superius, perinde quasi *Mendacii* nomine denigrarim eandem Scoti Sententiam. Sin *Votum* tantummodo profundenda Vita, quod unum reapse Lamindus minime tolerandum contendit: brevi indicabo, quam justus mihi sit timor Superstitionis in illo. Atqui subdit Parthenotimus: *Si Superstitionis, seu Cultus falsi censura notatur Votum, quod Virginis Immunitatem, & hujus defensionem respiciat, eadem officendum esset nota celeberrimum Conceptionis Deiparae Festum, quod ex nuper dictis Preservationem ab originali macula respicit.* De Festo Conceptionis supra egi. Repeto nunc, ne umbram quidem Superstitionis occurrere in tuenda voce & calamo Scotistica sententia, uti neque in celebrando secundum eandem sententiam Festo Conceptionis: quod liberum Alexander VII. cuicumque fecit. Sufficit enim Pietas Opinativa, Probabilibus ac Verisimilibus motivis innixa, ut Opinioni alicui adhaereamus, eamque propugnemus, atque ut Festum etiam celebretur. Celebrantur per totum Catholicum Orbem tot Festa pro Sanctis ab Apostolica Sede minime canonizatis, pro tot Reliquiis, &*

& Corporibus Sanctorum, eorumque Miraculis. Probabilitas ista legitimum prudenti suppeditat argumentum ita agendi. At ubi agatur de Vita danda pro Probabili tantum sententia, hoc est pro Opinione tuenda, atque Martyrum præmio inde sperando, Imprudentiam & Crimen heic deprehendimus, & Superstitionis iustus metus occurrit. Addit Parthenotimus pag. 67. *Supremum Inquisitionis Hispanæ Tribunal permisisse Theſin de Martyrio morientis pro Immaculata Conceptione*: quo scilicet tempore Laminæ Granatenses, Dextri Chronicon, & reliquæ piorum hominum imposturæ, persuaferant religiosissimæ Hispanicæ genti, in Concilio ipſo Apostolorum cognitam fuisse veritatem *Immunitatis Marianæ*. Subdit Siculus, damnatam quidem fuisse a *suprema Lusitanicæ Inquisitione* Theſin Auctoris statuentis, *quod inconsulto Summo Pontifice, poterat Festum Conceptionis celebrari*. Hic idem Auctor *Virginis Conceptionem inter Veritates ad Fidem pertinentes collocavit*. Hinc inferebat: *quare verum subires Martyrium*. At Siculus Theologus subdit, totam istam, integramque sententiam a Lusitanis fuisse vetitam. *Theologi vero, qui Martyrium esse defendunt Mortem pro Marianæ Conceptionis defensione, nunquam somniarunt defendere Martyrium esse, quia inconsulto Summo Pontifice, possit Festum celebrari: quodque eodem inconsulto, Fidei Veritatibus sit annumeranda Deiparæ illibata Conceptio*. Fallitur ergo, si quis umquam credat, inter se Fidei Quæsitores dissidere. Nullus est mihi Liber, quo possim intime perscrutari, quæ heic ab upius Parthenotimi eruditione didici. Quare tantum respondeo, nihil mea referre (ac puto idem dicturos ceteros Italos, Germanos, & Gallos) quid agat, aut non agat, probet aut improbet Inquisitio Hispanica & Lusitanica: neque enim ab illorum iudiciis quidquam pendet reliquis Catholicis Orbis. Immo scilicet ridet quilibet Tribunalibus iis quamdam Infallibilitatis speciem tribui a Parthenotimo audit. Satis sit mihi dicere, ab Hispanica Inquisitione proscriptum fuisse temporibus nostris eximium Opus, & celebre Eruditionis Ecclesiasticæ promptuarium, scilicet *Acta Sanctorum* a Bollando, aliisque Clarissimis Patribus Societatis Jesu Antuerpiensibus collecta & illustrata, quæ tamen eodem tempore illæsa evasere e Romano examine. Immo ea ipsa in Hispania sub novo Rege Catholico Philippo V. libertati pristinæ reddita sunt, pauculis verbis expungi aut mutari iussis, ut aliqua præcedenti Censuræ excusatio fuisse videretur. Ceterum non satis mihi persuasit Parthenotimus, non idem fuisse damnatum a Lusitanis, quod ipse clientibus suis in Opusculo suo, feliciterque alibi, insinuandum curat. Nempe scribit heic, *Theologos nunquam somniasse defendere, quod Summo Pontifice inconsulto, Fidei Veritatibus sit annumeranda Deipara illibata Conceptio*. Atque is mihi fecius pag. 22. *Theo-*

logos memorat sentientes, quod Fide divina posset credi, sine labe Virginem fuisse conceptam, cum sibi homo persuadeat, id fuisse a Deo revelatum. Et pag. 29. addit. Neque quia Ecclesia, fidei huius Dogmatum testis, adducit ut Fidei articulum Sententiam Piam non preposuerit credendam, inferre licet, quod ea non fuerit Revelata. Et pag. 47. Ut autem dicamus, quod in Revelatione aut scripta aut tradita, pia contineatur sententia, tot Doctorum sententia sat esse videtur. Hæc ille scribens nonne nobis insinuat, posse nos incensulto Romano Pontifice divina Fide credere veram Scoticam sententiam? Certe constat, Romanam Ecclesiam, omnium Ecclesiarum Magistram, una cum Tridentino Concilio, in albo Opinionum reliquisse Scoti sententiam, sibi que de illa reservasse iudicium, quod nunc sibi Parthenotimus usurpat.

Petit Parthenotimus pag. 80. cur in scrupulos se proripiat Laminus? Scrupulum autem Laminus arbitratur, timuisse Superstitionem in Voto Sanguinario. Tum percontatur: Unde tanta lux uni se pandit Laminus, quæ ceteris fuerit occlusa? Num ex Bibliis, & sacra Traditione, quæ dumtaxat ipse præcipit consulenda? Contra ego perlibenter ab eodem Parthenotimo sciscitarem, quandoquidem is glorioso Theologi nomine insignitum se ait, an licere putet imponere proximo suo sententias periculosas, aut erroneas, ab ejus mente prorsus alienas? Laminus Pritanius Lib. I. Cap. XI. de Ingenior. Moderat. dixerat: Præter divinas Scripturas, & Traditiones, Concilia sacra, & præsertim Oecumenica, Romanorum Pontificum Epistolæ & Decreta, Sanctorum Patrum Libri, probatæ Veterum Historiæ, Theologorum, aliorumque Orthodoxorum scripta, sunt ii fontes & loca, unde Ecclesiæ Catholicæ doctrina est haurienda. In eo ipso Libro, adversus quem arma Parthenotimus arripuit, hæc leguntur; & nihilominus Parthenotimus idem palam scripsit, Laminum præcepisse, consulenda dumtaxat Biblia & Sacram Traditionem. An Theologum deceat ars ista pugnandi, quum vacabit, ille nobis prodet. Addit deinde: Bibliorum & sacre Traditionis plerique Theologorum gna; i, illis potius consonant, utpote Pium, tui sunt Votum. Votum quidem tuendi Voce & Calamo Illibatam Virginis Conceptionem a plerisque Theologorum probatur; probatur & a me illorum discipulo. At quandonam plerique Theologorum Votum Sanguinariam de quo uno loquitur Laminus, sacris Litteris ac Traditioni Patrum consonant, utpote Pium, scribere? Immo tacite hoc ipsum, si paucos inimi subfelli excipias, ii damnarunt, quando sensere, nefas esse pro Opinionibus tuendis Animam nostram ponere. Non confundat quæso diversa hæc Theologus noster, & veritatem pressius sequatur, suisque audito-

ditoribus tradat. Denique is ait pag. 81. *Quandam Ecclesie Dogmatibus detrimentum accedet ex eo quod hic vel ille pro hoc aut illo Virtutis Actu mori, aut non mori, licite queat?* Serio-ne loquitur heic Theologus noster? Serio, nemo neget. Itaque secundum illum inter veros ac proprios Martyres, & Martyres improprie appellatos, nullum erit discrimen: quod tamen Theologi graviores negant. Immo, si Theologum hunc audimus, nihil Ecclesie Dogmatibus officit, quod *hic vel ille pro hoc aut illo Virtutis Actu mori, aut non mori, licite queat.* Ubi Parthenotimus hisce verbis tradat, *Virtutis Actum esse pro tuenda Illibata Conceptione Mori: jam quisque videt, frustra ab ipso assumi tamquam Certum & probatum, quod adhuc inter nos disputatur, scilicet: An liceat, & Virtutis actus sit pro ejusmodi causa occumbere.* Hactenus ostendi, id abhorre a recta Pietate, atque inter Peccata referendum fore. Et profecto si temere ac imprudenter Vita propter hoc prodigatur, nemo non intelligit, quantum inde dedecoris in doctrinam Ecclesie, quantum detrimenti in Rempublicam effluere possit. Fecundus deinde in interrogando Siculus Scriptor & Censor hæc habet pag. 82. *Petitur etiam a Laminio, cur in soluti Votum de tuenda Virginis Immunitate usque ad Sanguinis profusionem tela vibret; & cetera præterit intacta, ut Votum servienti infirmis etiam cum Vitæ discrimine, & quidem magis aperto, Votum carnis non vescendi toto Vitæ tempore, aliaque id genus. Nihil esset, cur ego responsum facerem importunis hisce interrogationibus, quando superius satis respondi. Breviter tamen dicam, nullam fuisse causam adducendi in examen præter Sanguinarium reliqua Fidelium Vota; neque enim de istis instituendus sibi erat Tractatus. Nunc autem a Parthenotimo coactus repeto, Votum inserviendi ægris, aut peste infectis, ut salvam faciant animam suam, aut sanitatem corporis recipiant, etsi inde Vitæ discrimen per accidens incurratur, esse de Certo & eximio Virtutis, hoc est Caritatis Actu, quem Evangelium ipsum probat, atque commendat. Ubinam vero Christus Dominus, aut Ecclesia commendavit veluti sacrificium Deo carum, Vitam nostram impendere causa propugnandæ Opinionis de Immunitate Mariana: post decem annos nobis Parthenotimus ostendet; tantum enim illi temporis ad querendum ac docendum concedo. Ad Votum vero non vescendi carnis toto vitæ tempore quod attinet, jam dixi Cap. III. illud minime ferendum, nisi excludat periculum mortis ob alimonie defectum. Præterea petit Siculus Professor pag. 83. cur Laminio Sanguinario Voto nec ullum, quem rectam habere potest, desensum. Quemnam quæso? Nimirum illius patronos non mori pro eo, quod esset san-*

una Probabile in Virginis Conceptione (hoc est pro Veritate sententiae: cogitur quippe & ipse sateri, Probabilem quidem, non vero Certam illam esse) *sed pro eo, quod est ibi Certum, hoc est pro defendendo Cultu & Festo Immaculae Conceptionis praescripto ab Ecclesia: quod in Veritate Speculativa est Certum*, ut ait Jacobus Grano, cui Minorita Velasco consensit. Sed centies dixi, *Cultum* hunc *Opinativum* esse, quod est ad statuendam Immunitatem Virginis; atque e Festo Conceptionis, reluctante Romana Ecclesia, deduci, a Summis Pontificibus pro Scotistica sententia contra oppositam fuisse quidquam definitum, quum diserte ii contrarium protestentur. Et Cultus & Festum laudanda sunt. Mors vero, quae subiretur a Sanguinariis Voti patronis, quippe tolerata *pro Opinione*, imprudens facinus & scelus dicenda est. Porro inania sunt effugia quae heic & alibi quaerit Theologus noster. Ipsi enim revera Votum est, non pro tuendo Cultu & Festo Conceptionis, sed *pro tuenda Immaculata Deiparae Conceptione*, ut ipsius Oculum in titulo & fronte patentissime proficitur.

C A P U T X X I I .

Confusio a Parthenotimo somniata in Lamindi censura. Nullum Heterodoxis ex ea censuram ministrari posse scandalum, sed quidem e Voto Sanguinario. Neque Lamindus Doctores Catholicos, Theologosve Scholasticos traducit.

Pergit deinde is dicere pag. 84. *In plerisque formularum, quibus Deo promittitur iustio Conceptionis sine labe, maxime quibus Academiae utuntur, nulla fit Mortis mentio, nec exprimitur Usque ad Sanguinem. Neque in Neapolitana reperitur. Denique subdit: Quod si qua ulla est alia Vovendi ac Jurandi formula, qua Usque ad Sanguinem additur; cur hujus tantum formulae, & non aliarum, recordatur Lamindus? Mirentur heic iterum Parthenotimi ingenium Lectores. Non uno is in loco Lamindum exhibuit (per summam tamen injuriam) non Voti tantum Sanguinariis censorem, sed & ceterorum pro tuenda Scotistica sententia sine Sanguine conceptorum. Heic autem dolet, quod idem Lamindus Voti dumtaxat Cruentis, & non aliorum fuerit recordatus. Insuper Lectorem opportune monendum ille censet, a plerisque formulis Votorum abesse Sanguinis & Mortis mentionem; neque prospicit, hoc ipsum jactulum*

culum in suum caput recidere, quando, ut alibi animadverti, tot Academix, Ecclesiæ, & Theologi, saltem non minus quam Siculi, judicio, doctrina, & zelo honoris Deiparæ ornati, Votum quidem suscipiunt tuendæ Scotisticæ sententiæ (quod laudabile est, præcipue *diffensionis componendæ causâ, quemadmodum in Hispaniis fit*, uti ipse Parthenotimus falsus est pag. 77.) sed a Voto Sanguinario abstinere, & ut puto, abhorrent. Addit Siculus Censor pag. 85. *Cur iam confuse & generatim conqueritur Lamindus: Quod nostris quoque temporibus tum in privatis colloquiis, tum in publicis concionibus Idem Votum repetitur?* Nollet, uti hætenus vidimus, Theologus noster, Lamindum adeo in scrupulos pronum, ut imprudentiam, immo & Superstitionem timeat in Sanguinario Voto. Ego contra Parthenotimum ipsum scrupulosiorem vellem, ex quo *Confusionem*; & *Generalitatem* sine ulla causâ tribuit Lamindo, quasi is Vota omnia pro tutela Conceptionis Virgineæ fugillarit. Prostat Lamindi Liber, prostat & ipsius Parthenotimi Libellus, in quo ejusmodi Lamindi verba leguntur. *Idem Votum meridiano Sole clarius non alios respicit, quam affirmantes: Pro causâ Immaculatæ Conceptionis pium esse mori*, ut ibi diserte atque unice scribit Lamindus. Quod ubi ita esse Lector deprehenderit, poterit-ne non agnoscere, unum Parthenotimum occurrere nobis, qui in *Cavillationes* se proripiat, qui *Confusionem* præ æstu disputationis in Lamindi scripta intrudit, ut incautis Lectoribus alio respicientibus, ipse interim pudorem Voti Sanguinarii imprudenter concepti, atque infelicius propugnati, a se & a clientibus suis aliqua ratione amoliat? Eodem pede currit subsequens Siculi Professoris querela pag. 85. *Catholicæ gentis fama, ait, num digna non est, quæ unius privati viri fame non sit præferenda? Cur ergo publica causâ non prospexit Lamindus, qui tantam in privata expostulat cautionem?* Inanes nœniæ, expostulationes jocularares, dicere liceat. Ubinam quæso Lamindus conversæ Catholicorum gentis famam arrodit, postquam ipse aperta professione testatus est: *Calamo & rationibus Immaculatam Deiparæ Conceptionem tueri, procul dubio cum vera Pietate consonare?* Siculos quosdam tantum, aut si qui sunt alibi, certe paucos, Lamindus non virulenta, sed amica oratione aggressus est, ut eos ab imprudenti ac periculoso Voto Sanguinario averteret, quod ipsi dumtaxat concipiunt, & legitimum reputant, non vero universa Catholicorum gens, aliena nimium ab hujusmodi improvida novitate. Sed qui præoccupatus ferventi affectu in litteraria palestra dimicat, difficile vitia suæ sententiæ sensit, facile in adversarii confingit.

De-

Declamatorio deinde stylo eadem pag. 85. Parthenotimus subdit : *Quo jure, Cavillationis vitio, quod Laminus ipse in alienis scriptis curat amoliri, tuebatur sua non esse inaspera? Magnum aliquod porrendit hæc emphasis. Intentis auribus audiamus. Quid suspicabitur de Catholicorum more Heterodoxus, qui hæc a Catholico scripta offenderit? Tum multis e pixide Candidati Rhetorici figuris depromptis, tandem ait dicturos Heterodoxos : Dubia-ne ergo prudenter nobis erit Romanorum Superstitio? Narrat Pritanius, quod Romanus pro re incerta mortem oppetere licitum, immo honestum putat. Ita igitur res erit. Ergo in plerisque Catholicorum mos Divos venerandi certo pravus inolevit. Hæc Heterodoxus inferre ex Laminæ Lectione facile potest : maxime si ex Jansenistis fueris &c.* Ego vero, sepositis parumper Heterodoxis, referam potius, quid hæc legentes Catholici dicturi erunt. Necesse sane est, Parthenotimum vel vigilantem somnare, quando talia scripsisse illum videmus. Primo *Cavillationem* in Laminæ nonnisi somnians appellet id, quod minime Laminus dixit, sed unus Parthenotimus in felici sua Phantasia fabricavit. Nam etiamsi id supponeremus, non *Cavillatio* Laminæ id foret appellandum, sed *Consejarium* tantummodo censuræ ab illo efformatæ. Secundo somnium merum est, posse Heterodoxos e Voto Sanguinario elicere, inolevisse in Plerisque Catholicorum pravum morem venerandi Sanctorum; prorsus enim falsum est, Plerosque e nostris imprudenti Voto illi se se obstringere. Pauci tantum Siculi, fortasse pauci & alibi, illud amplectuntur. Tertio inane somnium est, Seditariis ansam præberi deprehendendi Superstitionem in Romana Ecclesia. Immo ne deprehendant, neque nobis objicere illam quisquam possit, Catholicus Scriptor Voto paucorum Sanguinario se se opposuit. Alienæ vero communionis homines intelligere hinc etiam possunt, non dissimulari apud nos, immo oppugnari libere, quæcumque errorem aut abusum in Pietatis negotio præferre videntur. Atque eo longius aberunt a tribuenda Catholicis Superstitionis nota in Quæstione de Immunitate Mariana, quum animadverterint, Laminæ Librum a tot annis editum, atque insensuræ Superstitioni, aut Superstitionis umbræ in hac eadem causa, pacifice versari, neque sine plausu (fidicere licet) inter Catholicos; ejusque censuram de Voto Sanguinario a sapientioribus probatam, uno Parthenotimo excepto, qui pro honore proprio sollicitus aliter sensit. Quod plus est, ostendit in eodem Libro Laminus, ne probari quidem ab Ecclesia Romana ejusmodi Votum : quod unum sufficit, ut nulla Heterodoxis reliqua sit causa culpandæ hanc ob causam Catholicæ Ecclesiæ. Ceterum nisi hospes esset in Polemica Theologia Parthenotimus

notimus nosſer, nullo negotio reſciret, obijci nobis ab Heterodoxis alios ritus, alios mores, ac opiniones, quæ a nonnullis interdum ſine conſenſu Eccleſiæ uſurpantur, aut litteris etiam traduntur, & Superſtitionem olere videntur. Quid vero Catholici Sapientes reſpondent? Non omnia illi, quæ quilibet Catholicus facit aut ſentit, recte facta, aut excogitata contendunt. Sed Heterodoxos appellant ad Eccleſiarum noſtrarum, Romanæ in primis, Catechiſmos, ad Romanorum Pontificum Decreta, ad Concilia noſtra, atque ad ſanioris Theologiæ Doctores, in quibus vera Catholicorum Doctrina quaerenda eſt, non in vulgi inſipientia, aut in privatorum placitis, nonnumquam falſis, erroneis, ſcandalofis, temerariis, ridendis. Tunc in tuto eſt dignitas & puritas Eccleſiæ Catholicæ. Quanto autem magis huic cautum eſt in Lamindi Libro, poſtquam Votum ipſum Sanguinariū ibi exhibetur ab ipſa Apoſtolica Sede jamdiu ſufficienter improbatum atque exploſum? Hæc, ut ſpero, Catholici de Parthenotimi commentis, quæ is in Heterodoxis ſomniat, dicturi erunt. Immo & ab ipſis Heterodoxis commendanda veniet Catholicorum cura, quod lolium, in agro Eccleſiæ nullo non Seculo germinans, & germinaturum uſque ad finem Seculi, non negligant, & primi ipſi vitandum aliis oſtendant. Quid vero iidem Hæretici dicturi contra forent, ſi aliquando Votum Sanguinariū quiſquam ſua morte compleret, & ſerale ſpectaculum gentis pro eo trucidatæ in eorum oculis incurreret, jam indicavi ſuperius. Interea probrum ſibi ducit, ac propterea negat Parthenotimus, ut nuper vidimus, quod Romanus (ideſt pauci Siculi) *pro re Incerta mortem optetere, licitum immo honeſtum putat*. Contendit etiam, *Catholicis* (hoſt eſt paucis Siculis) *hæc ſcitta, quæ non docuerunt, & vix ſomniaverunt, a Lamindo appingi*. Sed illi gratiæ habendæ, quod hæc ſcribens, rationem germanam ac breviorē ipſe tandem omnibus patefecerit dijudicandi, tolerandum-ne ſit, an non, Votum Sanguinariū. Vicit ille, ſi verum eſt, voventes pro tuenda Scotifica ſententia Vitam, moriuros eſſe *pro Sententia Certa, omnem Erroris formidinem excludente*. Vicit contra Lamindus, ubi verum ſit, mortem electuros *pro ſententia adhuc lucente, & nondum e finibus humanarum Opinionum, quamvis Piarum, egreſſa*. Hoc ſe hætenus eviciſſe Lamindus ſibi perſuadet. Judicabunt ſapientes, qui interim animadverterint, quæ conſeſſaria emanent e doctrina nuper a Parthenotimo tradita. Neque cavendum eſſe in poſterum Catholicis viris, ne erroris, ſuperſtitionis, aut hæreſis doctrinam cuiſquam Catholici unquam inſimulent; ſecus enim faciendo, Heterodoxis anſa præbebitur arguendæ Catholicæ Eccleſiæ. Ejusmo-

di terculamenta excogitat ars Declamatoria, sed ridet meliorum sapientia.

Petit præterea Panormitanus Professor pag. 87. *Cur Lamindus Votum saltem ex parte non excusaris. Si displicebat ipsi, quod Voventes Virgines Immunitatis defensionem, Sanguinem velius profundere: cur ejusmodi Voto hanc non curavis moderationem adhibere, ut interrim intacta esses tuende Immunitatis promissio, & amoveretur Sanguinis profusio?* Ita utramque paginam Theologus tantopere a Cavillationibus averfus, hujusmodi accusatione onerat, ut si quo possit modo eorum saltem odium, qui Lamindi Librum nequam legerunt, in Lamindum conjiciat. Repetere tamen cogor, quod toties dixi: ex eodem videlicet fonte effluere hallucinationes Parthenotimi non dignoscendis, quibus vitiis suum Votum laboret, & rursus videre se purantis in Lamindi Libro, quæ nemo alius videre hætenus potuit. Quod enim est ad reliqua Academicarum Vota, dixit jam Lamindus, ac centies repetet, ea sibi innoxia, immo commendanda procul dubio videri. Porro pag. 92. iterum displicet Parthenotimo, *quod Lamindus eodem Opusculo* (ita nempe Librum appellat, qui paginas octingentas septuaginta duas spissi characteris in quarto implet in prima Parisiensi Editione) *de Ingenior. Moderation. quo cum hoste alienæ Religionis, & Batavæ gentis, in litteraria acie congregitur, hostes sibi aut facis, aut fingis Catholicos, ac proinde ejusdem Religionis viros.* Hercle vereor ego, ut Lamindus, aut quisquam alius, quum Libros de Religione conscripturnus est, Magistrum sibi adhibere velit Siculum Theologum, cui certe tantum auctoritatis non conciliavit soliditas Libelli, hætenus a me ad stateram appensi. Immo heic potissimum hospitem in Eruditione Ecclesiastica ille se prodit; paucos quippe reperias, qui dimicantes cum Hæreticis, honesta etiam libertate non arguant, si quos & Catholicis in defectus aut excessus sententiarum declinantes animadverunt. Vide Alphonsum de Castro, Melchiorem Canum, Bellarminum, & Gottum S. R. E. Cardinales, Petavium, Theophilum Raynaudum, Beccanum &c. Subdit Siculus; *Si animus Lamindo est, cum Catholicis congregi, congregiatur, ut lubet.* Me plane felicem, cui tanta indulget liberalis hic Censor. Pergit ille: *Sed ut mos comprehendi Catholicis est, Opusculo muserur titulus.* Lamindo consilium fuit tractandi de negotio Religionis, in quo Hæretici passim, sed aliquando Catholici delinquere solent. Ergo cum de illis, tum de istis, argumentum poscebat, ut ageretur: ac proinde videant severi Judices, quo plausu excipiendus sit Parthenotimus exigens a Lamindo, ut titulum Libri sui mutet. At ille addit:

addit : *Non enim Religionem spectant Catholicam, quæ de Immaculata Virginis Conceptione inter Catholicos disceptantur*. Dicat quæso egregius iste Theologus, ad quamnam Religionem spectent, si minime ad Catholicam? Si vera is hoc in loco tradit : qui pro Scotistica sententia occumbat, Vitam minime dabit pro re pertinente *Ad Catholicam Religionem*. Atque ita is ore suo Votum suum cruciatum damnabit. Utrumque tamen Parthenotimi mens heic fuerit, illud constat, Lamindum confessum fuisse antea *summe Piam* sententiam Immunitatis Marianæ, ejusque tutelam voce & calamo cum *vera Pietate consonare*. Verum quod nonnulli abutentes Pontificiis decretis, immo contra eorundem mentem, deprædicare audeant tam Certam sententiam, ut non solum liceat, sed laudabile sit, & Martyrii gloriam referat, pro illa occumbere : contra periculosum hoc Dogma & ritum exercere vocem & juvat, & opus est, ne sub Pietatis specie Superstitio in Populum Fidelem, atque in Religionem Catholicam irreat : a quo morbo Apostolica præsertim Sedes cavendum jubet.

Præterea Parthenotimo pag. 93. *displicet, quod Lamindus falso Doctores Catholicos traducat, quasi vero docuerint posse quenguam mortem subire ob puræ Opinionis causam : cum aperte ab eis oppositum sit defensum*. Sed quis Proteum hunc teneat, atque ab eo ceram de Voti Sanguinariæ mente confessionem exprimat? Si ei objicimus, Scotificam de Conceptione sententiam, pendente judicio Ecclesiæ, nihil aliud esse, nisi *Opinionem Piam, quidem & Probabilem*, sed minime *Certam*; ac proinde pro illa tuenda non sine crimine Vitam offerri, quum satente ipso Parthenotimo nefas sit ob Opinionis tutelam velle Vita spoliari : is e manibus nostris elabitur per rimam, quam Granadus excogitavit, scilicet, non pro Veritate ejusdem sententiæ (quam & ipse sentit præstari non posse Certam) volentes fore morituros, sed *pro Pietate, quæ inest Añui Opinativo de Conceptione Virginis, aut pro Cultu & Honore ejusdem Deiparæ, aut pro Festo ab Ecclesia præscripto*. Si rursus instamus, agi heic de *Pietate Opinativa, de Cultu Opinativo &c.* quæ justum quidem titulum nobis suppeditant Opinandi, Virginem sine labe fuisse conceptam, atque ipsam colendi atque honorandi secundum istam Opinionem sive sententiam; verum non sufficere hæc, ut legitime Vita impendatur, quum Pietas ista & Cultus, & Festum innitantur sententia nondum prætergressa fines Opinionum, is ad priora redit, atque contendit, sententiam eandem *Certam* esse; suisque discipulos docet, opus esse, ut sibi persuadeant, eam *Certam* esse, alioquin imprudenter occumberent. Hoc ipso in loco ita ille scribit : *Afferat Lamindus, puram esse*

Opinionem, quod Deipara omnis macula fueris expert, cum a Theologis, ut visum est, islibus defendatur Saltem tamquam quid moraliter Certum. Quod tamen pura sit Opinio, sumi non debet ut quid certum, ut quid exploratum, & maxime ubi de negotio Religionis agatur. Immo quia & de negotio Religionis agitur, & de Vita hominum projicienda, non debet Parthenotimus adeo Certam & exploratam sumere sententiam Scotisticam, ut pro illa tuenda Fideles nimium credulos impellat ad subeunda tormenta, mortemque temporalium malorum terribilissimum. Ad Religionem quod attinet, falli non possumus, pro Opinatione dumtaxat accipientes Piam Scoti sententiam; neque enim Ecclesia aliter hactenus sensit, & docuit, dum suum locum oppositæ sententiæ reliquit. Contra falli possunt, & falluntur, qui illam nunc Saltem tamquam moraliter Certam deprædicant, si hoc nomine intelligunt Certitudinem Erroris metu liberam. Et certo præterea falluntur, neque temeritatis culpa absolvi possunt docentes, illam posse nunc etiam credi, tamquam Fidei doctrinam: quod insinuari videas a Parthenotimo ipso scribente Saltem. Quicumque enim tenet sententiam aliquam, ignarus. quale iudicium prolatura de ea aliquando sit Ecclesia falli nescia, necesse est, ut ei adhæreat cum formidine saltem aliqua Erroris; & consequenter illam tamdiu agnoscat uti meram Opinionem, quamdiu pendet iudicium Ecclesiæ, quum proprius sit Opinionis character involvere formidinem Erroris. Quomodo ergo nos conscii, quid adhuc Apostolica Sedes, ac Tridentinum Concilium, de duabus oppositis sententiis ad Conceptionem Virginis spectantibus, Scotisticam Moraliter Certam appellare audeamus; immo tam Certam, ut divina Fide credi possit inconcussa? Repugnat aliquid esse hodie Moraliter Certum, immo Fidei divinæ objectum, quod cras possit ab Ecclesia iudicante Falsum deprehendi. Hoc autem contingere posse de Scotistica Sententia, ne ipse quidem Parthenotimus negare est ausus pag. 55. Quod si nihil aliud hactenus quam Opinio est huiusmodi sententia, & quamvis apud multos non sit Opinio actualiter formidans, attamen non desinit esse Opinio radicaliter Saltem formidans; eamque uti talem viri docti agnoscere coguntur, quippe qui ignorare hac in re non possunt Decreta Ecclesiæ: habemus jam tandem a Parthenotimo ipso pronuntiatam damnationis sententiam in Votum Sanguinarium, quandoquidem ex ipsius quoque confessione nefas est mortem subire tuendæ causæ Opinionis. Religionis Catholicæ dignitati & securitati consultum vidimus, minime credendo Certam Scoti sententiam, immo hanc ipsam iudicii suspensionem Religio exigit, dum pendet iudicium Ecclesiæ; neque aliter Academicæ faciunt, quæ tutelam Immunitatis Marianæ vovent juxta Summorum Pontificum decreta jam edita, aut deinceps edenda; sive donec aliter a sancta Apostolica Sede definitum fuerit. Consulat ergo Parthenotimus, & si quis alius cum

cum eo fentit, pretiofæ hominum Vitæ, neque amplius contra Catholicæ Religionis præcepta auctor fit Fideli Populo, ut *Votum concipiat pro tuenda Immaculata Conceptione ufque ad Sanguinem* : quod unum Lamindus minime ferendum oftendit.

Theologo nostro itidem pag. 94. *diffplicet, quod de Theologis Scholasticis Lamindus faltem tacite obloquatur*. Quare? Horum, ait, ut vidimus, flocci pendis Opiniones ac fententias, dum contrarias credis, venditasque, omni formidine amota, ut veras. Ergo finendum, ut Parthenotimus, omni formidine amota, de Vita hominum decernat, fuisque clientibus, immo univerfæ Catholicæ Reipublicæ perfuadeat, Vitam cum laude dari, ac Martyrii coronam effe fperandam, fi pro Scoti fententia, hoc eft pro Opinione, in Mortem incurratur. Fingat ille fibi tantifper, temere concipi ejufmodi Votum (quod hætenus ego factum contendo) ac tunc dicat, honeftum-ne fit exigere, ut omnes filent, ut nemo periculofe Opinioni occurrat, ne moleftia fibi, & *Scholasticis Theologis* creetur, quo nomine femetipfum dumtaxat, & paucos fuos affectas designat? Ecclefie caufam, Reipublicæ tutelam, præferendam heic effe, unusquisque intelligit. Audiamus tamen Parthenotimum alias nentem querelas : *Debueras* (inquit pag. 100.) *quæ caufa Lamindi prudentia eft, faltem animis pendere, utrum pro Immunitatis Virginæ tuitione, honeftum fit mori, honeftum fit hujufmodi tuitionem, utpote Piam, Deo Virginis Filio promittere. Non debueras Theologos, qui a Voto ftererunt, ut temere in mortem ruentes, fugillare*. Sed eft cur Eruditi mirentur Parthenotimum novas leges invehentem in Rempublicam Litterariam. Quifquis vel de limine falutavit officinas Theologorum tam Moralium, quam Scholasticorum, novit, quemque intrepida libertate fuas proponere fententias, atque alienas impugnare, prout Verum a fe ftare, Falfum ab illis putat; & quot pugnæ fint inter eos omnibus patet. Quis, rogo, alterum nimis licentiæ, aut inurbanitatis, aut iniquitatis merito arceffat, quod contrariam foveat fententiam, fibique Theologi quamvis laurea illuftri adverfetur? Libertatem hanc nemini Ecclefia negat, dum a doctrina Fidei lædenda, atque ab aliis exceffibus abftineatur. An peculiare aliquod privilegium oftentare Parthenotimus poffit, ipfe aliquando aperiet. Interea alteram ille excitat querelam, fcribens : *Non verbis, iisque Legum inflar, paucis; fed rationibus improbanda funt Theologorum refponfa. Lamindus ergo non Legislatorum, fed Difceptantium more cum Theologis congregiatur* &c. Ita inanibus hifce cantilenis Lectorem fuum detinet Parthenotimus, neque refpicit, Lamindum obiter camerinam iftam moviffe; neque enim fufceperat iftud ex profeffo pertractare

argumentum, in alia pro suo instituto intentus. Attamen in paucis iis verbis Lector easdem rationes conclusas deprehendet, quas heic fusius expressas accepit. Et quidnam quæso hæcenus Theologus Siculus Opusculo suo præstitit, nisi easdem Lamindi rationes, quocumque modo potuit, refellere atque infirmare? Igitur mera hæc verba sunt lyræ, non iustæ querelæ.

C A P U T X X I I.

Theologorum auctoritas commendata. Sed non omnes certi ad Veritatem duces. Quid Amor Faciendis, quid Amor Devotatis audere soleat. Excedi etiam posse in extollendis Deiparæ prerogativis. Immo ea etiam via in Errorem ac Hæresim Pietas intemperans & perniciosa prolali potest.

Altum interea Theologo nostro manet imo in pectore vulnus, quod Theologis Voti Sanguinarij patronis Lamindus contra dicere est ausus. Ii sunt Theologi: grande eorum nomen; insignis auctoritas. Lamindus vero *privatus homo; recens homo, qui vero sub nomine apparere veritus est*, uti Parthenotimus ait pag. 103. *Larvasus homo, & vix notus de nomine*, uti idem repetit pag. 75. Ex de causa irascitur, & pag. 100. his verbis occurrit hominibus non satis æstimantibus eximios hosce Viros: *Scio, quod parum ponderis habeant penes aliquos Theologorum auctoritas. Verum is decipitur, qui credat, Theologorum cætus apum esse examina, quæ pulveris exigui jactu compressa quiescunt*. Pag. vero 46. præmiserat & ista: *At Suarez (repones quidam Lamindi nomine, Lamindi causam agens) quid aliud quam Scholasticus, & ex pusillis ingeniis? Quid aliud, quam Scholastici, Suarrij affectu? Non est ergo magni faciendum horum omnium iudicium, ubi agitur de re Fidei a Romano Pontifice decidenda*. Tum in laudes Theologiæ Scholasticæ excurrit eruditus Theologus, & Sixti V. Constitutionem, in qua eadem commendatur, objicit Criticis eidem Theologiæ oblatrantibus. Quem, vel quos præ oculis habeat hæc scribens, & non uno in loco inculcans Parthenotimus, divinare nescio. Si forte Lamindum è inique sane, postquam is, atque in controversia præfenti, sua laude non fraudarit Theologos *calamo & rationibus Immaculatam Deiparæ Conceptionem tuentes*. Deinde quot, rogo, sunt Theologi isti, quos Parthenotimus nova lege, nova ratione argumentandi, a Lamindo contemptos dicitur, ea tantum de causa, quod eorum Votum Sanguinarium non probeat? Illos brevi in digitis suis

Si-

Siculus Professor recensebit. Atqui Lamindus innumeros alios, & longe graviores, habere se putat, non aliter, quam ipse, sentientes, Scotisticam sententiam consistere adhuc intra Piarum Opiniorum fines, ac propterea a Voto illo imprudenti alienos. Quei ergo Theologorum contemptum huc Parthenotimus noster trahit, quum Lamindus communem Theologorum sententiam, immo Romanæ Ecclesiæ judicium, in hujusmodi Quæstione sequatur? Quei ridenda plane exaggeratione sibi fingit, *Suarez*, insignem adeo Theologum, a quopiam *inter pusilla ingenia* conjectum? Digna sane non est tam gravis quæstio, quæ hisce commentis, confictisque querelis pertractetur.

Attamen quando auctoritate Theologorum (paucorum certe) tueri se pergit Parthenotimus, atque inde nobis terrorem incutiendum, odiumve creandum sperat, monet me locus, ut corollarium præsentis controversiæ adjungam. Et primo una cum aliis Catholicis dignitatem Theologiæ Scholasticæ agnosco, utilitatem deprædico, necessitatem sentio. Neque quod in ea excolenda occurrant aliqui interdum Novatores, atque in Prudentiam, aut in ipsam meliorem doctrinam peccantes, quidquam nobilitas & pretium eximie hujus Scientiæ decrefcit. Fortunatæ nimium forent Artes ac Litteræ, si a perfectis tantummodo tractarentur ingeniis. Secundo, gloriosum Theologi nomen nimis urgendum non est ad conciliandum tantum auctoritatis Opinioni alicui, hoc est sententiæ extra Fidei pomeria sitæ, ut contra sentire aliis non liceat, atque audaciæ infimulandus veniat, qui adversus Opinionem illam in arenam descendat. Innumera sunt, quorum veritas in abditissimis tenebris, immo & insuperandis, jacet. Præterea inter ipsos, qui Theologica laurea ornati incedunt, non desunt imbecillia, ac male educata ingenia. Et ex ipsis Theologis, in quos profusior Naturæ liberalitas fuit, & quibus majores vires addit contentio studii atque meditationis, quemnam ostendas, tam firmis passibus in investiganda Veritate procedentem, ut ceteris ingeniis facultas erepta sit meliora sentiendi? Hercle videas Suario ipsi, quamquam singularis ingeni & doctrinæ viro, alios, atque ex ipso suo doctissimo instituto, contradicentes. Idem & aliis contigit, & quotidie contingit. Neque mirum, quum vel ab ipso Angelico Doctore, cui in Ecclesia Dei supra Theologos reliquos veneratio major defertur, & quem pleræque Scholæ sequuntur, alii in tot quæstionibus dissentiant, ac dissentire temerarium nemini videatur. Immo integras Scholas inter se in tot controversiis discordes sub oculis habemus. Quare quisque intelligat, quo plausus sit excipiendus, qui paucos:

Thec.

Theologos sibi concordēs commemorans, & speciosum hoc *Theologi* nomen exerens, putat, id ponderis accedere posse Opinioni alicui suæ, aut alienæ, ut adversus ipsam insurgere piaculum sit & crimen. Nullus profecto Theologicis studiis operam navans est, qui jure non usurpet, quæ olim Sanctus Augustinus ad Sanctum Hieronymum scribebat: *Ego, ajebar, fateor Caritati tue, solis iis Scripture Libris, qui jam Canonici appellantur, didici bunc timorem, honoremque deferre, ut nullum eorum Auctorem scribendo aliquid errasse firmissime credam.* Nobis post tot Secula viventibus addendum est, honorem quoque deferendum Decretis Romanorum Pontificum, & Conciliorum generalium, & concordibus Sanctorum Patrum Sententiis. Ceterum subdit Augustinus, & nos cum illo: *Alios autem ita lego, ut quantalibet sanctitate, doctrinæque polleant, non ideo Verum putem, quia ipsi ita sentiunt, sed quia mihi vel per illos Auctores Canonicos vel probabili ratione, quod a Vero non abhorreant, persuadeve poterunt.*

Porro neque gloriosa *Theologi* appellatio a quoquam excludit imbecillitatem ingenii, turbidosque affectus, quibus obnoxia passim est hominum, licet doctorum, natura; & quibus furtim impellentibus, dum Veritatem Theologus assequutum se censet, raptum se in Errorem neutiquam animadvertit. Vidimus tot Propositiones ab Alexandro VII. Innocentio XI. & Alexandro VIII. proscriptas. Earum proculdubio Auctores Theologico nomine gloriabantur. Sunt & alia complura ejusmodi, aut inepte, aut temere excogitata, & nondum a Sancta Sede confixa; a quibus tamen, quamquam per Theologos propositis, meliorum sapientia abhorret. Vide Theophilum Raynaudum in *Heteroclitis*, & in *Dipsyckis Marianis*. Nimirum aut *Amor Factionis*, aut *Amor Nevitatis* in præceps agunt nonnullorum ingenia, ut alios affectus omittam, & gravi ad Veritatem detegendam sive secernendam impedimento sunt. Intuere, quos aut leges Instituti a se suscepti, aut mos Scholæ, sive Magistri imperium, quasdam sententias sequi jubent, aut cogunt: e vestigio quidquid ibi discunt, illud uti Verum, aut saltem uti Probabilius, quam aliarum Scholarum placita, amplectuntur. Quæ ibi rationes & argumenta resonant, ea dumtaxat invincibilia videntur. Propterea, quantiscumque possint viribus obstant aliarum Scholarum pugiles, fortiora etiam proferant, nusquam tamen Verum, aut Veritatis umbram conspiciunt, nisi in Scholæ documentis, ad quam illos electio, casusve perduxit, & cui affectus omnes & obsequium primo devovere. Ita spiritus *Factionis* pro suis Opinionibus tamquam pro aris & focis pugnat; immo, si humanæ etiam artes ac vires suppetunt, nihil omit-

tit, quo adverfarios, eorumque Cathedras dejiciat, fuisque fententiis imperii prærogativam ubique procuret. Atque utinam nulla umquam hujus impotentiz exempla Hispanica Regna dediffent. Et Veritatem quidem fe in hisce fœderibus confeftari quifque arbitratur, quum tamen pro gloria ac tutela propriæ *Faſionis*, potius quam pro certitudine Veritatis a fe ſtantis, tot excitet motus. Interim longe graviora incommoda progignit alter Amor, nempe *Novitatis*. Hinc Hærefes, hinc tot aut temerariæ, aut erroneæ, aut periculofæ, aut ineptæ ſententiæ, quibus numquam caruit, numquam carebit ipſa Chriſtianorum Respublica. Mitto nunc fortia Ingenia, quæ plus libidini ſuz mentis, quam Pietati ſtudentia, enormia procudunt placita, unde Pietas ipſa, atque Orthodoxæ Religionis doctrina læditur. Heic ante oculos mihi tantummodo verſantur Ingenia in Pietatem proma: nam & ex ipſis ſunt, quæ *Novatorum* nomen non refugium, immo illud ambitioſe conquirunt; glorioſum quippe hunc titulum cenſent, dummodo pro Pietate novum aliquid proferant; atque ejuſmodi inventis tam cæca interdum ſimilitate adhærent, ut qui ſecus cogitet aut ſentiat, ſaltem eorum judicio languentem in ſe Pietatem innutrire videatur. At non minus primi, quam ſecundi errare poſſunt, quamquam ea invaluerit conſuetudo, ut primos horrore quodam excipiamus atque infeſtemur; alteros vero paciſce toleremus, quaſi non & iſti exceſſus in detrimentum atque opprobrium Eccleſiæ, ac veræ Doctrinæ, vergere poſſint. Ad utrumque Theologorum genus aptari quodammodo poteſt, quod Cardinalis Cajetanus habet in Summa, Verbo *Opinio*, ubi hæc inter alia animadvertit: *Errant Sectarum æmulatores, Opiniones ſuæ Sæctæ ſequentes, non ut rationi magis conſentaneas; ſed quia nati ſunt, aut nutriti in Sæctâ illius doctrinæ. Secundo, ex non relatione ad ſuam regulam; omnis enim Opinio examinanda eſt ad ſuam regulam. Et quia in his, quæ ſunt Fidei & Morum, regula eſt Sacra Scriptura expoſita ab Eccleſia Catholica, non excuſatur aliquis a quantumcumque rationabili Opinio in bujuſmodi, ſi ſuſpecta eſt communi Eccleſiæ, ſeu Apoſtolice Sedi. Et hinc damnantur credentes Hæreticorum, & antiquorum, & novorum, adhærentes doctrinis reprobatæ, aut ſuſpectis, ſaltem apud Apoſtolicam Sedem. Tertio ex modo, dum nimis firmiter in hæretur Opinioni, & ASSERTITUR UT CERTUM atque INDUBITATUM, quod tamen eſt intra latitudinem OPINABILITUM. Et hinc ſæpe erratur ex nimio affectu ad noſtra; & minore, quam opus fuerit, examine, reſolutione, ac judicio, dum Probabilia accipiuntur, ut Demonstrata. Id genus Theologos agnovit etiam & expoſit Thyrfus Gonzalez Præpoſitus Generalis Societatis Jeſu*

Jesu in Fundam. Theolog. Moral. Dissert. I. num. 33. ubi scribit : *Ex diſiſis inferes , non facere Opinionem Probabilem Auctores illos , qui vel ex deſiderio placendi hominibus , vel ex pravo affectu faciendi ſibi nomen , & inveniendi Seſtatores ; vel ſine ſufficienti Studio , nimis propere ferunt judicium , docentes eſſe licitam actionem , quam illicitam eſſe docuiſſent , ſi ex SINCERO DESIDERIO INVENIENDI VERITATEM diligenter incubuiſſent illius controverſie ſtudio , & non ducerentur ALIQUO INORDINATO AFFECTU .*

Neque heic ii mihi culpantur , immo laudantur , qui nova quidem Pietatis inventa , ſive ritus , ſive ſententias invehunt , ſed quæ legitima ſunt conſectaria veteris , ſemperque ſtabilis Catholicæ doctrinæ , & recte conſonant cum probatiſſimæ Eccleſiæ diſciplina . Cavendum tantummodo ab iis , qui indomito ingenio , aut exuberanti affectu rapti , nova fabricant , gloriolam inde tacita cupiditate aucupantes , aut præſtantioris Ingenii , aut ferventioris Pietatis . Etenim non raro accidit , ut ex eorum conatibus nihil aliud emergat , niſi aut infulſæ , aut temerariæ Opiniones ſive ſententiæ . Infulſum eſt , quidquid nullo ſacrarum Litterarum , aut ſacræ Traditionis documento innititur , ſed ex argutiolis dumtaxat Intellectus noſtri depromitur , præeunte nullo , aut aliquo ſed non ſatis firmo principio , quod veluti ſolidiſſima baſis ſententiis iis ſubſternatur . Parum , exempli cauſa , viſum eſt nonnullis tradere , *dona ac privilegia Sanctis a Deo conceſſa , Beatiffimæ quoque Virgini fuiſſe collata : quæ ſententia caute etiam , neque ſine exceptionibus ſuis eſt adhibenda .* Majora inſuper excogitarunt , contententes , nihil ferme laudis eſſe , quod Deiparæ tribui merito non poſſit . Baſilii Seleuciſis verba huc traxere ſcribentis Homil. in Sanctam Deiparam , apud Combeſium in Auctar. Bibliothec. Patrum . *O Virgo Sanctiſſima , ut ut quis honeſta quæque ac glorioſa de te loquatur , baud quidem ille aberrabit a Veritate , immo nec pro merito ſeceris ſatis .* Habemus heic Hyperbolem tolerandam atque laudandam in Oratione Panegyrica , quum & nos non incongrue dicamus , Deiparam ſupra omnem laudem noſtram eſſe ; & ſimilia de inſclys Principibus , necdum de Sanctis , uſurpentur . Verum nemo ſanioris criterii locum hunc excipit veluti ſententiam Theologico rigore conceptam . Alioquin deliria non pauca , etiam divinitati injurioſa , patrociniū ſub ejus umbra polliceri ſibi jam poſſent . Attamen non deſuere Theologi , qui arrepto axiomate iſto , ſuper illud mira multa in Deiparæ laudem ædiſicarunt , non contraria ſane Scripturis divinis , neque Traditioni , verum univerſæ antiquitati ignota ; eaque uti præ-

clara Virginis encomia, atque ornamenta in Scholas, in Libros, in Suggesta adduxere. Mirum, quot Conclusiones, quot Opiniones in hanc rem pii Viri Hispani in primis, subtilitatibus pasti, & in inventis fecundi produxerint. *Mariæ Corpus*, si eos auctamus, & *Materia Adami innocentis efformatum fuit*. *Maria concepta sine conjugali commercio, sine parentum concupiscentia*. *Maria in primo instanti, quo cepit esse, Visione Beatifica a Deo donata est*, qualem in divino Redemptore nostro Patres ac Theologi agnoscunt. *Ufu rationis prædita in ipso primo instanti, & vestigio erupit in altissimum actum Fidei & Amoris Dei, propter quem Gratiam sibi infusam a Deo meruit de Congruo, & ex opere operantis*. Tunc etiam *Votum Virginitatis emisit*. *Conceptio Virginis in gratia præordinata a Deo fuit ante præscientiam peccati, ita ut ipsa Mater Domini, futura fuisset, etiam si Adam non peccasset*. Et mirum profecto, quei sibi tantum tribuat humana infirmitas (rectius dicam, temeritas) ut sine ulla Scripturarum luce, confidentissime concipiat ac dirigat in mente Dei consilia & decreta ab æterno condita, quasi ea oculis cerneret, manu tangeret. Addunt, *Conceptionem Virginis majorem ei attulisse Gratiam, quam Gratia omnium Beatorum collective sumptorum*. Nolo ultra progredi, atque hujusmodi fursure chartam onerare. Uno verbo dicam, hæc atque alia id genus a severioribus Theologis nihil aliud reputari, quam Somnia vigilantium piorum, inter quæ & Visiones piarum mulierum, quam parum aut nihil interfit, nullo negotio agnoscas. Pete, an ejusmodi ornamentis Deipara delectetur, quibus nullum solidum Veritatis fundamentum divina Scriptura aut Traditio sufficit: nemo cordatus credat. Apud homines leves corde Adulatio quidem gratiam invenire potest, non vero in Beatorum animis, qui proinde effugere atque odisse credendi sunt, quidquid non prudens, humilis ac bene fundata Pietas, sed intemperantium Ingeniorum ambitio aut simplicitas excogitavit quæ e Novitate sententiarum sibi gloriam nominis, potius quam Virgini honorem videntur conquirere. Eam ob causam Sanctus Anselmus in Libro de Excell. Virgin. *indecent esse reputabat, de Beata Mater Dei quid dubitabile in laudem ejus recitari, quum ea, quæ incunctanter de illa vera existunt, tanta laudis materia sint repleta, ut quicumque in laudando eam morari desiderat, necesse sit, ut facultas ejus magnitudini rei & veritati succumbat*. Proinde ab his melior Theologia, & sobria Pietas abstinent atque abhorrent, quando unum constans Nego imaginarias omnes has moles dissolvere ac dejicere potest. Quod tamen dolendum, ita hujusmodi piis doctorum viro- rum imaginationibus, uti ex mulierum Revelationibus nonnulli oble-

stantur, eisque affuecunt, ut eas pari ardore & credulitate excipiant, aut in Libros inferant, atque Evangelicas Veritates: quod & nuper factum vidimus in Vita Beatissimæ Virginis edita, quæ ad satietatem, ne dicam ad nauseam, aerea hæc scita cum certis commiscet. Consultat prudens Lector, quæ Gersonius in Epistola ad Johannem Bassandi edita Tom. I. pag. 450. scribit, eos potissimum redarguens, qui ita argumentantur: *Christus potuit, & potest multa facere, & hoc decet eum: ergo fecit aut faciet. Consequentia hæc*, subdit Gersonius, *quæ fit a multis, sæpe fallis per fallaciam petitionis principii &c.* Tum aut hæresis aut temeritatis damnat asserentes, *Christum communicasse Matri suæ, statim dum Concepta aut Nata fuit, gloriosam & consummatam felicitatem usumque perfectæ rationis aut cognitionem lucidissimam totius decursus vitæ suæ & Filii &c.* Reliqua prætereo.

Neque tamen heic stetit in nonnullis novandi ardor. Non solum quæ Veteres ignorarunt, suo ingenio adinvenisse sibi sunt visi, sed etiam abjectis majorum sententiis, novas procuderunt, quas quia piæ genti gratiores censuerunt, ideo animosius evulgare non sunt veriti. Neque inanis fuit spes, ruente multorum Pietate in amplexum cujuscumque narrationis aut opinionis, dum ad augendam Deiparæ, Sanctorum & Populi sui gloriam pertinere videatur. Sed ubinam sunt, bone Deus, principia vere Theologiæ? Dicam non peregrina, non ignota, sed quæ vel tirones in vestibulo tam sublimis Scientiæ nosse possunt, aut debent, & certe non ignorat Parthenotimus ipse. Quidquid a Revelatione Dei pendet, haurire nos tantummodo possumus aut e divinis Scripturis secundum interpretationem Ecclesiæ Catholicæ expositis, aut e Traditione Apostolica, per Decreta Romanorum Pontificum, per Concilia, per Sanctos Patres ad nos transmissa. Theologi, qui post Annum a Christo Nato Millesimum illustrare hanc omnium nobilissimam Scientiam cœperunt, etsi multis destituti subsidiiis, quibus ætas nostra abundat, ad hos tamen fontes intenti semper fuere, inde Revelationem aut explicitam, aut implicitam educturi. Exploratum quippe iis erat, posse quidem humanam Rationem ex indubitatis ac evidentibus principiis alias eruere Veritates; sed ubi de iis agitur, quæ Deus facere, & non facere potuit, tunc nisi is revelaverit, quid revera fecerit, succumbere prorsus sentimus ipsius Rationis vires, & ineptas tantum aut temerarias sententias per ipsam procudi. Audi Sanctum Thomam in 3. Quæst. I. Art. III. *Ea, quæ ex sola Dei voluntate proveniunt supra omne debitum creature, nobis innotescere non*

non possunt, nisi quatenus in *Sacra Scriptura* (addo aut in Traditionis sacre monumentis) traduntur, per quæ divina voluntas nobis innotescat. Et quid si interpretationi divinarum Litterarum, aut Traditioni Patrum palam, sive clanculum, novæ istæ sententiæ adversentur? Nonne Error, & ubi pertinacia adjungatur, Hæresis inde proficiscitur? Exemplum temeritatis hujus huc advocare juvat, argumento, quod præ manibus habemus, perquam affine, ex quo dignoscat Lector, quid possint Ingenia sine freno speculationibus innutrita; & quid prurigo & amor *Novitatis*, quidve intemperans *Pietatis* sive *Devotionis* æstus gignere inter homines possit. Denique Parthenotimus ipse hinc intelligere poterit, quæ ratio habenda sit Theologorum, ubi pauci in sententiis dissentiant a communi Sanctorum Patrum, ipsorumque præstantiorum Theologorum doctrina.

C A P U T XXIV.

DEBITUM Peccati Originalis Veteres omnes in Virgine agnovere. Quando concepta est tribui eidem ab ipso Immunitas. Patrum & Theologorum chorus concursu adversans hujusmodi sententiæ.

USque ad Annum Christi 1615. omnes fere, qui a macula *Peccati Originalis exemptam* credere Sanctissimam Christi Matrem, agnoscebant tamen, ac fatebantur, illam nequaquam fuisse immunem a *DEBITO* ipsius Peccati, a quo Peccato incurrendo postea singulari divinæ bonitatis privilegio præservatam contendebant. An quisquam ante Annum illum Opinionem diversam tradiderit, ignoro. Illud certum, si quis talia proferre est ausus, ab insignium Theologorum choro concordie auctoritatem & vocem ei ademptam fuisse. At postquam commentitii veterum Libri de Conceptione Immaculata tractantes, ac præsertim *Lamina Granatensis*, eandem sententiam ipsis Apostolis notam atque probatam mentientes, in Hispania prodire; eaque figmenta veluti testes ex cælo demissi, tanta, ut vulgo credebatur, cum gloria Hispanicæ gentis excepta fuere: tunc effrænata ingenia nihil non permisum sibi censuerunt. Tunc ergo nonnulli ex Hispanis Theologis venditare cœperunt, Scotisticam de Conceptione sententiam *Certam* evasisse; ac posse divina Fide credi cum Veritate conjunctam; & proinde

inde *Martyrii* nomen & præmium iis minime negandum, qui pro ejusdem propugnatione tormentis & securibus suum corpus offerrent. Alias quoque paris roboris, idest audaciæ, sententias excogitarunt, ac palam defendendas susceperunt, quas præcedenti Capite innui. Quod potissimum nunc animadvertendum, eodem Anno 1615. in Theſibus publicis audiri primum cœpta est ea propositio: *Deiparam minime contraxisse Debitum Peccati Originalis*. Ad Toletanz Inquisitionis examen pertracta hæc Opinio, tum ad Matritenss Inquisitionis supremum Tribunal, accedentibus etiam, ut ajunt, plurium Academicarum votis, evasisse traditur illæsa. Certatim deinde convolarunt alii ad eam amplectendam atque tuendam, turgidusque fluxus adeo sensim crevit, ut quamquam meliorum sententia & vox obstitueret, obices omnes, repagula cuncta contemserit atque confregit. Quid plura? Si fides Auctori, qui Historiam edidit Contraversæ de Conceptione Virginis Libri IX. Cap. XIV. Opinio hæc *Hodie communior est in Scholis*. Equidem hoc ab illo, uti & alia multa, perperam scriptum opinor, quum gravissimi in Hispania quoque Theologi adversus ejusmodi sententiam pugnarint, pluresque Scholæ Italicæ, Gallicæ, Germanicæ, ac Belgicæ eandem averſentur. At tamen quæcumque sit Theologorum recentium copia, obſtare heic minime poterit, quominus novitia hæc Opinio gravi censuræ eripiat, ubi eam deprehendamus concordi *Sancſorum Patrum Traditioni*, & doctrinæ *Communi* Theologorum usque ad Annum 1615. adversantem, ac præterea a melioribus subinde etiam improbatam. Quis enim ferat in Theologiam & doctrinam Ecclesiæ invehi inconstantiam illam, quam in Legum Civilium Scientiam irrepsisse intuemur, dum pro varietate temporum, Legislatores, ac Interpretum, quæ Communes olim sententiæ fuerent, in desuetudinem abeunt, succedentibus novis, immo contrariis? Non solum ergo operæ pretium fore, sed plurimi interesse Catholicæ Ecclesiæ, unusquisque judicabit, diligentius introspecti in Opinionem illorum, qui a *Deipara Debitum Peccati Originalis* excludunt. Nam si revera hæc vitio Novitatis illius laborat, quæ Traditioni Veterum opponitur: ipsam continuo explodendam esse constabit. Et jamdiu quidem rem ita se habere ostenderunt inter ipsos Hispanos Theologi Salmanticenses Ordinis Carmelitarum Excalceatorum, quorum Opera Theologica, multis constantia Tomis, ac multa laude digna, in Italia quoque, hoc est Venetiis, Anno 1677. publicis typis tradita fuerunt, quamquam & ipsi pro Immunitate Mariæ a Peccato, acerrime pugnent. Sed quoniam hosce Libros, immo & Patrum loca ab ipsis commemorata, nonnulli aut minime legunt, aut lecta contem-

temunt, juvat nunc eadem methodo uti, qua usi sunt iidem Sal-
manticensis ad confutandam hujusmodi Opinionem : hoc est ante
omnium oculos sistere easdem Patrum sententias, tum ab ipsis Sal-
manticensibus Tom. IV. Curs. Theolog. collectas, tum a celeberrimo
viro Dionysio Petavio Soc. Jesu productas Tom. VI. Theolo-
giæ Dogmaticæ. Neque enim umquam legi Bandellum, Turrecre-
matam; Spinam, Launojum, aliosque id genus Scriptores, præter
Cardinalem Cajetanum. Quod ubi præstitero, luculentius perspiciet
Lector, quantum influxus habeat exemplum istud ad prodendum,
inutili conatu proferri quorundam Theologorum auctoritatem, ut
Voto Sanguinario patrocinium comparetur. Quod si ex hisce Sen-
tentiis nonnullæ videbuntur ipsam infirmare, aut dejicere Scotisti-
cam Sententiam de Conceptione Virginis, rationem indicabo, per
quam illius patroni loca ista minime dissimulantes, ab eisdem se se,
suamque sententiam expedire se posse sibi persuadent.

Clemens Alexandrinus Anno Christi 198.

Pedagog. Lib. III. Cap. XII. „ Solum Verbum est, in quod Pec-
catum non cadit : est enim peccare natura omnibus innatum &
„ commune „.

Tertullianus Anno Christi 208.

Libro de anima Cap. 41. „ Solus Deus sine Peccato, & Solus
„ homo sine Peccato Christus, quia & Christus Deus „.

Origenes Anno 240.

Homilia XII. in Leviticum ex versione Ruffini hæc habet. „ Scri-
„ ptura dicit : Nemo mundus a sorde, nec si unius diei fuerit vita
„ ejus. Hoc ipso ergo omnis, qui ingreditur mundum, quod in
„ vulva matris est positus, & quod materiam corporis ab origine
„ paterni sanguinis sumit, in patre & in matre contaminatus dici
„ potest. Solus vero meus Jesus Mundum ingressus, in matre non
„ pollutus „. *Cetera vide, uti & Homiliam VI. super Numeros.*

Dionysius Alexandrinus Anno 260.

*In Epistola Synodica ad Paulum Samosatenum, si tamen illius est,
cert antiquissima* „ : Nullus Peccati est expers, nisi Solus Chri-
„ stus, sicut & Pater Christi, & Spiritus Sanctus „. *Ita & alii
Ecclesiæ Græcæ Patres, nempe Gregorius Nyssenus, cujus verba ad-
fert Sanctus Thomas in Caten. Luc. 2. & Sanctus Ephrem Syrus
in Sermone de Passione, & Chrysostomus Homilia VI. de Pœni-
tent.* „ Christum Solum sine Peccato deprecaturus „.

Sanctus Hilarius Anno 360.

*Ejus verba adfert Sanctus Augustinus Lib. I. Cap. III. contra Ju-
lianum Pelagianum, quæ ejusmodi sunt, ubi de Christi Carne agit.*
„ Ergo

„ Ergo cum missus est in similitudinem Carnis Peccati, non sicut
 „ carnem habuit, ita habuit & Peccatum. Sed quia ex Peccato om-
 „ nis Caro est, a Peccato Adam parente deducta, in similitudine Peccati
 „ carnis est missus, existente in eo non Peccato, sed Peccati car-
 „ nis similitudine „. *Idem Tract. in Psalm. 118. de Christo ait.*
 „ Ipse utique perfectus, & sine Peccato Solus, & unus, in cujus
 „ ore dolus non fuit „. *Idem Tract. in Psalm. 138. in fine.*
 „ Ecce venit princeps hujus mundi, & non invenit in me quid-
 „ quam. Solus enim extra Peccatum est Dominus noster: Jesus
 „ Christus.

Sanctus Ambrosius Anno 385.

„ Dicit Beatus Ambrosius (teste *Augustino Lib. 2. Cap. 9. contra*
 „ *Julianum*) unum Solum hominem Mediatorem Dei & homi-
 „ num, eo quod sit natus ex Virgine, nec senserit nascendo
 „ Peccatum, generationis obnoxie vinculis non teneri. Omnes au-
 „ tem homines sub Peccato nasci, quorum ipse ortus in vitio est:
 „ quia Concupiscentie voluptate concreti, prius subirent contagia de-
 „ lictorum, quam vitalem de hoc aere spiritum ducerent. Olim
 „ vero Obnoxii appellabantur Servi. Verba item Ambrosii e *Libro de*
 „ *Arca Noe Augustinus adferebat Cap. II. ejusdem Libr. 2. contra Ju-*
 „ *lianum*: „ Per unum Dominum Jesum salus ventura nationibus de-
 „ claratur, qui Solus potuit (*Floriacensi Codice praeume Monachi*
 „ *Benedictini scribunt Non Potuit*) justus esse, cum generatio om-
 „ nis erraret, nisi (*fortasse addendum* quia) ex Virgine generatio-
 „ nis Obnoxie privilegio minime teneretur. Ecce (*inquit idem Am-*
 „ *brosius*) in iniquitatibus conceptus sum, & in delictis peperit me
 „ mater mea: dicit is, qui justus prae ceteris putabatur. Quem
 „ igitur jam justum dixerim, nisi horum liberum vinculorum,
 „ quem naturae communis vincula non teneant? Omnes sub Pec-
 „ cato: ab Adam in omnes regnabat mors. Veniat Solus Justus
 „ in conspectu Dei, de quo jam non ex exceptione dicatur: Non pec-
 „ cavit in labiis suis; sed Peccatum non fecit „. Tum pergit dicere
 „ *Sanctus Augustinus*: „ Huic die, si audes, quod Diabolum se-
 „ cerit hominum conditorem, qui utriusque sexus commixtione na-
 „ scuntur; quandoquidem Solum Christum, quia sit natus ex Vir-
 „ gine, a vinculis Obnoxie generationis excepit, omnibus ceteris
 „ ex Adam sub peccati obligatione nascentibus, quod utique Pec-
 „ catum Diabolus seminavit „. *Idem Sanctus Augustinus Lib. 1.*
 „ *Oper. Imperfect. contra Julianum ait*: „ En adest ille Ambrosius:
 „ de hoc, in quod inveheris, quid dicat, vide. Quomodo Solus,
 „ inquit in *Libro de Arca*, potuit justus esse Christus, cum gene-
 „ „ ratio,

„ ratio omnis erraret, nisi natus ex Virgine generationis Obnoxiz
 „ privilegio minime teneretur „? Tum subdit Augustinus : „ Au-
 „ di adhuc, audi, & protervam linguam frontis clisione compe-
 „ sce „. *Atque heic sequentia refert Ambrosii verba expressa e Lib.*
II. in Cap. II. 19. Luca : „ Non enim virilis coitus vulvæ vir-
 „ ginalis secreta roseravit, sed immaculatum semen inviolabili ute-
 „ ro Spiritus Sanctus infudit. Solus enim per omnia ex natis de
 „ femina sanctus Dominus Jesus, qui terrenz contagia corruptelæ,
 „ immaculati partus novitate non senserit, & cœlesti majestate de-
 „ pulerit „. *Hæc ipsa Ambrosii verba nobis in Horis Canonicis ad*
Festum Circumcisionis Domini Ecclesia præscribit recitanda. Addit
heic Augustinus ad Julianum conversus : „ Cernis nempe, quod di-
 „ co, quis dixerit? Cernis, quidquid contra me dicis, contra quem
 „ dicas? Si enim ego hinc sum Discipulus Manichæi, hoc est &
 „ ille. Non est autem hoc ille, qui hæc ante nos dixit : Non est
 „ hoc igitur, quisquis hæc dicit; sed Hæreticus manifestus est,
 „ quisquis huic antiquo Catholico Dogmati contradicit „. *Sanctus*
Augustinus iidem in Libro contra duas Epistolas Pelagian. Lib. IV.
Cap. XI. hæc Ambrosii verba in Isaiam commemoras : „ Idcirco
 „ Christus Immaculatus, quia nec ipsa nascendi solita conditione
 „ maculatus est „. *Addit hæc alia de Domino :* „ Dignum etenim
 „ fuit, ut qui non erat habiturus corporeæ Peccatum prolapsionis,
 „ nullum sentiret generationis naturale contagium. Merito ergo
 „ David flebiliter in se deploravit ipsa inquinamenta naturæ, &
 „ quod prius inciperet in homine macula, quam Vita „. *Idem*
Sanctus Augustinus Lib. II. Cap. 3. contra Julianum hæc verba e
Traſatu Sancti Ambrosii contra Novatianos, sive de Pœnitentia Lib. I.
Cap. III. describit : „ Apostolus de Christo Non in similitudinem carnis
 „ ait; quia Christus veritatem suscepit carnis humanæ, non simi-
 „ litudinem. Neque in similitudinem Peccati ait, quia Peccatum
 „ non fecit, sed Peccatum pro nobis factus est. Sed venit in Si-
 „ militudinem Carnis Peccati, hoc est suscepit similitudinem car-
 „ nis peccatricis. Non enim sicut Omnis homo ex virili & femi-
 „ nea permixtione generatus, sed natus de Spiritu Sancto, & de
 „ Virgine, Immaculatum corpus susceperat, quod non solum nulla
 „ vitia maculaverant, sed nec generationis, aut conceptionis con-
 „ cretio injuriosa fuscaverat. Nam Omnes Homines sub Peccato
 „ Nascimur, quorum ipse ortus in vitio est, sicut habes lectum,
 „ dicente Domino : Ecce enim in iniquitatibus conceptus sum, &
 „ in delictis peperit me mater mea. Christi autem caro damnavit
 „ peccatum, quod nascendo non sensit, quod moriendo crucifixit „.

De-

Denique idem Sanctus Augustinus Lib. I. Cap. 34. de Nuptiis & Concupiscenti. hæc Ambrosii verba ex illius expositione in Isaiam profert : „ Ideo & quasi homo per universa tentatus est, & in similitudinem hominum cuncta sustinuit, sed quasi de Spiritu natus, „ abstinuit a peccato. Omnis enim homo mendax, & nemo sine „ peccato, nisi Solus Deus. Servatum est igitur, ut ex viro & „ muliere, idest per illam corporum commixtionem Nemo videatur expers esse Delicti. Qui autem expers est Delicti, expers „ est etiam huiusmodi conceptionis „.

Sanctus Johannes Chrysostomus Anno 404.

In Psalmi LVIII. vers. 5. verba : Neque iniquitas mea, neque &c. ait : „ Solus Christus hæc dicere potuit, qui Peccatum non „ habuit, & ideo cursum salutis nostræ direxit „. *Vide Casenam Græcor. Patrum a Corderio editam, Tom. II. pag. 155.*

Zosimus Papa Anno 417.

In Epistola, cujus Fragmentum adfert Sanctus Augustinus in Epistola 190. olim 157. hæc scribebas : „ Nullus enim, nisi qui Peccati servus est, liber efficitur, nec Redemptus dici potest, nisi „ qui vere per Peccatum fuerit ante captivus, sicut scriptum est : „ Si vos Filius liberaverit, vere liberi eritis „.

Sanctus Augustinus Anno 425.

Libr. I. Cap. XII. de Nuptiis & Concupisc. loquens de Conceptione Christi hæc habet : „ Solus ibi nuptialis concubitus non fuit, quia „ in Carne Peccati fieri non poterat sine illa carnis pudenda Concupiscentia, quæ accidit ex peccato : sine qua concipi voluit, „ qui futurus erat sine Peccato; non in Carne peccati, sed in similitudinem Carnis peccati; ut hinc etiam doceret, omnem, quæ de „ concubitu nascitur, Carnem esse Peccati : quandoquidem sola, „ quæ non inde nata est, non fuit Caro peccati „. *Epistola olim 57. nunc 187.* „ Hoc ergo excepto lapide angulari (*idest Christo*) „ non video, quomodo ædificentur homines ad habendum in se inhabitantem Deum, nisi cum fuerint renati, quod non possunt „ esse, antequam nati „. *Libro IV. Cap. 4. contra duas Epistolas Pelagian.* „ Si enim propterea morimur, quia ille (*Adam*) mortuus est : ille autem mortuus est, quia peccavit, pœnam dicunt „ (*Pelagiani*) transire sine culpa, & innocentes parvulos injusto „ supplicio puniri, trahendo mortem sine meritis mortis. Quod de „ uno Solo Mediatore Dei & Hominum Christo Jesu Catholica „ Fides jubet „. *Libro X. de Genesi ad litteram, Cap. 18.* „ Et „ quid incoinquinatus illo utero Virginis? cujus Caro etsi de propagatione venit, non tamen de Peccati propagine concepit. *Ad :*

„ *dit* : Proinde Corpus Chrifti, quamvis ex carne femine affum-
 „ ptum eft, quæ de illa Carnis peccati propagine concepta fue-
 „ rat : tamen quia non fic in ea conceptum eft, quomodo, fuerat
 „ illa concepta, nec ipfa erat Caro peccati, fed fimilitudo Carnis
 „ peccati „. *Eodem Libro X. de Genefi ad literam.* „ Secundum ra-
 „ tionem quippe illam feminalem ibi (*ideft in lumbis Abrahæ*)
 „ fuit Levi, qua ratione per concubitum venturus erat in Ma-
 „ trem, fecundum quam rationem non ibi erat Chrifti Caro,
 „ quamvis fecundum ipfam ibi fuerit Mariæ Caro. Quapropter nec
 „ Levi, nec Chriftus in lumbis Abrahæ fecundum animam ; fe-
 „ cundum Carnem vero & Levi & Chriftus ; fed Levi fecundum
 „ concupifcentiam carnalem, Chriftus autem fecundum folam fub-
 „ ftantiam corporalem. Cum enim fit in femine & vifibilis cor-
 „ pulentia, & invifibilis ratio, utrumque cuccurrit ex Abraham,
 „ vel etiam ex ipfo Adam ufque ad Corpus Mariæ ; quia &
 „ ipfum eo modo conceptum & exortum eft. Chriftus autem vi-
 „ fibilem carnis fubftantiam de carne Virginis fumpfit : ratio vero
 „ conceptionis ejus non a femine virili, fed longe aliter, ac de-
 „ fuper venit „. *Libro VI. contra Julianum Cap. 4.* „ Tu dicis
 „ etiam pro peccatoribus mortuum effe Chriftum : ego dico nonni-
 „ fi pro peccatoribus mortuum, ita ut respondere cogaris : fi nul-
 „ lo peccato parvuli obftricti funt, non effe pro parvulis mor-
 „ tuum. Dicit enim ad Corinthios : Quoniam unus pro om-
 „ nibus mortuus eft : ergo omnes mortui funt, & pro omnibus mor-
 „ tuus eft &c. Quos igitur hoc loco intelligis mortuos ? Numquid
 „ eos, qui de corpore exierunt ? Quis ita deficiat, ut hoc fapiat ?
 „ Eo modo itaque intelligimus mortuos, pro quibus omnibus mor-
 „ tuus eft Chriftus, quomodo alibi dicit (*Col. 2. 13.*) *Es vos, cum*
 „ *effetis mortui in delictis, & præputio carnis veftræ, vivificavit*
 „ *cum illo.* Ac per hoc Unus, inquit, pro omnibus mortuus eft :
 „ ergo omnes mortui funt &c. Quia ergo non in corpore, refcet
 „ ut in peccato effe mortuos omnes, pro quibus Chriftus mortuus eft,
 „ nemo neget, nemo dubitet, nifi qui fe non negat, aut dubitat effe
 „ Chriftianum. *Lib. II. Cap. XX. de Peccat. merit.* In hoc autem
 „ loco utrum effet in filiis hominum, vel effe potuiffet, aut pos-
 „ fet, qui non ex peccato ad iuftitiam perfectiffimam perveni-
 „ ret, fed nullo umquam peccato effet obftrictus, hoc quæri-
 „ tur. Ideo fi illa vera funt, quæ tam multa de parvulis dixi-
 „ mus, nec eft in filiis hominum quifquam, nec fuit, nec erit,
 „ excepto Uno Mediatore, in quo nobis propitiatio, & iuftifica-
 „ tio pofita eft „. *Supra quoque dixerat :* „ Hunc prorfus nifi
 „ Unum

„ Unum Mediatorem Dei & hominum hominem Christum Je-
 „ sum, nullum vel esse, vel fuisse, vel futurum esse, Certissi-
 „ mum est „ *Libro eodem Cap. XXIV.* „ Solus ergo ille etiam
 „ homo factus manens Deus, peccatum nullum habuit umquam;
 „ nec sumpsit Carnem peccati, quamvis de materna Carne pecca-
 „ ti. Quod enim carnis inde suscepit, id profecto aut suscipien-
 „ dum mundavit, aut suscipiendo mundavit „ *Libro eodem Cap.*
XXIX. „ Nullus existit homo, de quo in hac vita constituto ve-
 „ raciter dici possit, quod nullum habeat omnino peccatum, ex-
 „ cepto uno Mediatore, qui nos Creatori nostro per remissionem
 „ reconciliat peccatorum.

Idem Sanctus Augustinus Libro de Perseſt. Justitia Cap. XXI.
 „ Quisquis ergo fuisse, vel esse in hac vita aliquem hominem,
 „ vel aliquos homines putat, excepto Uno Mediatore Dei & ho-
 „ minum, quibus necessaria non fuerit remissio peccatorum, con-
 „ trarius est divinæ Scripturæ, ubi Apostolus ait (*Rom. V. 12.*)
 „ *Per unum hominem peccatum intravit in Mundum, & per pecca-*
tum mors; & ita in omnes homines pertransiit, in quo omnes pec-
caverunt. Et necesse est ut impia contentione asserat, esse pos-
 „ se homines, qui sine Mediatore Christo liberante atque salvan-
 „ te sint liberi salviq; a peccato, quum ille dixerit (*Matth. IX.*
12.) *Non est opus sanis Medicus, sed male habentibus. Non veni*
curare justos, sed peccatores „ *Libro V. Cap. XIV. contra Julia-*
num. „ Quod si dementis est dicere, & sine dubio Caro Chri-
 „ sti non est Caro peccati, sed similis Carni peccati: quid restat
 „ ut intelligamus, nisi ea excepta, omnem reliquam huma-
 „ nam Carnem esse peccati? Et hinc apparet, illam Concupiscen-
 „ tiam, per quam Christus concipi noluit, fecisse in genere hu-
 „ mano propaginem mali: quia Mariæ corpus quamvis inde ve-
 „ nerit, tamen eam non trajecit in corpus, quod inde non conce-
 „ pit. Ceterum Corpus Christi inde dictum esse *in similitudine*
Carnis peccati, quia omnis alia hominum Caro peccati est.
 „ Quisquis negat, & carnem Christi ita carni comparat nascenti-
 „ um hominum ceterorum, ut asserat, utramque esse purita-
 „ tis æqualis, detestandus Hæreticus invenitur „ *Sunt & alia si-*
milis loca Lib. I. Cap. XXVIII. & XXIX. de Peccator. meritis. & re-
missis. Et Libro XX. Cap. VI. de Civit. Dei, & Lib. II. Cap.
LXXX. & CCXVIII. & CCXXV. Oper. Imperf. Et Libr. IV.
Cap. LXXIX. & LXXXVIII. & sequ. Et Lib. VI. Cap. XXXIV.
Tum Lib. VI. Cap. XXXV. ejusdem Oper. Imperf. hæc habet:
 „ Nunc autem Christus missus est in similitudine Carnis pecca-
 „ ti,

„ ti, quia Solus veram carnem sic habuit, ut non esset Caro pecca-
 „ ti, sed ejus similitudo : Ac per hoc necesse est, ut fateamur,
 „ Carnem ceterorum hominum esse peccati, cui similis facta est
 „ vera caro Christi, sed non caro peccati „ *Lib. IV. Cap. IV.*
contra duas Epistol. Pelagian. „ Nemo mundus a sorde nec infans,
 „ cujus est dies unius vita super terram. Sinite miserum remissio-
 „ nem accipere peccatorum per eum, qui Solus nec parvus, nec
 „ magnus potuit habere Peccatum „. *Enarrat in Psalm. L. Cap. X.*
 „ Definita est sententia : *In Adam*, inquit Apostolus Rom: V.
 „ omnes peccaverunt. Solus esse Innocens Infans Potuit, qui de ope-
 „ re Adam non natus est „. *Item eodem Libro VI. Cap. CXVII.*
Operis Imperfecti. hæc habet : „ Si autem quæritur, quomodo Chri-
 „ stus non fuerit decimatus, cum etiam ipse, quod manifestum
 „ est, secundum originem carnis fuerit in lumbis Abraham, quando
 „ a Melchisedech pater ille decimatus est : nihil occurrit, nisi
 „ quod Maria quidem mater ejus, de qua carnem sumpsit, decar-
 „ nali Concupiscentia parentum nata est; non autem Christum sic
 „ ipsa concepit, quem non de virili semine, sed de Spiritu San-
 „ cto procreavit. Non ergo pertinuit ad rationem virilis seminis,
 „ per quam fuerunt in lumbis Abraham, quos in illo decimatos esse
 „ sacra Scriptura testatur. *Ita Augustinus in postremo suorum Li-*
brorum : hæc enim scribens ait : Intercepit „. Item Lib. II.
Cap. XXXV. de Peccator. Meritis. „ Teneamus indeclinabilem Fi-
 „ dei confessionem. Solus unus est, qui sine Peccato natus est in
 „ similitudine carnis peccati „. *In Lovaniensi quoque editione Ope-*
rum Sancti Augustini Sermo XIII. de Tempore dubitabatur, num
Augustinianus foret. Ei revera tribuendum non esse monent Benedic-
tiini Monachi Congregat. S. Mauri in nupera Editione. Atta-
men quum vetustum sit, & confarcinatum noverimus e variis Au-
gustini locis, immo hunc ipsum nobis quotannis legendum Ecce-
lesia Romana exhibeat in Horis Canonicis Vigiliæ Epiphaniæ, non
incongruum erit, pauca hæc inde referre dicta de Christo : „ So-
 „ lus enim sine peccato est natus, quem sine virili complexu non
 „ concupiscentia carnis, sed Obedientia genuit mentis „. Et qui-
 „ dem Augustinus Lib. II. Cap. XXXV. & ipse dixerat : „ Solus
 „ unus est, qui sine peccato natus est in similitudinem carnis pec-
 „ cati &c. Per quæ ne putet quisquam indicari, Virginem carnis
 „ se sanctificatione ante nativitatem, animadvertendum est, Conce-
 „ ptionem quoque appellari *Nativitatem in sacris Litteris. Noli time-*
re accipere Mariam conjugem tuam : quod enim in ea Natum est,
de Spiritu Sancto est; ita Angelus de Joseph Matt. I. 20. Conce-

ptionem Christi significans. Id quod Augustinus ipse agnovit, scribens Enarrat. in Psalm. LVII. num. V. „ Non enim
 „ ex visceribus tantum homo nascitur, sed & in visceribus :
 „ Prius nascitur in visceribus, ut possit nasci ex visceribus : Pro-
 „ pterea dictum est Mariz : *Quod enim Natum est in te, de*
 „ *Spiritu Sancto est.* Nondum de illa natum erat, sed jam in illa
 „ natum erat „.

Sanctus Leo Magnus Papa Anno 445.

Sermone I. de Nativitate Domini nostri Jesu Christi : „ Dominus
 „ noster peccati mortisque destructor sicut Nullum a reatu liberum
 „ reperit, ita liberandis Omnibus venit „. *Es infra.* Alienum quip-
 „ pe ab hac nativitate est, quod de omnibus legitur (*Job. XIV. 4.*)
 „ Nemo mundus a forde, nec infans, cujus est unius diei vita su-
 „ per terram. Nihil ergo in istam singularem Nativitatem de
 „ carnis concupiscentia transivit, nihil de peccati lege manavit „.
 „ Hunc etiam Sermonem in Horis Canonicis quotannis nobis reci-
 „ tandum Ecclesia præscribit Natali die Salvatoris nostri. *Serme-*
ne II. de Nativitate Domini : „ Nova nativitate genitus est, con-
 „ ceptus a Virgine, natus ex Virgine sine paternæ carnis concu-
 „ piscencia, sine maternæ integritatis injuria : quia futurum ho-
 „ minum Salvatorem talis ortus decebat, qui & in se haberet hu-
 „ manæ substantiæ naturam, & humanæ carnis inquinamenta nesciret „. *Es infra :* „ Venit enim Domus noster contagia nos-
 „ tra auferre, non perpeti; nec succumbere vitiis, sed mederi „.
Es infra. „ Nam superbia hostis antiqui non immerito sibi in om-
 „ nes homines jus tyrannicum vindicabat, nec indebito dominatu
 „ premebat, quos a mandato Dei spontaneos in obsequium suæ vo-
 „ luntatis illexerat. Non itaque juste amitteret originalem humani
 „ generis servitutem, nisi de eo, quod subegerat, vinceretur. Quod
 „ ut fieret, sine virili semine editus est Christus ex Virgine, quam
 „ non humanus coitus, sed Spiritus Sanctus fecundavit. Et cum
 „ in Omnibus Matribus non fiat sine peccati forde conceptio, hæc
 „ inde purgationem traxit, unde concepit. Quo enim paterni se-
 „ minis transfusio non pervenit, peccati se illic origo non miscuit.
 „ Inviolata virginitas concupiscentiam nescivit, substantiam mini-
 „ stravit. Assumpta est de Matre Domini natura, non culpa. Crea-
 „ ta est forma servi sine conditione servili : quia novus ho-
 „ mo sic contemperatus est veteri, ut & veritatem susciperet gene-
 „ ris, & vitium excluderet vetustatis „. *Sermone IV. de Nativitate*
Domini : „ Terra enim carnis humanæ, quæ in primo fuerat præ-
 „ varicatoris maledicta, in hoc Solo Beatæ Virginis partu germen
 „ edidit

„ edidit benedictum, & a vitio suæ stirpis alienum. Cujus spiri-
 „ talem originem in regeneratione quisque consequitur, & omni
 „ homini renascenti aqua Baptismatis instar est uteri virginalis,
 „ eodem Spiritu Sancto replente fontem, qui replevit & Virgi-
 „ nem; ut peccatum, quod ibi vacuavit sacra conceptio, hec
 „ mystica tollat ablutio. *Sermone VIII. de Nativis. Domini.* „ In
 „ totius igitur humani generis strage communi, unum solum fuit
 „ remedium sub divinæ rationis occulto, quod posset subvenire
 „ prostratis, si aliquis filiorum Adam originalis prævaricationis
 „ alienus, atque innocens nasceretur, qui ceteris exemplo prodes-
 „ set & merito. Sed quia hoc naturalis generatio non sinebat,
 „ nec poterat vitiæ radices sine semine propago esse, de quo
 „ Scriptura dicit (*Job. XIV. 4.*) *Quis potest facere mundum de im-*
 „ *mundo conceptam semine? Nonne Tu, qui solus, es?* Dominus Da-
 „ vid, factus est Filius David, & de promissi germinis fructu pro-
 „ les est orta sine vitio, gemina conveniente natura. „ *Epistola*
 „ *XXV. ad Julianum Episcopum Coensem.* „ Nativitas Domini secun-
 „ dum carnem, quamvis habeat quædam propria, quibus humanæ
 „ conditionis initia transcendat, sive quod Solus ab inviolata Vir-
 „ gine sine Concupiscentia est conceptus, & natus; sive quod ita
 „ viscēribus matris est editus, ut & fecunditas pareret; & vir-
 „ gnitas permaneret: non alterius tamen naturæ erat ejus caro,
 „ quam nostra. „ Quid significet *Solus*, qua voce tot usi sunt in
 „ hocce argumento, nos docet Ecclesia, quum in Hymno Virgi-
 „ num de Deipara ait: *Quæ Sola Virgo parturit.* Adhuc tamen
 „ Sanctum Leonem audiamus in *Epistola CXVII. ad Monachos Pa-*
 „ *lestinos:* „ Ut per unum, ait, hominem fieret renovatio vetu-
 „ statis; & mortis vinculum unius prævaricatione contractum,
 „ unius morte, qui Solus morti nihil debuit, solveretur. „ *In-*
 „ *fra.* „ Nam quia captivitatis nostræ resolvi originalia vincula non
 „ poterant, nisi existeret homo nostri generis, nostræque naturæ,
 „ quem veteris debiti præjudicia non tenerent &c. *Sunt & alia*
 „ *loca, quæ quia similia, prætermitto.*

Johannes Cassianus Anno 446.

Collas. XXII. Cap. XI. „ Hoc de illo, qui Solus est absque pecca-
 „ to, tamquam Singulare memoratur: *Misit Deus Filium suum in*
 „ *similitudinem carnis peccati:* quia veram atque integram susci-
 „ piens substantiam carnis humanæ, non ipsum Peccatum in ea,
 „ sed similitudinem Peccati suscepisse credendus est. „ *Ibidem Cap. XII.*
 „ In hoc ergo ille homo, qui natus ex Virgine est, magna a Cun-
 „ ctis, qui ex utriusque sexus commixtione producimur, distantia
 „ se-

„ segregatur: quod cum Omnes non similitudinem, sed veritatem
 „ Peccati in carne gessimus, ille non veritatem, sed similitudi-
 „ nem Peccati, & veræ carnis assumptionem suscepit.

Sanctus Maximus Episcopus Taurinensis Anno 450.

In *Sermone VII. de Paschate inter Anecdota Muratorii Tom. IV.* „ So-
 „ lus Dei Filius peccatores liberat, quia solus liber est a pec-
 „ cato.

Sanctus Fulgentius Anno 525.

Libro de Incarnat. O. Gratia Cap. VI. „ Hæc est gratia, qua fa-
 „ ctum est, ut Deus, qui venit peccata tollere, quia peccatum
 „ in eo non est, homo conciperetur, atque nasceretur in similitudine
 „ carnis peccati, de carne peccati. Caro quippe Mariz, quæ in
 „ iniquitatibus fuerat humana solemnitate concepta, Caro fuit uti-
 „ quæ Peccati, quæ Filium Dei genuit in similitudinem carnis pec-
 „ cati. „ Quæ hæc Sanctus Fulgentius dicit, ut Saluanticenses
 Theologi animadvertunt, quatuordecim Episcoporum Africanæ Ec-
 clesiæ auctoritate confirmatur, hoc est Daciani, Fortunati &c. qui
 omnes eidem Operi, ad Episcopos Orientales directo, subscribunt,
 uti colligitur e *Cap. I. Libri Primi. Ibidem Cap. VII.* „ Si enim Caro
 „ peccati non mendaciter dicitur, habet in se Caro ipsa peccatum si
 „ vero peccatum non habet, falsum portat carnis peccati vocabulum.
 „ Sed eam, de qua loquimur, carnem peccati, verax discipulus ve-
 „ ritatis Paulus appellat. Restat igitur, ut sicut vere caro, cum caro
 „ dicitur; ita vere in se peccatum habeat cum caro peccati ore Apo-
 „ stolico nuncupatur. *Libro I. de Veris. prædestinas. interpretans locum*
Apostoli Roman. V. Per Unum hominem &c. hæc habet: „ Peccans igitur
 „ homo totam in se peccato subdidit progeniem, quando delin-
 „ quendo veram perdidit libertatem: a quo enim quis devictus est,
 „ & servus addictus est, & omnis, qui facit peccatum, servus est pec-
 „ cati. Ab hac servitute, qua nascens parvulus tenetur obstrictus, So-
 „ lus Mediator Dei & hominum homo Christus Jesus liber est geni-
 „ tus: qui licet verus homo natus fuerit, non tamen interveniente
 „ Concupiscentia carnis, nec ex concubitu maris & semine, sed
 „ de Spiritu Sancto natus, ita veram Carnem de carne Matris ac-
 „ cepit, ut Dominus verus non culpam humanæ sumeret originis,
 „ sed naturam. „

Homiliæ editæ sub nomine Episcopi Gallicani.

Habentur in Bibliotheca Patrum Tomo VI. Homiliæ complures,
 pars quarum Eusebio cuidam Gallicano Episcopo, pars Eucherio
 Lugdunensi, aut Cæsario Arelatenfi, aut Fausto Regiensi, aut an-
 tiquissimis Monachis Lirinenfis, pars denique Brunoni Signienfi
 Epi

Episcopo, tribuuntur. Quicumque sit earum Auctor; certe per-
 tuus est. En illius verba in *Homil. Dominica V.* „Accedere ad
 „mortuum, hoc est accedere ad peccatum, &c. Omnium commu-
 „ne est Originale peccatum: omnes igitur ad illud accedere non
 „dubium est &c. Nunc autem de Summo Sacerdote videamus, per
 „quem Dominum & Salvatorem intelligimus. Ipse enim ad nul-
 „lum mortuum accessit, quia neque Originale peccatum a parenti-
 „bus traxit; neque a se peccatum aliquod commisit. Ipse est enim
 „de quo scriptum est: *Qui peccatum non fecit, nec inventus est do-*
 „*lus in ore ejus.* Ipse igitur Solus est, qui ad patris & matris
 „mortem & peccatum non accessit „. *Homilia II. de Nativitate*
Domini, cujus initium Bene Nostis, hæc habet alloquendo Deiparam:
 „Initiator omnium rerum abs te initiatur; & profundendum pro
 „Mundi vita sanguinem de corpore tuo accepit; ac de te sumpsit,
 „quod etiam pro te solvat. A peccati enim veteris nexu per se non
 „est immunis nec ipsa Genitrix Redemptoris. Solus ille licet ex de-
 „bito renascatur, lege tamen veteris debiti non tenetur „. Vide
 „Salmanticenses, qui per additum illud *per se* nihil enervari ostendunt
 vim istius sententiæ.

Cassiodorus Anno 550.

In *Libro de Anima Cap. VII. hæc de Christo Domino habet:* „Ait
 „Angelus: Spiritus Sanctus superveniet in te &c. Quis, rogo, in
 „hac majestate nascendi aut Originalis Peccati credat esse culpam,
 „aut profanam aliquam carnis suspicetur offensam? Absque peccato
 „sine dubio venit, qui erat omnium peccata soluturus, conceptus
 „mystico inspiramine, natus ex Virgine &c.

Sanctus Gregorius Magnus Papa Anno 598.

Lib. XI. Cap. ultim. in fine explicans verba Job: Quis potest facere
mundum de immundo conceptum semine? Nonne tu, qui solus es? hæc
habet: „Potest vero hoc in loco intelligi, quia Beatus Job incarna-
 „tionem Redemptoris intuitus, Solum vidit in Mundo hominem
 „de immundo semine non esse conceptum, qui sic in Mundum ve-
 „nit ex Virgine, ut nihil haberet de immunda conceptione. Ne-
 „que enim ex viro & femina, sed ex Spiritu Sancto, & Maria
 „Virgine processit, Solus ergo in carne sua vere mundus exstitit,
 „qui delectatione carnis tangi non potuit: quia nec per carnalem
 „huc delectationem venit „. *Lib. I. Homil. VIII. in Ezechielem. num. 21.*
 „In Solo sibi Unigenito Domino nostro Jesu Christo com-
 „placuit, quia hunc inter homines hominem creasse non pœnituit,
 „in quo peccatum nullum omnimodo invenit, sicut de illo per
 „Psalmistam dicitur: *Juravit Dominus, & non pœnitēbit eum: tu*

„ *es Sacerdos in æternum secundum ordinem Melchisedech.* In Solo ergo Redemptore nostro sibi complacuit Pater, quia in eo Solo non invenit culpam, in qua se reprehendat quasi per pœnitentiam. Ferrandus, qui & Fulgentius, Diaconus Carthaginensis circ.

Annum Chr. 630.

Epistola ad Anatolium Diaconum Urbis Romæ in Bibliothec. Patrum Tom. IX. pag. 503. „ In carne Christi natura est nostræ carnis, sed „ non reperitur culpa naturæ. Sic caro Christi carni Mariæ & similis est, & dissimilis. Similis, quia inde traxit originem; dissimilis, quia non inde contraxit vitiatæ originis contagionem. Similis, quoniam licet voluntarias, tamen veras sensit infirmitates; dissimilis, quoniam nullas penitus neque per voluntatem, neque per ignorantiam commisit iniquitates „. *Infra.* „ Caro Christi non erat in iniquitatibus concepta: propter quid ergo conditionem mortis videtur experta? Manifeste scimus, non necessitate, sed voluntate pro nobis mortuum fuisse Filium Dei „ &c.

Clerus Romanus Sede vacante Anno Christi 639. vel 640.

In Epistola ad Episcopos Scotiæ, Lib. II. Histor. Ecclesiastic. Bedæ Cap. XIX. *Es primum quidem blasphemiam & stultiloquium est dicere, esse hominem sine Peccato: quod omnino non potest, nisi UNUS mediator Dei & hominum homo Christus Jesus, qui sine Peccato est conceptus & partus. Nam CETERI HOMINES cum Peccato Originali nascentes, testimonium prævaricationis Adæ (etiam sine Peccato Actuali existent) portare noscuntur, secundum Prophetam dicentem: Ecce enim in iniquitatibus conceptus sum, & in peccatis concepit me mater mea.* Scripta fuit Epistola hæc ab Hilario Archiepiscopo, tunc Servante locum Sanctæ Sedis Apostolicæ, atque a Jobanne Diacono, & in Dei nomine Electo, hoc est a Johanne IV. Papa tunc dumtaxat Electo, & nondum consecrato, atque ab aliis Ecclesiæ Romanæ Primoribus. Quæ foret Traditio Sedis Apostolicæ, hinc etiam certissime colligas.

Johannes IV. Papa Anno 641.

Florebat Summus hic Pontifex circiter Annum 641. atque Apologiam scripsit pro Honorio Papa ad Constantinum Imperatorem filium Heraclii, quam primus e tenebris eripuit V. Cl. Jacobus Sirmondus Societatis Jesu. Hæc ibi: „ Natus est ergo secundus Adam, nullum „ habens nascendo, vel cum hominibus conversando, peccatum. „ Etenim Verbum caro factum in similitudine carnis peccati, omnia „ nostra suscepit, nullum reatus vitium serens ex traducere prævaricatoris exortum. Similitudinem ergo intelligimus, non carnis „ ejus, sed peccati „. *Es infra.* „ Hoc omne humanum patitur genus „ nus

nus sub peccato constitutum ; quoniam nemo mundus est ab hoc peccato prævaricationis , nec infans , sicut scriptum est (Job . XI . 16 .) *cujus est unus diei vita super terram* . Et quemadmodum Spiritus Sanctus per David ait : *Ecce enim in iniquitatibus conceptus sum , & in delictis peperit me mater mea : Sicut enim in Adam omnes peccaverunt , secundum Apostolum , ita in Christo omnes justificabuntur . Et sicut per unum hominem peccatores constituti sunt multi , ita per unum hominem iusti constituentur multi* . Ergo Unus & Solus est sine Peccato Mediator Dei & Hominum homo Christus Jesus , qui in mortuis liber conceptus & natus est . „

Sanctus Hildephonsus Archiepiscopus Toletanus Anno 660 .

Libro de Virginitate Beate Mariæ Tom. XII. pag. 566. Biblioth. Patrum :

„ At vero Beata Maria , licet ipsa de Carne peccati sit nata & procreata , ipsaque quamvis Caro peccati fuerit , non tunc jam præveniente Spiritus Sancti gratia ab Angelo præ omnibus mulieribus benedicta vocatur ? *Spiritus Sanctus superveniet in te , & Virtus Altissimi obumbrabit tibi* . Alioqui si non eodem Spiritu sanctificata est & Emundata : quomodo ejus caro non Caro peccati fuit ? Et si caro ejus de massa primæ prævaricationis venit : quomodo Christus Verbum caro sine peccato fuit , qui de carne peccati carnem assumpsit ; nisi quia Verbum , quod caro factum est , eam primum obumbravit , in quam Spiritus Sanctus supervenit , & virtus Altissimi totam eam possedit ? Propterea vere caro ejus non jam caro peccati fuit , in qua Deus totam infundit , & Verbum , quod caro factum est , sine peccato ad nos venit . „

Agnoscit nempe Sanctus Hildephonsus Virginem procreatam *de carne peccati* ; at quia *sanctificata & emundata* in utero illius caro fuit , propterea *jam non caro peccati fuit* , quum Verbum Dei in illam descendit , humanam carnem sumpturus . Vide Petavium , qui hunc locum refert , & ita explicat , atque addit , legi ejusdem Hildephonsi Sermone XI. de Assumptione B. Virginis hæc verba (quæ tamen inter ejus opera edita in Bibliotheca Patrum non invenio , sed quidem inter Sermones S. Petri Damiani :) *Caro Virginis ex Adam assumpta , maculas Adæ non assumpsit* . Tum dicere pergit Petavius : *Sed de Originali , ut opinor , macula non loquitur ; verum de vitis , quæ Adam posteris inficiunt* . Heic autem minime prætereundum est , Opusculum nuper memoratum *de Virginitate Sanctæ Mariæ* , a Petavio , aliisque tribui S. Hildephonso : verum Dacherius & Mabillonius contendunt , illud *Paschasio Ratisbo* esse tribuendum , qui Anno 840. floruit ; ac propterea sub ejus nomine ab ipso Dacherio editum fuit in Spicilegio . Neque dissimulabo , illic legi hæc etiam verba de festo die *Nativitatis* Deiparæ : *Quia tam solemniter colitur , constat ex auctoritate Ecclesiæ , quod nullis , quando nata est , subjacuit delictis , neque contraxit in utero sanctificata Originale Peccatum :*

etatum. Et infra: Nunc autem quia ex auctoritate totius Ecclesie veneratur, constat eam ab omni Originali peccato immunem fuisse. Atque hæc minime Petavius & Salmanticenses ignorarunt; sed & ipsi tacite agnovere, importare tantummodo, Mariam in utero sanctificatam fuisse, quum hæc alia verba præcedant: Sic & B. Virgo Maria, nisi in utero matris sanctificata esset, minime Natiuitas ejus celebranda esset. Tum vero diserte & ipse fatetur, Christum unum ab ea lege immunem fuisse, inquiens: Plurimum desipiunt, qui dicunt eum communi lege naturæ esse natum, qui non ea lege constas esse conceptus; quoniam hæc lex nascendi, quæ nunc lex naturæ vocatur, ex vitio primæ damnationis est. Et ideo ait Apostolus: Fuimus nos omnes aliquando filii iræ, sicut & ceteri. Sed absit a Fidelium cordibus, ut ita Christus natus credatur filius iræ, sicut Ceteri nascuntur in vitio corruptionis.

Beda Venerabilis circ. Annum Christi 730.

In Expositione. Epistolæ ad Roman. Cap. VIII. „ Ecce unde nemo sine peccato nascitur. Ecce propter quod Dominus non sic concipi voluit, quem Virgo concepit „. Cap. V. „ Genuit peccatores morti obnoxios primus peccator, primus prævaricator: venit ad salvandos de Virgine Salvator, qui ad te, non qua venisti, venit. Non enim ille de Concupiscentia maris & femine, nec de illo vinculo concupiscentiæ. Sanctus, inquit, Spiritus superveniet in te. Dictum est hoc Virgini in fide serventi, non Concupiscentia carnis æstuanti „. Commentar. in Psalm. IV. „ Christus nullo modo cecidit, quia neque actualiter neque Originaliter. Quod actualiter non ceciderit, patet. Patet quoque, quod non Originaliter. Soli enim illi casum originalis Peccati patiuntur, qui per poenam ipsius originalis Peccati, idest per Concupiscentiam, generantur. Christus vero per Concupiscentiam generatus non est, quia sine carnali delectatione de Spiritu Sancto conceptus est „. In Libros Boethii de Trinitate: „ Item pertinet ad nostræ Fidei fundamentum Verbi incarnatio, ut scilicet credamus Dei Filium assumpsisse carnem ex Virgine, & in Virgine: quam carnem & creando assumpsit, & assumendo creavit, non de nihilo carnem sibi in utero Virginis creando vel formando, sicut ut quidam Hæretici senserunt; sed potius de substantia Virginis carnem assumpsit, quam assumendo creavit, idest purificavit, non conceptus libidinosa lege concipiendi, & ideo immunis ab omni peccato, non tamen a pœna peccati „. Homilia in Feriam Quatuor Temporum, seu in Cap. Lucæ I. „ Missus est Angelus &c. Ad distinctionem nostræ sanctitatis Iesus singulariter Sanctus nasciturus asseritur. Nos quippe etiam Sancti efficimur, non tamen nascimur: quia „ ipsa

„ ipsa naturæ corruptibilis conditione constringimur, ut merito cum
 „ Propheta gementes singuli dicamus : *Ecce enim in iniquitatibus con-*
 „ *ceptus sum, & in delictis peperit me mater mea.* Ille autem Solus
 „ veraciter Sanctus est, qui ut ipsam conditionem naturæ corrupti-
 „ bilis vinceret, & commixtione carnalis copulæ conceptus non est „.

Etherius Uxamentis Episcopus, & Beatus Abbas, Anno 790.

Libro I. adversus Elipandum, apud Canisium Part. I. Tom. II. Lætion. An-
tiquar. pag. 340. Edition. Basnag. „ Non potest Dei Filius tibi esse similis,
 „ quia & ipsa Conceptione humana multum dissimilis tibi est. Ille conce-
 „ ptus de Spiritu Sancto, non de virili semine, SOLUS SINE PECCA-
 „ TO; Tu vero de virili semine, de massa perditionis, & concupiscentia
 „ utrorumque paritum. Et natus de muliere in peccatis conceptus, &
 „ in peccatis natus. Ille enim inter homines SOLUS natus de Virgine, &
 „ Solus Sine Peccato conceptus, & Solus Sine Peccato natus „.

Concilium Foro-Julienfe Anno 791.

In Symbolo Fidei ibi dicitur : „ Non putativus Dei Filius, sed verus: non
 „ Adoptivus, sed proprius, quia numquam fuit propter hominem,
 „ quem assumpsit, a Patre alienus. Solus enim Sine Peccato natus est
 „ Homo, quoniam Solus & incarnatus de Spiritu Sancto, & immacti-
 „ lata Virgine novus Homo „.

Haymo Episcopus Halberstadiensis Anno 845.

Commentar. in Cap. V. Epistol. ad Romanos, qui ab aliis Remigio Antisio-
dorensi, de quo infra, tribuitur : „ Adam exemplar est futuris posteris
 „ suis in peccato; quia sicut ille peccator, & mortalis extitit, ita Om-
 „ nes posterij ejus peccatores & mortales nati sunt, & nascuntur quotidie,
 „ transducto originali Peccato in posteros, ut Beatus Augustinus dicit,
 „ per Concupiscentiam coitus; sed per gratiam &c. Sicut enim nullus
 „ homo extra Adam, idest extra progeniem illius, ita nullus extra pec-
 „ catum illius præter Christum „.

Rabanus Maurus Archiepiscopus Moguntinus Anno 850.

In Tractat. adversus Judæos edito a Chiffletio & a Martene & Durand.
Tom. V. Thesaur. Novi Anecdotor. quem Librum alij tribuunt Amuloni
Archiepiscopo Lugdunensi iisdem temporibus florenti, Cap. LII. hæc ait :
 „ In illa generatione, quæ secundum Adam est, Nullus absque Peccato
 „ nasci potest : in ista, quæ per Christum de Baptismo exordium sumit,
 „ omnes, qui regenerantur, absque omni delicto tam Originali, quam
 „ Actuali renascuntur. Ad exemplum videlicet Redemptoris nostri, qui
 „ Solus inter homines verus homo sine Peccato conceptus est, & absque
 „ ullo delicto de Virgine est editus, ut quod primus Adam per inobe-
 „ dientiam contraxerat, iste secundus Adam per obedientiam non de-
 „ linquendo, retraheret „.

Remigius Antiffiodorensis Monachus Anno 890.

Enarratione in Psalm. L. Tom. XVI. Biblioth. Patrum: „ Et vincas,
 „ scilicet omnes judicatos: omnes enim iuste judicari possunt, quam-
 „ quam multi iusti, multum provecti: tu solus iniuste, quia Solus a
 „ Peccato Immunis. Cum judicaris, o Pater in Filio. Verbum in
 „ assumpta humanitate hoc futurum prævidit, ut Filius Dei veniret
 „ judicandus. *Ecce enim in iniquitatibus conceptus sum.* Quasi dicat:
 „ Et non solum judicatus vincis omnes judicatos in tali scelere, qua-
 „ le meum est, in hoc quod illi iuste, tu iniuste: Sed etiam omnes
 „ homines, quia omnes sunt peccatores, tu autem Solus sine pecca-
 „ to. Et transfert in se omne humanum genus. Ecce enim in ini-
 „ quitatibus conceptus sum. In quibus, subjungit, *Es in peccatis*
 „ *conceptus me mater mea*, idest in Concupiscentia carnali conceptus.
 „ Quæ carnalis delectatio ex peccato primi parentis in carne nostra
 „ viget &c. Non enim maritus, quia maritus est, mortalis est; erat
 „ enim & Dominus mortalis, sed non de peccato suscepit poenam
 „ nostram, sed non culpam nostram.

Sauctus Petrus Damiani Anno 1050.

In Opusculo, sive Libro, qui appellatur Gratissimus de Simoniaci Cap. XIX. „ Et quid alios memorem? Quandoquidem & ipse Dei Me-
 „ diator & hominum de peccatoribus originem duxit & de fermenta-
 „ ta massa, sinceritatis azymam absque ulla vetustatis infectione
 „ suscepit. Immo, ut expressius dicam, ex ipsa carne Virginis,
 „ quæ de Peccato Concepta Est, caro sine Peccato profuit, quæ
 „ ultro etiam carnis peccata delevit. Heic ait Petavius: *Manifeste Petrus hoc loco Beatam Virginem Originali affectam Visio facit*
tur, quod & ab eo significari necesse est, ut argumentationi vis &
ratio constet. Adducuntur autem ex ejusdem Sancti Viri Sermone
 XL. in Assumptione Beatæ Mariæ hæc verba: „ Caro enim Vir-
 „ ginis ex Adam assumpta, maculas Adæ non admisit, sed singu-
 „ laris continentiz puritas in candorem lucis æternæ conversa est. „
 Hæc ipsa verba S. Hildephonso tributa nuper Petavius commemoravit,
 inquit, de *actualibus Peccatis esse intelligenda.* Idem S. Petrus
 in *Sermone XXIII. in Nativit. Sancti Johan. Baptiste.* „ Secundus ho-
 „ nor est Sanctificatio in ventre matris. Quicumque de massa prævari-
 „ catrice Mundum ingredimur, longam restem Originalis Peccati
 „ trahimus nobiscum. Solus Ille, qui Peccatum non fecit, excipi-
 „ tur, quem Virginalis thalamus, ignorantē viro, terris effudit.
 „ Longe quippe aliter, & dissimili modo conceptus est, Spiritu San-
 „ cto tota majestate Virginem inundante atque mundante, superans
 „ usum carnis, naturæ ordinem, viri commixtionem. Sic quippe decebat,
 „ bar,

bat, ut Peccatum nesciret, qui peccata tollebat, ut similitudinem carnis peccati susceperet, non autem carnem peccati. Cum igitur omnes in iniquitatibus concepti sint, neminem umquam mortalium intra materna viscera Sanctificatum legimus præter Hieremiam, & Johannem Baptistam. Quamquam & de singulari Virgine nulla sit ambiguitas, quin ipsa maternis circumsepta visceribus, sublimiore Sanctificationis genere Mundata sit „

Sanctus Anselmus Archiepiscopus Cantuariensis Anno 1100.

Libro II. Operis, cui titulus, Cur Deus homo, Cap. XVI. ubi Bossonem collocutorem suum querentem sic facit : „ Qualiter de massa peccatrice, & humano genere, quod totum infectum erat peccato, quasi azymum de fermentato, Deus assumpsit. Nam licet ipsa hominis ejusdem conceptio sit munda, & absque carnalis delectationis peccato, Virgo tamen ipsa, unde assumptus est, est in iniquitatibus Concepta; & in peccatis concepit eam mater ejus, & cum Originali Peccato Nata est; quia & ipsa in Adam peccavit, in quo Omnes Peccaverunt „ Subdit Petavius : *Cui respondens Anselmus, pro confesso ponit, hominem illum absque Peccato esse, de massa peccatrice licet assumptum; & quomodo id factum sit, deinceps explicat.* Ita quoque Salmanticenses, qui & aliis Sancti Anselmi verbis istud confirmant. Idem Anselmus in *Libro de Excellentia B. Virginis Mariæ Cap. 3.* ubi de Angelica Salutatione Virginis facta ait „ Cum igitur in his, quæ tantopere Deo placent, Sancta Virgo Maria tam excellenter illi placuit, ut nequaquam crederet quis, illam aliqua ratione excellentius placere potuisse; nimirum tenemus fide, ab omni, si quid adhuc in illa Originariis, sive actualis peccati supererat, ita mundatum cor illius, ut & super eam Spiritus Domini, scilicet super humilem, & quietam, & trementem verba sua, totus requiesceret „

Gilbertus Crispinus Abbas Westmonasteriensis Anno 1106.

In Bibliotheca Patrum Tom. XX. pag. 1884. legitur Dialogus inter Christianum & Judæum, tributus Guilielmo de Campellis Episcopo Catalaunensi (sive de Chalons) qui Anno 1113. floruit. At hunc Librum Caveus, Du-Pinuis, & alii tribuendum censent Gilberto Abbati Westmonasteriensis, qui Anno 1106. Monasterio illi præfatus fuit. Ejus hæc sunt verba : „ Cum Christum Originali Peccato obnoxium esse dicis, omnino mentiris; nam de immaculata Virgine conceptus & natus, sine virili semine genitus est, ac proinde Originalis Culpæ particeps non est &c. Quapropter Omnis homo carnali delectamento genitus, cum Originali peccato nascitur, qui per luxuriam vitiatam naturam a primo patre tre

„tre trahens, & de corruptione carnis natus, illa placida natura
 „caret, in qua primum primus homo factus est. Denique dum
 „in conceptu Christi omnis luxuria defuit, nullam de carne pec-
 „cati maculam traxit; immo cooperante Spiritu Sancto placidum
 „& mundum conceptum habuit, quia omni delectamento luxuriæ
 „caruit; & quia in terris patrem non habuit, de corruptione car-
 „nis natus non fuit „.

Rupertus Abbas Tuitiensis, Anno 1120.

Libro I. Commentar. in Cantica ad Virginem hæc dicit : „ Et tu
 „quidem veraciter dicere potueras : Ecce enim in iniquitatibus
 „concepta sum, & in peccatis concepit me mater mea. Cum enim
 „esses de massa, quæ in Adam corrupta est, hæreditaria peccati
 „originalis labe non carebas; sed ante faciem hujus amoris nec
 „illud, nec aliud stare potuit. Ante faciem hujus ignis stipula om-
 „nis interiit, ut totum sanctum fieret habitaculum, in quo Deus
 „totis novem mensibus habitaret „.

Hugo de Sancto-Victore Anno 1125.

In Summ. Sent. Tract. I. Cap. XVI. de Carne Christi, antequam con-
ciperetur, hæc habet : „ Sane dici potest, & credi oportet, juxta
 „Sanctorum attestationis convenientiam, ipsam prius peccato fuis-
 „se obnoxiam; sicut reliqua Virginis caro : sed Spiritus Sancti ope-
 „ratione ita mundatam, ut ab omni contagione immunis unire-
 „tur Verbo. Mariam quoque totam Spiritus Sanctus in eam præ-
 „veniens a Peccato prorsus purgavit, & a fomite peccati etiam
 „liberavit „.

Sanctus Bernardus Abbas Clarævallenſis Anno 1140.

In celebri Epistola CLXXIV. ad Canonicos Lugdunenses ait : „ Si igitur
 „ante Conceptum sui sanctificari (Maria) minime potuit, quo-
 „niam non erat; sed nec in ipso quidem Conceptu, propter Pec-
 „catum quod inerat; restat, ut post Conceptum in utero jam exi-
 „stens, Sanctificationem accepisse credatur, quæ excluso Peccato
 „sanctam fecerit Nativitatem, non tamen & Conceptionem „.
 „Hæc aperta Sancti Bernardi mens, qui inter Beatam Virginem,
 „& Sanctum Johannem Baptistam, & Hieremiam, nullum agnovit
 „discrimen; uti nec agnovit distinctionem inter Conceptum semina-
 „lem & animale, quam neoterici excogitarunt, veteres ignora-
 „runt. Vide Peravianum, & Salmanticenses, & Mabillonium in Notis
 „ad eam Epistolam, qui etiam locum adserunt & *Sermone II. ejus-*
dem Bernardi in Assumptionem Virginis, ubi ait : „ Absit enim, ut
 „proprii quidquam inquinamenti domus hæc aliquando habuisse vi-
 „deatur, ut in ea proinde scopa Lazari quæreretur. Quod si Ori-
 „gina-

„ ginealem a parentibus Maculam traxit ; sed minus a Hieremia
 „ sanctificatam in utero, aut non magis a Johanne Spiritu Sancto
 „ repletam credere, prohibet pietas Christiana „. Ita in *Sermone*
LXXVIII. in Cantica Bernardus concors cum antiquis Patribus ait:
 „ Sine generalis velamine confusionis (*ideſt originali macula uti*
 „ *Petravius docet*) nemo filiorum hominum intravit initians vitam,
 „ Uno ſane excepto, qui ingreditur ſine Macula. Emmanuel iſ eſt
 „ &c. De cetero unus omnibus per omnia introitus eſt, electis di-
 „ co, & reprobis. Non enim eſt diſtinctio. Omnes peccaverunt,
 „ & omnes caputium ſuæ verecundiæ portant „. Nicetas Choniates
Lib. I. Cap. 74. Theſauri, veterum opiniones refert de infuſione Animæ
 in Corpus inquiring: *Nullum commune dogma ſuper Quæſtione iſta*
vel ab Apoſtoliſ, vel ab ullis aliis Sanctis Patribus accepimus. Ad-
 dit nonnullos Patrum ſenſiſſe, *ſemen animari, cum primum vulve in-*
jectum eſt, ita ut partium neutra compoſitionem aut præcedat aut
ſubſequatur. Philoſophos vero ſerius Animam infundi ſcripſiſſe. San-
 ctus autem Auguſtinus, alique non pauci Occidentaliſ Eccleſiæ Pa-
 tres, ac Theologi, uſque ad tempora Magiſtri Sententiarum, hoc
 eſt poſt Sanctum Bernardum, ancipites in ejuſmodi quæſtione fue-
 re, uti pluribus oſtendit Clarisſ. S. R. E. Cardinalis Henricus No-
 riſius in Vindiciis Auguſtinianis Cap. IV. §. III. Vide & Caſſiodo-
 rium *Lib. de Anima Cap. VII.* Nunc certiffima inter Theologos
 ſententia eſt, Animas non ex traduce venire, novæſque a Deo crea-
 tas in ſætum efformatum infundi. Verum quæ Antiquorum fuerit
 mens, ab iſſis antiquis petendum eſt, non vero a recentioribus.
 Ceterum etſi olim obſcura, incertaque videretur origo Animæ, &
 quomodo Peccatum primi hominis transfunderetur in poſteros, ni-
 hilo ſecius Sanctus Auguſtinus cum Eccleſia Catholica uti ſtabile
 dogma Fidei agnovit ſemper & deprædicavit transfuſionem Peccati
 Originalis in omnes homines: quod & nos tamquam Fidei Dog-
 ma amplectimur.

Richardus de Sancto Viſtore Anno 1150.

Libro I. de Emmanuele Cap. XII. De Chriſto Domino ait: „ Ma-
 „ culam peccati de materna carne non contraxit, ſed delevit „.
Aperſe, ajunt Salmanticenſes, *ſupponens aduiſſe ibi, ſi non in ſe*
ipſa, in ſuo tamen Debito, prædictam Maculam. Idem infra addit de
 Chriſti carne & de carne Virginis: „ Notandum in matre & pro-
 „ le: quia in Matre caro mundata; in Prole non mundata, ſed
 „ munda: in illa purgata, in iſta pura „. Sunt & infra aliæ ejuſ-
 dem Richardi verba idem ſignificantia.

Ano-

Anonymus, qui floruit Anno 1160.

Editus in Thesauro Novo Anecdotor. a Clariss. PP. Martene & Durand Tom. V. In Tractat. adversus Judæum pag. 1565. „ Si Virgo concepit non de creatura, sed de Creatore concipiat. Et cum „ omnis conceptus ex carnis voluptate perveniat, attestante Propheta, qui ait : *In peccatis concepit me mater mea* : nemo concipitur sine Peccato. Sed ipse Dominus hoc signum daturus est, quod Virgo concipiat. Ergo conceptus iste sine Peccato erit. „ Concipiet itaque cum integritate Virginitas, non de carne, sed „ de Spiritu „.

Innocentius III. Papa circiter Annum 1198.

In Sermone de Purificatione Virginis : *Statim autem Spiritus Sanctus supervenit in eam. Prius quidem in eam venerat, cum in utero matris animam ejus ab Originali Peccato mundavit : sed & nunc supervenit in eam, ut carnem ejus a fomite Peccati mundaret, quatenus esses sine ruga proflus & macula.*

Idem in Sermone de Sancto Johanne Baptista : *Johannes fuit conceptus in culpa. SOLUS autem Christus fuit sine culpa conceptus; uterque vero natus in gratia.*

Idem in Sermone de Assumptione Virginis : *Illa (scilicet Eva) fuit sine culpa producta; sed produxit in culpa. Hæc autem (videlicet Maria) fuit in culpa producta, sed sine culpa produxit.* Quid verba ista significant, a tanto Pontifice sive Doctore prolata, nemo non intelligit. Infra idem agit de fomite Peccati, & stimulo carnis proflus in Virgine extincto, postquam in ea plenitudo Divinitatis corporaliter habitavit.

Richardus de S. Laurentio Pœnitentiarius Romanus Anno 1240.

In Tractatu de Laudib. Virginis Libr. VII. Cap. Item quod Luna &c. & divisa tenebris, ubi accommodans, ajunt Salmanticenses, Beatæ Virgini illa verba : *In principio creavit Deus cælum & terram*, inquit : „ Idest Animam & Corpus Mariæ. Sed hæc terra erat „ inanis & vacua ante Gratiam sanctificationis; & erant tenebræ „ super faciem abyssi, quia concepta est in Originali „. Idem repetit aliis in locis.

Guillelmus Durandus Mimatenfis Episcopus, cognomento

Speculator, Anno 1286.

In Rationali divinar. Officior. Lib. VII. *Quidam etiam faciunt quintum Festum, scilicet de Conceptione Beatæ Mariæ, dicentes, quod sicut celebratur de morte Sanctorum, non propter mortem, sed quia tunc recepti sunt nuptiis æternis, similiter potest celebrari Festum de Conceptione, non quia sit concepta, quia in Peccato est concepta, sed quia*

quia Mater Domini est concepta; asserentes hoc fuisse revelatum cuidam Abbati in naufragio constituto: quod tamen non est authenticum. Unde non est approbandum, cum concepta fueris in PECCATO, scilicet per concubitus maris & foeminæ, de Censuræ. Distinct. 4. firmissime. Verumtamen licet fuerit concepta in Peccato, dimissum est ei illud Originale Peccatum, cum sacrificata fueris in utero, sicut & Hieremias, & Sanctus Joannes Baptista.

Tandem ne nimius sim, in hac eadem sententia fuere, uti Salmanticenses Theologi animadverterunt, Petrus Lombardus, Magister Sententiarum, Hugo de Sancto Claro, Albertus Magnus, Sancti Doctores Seraphicus, & Angelicus (neque enim hætenus Petrus de Alva, aut alii persuadere Eruditis, Sanctum Doctorem a se discordem fuisse) & Sanctus Bernardinus Senensis, & Sanctus Antoninus. Alios omitto, quos longo catalogo iidem Salmanticenses enumerant; nam qui hætenus commemorati sunt, satis superque ad intelligendum nos perducunt, per tria & decem Secula a Christo nato viguisse, & Communionem fuisse in Ecclesia sententiam non eximentem a Peccato Adami nisi Unum Christum Dominum. Surrexit postea Johannes Duns Scotus, Ordinis Minorum, qui circiter Annum 1037. Sententiam de Immunitate Virginis, ante duo Secula levibus principiis natam, adhuc tamen elumbem, & a præcipuis Theologis improbatam, propugnavit; sui que instituti posteris, immo & aliis non paucis, gratissimam sensum effecit. Is tamen non eo strepitu publicæ disputationis, non ea felicitate successus, qualem subsequuta Secula, una cum aliis de eodem Scoto fabulis, commenta sunt, sententiæ hujus propugnator fuit: immo summa modestia usus Distinct. III. in Lib. III. Sentent. Quæst. I. tria proponit, uti animadvertit Natalis Alexander: Nempe primo Deum potuisse facere, ut Virgo nunquam fuisset in Peccato Originali. Secundo, Potuisse facere, ut illa esset in Peccato Originali tantum in uno instanti. Tertio, Potuisse facere, ut illa in eodem Originali esset per aliquod tempus, ac ultimo instanti hujus temporis purgata & sanctificata fuerit. Tum addit: Quid autem horum trium, quæ ostensa sunt esse possibile, factum sit, Deus novit. Si auctoritati Ecclesiæ, vel auctoritati Scripturæ non repugnat, videtur probabile, quod excellentius est attribueretur Mariæ: quam postremam sententiam in posterioribus scriptis roboravit. Dixi, non eo mirabili successu, quem apud Wadingum legimus, processisse tunc Scoti opinionem; nam & qui eodem tempore in Anglia floruit Johannes Baconus, Carmeliticæ Scholæ princeps, & Doctor Resolutus deinde nuncupatus, circiter Annum 1330. Libro II. Distinct. XXX. Quæstion. I. Petrum quidem Au-

C c

reo-

reolum sibi opponit, dicentem, quod *Beata Virgo Originalem culpam non traxit de fælo, tamen habuit necessitatem contrahendi* : nihil vero de Johanne Duns Scoto habet. Tum ipse Opinionem hanc appellat *Hæresim adulatoriam, & nimis devotam*; simulque contendit, Peccatum Originale in omnes pertransiisse, excepto Christo : quod multis confirmare nititur. Accedat & Alvarus Pelagius Ordin. Minor. & Scoti ipsius discipulus, vir sane per ea tempora ob eruditionem suam admirandus, qui circiter Annum 1330. Episcopus Silvensis in Lusitania est renunciatus. Hic autem Lib. II. Cap. LI. de *Planctu Ecclesie*, Magistri sui Opinione contempta, scribit : *De Matre Christi beatissimatenens Sancti, maxime Augustinus, quod non peccavit etiam venialiter in hac vita, tamen in Originali Peccato Concepta fuit, sicut & ceteri homines; quia ab illa sententia patris sui David; Ecce in iniquitatibus conceptus sum; Psalm. L. Nullus excipitur, nisi Christus, qui non de semine humano, sed de Spiritu Sancto conceptus fuit.* Tum infra subdit : *Et hanc sententiam tenent Omnes Antiqui Theologi, Alexander, Thomas in suo Quarto & Secundo, Bonaventura, Richardus, licet quidam novi Theologi a sensu Ecclesie recedentes Communi, tenere contra (indevoli revera Domine, ei tamen devoti cupientes apparere) nitantur : quorum Nova Opinio, & phantastica, sit a Fidelibus cancellata.* Tum Sanctificationem Virginis ab Ecclesia doceri ait : *& ita dicit Oratio, que dicitur in hoc Festo Romæ in Sancta Maria Majori : Deus, qui Sanctificationem Virginis &c. sicut vidi & audiui, quum ibi de ista Sanctificatione predicarem in isto Festo Sanctificationis, quod fit in Decembri ante Festum Natalis per XV. dies.* Dubitat autem Theophilus Raynaudus, in Tractat. de Piet. Lugdun. pag. 305. an hæc scripserit Pelagius, quum duo ejusdem MSti hæc minime exhibeant. At hæc ejus stilum sapiunt, & illa alii Codices præferunt. Neque mirum, si quis contrariæ sententiæ postea deditus, in ejus Libro describendo hæc pauca sibi ingrata expunxerit.

CAPUT XXV.

*Sententia excludentium Debitum a Virgine concordi Traditione Patrum eversa. A præstantioribus Theologis impro-
bata. Nihilominus Cusentina Civitas adducta ad Votum
de tuenda Sanguine suo eandem Debiti exclusionem. Ex
hoc temerario Voto, quæ consuetudines fluant.*

EX his autem Romanorum Pontificum, Doctorum Ecclesiæ, San-
ctorum Patrum, veterumque Theologorum dictis inferebant
olim Thomisticæ sententiæ patroni, Deiparam ipsam minime exclu-
sam fuisse & Decreto Apostoli scribentis : *Omnes in Adam peccasse*.
At quum non immerito responderetur, non ita rigide accipiendas
semper esse universales quasdam Sacræ Scripturæ propositiones, ut
eximere ab eis quædam particularia non liceat, si id suadeant ra-
tiones ex ipsa Scriptura legitime deductæ : instabant ii ; interpre-
tationem divinarum Litterarum petendam esse e concordi sensu San-
ctorum Patrum. Esse vero apud illos Catholicum Dogma : *Unum
Jesum Christum inter homines expertem fuisse Peccati Originalis*. Præ-
terea illos diserte scribere, ideo Christum Dominum a Peccati O-
riginalis lege exemptum fuisse, neque primi hominis maculas con-
traxisse, quia non ex commixtione sexuum, non e semine virili,
sed de Spiritu Sancto conceptus fuit. Quamobrem quum Maria non
eo modo supranaturali, sed communi concepta fuerit ; eosque Pe-
tavius insignis vir, de Dogmatica Theologia optime meritis, red-
arguat, qui nimio ardore tuendæ Immunitatis Marianæ, Conceptionem
ejus effinxere *sine Concupiscentia* peractam, atque adeo a com-
muni Naturæ humanæ lege ac usu alienam : secundum illos Theo-
logos consequeretur, Mariæ tribuendam nequaquam fore præroga-
tivam, per quam Solus divinus ejus Filius a ceteris Hominibus di-
stinctus fuit. Illa nimirum concepta *e carne Peccati*, & non sine
Concupiscentia ; Christus vero absque ullo Concupiscentiæ afflatu,
& dumtaxat *in similitudinem Carnis Peccati*. Hæc illi. Proinde vim
ratiocinationis hujus sentientes, tum antiqui, tum recentiores Theo-
logi, quibus reverentia erat erga Sanctos Patres, eodemque tempo-
re pius ardor propugnandæ Immaculatæ Conceptionis, non aliam
adinvenere viam conciliandi tolerabili aliqua ratione loca Scriptu-

rarum, Patrum, ac veterum Theologorum cum sententia sua, nisi statuendo in Virgine *Debitum* Peccati Originalis, atque ab ea excludendo *Peccatum* ipsum ex singulari beneficentia Dei: sub qua consideratione adhuc ipsa Virgo distingueretur a Christo, quem liberum non solum a *Peccato*, sed etiam a *Debito* Ecclesia univversa fatetur. Rationem hanc exponendi, quod est ad præsentem questionem, divinas Litteras & Patres, Scotus ipse in 3. Distinct. 3. Quæst. prim. indicavit, uti etiam animadvertit Hugo Cabellus Scoti interpres; ac propterea Theologi reliqui, removens a Deipara *Originale Peccatum*, concordi studio usque ad Annum 1615. necessarium duxere, *Debitum* hoc idem sanctissimæ Virgini tribuere: quorum satis longum catalogum contextum invenias apud supra laudatos Theologos Salmanticenses. An autem sit hæc revera mens Litterarum sacrarum, & an sufficiat interpretatio ista, ad rite explicanda tot loca Patrum, ac veterum Theologorum, erit Apostolicæ Sedis nos infallibili iudicio edocere, si quando controversiam a tot Seculis inter Scotistas & Thomistas ferventem, ad accuratum examen deducere, & quid firmissime de ea credendum sit, edicere voluerit. Duo interim explorata habemus: alterum, usque ad tempora Scoti *Communem* Theologorum sententiam fuisse, negantium Deiparæ Immunitatem a Macula Originali. Id libere fatentes habemus insignes ac sinceritate præstantes Theologos, quos supra innui. Alterum, usque ad Annum 1615. *Communem* itidem fuisse Theologorum sententiam, excludi non posse a Deipara *Debitum* Culpæ Originalis, atque ita sensisse omnes ferme, qui pro ejusdem Immunitate a *Peccato* in aciem ante Annum illum venerunt.

His positis, iudicium prudentiorum esto, quid sentiendum sit de Theologis iis, qui post illum Annum 1615. novam invexere Opinionem de Virgine ab ipso Peccati *Debito* eximenda. Non utique ferenda hujusmodi Sententia, si chorum Sanctorum Patrum, si nubem veterum Theologorum, adversantem habet. Ac propterea Cardinalis Cajetanus, quasi præsciis, aliquando emerfuros, qui eam propugnare ausuri essent, in Comment. ad Part. 1. 2. Sancti Thomæ Quæst. 81. Art. 3. *Hæreticam* eandem appellavit, cujus iudicium Catharinus deinde, & Corduba confirmarunt. Eam præterea *parum tutam* in Fide Cardinalis Bellarminus denunciavit; & *proximam errori*, aut parum probabilem censuerunt Medina, Suarez, Vasquez, Valentia, Faber, Canisius, Beccanus, Castropalaus, Theophylus Raynaudus, Salmanticenses Theologi, & Cardinalis Gortius, ut alios omitam. Quid plura? Auctor est Hurtadus, teste eodem Theophilo Raynaudus in *Theolog. antiqua de vera Martyrii notione*, num. 72. ne. Ro-

max quidem toleratam fuisse eiusmodi Opinionem. Quippe *Inquisitio Romana assertione illam de Immunitate Beatæ Virginis a Debito Peccati Originalis damnavit ut Erroneam*. Et *Librum P. Fr. Johannis Mariæ Zamosi, cui titulus de. vniuersissima Deiparæ perfectione, eo quod assereret eam carentiam Debiti Peccatum originale contrahendi, voluit esse vetitæ lectionis*. Nihilominus tamen secius, ut vidimus, indomita ingenia, siue Novitatis nimium amica, siue in Pietatis rebus audacter intemperantia, fractis quibusque repagulis, & Patrum ac veterum omnium Theologorum contempta auctoritate, pergunt hanc ipsam Opinionem in Scholis ac Libris fovere atque disseminare, quum tamen ipsam injuriosam Christo fateri cogamur, *Quem Solum Sine Peccato Fuisse*, uniuersa antiquitas agnovit. Propterea heic obtestor ego sapientes quosvis, ut seposito omni partium Studio, adhibitaque diligenti consideratione, jam tandem perspiciant, an non piorum huiusmodi Novatorum licentia, atque inconsultus zelus in dedecus, & in perniciem conspiret matris nostræ Ecclesiæ. Præcepit sacra Synodus Tridentina Sess. IV. *ut nemo sua prudentiæ immixtus, in rebus Fidei & Morum, ad ædificationem doctrinæ Catholicæ pertinentium, contra Unanimen Consensum Patrum, ipsam Sacram Scripturam interpretari audeat*. Consonant in eandem sententiam Patrum dicta, sed potissimum, quæ Vincentius Lirinensis in aureo suo Communitorio scripsit, monens, in Ecclesia Dei non Nova, sed Nove, dumtaxat Dogmata tradi posse. Novæ enim omnes sententiæ de rebus a Revelatione Dei pendentibus, aut ineptæ, aut temerariæ sunt, aut denique Hæreticum virus continere facile possunt. Quare is addit Cap. IX. *Adnuntiare ergo aliquid Christianis Catholicis, præter id quod acceperunt, numquam licuit, numquam licet, numquam licebit*. Et sane qui sibi facultatem arrogant proponendi & prædicandi novam doctrinam, quam nullo sacrarum Litterarum, aut antiquæ Traditionis fundamento nitatur, ii sibi licere putant, quod ne ipsa quidem Apostolica Sedes & Concilia Oecumenica licere sibi putant. Præterea idem Lirinensis referens litteras Stephani I. Papæ inquit: *Denique in Epistola, quæ tunc ad Africam missa est, his verbis sanxit: NIHIL NOVANDUM ESSE: NISI QUOD TRADITUM EST*. Intelligebat enim vir sanctus & prudens, nihil aliud rationem Pietatis admittere, nisi ut omnia quæ fide a Patribus suscepta sœvent, eadem fide filiis consignarentur; nosque Religionem non qua vellemus ducere, sed potius qua illa duceres, sequi oportere: idque esse proprium Christianæ modestiæ & gravitatis, non sua posteris tradere, sed a majoribus accepta servare. Proinde hic mos perpetuus Ecclesiæ fuit, estque

estque Theologorum omnium, qui recta sapiunt, in sententiis ad Theologiam pertinentibus super omnia inquirere, quid habeant divinæ Scripturæ, & quæ sit de illarum sensibus mens Sanctorum Patrum, & quid ferat Traditio, ex iisdem Patribus haurienda. Hæc sunt arma Ecclesiæ: hisce illa utitur adversus Hæreticos, ac de eorum male sana doctrina triumphat. Si fieri posset (id autem nunquam futurum Christus pollicitus est) ut a nobis contemneretur Traditio Patrum, dilaberemur & nos in teterrimum Chaos Hæreticorum: pugnaque perennis inter nos & illos foret; ut nos, æque ac illi, ex ingenio nostro statueremus Dogmata, contra, aut secus quam habet Traditio Sanctorum Patrum (quod faciunt Sectarii) & ad unam Scripturam atque intelligentiam nostram, explosa eorumdem Patrum interpretatione, alter alterum provocaret: utrique suam mordicus præferrent sententiam; neque alia superesset ratio evincendi, quænam ex iis esset vera ac potior appellanda. Nos ideo invicti adversus Hæreticorum conatus, quod eis tum Scripturæ loca, tum concordem eorum interpretationem, Traditionis ope in Ecclesia Dei servatam, objicere possumus: quam Traditionem consulendam, vel ipse Sanctus Irenæus proximus Apostolicis temporibus iussit. Neque enim ad nos pertinet, neque licet, innovare aliquid in doctrina Fidei; neque Revelatio nova nobis expectanda; sed illud tantummodo retinendum, & sancte colligendum atque custodiendum, quod olim Deus revelavit, & ad nos per Literas sacras, per Concilia, & Patres, testes integerrimos Revelationis non scriptæ, transmissum est. Neque Pietatis augendæ obtentu fas est contra mentem Sanctorum Patrum nova dogmata procudere: quis enim nisi superbus & audax plus scire ac sapere se putet, quam Sancti Ecclesiæ Doctores, ac propiores fonti Revelationis divinæ? Propterea illos etiam Vincentius Lirinensis arguebat, qui tum pio præ reliquis se putant, quum Novas gravis momenti Opiniones irvehunt, quibus Sanctorum Patrum documenta obstant. *Mirari satis nequeo* (ita ille Cap. XXI.) *tantam quorundam hominum vesaniam, tantam excæcatæ mentis impietatem, tantam postremo errandi libidinem, ut consenti non sint, tradita semel & accepta antiquitus credendi regula. Sed NOVA ac NOVA in diem quærant, semperque gestiant ALIQUID RELIGIONI ADDERE, MUTARE, DETRAHERE: quasi non celeste Dogma, quod semel revelatum est, sufficias &c.*

Quo igitur nomine digni sint, qui Anno 1615. tradere cœperunt novitiam hanc doctrinam, scilicet, ne *Debitum* quidem *Peccati Originalis* tribuendum esse Mariæ, Sapientes tandem iudicabunt, quum,

uti

uti perspeximus, per antecedentia Sexdecim Secula aliter Sancti Patres, & Theologorum Scholæ senserint: atque ipsi illi, quibus Immunitatis Marianæ tutela plus cordi fuisse noscitur, agnoverint necessariam hujus saltem *Debiti* confessionem, ut Redemptionis necessitatem in Virgine tueamur, & ut Apostoli auctoritas, & Patrum interpretatio, aliqua ratione subsistant. Neque enim locus heic reliquus est speciosæ illi doctrinæ, perfectiorem modum Redemptionis esse, Virginem a contrahendo *Debito* præservatam, quam a *Debito liberatam* fuisse. Nam, uti supra nos docuit Romanus Pontifex Zosimus, Nullus, nisi qui Peccati servus est, Liber efficitur, nec Redemptus dici potest, nisi qui vere per Peccatum fuerit ante captivus. Et Sanctus Leo Magnus Papa Sermon. I. de Nativitate Domini: Sicut Nullum a reatu liberum reperit, ita pro liberandis omnibus venit. Itaque nullus dubito, quin quicumque animo ac ingenio ab affectibus præviis, atque ab anticipatis judiciis expurgato, Opinionem hætenus commemoratam perpenderit, plane intolerandam in Ecclesia Dei appellet. Attamen aliquid etiam gravius hac ipsa de causâ exorandum est, quod me impulit ad corollarium hoc postremum adiciendum, hoc est ad colligenda tot Patrum ac Theologorum veterum vota; & quod prudentibus stuporem fortassis & horrorem incutiat, nobisque luculentius aperiatur, quid audere possit inconsultus novandi ardor, & improvida Pietatis amplificandæ cupiditas. Non solum placuit ac placet nonnullis periculosa huic Opinioni adhærere, eamque in Scholas impeterrite invehere; inventi sunt etiam, qui pro ejus tutela Vitam se daturos voverunt. Testem habeo Auctorem Historiæ Conceptionis Virginæ, qui Libro IX. Cap. XVI. tradit, Cusentinam Civitatem in Calabria primariam Anno 1656. Votum emisisse de propugnanda Immunitate Virginis non solum a Peccato Originali sed etiam ab illius *Debito*: & quidem Sanguine etiam & Vita. Voti quoque formulam refert, a Syndico Urbis illius concepti, nomine Reipublicæ, omniumque Civium tam præsentium, quam futurorum. Egregium sane Votum, quo Populus indoctus, & impotens ad discernenda momenta ejusmodi quæstionum, ad mortem subeundam obligatur, posterosque ipsos rei incios tam ferali obligatione constrictos decernit. En formulæ Cusentinæ verba: Promissimus & juramus, sacris sanctis Evangeliiis, nos docturos, professuros, ac propugnatos, Mariam semper Virginem, Dei matrem, & Dominam nostram, in Conceptione sua non solum non contraxisse Peccatum Originale, sed ne ipsius quidem Debitum, quum transfundi nequeat infelix hereditas Adami in illam, quæ ut Mater futura Verbi æterni prævisa fuit in signo antecedenti Adamum. Et Votum juramento confirmamus testificandi HANC

VE.

VERITATEM SANGUINE & VITA, & curandi, ut idem a reliquis fiat. Ita ille Auctor, qui insuetum hoc Votum veluti rarissimæ Pietatis prodigium suspiciens, addit : *Nel che Cosenza si vanaggia ad ogni altra Città del Mondo ; mentre un simil voto di niun' altra si legge.* Neque legetur, subdo ego, dum Christi Fideles accuratius in rem ipsam introspiciant, & sapere pergant.

Equidem infimus in domo Dei sum; attamen quando omnium est Fidelium, Ecclesiam Dei matrem nostram, ejusque doctrinam germanam tueri, libera heic voce ajo, freno tandem opus esse ad compescenda Ingenia sub Pietatis specie extra orbitas veræ Pietatis decur-
rentia. Addo, manifeste imprudens, nullum, ac irritum esse hujusmodi Votum, neque sine scelere Vitam profundi posse pro tuenda Opinione, quæ nequaquam Probabilis, immo Falsa ex dictis censenda est. Evidens quippe esse sincerus quisque rerum assimator deprehendet, veteres Patres, (inter quos duo eximii tum doctrina tum sanctitate Pontifices Maximi Leo I. & Gregorius Magnus præter Leonem IV. & Ambrosius, & Augustinus, & Anselmus, & Thomas, & Bonaventura, Ecclesiæ Doctores) non solum ignorasse prærogativam hanc a Novatoribus piis Deiparæ attributam, sed ita loquutos fuisse, ut aperte destruant saltem sententiam auferentium a Beata Virgine *Debitum Peccati Originalis*. Quonam ergo ahibet veneratio semper habita in Ecclesia Dei, semperque habenda unanimi Sanctorum Patrum Traditioni? Et quonam Prudentia fuerit pro tam fallaci sententia discrimini Vitam exponere? Immo quum nefas sit atque Peccatum pro Opinionum, licet Piarum, tutela tormentis & securibus suum caput offerre; quisnam, rogo, a crimine excusaret pro hujusmodi etiam non ferenda Opinione occumbentem? Neque plura adtexere volo, spe ductus fore, ut hæc intimius perpendant, quibus & major sapientia est, & ferventior cura decernendi remedia, si quando perspiciant, ab intemperantibus ingeniis, & in excessus Pietatis incaute declinantibus, perniciofa dogmata venditari, ac temere homines in mortem impelli. Ad Parthenotimum potius redeat oratio, a quo lubenter rescirem, probetne ipse, an improbet Cusentinorum sententiam *De debito Virginis*, eorumque Votum Sanguinarium. Si probat : quid aliud restat, nisi ut demum fateatur, conculcari impune posse Traditionem concordem Sanctorum Patrum, & nihil referre Catholicæ Ecclesiæ, si quisquam aspernatus sententiam, quæ apud Patres, & veteres quosque Theologos, Communis fuit, Novam atque oppositam excogitet ac deceat; & licere quancumque Opinionem tueri, dum Pietatis lineamenta præferat; immo & pro illa propugnanda honeste Sanguinem fundi posse, atque inde sperari Martyrii coronam? Si

Si confectaria hæc ille devorare in animum induxerit, jam nulum ultra cum eo certamen volo; fed videat ille, quei graviffimam a facris Iudicibus cenfuram effugere poffit. Quod fi Cufentinorum Opinionem ac Votum Parthenotimus averfatur, habet ille in hoc uno exemplo, unde intelligat primo, quam inanes querelas adverfus Lamundum commoverit, quafi piaculum fuerit, Sanguinarium paucorum Siculorum Votum non revereri, quando a nonnullis Theologis, & quidem Catholicis, adinventum, ac populo propinatum fuit mirabile hoc & magnanimum Vitæ contemnendæ confilium. Certe qui Cufentinis auctores fuere emittendi paris, immo magis etiam magnanimi Voti, cerdones non erant. Theologos fuiſſe nemo non agnoſcit; & nihilominus quis eorum audaciam ferat, aut excuſet? Secundo hinc diſcet Parthenotimus, raram avem in terris non eſſe nonnullorum ambitionem, qui in rebus Pietatis, ſive quod plus ſapere quam reliqui ſibi perſuadeant, ſive quod Novitate Opinionum famam majoris intelligentiæ ac Pietatis conquirant, in exceſſus Pietatis erumpunt, quos certe & Eccleſia Catholica odit, & Prudentia eliminandos jubet. Tertio deprehendet Parthenotimus, quanta in poſterum fides habenda ſit profeſſioni toties a ſe inculcatæ, ſcilicet Voventes tutelam Immaculatæ Conceptionis, non morituros pro tuenda *Veritate* illius ſententiæ, ſed pro *Pietate*, quæ ineſt *aſtui opinativo pro Feſto Conceptionis ab Eccleſia præſcripto* &c. Scilicet ſenſit ille, non immerito improbatum fuiſſe a Lamundo confilium ſubeundæ mortis cauſa propugnandæ ſententiæ, quæ adhuc inter Opiniones concluſa certam nobis Veritatem rei exhibere non poteſt. En Cufentinum Populum diſerte jurantem, ſe *Sanguinem* fortiter effuſurum pro *teſtificanda Veritate* Immunitatis non ſolum a Peccato, ſed & a *Debito*. Idem quoque velle Siculos in concipiendo ſuo Voto Sanguinario pro tutela Immunitatis a Peccato, mihi perſuadent eorum formulæ, quibus fruſtra medicamentum adhibet Theologus noſter. Denique poſſent Cufentini ad eadem effugia ſe convertere, per quæ Parthenotimus evadere ſe poſſe confidit, proteſtando, ſibi quoque perſuaſum, non dubiam, ſed Certam eſſe ſententiam ſuam de excluſione *Debiti*; centenos Theologos a Petro de Alva recensitos pro eadem pugnare; atque illam, teſte Auctore Hiſtoriæ Conceptionis, ſalutem apud Hiſpanos *Communiorem eſſe in Scholis*: abhorrere ab honore Virginis deformem *Debiti* illius maculam; ac proinde ſe mori paratos pro *tuenda Sanctitate Mariana*, pro *culu* &

honore illius, pro observando Voto, a cujus observantia deficere crimen est. Si Cusentinorum Votum, uti nuper effinxi, a Parthenotimo neutiquam probatur, frivolas etiam, nulliusque ponderis reputet, oportet, eorum rationes; & denique sperandum est fore, ut deprehensa temeritate Cusentini Voti, a patrocinio quoque desistat Sanguinari Sicali Voti, quod itidem vidimus temere concipi, & sine scelere non posse compleri.

C A P U T XXVI.

Cur Pritanius in Voto Sanguinario Superfitionem timuerit. Quid sit Superfinitio. Ab ista cavendum præcipue viris doctis. Ejus facies in novitio isto Voto deprehensa. Quid Panormitanis Civibus in bocce negotio agendum.

U Num superest nunc quæstionis hætenus agitatæ momentum, de quo jamdudum Lectoris expectationem aluisse me opinor, & cui nunc satisfaciendum suscipio. Nempe cur Opusculo huic titulum fecerim *de Superfitione vitanda*. Dixerat Lamindus: *Cave, ne amorem & reverentiam Virgini debitam eo usque amplifies, ut Superfinitiam efficias. Non unus autem ego in hoc Voto profundende Vitæ pro Immaculata Conceptione Virginis Superfitionem timeo. Timuis & timet Apostolica Sedes.* Egro animo ista excepit Parthenotimus, ac proinde pag. 65. Lamindum iratus monet, *ut videat, quo ipsum abripiat ille suus, quem vocat Superfitionis timorem, sed non nemo dicere audaciam: dum Superfitionis notam Catholicorum (addendum erat paucorum) sententiæ inurit.* Contra pacato animo ego heic sapientum judicium appello. Alterum de duobus necesse est ex hoc certamine fluat. Si quæ attulit Theologus Sicalus, eam vim habent, ut Sanguinarium Votum licitum ac laudabile constituent: certe is merito doleat, quod *Superfitionis* probum de magnanimo illo Voto timeatur. Contra, si quæ hætenus ego congesti, ut evincam, imprudens, temerarium, minimeque ferendum esse ejusmodi Votum, solida sunt ac vera: nemo sit inter Theologiæ peritos, qui *Superfitionis* non dicam lineamenta, sed vitium ipsum in eo non deprehendat. Quid enim aliud est *Superfinitio* docente Doctore Angelico 2. 2. Quæst. 92. Art. 1. nisi *Vitium Religionis oppositum secundum Excessum; non quia plus exhibet in cultum divinum quam vera Religio, sed quia exhibet cultum divinum vel cui non debet, vel eo modo, quo non debet?* Propterea a Theologis *Cultus Dei inordinatus aut superfluous*, qui & in se complectitur

Cul-

Cultum inordinatum five superfluum Sanctorum, inter species *superftitionis* concordi voto enumeratur. Atque utinam Theologi ipfi, qui in reliquis Superftitionis species longa inquisitione invehuntur, hanc etiam diligentius excolerent, & luculentius Catechismi Catholici miniftris explicarent. Eft sane major, quam prima fronte videatur, amplitudo hujufce quoque provincię, multumque a re foret Reipublicę Chriftianę, non negligi, immo accuratius pertractari & illud argumentum. Quum enim eximia pars Religionis fit *Cultus Dei*, atque Sanctorum, copiofaque turma actuum, quibus Chrifti Fideles fuum obfequium ac amorem omnipotenti Deo, ejufque beatis fervis prodere poffunt, latiffimus heic campus fe fe aperit Theologorum judicio, ut discernant, quid ibi laudandum, quidve culpandum, hoc eft quid Deo placeat, five difpliceat. Et quidem miratus fum, quare infalutatum pœne argumentum hoc dimiferit Johannes Baptifta Thiercius, Doctor Gallicus, qui Tractatum de *Superftitionibus* Anno 1679. Parifiis edidit, fœdis vanarum obfervationum deliriis adeo refertum, ut in duos Tomos excreverit, quos cum utilitate, nefcio & an cum pari voluptate, legas. Nonne & errores indoctę five exorbitantis Pietatis ad *Superftitionem* pertinent, & puritati Sponfę Dei, ideft Ecclefie, officiant, quę tamen proborum omnium, ac præcipue Paftorum munus eft curare, ut immaculata perfiftat cum in Dogmate, tum in facra Difciplina? Profecto nemo neget, quin fummpere conduceret, fi & hæc perversa femina aut numquam nascerentur, aut nata follicito studio evellerentur. Magnum autem difcrimen heic intercedit inter Populum rudem, & Viros Doctos, ad quos cura fpectat alios imbuendi sanctę Religionis doctrina. Si enim in superfluo aut inordinato Cultu Dei, & Sanctorum errore interdum laborat Plebs rudis, illam ignorantia & fimplicitas excufare potest, ita ut nihil peccati, aut fumum culpa venialis in eorum actibus occurrat. Et fi quidem a rectis Ecclefie inftitutis ac fententiis defleant, certe illorum nęvi in arcem Religionis non penetrant; neque enim ex indoctorum opinionibus ac ritibus metienda eft veritas & sanctitas Ecclefie Catholicę, ejufque doctrinę, fed e Catechismis noftreis, & e probatis Ecclefie ipfius Dogmatis.

Alia vero eft doctorum hominum & Theologorum ratio atque conditio. Pofti ifti in ædificationem Ecclefie, fi quando inordinatum aut superfluum Dei & Sanctorum Cultum invehent, quibus iuftis rationibus fe fe apud Deum excufaturi forent, facile non invenirent. Poffent sane & ipfi obtendere bonam voluntatem, piumque affectum in Deum & Sanctos. Sed quid fi cum ifta voluntate & affectu fe

se misceat Zelus præceps, & non secundum scientiam? quid si conjungat se se Superbia, Ambitio, & Novitatis, sive Singularitatis male urens prurigo, aut Avaritia, aut immoderata Curiositas, aut cæca Æmulatio, alique pessimi humanæ mentis afflatus, ut plus sapere, quam alii, plus Pii esse, quam ceteri apud Populum credantur? Et quamvis agatur de *superfluitate in Cultu exteriori, quæ inter Superstitiones numeratur*, attamen uti docuit Cardinalis Cajetanus in 2. 2. Sancti Thomæ Quæst. 93. art. 2. *est communiter Peccatum veniale, nisi contemptus Ecclesiasticæ disciplinæ, aut interioris Cuius adsit. Nec tamen leve habendum est Peccatum hoc, quoniam infra Superstitionis latitudinem continetur, quæ divino opponitur cultui. Omne autem Peccatum in his, quæ Dei sunt, magnum esse constat.* Quid ergo dicendum ac metuendum de iis, qui novas in Religionis doctrina excogitant, ac deprædicant Opiniones, a Revelatione Dei omnino pendentes, præter, & quod longe gravius est, contra Patrum, totiusque antiquitatis Traditionem atque sententiam? Curiositatem & Singularitatis amorem in hisce Novatoribus præsertim offendas, cujus vitii signa describit ac temeritatem multis redarguit Gersonius in *Lectione contra vanam Curiositatem* Tom. I. pag. 93. inter cetera scribens: *Constat, quod doctrina Fidei, quamvis Philosophiam superet, habet terminos suos prædefinitos in sacris Literis nobis revelatis, ultra quos nihil audendum est. Igitur si conjecturis & ratiunculis humanis ultra progredi quisquam Theologizans præsumpserit, quidni protinus turpiter seducatur, ut seducas insequentes? Deficiente enim non sufficiente scala Scripturarum, qualis altera comparabitur scala ad altiorem de Deo cognitionem attingendam? Conferamus nunc ad divinas voluntates non revelatas nobis cælis, sensum cujusve Theologi, Quantumvis Elevati: nullus dubitaverit, quid ad illas cæcior sit, quam cæcus ad colores. Propterea si de aliis istis, & non revelatis veritatibus voluerit hujusmodi Theologus judicare; aut præsumptione raptas, aut pudore oppressas, si non ad omnia quæ sita sibi responderit, quis non videat quam profundam sibi aliisque erroris abyssum paraverit? Addit etiam (quod utinam nonnulli in penetralia cordis recondere): *Quanto securiori humilitate responderem in multis, Nescio: Deus scit, & cui Deus voluerit revelare?* In subsequenti etiam Epistola paria tradit, inquit: *Quanto consultius erat ut bene inventis, quam dum quærantur invenienda, nec illa asserre, quin etiam subvertere bene jam inventa? Sufficiat interim mihi, meique similibus, sobria in humilitate uti bene inventis. Abscedat omnis pomposa super insolitis arrogantia, ne multiplicemus loqui sublimia gloriantes. Sequamur tritum iter commodius plane, & ab errorum scandalorumque disjuncti.**

discrimine remotius. Tot habemus Sapientiæ salutaris fontes vivos; ne quas, cisternas dissipatas fodiendo, nos casso, immo stulto, labore fatigemus. Quam postrēmam sententiam adhibuit, ut supra vidimus, etiam Sanctus Pius V. in sua Constitutione de Conceptione Deiparæ. Et ecce quam apposite ad rem nostram Gersonius & Novatores pios, & Novitates Opinionum castigat, atque a Scholis, eoque magis a Populi auribus amotas cupit. Agnoscebat enim vir magnus, facile ex huiusmodi licentia dogmata nimium male sana effluere posse. Et ad *Superstitionem* quod attinet, jam Sanctus Thomas hæc jamdiu nos docuit 2. 2. Quæst. 92. Art. 1. *Superstitio est, quando traditioni humanæ Religionis nomen applicatur.* Utique rectissime. Nam ut monuit Sanctus Augustinus Libro de Ver. Religione Cap. LV. statuenda non est Religio in phantasmatibus nostris. Lutescentius etiam mentem suam expressit idem Angelicus Quæst. 93. ibidem, artic. 2. scribens: *Si quid est præter Dei & Ecclesiæ constitutionem, quæ secundum Augustinum in Epistola 86. pro lege habenda est, totum hoc reputandum Superfluum & Superstitiosum.* Et nos sane parum laudandi, quoties novitatem ubique desiderantes, contemptis aut neglectis solidis Pietatis exercitamentis, nuperas quasdam Devotiunculas quantis possumus nervis promovemus, atque in iis statuimus summam spem gloriæ aut præmii cœlestis.

Age vero ad hæc principia exigamus *Votum Sanguinarium* Parthenotimi nostri, & Cusentinorum. Credere, hoc est Opinari, si-ve persuadere sibi, Virginem sine macula fuisse conceptam, ad Cultum ordinatum Dei ac Virginis merito pertinet, quia sufficientes ac Probabiles rationes humanis ingeniis adsunt, ut huic Opinioni, postposita contraria, adhæreant, ac præcipue laudante illam Ecclesia. Ad eundem quoque Cultum legitimus spectat celebrare Festum Conceptionis *secundum Piam ipsam sententiam*, quum sufficientes rationes Ecclesiæ adsint, ut huic Opinativo cultui suffragium ac favorem præstet: quod & illa quotidie præstat in probandis Festis tot Sanctorum, aut Reliquiis, aut Miraculis, quæ extra Fidei pœmoria sunt, sed jure intra fines Religionis prudentis versantur: Hucusque recte negotium procedit, & nihil agitur præter aut contra mentem, aut consuetudinem Ecclesiæ; atque omnis *Superstitionis metus abest*. Si vero quisquam hosce limites supergressus, vovere etiam audet, se Sanguinem & Vitam daturum propugnandi causa hanc ipsam de Conceptione sententiam: en *Excessum Pietatis*, en *Cultum inordinatum Dei & Mariæ*, & consequenter *Superstitionem*. Quippe negari non potest, quin hoc sit *præter Constitutionem Ecclesiæ*, quum post Annum 1600. inconconsulta eadem Ecclesia,

fia, tum Novitium hoc Votum, tum aliæ periculosa, aut ineptæ, aut temerariæ sententiæ de variis Deiparæ prærogativis emerferint: quæ omnia ignoravit antiquitas, neque Ecclesia umquam probavit. Immo *contra Dei præceptum & constitutionem Ecclesiæ* Votum ejusmodi prodiit. Etenim divina lex prohibet, pretiosum Vitæ nostræ depositum discrimini exponere pro tuendis quibuscvis Opinionibus, quamvis piis; & rursus Ecclesiæ Scotisticam sententiam numquam agnovit, nisi Probabilem & Piam, ac sibi de ejus Veritate judicium reservavit. Atqui voventes adeo Certam, quamquam repugnante Ecclesiâ, illam contendunt, ut non secus ac pro Fidei Articulis, jugulo suo pro illius tutela pugnare instituant. Deformatem hanc & ipsi Ethnici sensere. Certe Cicero Academic. Quæst. Lib. IV. *Sapiens, ajebat, multa Sequitur Probabilia, non comprehensa, neque percepta, neque assensa, sed similia Veri: quæ nisi probet, omnis visa tollatur.* Hæc prudentem Ecclesiæ æconomiam confirmant, admittentis etiam Probabilia in Cultum Dei, illiusque Servorum. At is alibi elegantissime Carpit improvida ingenia, quæ Certitudinem statuunt, ubi minus decet: *Quid enim, inquit, tam temerarium, tamque indignum Sapientis gravitate atque constantia, quam quod non satis exploratè perceptum sit & cognitum, id sine ulla dubitatione defendere?* Graviorem quoque Tullio Scriptorem audi, hoc est Sanctum Augustinum, qui Libro II. Cap. XXXVI. de Peccat. Merit. hæc habet: *Ubi enim de re obscurissima disputatur, non adjuvantibus divinarum Scripturarum certis, clarisque documentis, cohibere se debet humana præsumptio, nihil faciens in partem alteram declinando.* Sed longe gravius, ac plane intolerandum intemperantis Pietatis ac Superstitionis genus est, pro eisdem incertis dubiisque sententiis in tormenta horribilia Mortemque ipsam incurrere: velle. Neque enim Opinio illa intra Speculationis fines amplius continetur, sed in actionem descendit. Agitur heic de metendis hominum Vitis, & quidem temere ac imprudenter, quandoquidem immolandi sunt homines, ut id confirmetur, Verumque ac Certum evincatur, quod tamen Ecclesiâ ipsa adhuc dubium agnoscit. Agitur de Martyribus prorsus novitiis (nam & hoc suis clientibus polliciti sunt pii Novatores) quum tamen pro imaginatione tantum, non vero pro Dogmate Fidei, aut pro certo actu Virtutis, Sanguis effunderetur. En ergo, quos Lirinensis arguebat, quod *Nova quærant, & gestiant aliquid Religioni addere.* Additamentum sane ingentis momenti, & in quod gregis Christiani Pastores intenti sunt oportet, ne invita Ecclesiâ nova Dogmata Fidei invehantur, ne temere Vitam suam perdant Fideles, ne de-

nique

nique humanis Opinionibus idem habeatur honos, atque Articulis Fidei.

Quod fi non ferendum, atque a Superftitione alienum minime eft Sanguinarium Parthenotimi Votum, quamquam pro Opinione probata in Ecclefia Dei conceptum: quid dicendum de altero, quod Cufentinus Populus emiſit, de danda videlicet Vita pro tutela Opinionis non ſolum dubiæ, ſed omnino eliminandæ e Scholis ac mentibus Fidelium? Ad finem propero, ſed non ante manum e tabula tollam, quam profeſſus fuero antiquum meum erga Panormitanos Cives obſequium, pro quorum honore ac tutela hæc me ſcripſiſſe, ii ipſi, ut ſpero, intelligent. Neque ego eos, (quod Parthenotimus fecit) ingenioſa heic peroratione aggrediar, illorum benevolentiam & vota captaturus. Unum tantummodo efflagito: Scilicet animadvertant, quam efficaci ratione illorum conſtantiam in Voto Parthenotimus idem ſibi procurarit: *Profeſſo*, ait pag. 104. *non eſt Saltem Certum, quod Fidei Catholica officiat prædictum Votum ac Juramentum.* Quæ hætenus ego diſſerui, fortassis evicerint, reapse abhorrere a Fide Catholica, atque intolerandum eſſe Votum Sanguinarium ac proinde nefas eſſe pro illo obſervando mori. Attamen arripienda eſt hæc ipſa conſeſſio Theologi noſtri, qui dum nobis dat, *non eſſe Saltem Certum* Voti ſui vitium, tacite ſignificat, juſtam ſaltem cauſſam ſuperelle de ejus honeſtate dubitandi. At hoc unum quis non videat, Prudenti homini ſatis eſſe futurum, ut abſtineat a Voto, ex quo Certus humanæ Vitæ interitus conſequi poſſet, neque Certum eſt, an Deo ac Virgini res grata per illum præſtaretur; immo in Voto complendo dubitandum foret, an Dei præceptis, & doctrinæ Fidei Catholicæ obſiſteretur? Nam quod ſubdit Parthenotimus, inquit: *Ita igitur vobis id ſervare licebit, ut Majores veſtri tradidere.* Quam in rem Canones laudat. *Traditiones præſertim, quæ Fidei non officiunt, ita obſervandæ, ut a majoribus traditæ ſunt, C. Illud Diſt. 12. Quippe in his rebus, de quibus nihil certi ſtatuit divina Scriptura, moſ Populi Dei, & inſtituta Majorum pro lege tuenda ſunt c. 7. diſt. 11. Nemo e doctis Panormitanis eſt, qui quam abſone ab iſto Theologo adferantur hæc, continuo non ſentiat. Agunt Canones ii de Riſibus, ut ſupra innui: Agunt de Traditione non paucorum annorum, ſed antiquiſſima, & cujus lateant primordia: Agunt de Conſuetudine, quam non pauci, ſed Populus integer, divina Scriptura & Eccleſia minime repugnante, obſervet, a Majoribus acceptam. At qui Votum Sanguinarium *Dogma* reſpicit; illudque tantummodo ante centum annos patres & avi eorum, qui nunc degunt Panormi, naſci*

nasci primum viderunt, & pauci exceperunt. Accedit, quod famosiæ *Granatenſes Lamine*, aliæque recentes imposturæ ex Hispânicis scriniis depromptæ, fucum tunc fecere Panormitanis, ad omnia Pietatis officia non legnibus, quasi jam adeo Certum evaſſet Conceptionis Virginæ Myſterium, ut pro ejus Veritate tuenda eculei, & atrocia quævis tormenta, & mors ipsa, prudenter & cum laude, immo cum spe Martyrii, tolerari poſſe crederentur. Hæccine ergo *Traditio*, quam sacri Canones commendant? Apage. Immo inventum, ut ita dicam, heri natum; & Romanæ Sedi injurioſum, quæ rem dubiam agnoſcit, ſibi que de illa judicium reſervavit; & pernicioſum Fidei, quum certiffimis ejus Dogmatis Novatores iſti pares faciant Opiniones hominum; denique contrarium divinæ Legi, a qua jubemur non projicere imprudenter ac temere Vitam.

Ceterum quantis poteſt vocibus pergat Theologus noſter revocare in mentem conterraneis ſuis *Pietatem ac Prudentiam Majorum in ſuſcipiendo id genus Voto*. Ubi illi recogitent, quibus machinis ad hujusmodi Votum pertracti fuerint Majores ſui, & quid Romanus Pontifex poſtea de Granatenſibus Laminis decreverit, & quid factum de ceteris commentis, quibus larvam poſterior ætas detraxit: hercle nullus dubito, quin aliter agendum rati, non minori *Pietate*, majori autem *Prudentia* a Sanguinario Voto recedant. Plaudo & ego cuicumque, Panormitanos Cives hortanti, ut Pietate cum Majoribus certent, dum tamen Pietas prudens ac ſolida ſit, non imaginaria, non in exceſſus improvide rapta. Si vera ſunt, ſi ſolida ſunt, quæ hæcenus adverſus Votum Sanguinariuſ diſſerui, jam Panormitanos non ego, ſed Apoſtolus his demum verbis Ephes. V. verſ. 17. alloquitur: *Nolite fieri Imprudentes, ſed intelligentes, quæ ſit Voluntas Dei*. Et quoniam de re tanti momenti, qualis eſt pretioſiſſima hominum Vita, in Panormitano Voto atque in Cuſentino agitur: nemo quidem fallatur, Voluntatem eſſe Dei ſibi perſuadens, ut Vita ſervetur, in ſolidæ Virtutis ac Pietatis officiis exercitanda: quum ipſe Deus aperte præceperit, ne rem tantam ſui juris nos arbitrio noſtro abiciamus. Contra judicio meo fallitur, & ſaltem judicio omnium falli poſſit, qui minime certus, an gratum Deo ſacrificiuſ offerat, & an Eccleſia ferale hoc Votum probet, aut ſit umquam probatura, in mortem certam ſub ſpecie Pietatis ruat. Certetur proinde voce & calamo pro tuenda Sententia favente Immaculatæ Conceptioni Virginis: at Vitæ hominum parcatuſ, dum Quæſtionem hanc dirimat Apoſtolica Sedes, mentis ac Voluntatis Dei legitima interpres, cujus correptioni interim hæc omnia mea demiſſe ſubjecta volo.

F I N I S.

2

2.4.18

005664529

Digitized by Google



ML

